

Գիրքը լուսապատճենահանվել է  
"Համահայկական Էլ. Գրադարան"

կայքի՝ [www.freebooks.do.am](http://www.freebooks.do.am)

կողմից եւ ներկայացվում է իր

այցելուների ուշադրությանը:

The book created by "PanArmenian E. Library"



Գիրքը կարող է

օգտագործվել միայն ընթերցանության համար...

For more info: [www.freebooks.do.am](http://www.freebooks.do.am)

ԴՈՒՔ ՆՈՒՅՆՊԵՍ ԿԱՐՈՂ ԵՔ ՁԵՐ ՆԵՐԴՐՈՒՄՆ ՈՒՆԵՆԱԼ ԸԱՅԱՏԱՌ  
ԳՐԱԿԱՆՈՒԹՅԱՆ ՏԱՐԱԾՄԱՆ ԳՈՐԾՈՒՄ ԵՎ ԻՆՔՆԵՐ  
ԼՈՒՍԱՊԱՏՃԵՆԱԸԱՆԵԼ ԳՐՔԵՐ:

ԹՎԱՅԻՆ ԳՐՔԵՐԻ ՍՏԵՂԾՄԱՆ ՄԱՆՐԱՄԱՍՆԵՐԸ ԿԱՐՈՂ ԵՔ  
ԻՄԱՆԱԼ "ԸԱՄԱԸԱՅԿԱԿԱՆ ԷԼԵԿՏՐՈՆԱՅԻՆ ԳՐԱԴԱՐԱՆ" ԿԱՅՔԻՑ՝

[www.freebooks.do.am](http://www.freebooks.do.am)

ՇՆՈՐԸԱԿԱԼ ԵՆՔ, ՈՐ ՕԳՏՎՈՒՄ ԵՔ ՄԵՐ ԿԱՅՔԻՑ:

ՑԱՆԿԱՆՈՒՄ ԵՆՔ ԸԱՃԵԼԻ ԸՆԹԵՐՑԱՆՈՒԹՅՈՒՆ:



ԳՐԵՔ ՄԵԶ [freebooks@rambler.ru](mailto:freebooks@rambler.ru)



Վ.Մ. ՎԱՐԴԱՆՅԱՆ, Ա.Պ. ԹԱԴԵՎՈՍՅԱՆ

# ՀԱՅՈՑ ՊԱՏՄՈՒԹՅՈՒՆ

ՀԱՄԱՌՈՏ ՁԵՌՆԱՐԿ

Տպագրվում է «ԱԶՊԱԹ-ՎԵՏԵՐԱՆ» Դատական  
փորձագիտության և հոգեբանության ինստիտուտի  
գիտական խորհրդի որոշմամբ

ՀՏԴ 941(479.25)(07)  
ԳՄԴ 63.3(2Հ)Գ73  
Վ 301

Խմբագիր՝ Ա. Պ. Թադևոսյան  
ՀՀ իրավաբանական գիտությունների  
ակադեմիայի ակադեմիկոս

ՎԱՐԴԱՆՅԱՆ Վ.Մ. (պատմ. գիտութ. դոկտոր-պրոֆեսոր)  
ԹԱԴԵՎՈՍՅԱՆ Ա.Պ. (պատմ. գիտութ. թեկնածու, պրոֆեսոր)  
Վ 301 **ՀԱՅՈՑ ՊԱՏՄՈՒԹՅՈՒՆ: (սկզբից մինչև մեր օրերը):**  
**Համառոտ ձեռնարկ.**— Եր.: Զանգակ-97, 2002.—128 էջ:

«Հայոց պատմություն» Համառոտ ձեռնարկը նախատեսված է  
ուսումնական հաստատությունների ուսանողների համար: Այն կարող է  
օգտակար լինել նաև հանրապետության բուհեր ընդունվել ցանկացողնե-  
րի, Հայ ժողովրդի պատմությամբ հետաքրքրվողների համար:

Վ  $\frac{0503020913}{0003(01)-2002}$  2002

ISBN 99930-2-481-3

ԳՄԴ 63.3(2Հ)Գ73

© Վարդանյան Վ.Մ. 2002  
Թադևոսյան Ա.Պ.  
© «Զանգակ-97» հրատ.



## ՀԱՅԱՍՏԱՆԻ ԲՆԱՇԽԱՐՀԸ

Հայ ժողովրդի բնօրրանը՝ Հայկական լեռնաշխարհը սարահարթերի, լեռների մի ամբողջութուն է, որն ավելի բարձրագիւր է, քան հարեան իրանը և Փոքրասիական երկրները: Այն հյուսիսում և արևմուտքում եզերվում է Պոնտական և Փոքր Կովկասի, արևմուտքում՝ Անտիտավրոս, հարավ-արևելքում՝ Հայկական Տավրոս լեռներով: Հայկական լեռնաշխարհի ամենաբարձր կետը Մեծ Մասիս (Արարատ) լեռն է (5156 մ), որի անվան հետ նույնական է Հայաստանի կենտրոնական նահանգ Այրարատի անունը: Հայաստանի նշանավոր լեռնագագաթներն են՝ Սիփանը (4434 մ), Արագածը (4090 մ), Փոքր Մասիսը (3925 մ), Կապուտջուղը (3906 մ), Բյուրակները (բինգյուլ)՝ 3650 մ բարձրությամբ և այլն: Արարատ լեռից սկսվող Հայկական պար լեռնաշղթան ձգվում է մինչև Արևմտյան Եփրատ գետը, Հայաստանի տարածքը բաժանելով հյուսիսային և հարավային մասերի:

Հայկական լեռնաշխարհից են սկիզբ առնում մի շարք գետեր՝ Եփրատը (որի 2700 կմ երկարության 600 կմ բաժին է ընկնում Հայաստանին), Տիգրիսը (1950 կմ երկարության 540 կմ ձգվում է Հայաստանով), Արաքսը (1072 կմ երկարությամբ) Կուրը, Ճորոխը և այլն: Հայաստանի գետերը (հատկապես Արաքսը) մեծ նշանակութիւն են ունեցել երկրի ոռոգման համակարգում: Հայաստանի առավել խոշոր լճերն են՝ Սևանա (1416 քառակուսի կմ մակերեսով), Վանա (3733 քառակուսի կմ) և Ուրմիա (5775 քառակուսի կմ/լճերը, որոնք նավարկելի են: Երկրի տնտեսության զարգացման համար մեծ նշանակութիւն ունեին Արարատյան, Մուշի, Ալաշկերտի, Երզնկայի, Շիրակի, Խարբերդի դաշտերը: Հայկական լեռնաշխարհի կլիման ցամաքային է, որոշ շրջաններում՝ բարեխառն: Տեղումների անհավասարաչափ բաշխման պատճառով երկրագործության զարգացումը հնարավոր է դարձել արհեստական ոռոգման շնորհիվ: Այդ նպատակով անց են կացվել ջրանցքներ, առուներ:

Հայկական լեռնաշխարհը ընդգրկում էր Մեծ Հայք (310 հազար քառ. կմ) և Փոքր Հայք (մոտ 69 հազար քառ. կմ) կազմավորումները:

## ՀԱՅԿԱԿԱՆ ԼԵՌՆԱՇԽԱՐՀԸ ՆԱԽՆԱԴԱՐՑԱՆ ԺԱՄԱՆԱԿԱՇԵՐՋԱՆՈՒՄ

Հայկական լեռնաշխարհը բնակեցվել է մարդկության պատմության արշալույսին՝ հին քարի դարաշրջանում (պալեոլիթ), որն սկսվել է մեզանից մոտ 1 միլիոն 800 հազար տարի առաջ և շարունակվել է մինչև մ. թ. ա. X հազարամյակ: Հին քարեդարյան բնակատեղեր, քարից, օբսիդիանից, («սասանի եղունգ») կերտած գործիքներ (Հատիչներ) են Հայտնաբերվել Թալինի շրջանի Արտին լեռան լանջին, Արցախի Ազոխ գյուղում, Սասունում և այլուր: Հին քարի դարում Հայկական լեռնաշխարհի բնիկները զբաղվել են բնության պատրաստի բարիքների հավաքչությամբ, բրջային երկրագործությամբ, որսորդությամբ: Վայրի գազաններից պաշտպանվելու, տաքանալու, միս եփելու համար օգտվել են կրակից: Հին քարի դարի վերջում մարդը հնարեց նիզակ, տեղ, պարաստիկ, նետ ու աղեղ: Վտանգից զերծ մնալու համար մարդիկ բնակվում էին քարանձավներում, ծառերի վրա: Բնական և այլ արհավիրքներից պաշտպանվելու նպատակով նրանք միավորվում էին՝ կազմելով տոհմական համայնքներ, ապա ցեղեր և ցեղային միավորումներ՝ իրենց ուրույն լեզվով և հավատալիքներով: Տոհմերի, ցեղերի ձևավորումը տեղի է ունեցել նոր քարի դարաշրջանում (մ. թ. ա. X հազարամյակից մինչև V հազարամյակ): Նոր քարեդարյան բնակավայրեր են հայտնաբերվել Էջմիածնի շրջանում (Վերին Խաթունախ գյուղ), Վանա և Ուրմիա լճերի մոտ, Շենգավիթում (Երևան), Նախիջևանի մոտ և այլուր:

Հայաստանի տարածքը հարուստ է մետաղահանքերով (երկաթ, պղինձ, կապար), ինչը հնարավորություն տվեց պատրաստել մետաղյա գործիքներ, զենքեր բրոնզի դարաշրջանում (մ. թ. ա. IV հազարամյակի վերջ – մ. թ. ա. XIII դար): Շենգավիթում և այլ հնավայրերում գտնվել են բրոնզից ձուլված կացիներ, մանգաղներ, նիզակներ, դաշույններ, և այլն: Սևանա լճի ցամաքած մասում՝ Լճաշենում հայտնաբերվել են երկանիվ և քառանիվ սայլեր: Մետաղամշակման շնորհիվ զարգացան արհեստները՝ ոսկերչությունը, դարբնությունը, զինագործությունը, ինչպես նաև բրուտագործությունը: Մեծամոր գետի ափին հայտնաբերվել են աշխարհի հնագույն մետաղաձուլական արհեստանոցների մնացորդներ: Արհեստագործության և երկրագործության մեջ հույժ կարևոր էր երկաթի գյուտը (մ. թ. ա. XIV–XII դդ.): Բրոնզի դարաշրջանում սկսվեց նախնադարյան համակարգի քայքայումը: Հին նահապետական ընտանեկան համայնքը տեղը զիջեց նստակեցության անցած բնակչության բնատարածքային (գյուղական) համայնքին: Արյունակցական կապերին փոխարինեցին դրացիական, տարածքային առնչությունները:

## ՀԱՅԱՍՏԱՆԸ ՀԻՆ ԵՎ ՄԻՋԻՆ ԴԱՐԵՐՈՒՄ

### ՀԱՅ ԺՈՂՈՎՐԴԻ ԿԱԶՄԱՎՈՐՈՒՄԸ: ՀԱՅԿԱԿԱՆ ՀՆԱԳՈՒՑՆ ՊԵՏԱԿԱՆ ՄԻԱՎՈՐՈՒՄՆԵՐԸ

Հայ ժողովուրդը կազմավորվել է Հայկական լեռնաշխարհում, Հայկական տարրեր ցեղերի, ցեղամիավորումների միաձուլվելու, մեկ ընդհանրությամբ վերածվելու շնորհիվ: Այդ գործընթացը տեղի է երկարատև ժամանակաշրջան և ավարտել մ. թ. ա. VII-VI դդ.: Գիտական-համեմատական լեզվաբանությունն ապացուցել է, որ Հայերը պատկանում են հնդեվրոպական լեզվաընտանիքին, որի մեջ մտնող ժողովուրդները բնակվել են Հնդկաստանից մինչև Եվրոպայի ծայր արևմուտքն ընդգրկող շրջաններում: Նրանք ծագել են միևնույն լեզվով խոսող մեկ միասնական ժողովրդից, որի նախահայրենիքը, այժմյան գիտնականների մի մասի կարծիքով, գտնվել է Հայաստանի և Իրանի տարածքներում: Հայերը բառային փոխառություններ են կատարել ոչ միայն հնդեվրոպական, այլև իրենց հարևան ոչ հնդեվրոպական ժողովուրդներից: Օրինակ մ. թ. ա. V հազարամյակից մինչև մ. թ. ա. II հազարամյակ ընկած ժամանակներում Հարավային Միջագետքում բնակվող շումերների լեզվից Հայերենին են անցել մոտ 200 բառ:

Հայ ժողովրդի ծագման վերաբերյալ գոյություն ունեն մի քանի առասպելներ՝ Հայերեն և այլ լեզուներով: Մովսես Խորենացու «Հայոց պատմություն» գրքում բերված է Հայկի և Բելի առասպելը, որի համաձայն Հայերի նախնի Հայկը ապստամբում է Բաբելոնի տիրակալ Բելի դեմ և հեռանալով Բաբելոնից դեպի Հայկական լեռնաշխարհ, իր գերդաստանով հաստատվում է այնտեղ: Այդ երկիրը Հայկի անունով կոչվում է Հայք, իսկ նրա ժառանգները՝ Հայեր: Հույն մատենագիր Ստրաբոնի (մ. թ. ա. 64-մ. թ. 23 թթ.) «Աշխարհագրություն» երկում տեղ գտած առասպելի համաձայն, Հայերի նախնի Արմենոսը նախապես բնակվում էր Հունաս-



տանի Արճենիոն քաղաքում, ապա Արգոնավորդների Հետ եկավ Կովկաս, բնակութիւն Հաստատեց Հայաստանում, որը նրա անունով կոչվեց Արճենիա: XI դարի վրաց պատմագիր Լեոնտիոս Մոսկելու «Վրաց թագավորների պատմութիւնը» գրքում Հայերը սերած են համարվում Հայկ նահապետից, վրացիները՝ նրա եղբայր Քարթլոսից: Իրական պատմական հիմք ունի Հայկի մասին Խորենացու բերած առասպելը:

Հայ ժողովրդի կազմավորման համար անհրաժեշտ էր, որ Հայկական ցեղերը միավորվեին: Այդ գործում վճռական դեր են խաղացել Հայկական Հնագույն ցեղերն ու ցեղային միութիւնները: Մ. թ. ա. III–I հազարամյակներում Հայկական լեռնաշխարհն ուներ բազմացեղ Հայ բնակչութիւն: Մ. թ. ա. XIV–XII դդ. նրա հարավային և հարավարեւմտյան մասում կային Հայկական զորեղ կազմավորումներ, որոնք կոչվում էին թագավորութիւններ: Դրանցից նշանավոր էր Հայասա պետութիւնը, Կումմախա (Անի–Կամախ) մայրաքաղաքով: Նրան հարեան էր Խեթական թագավորութիւնը (այժմյան Թուրքիայի տարածքում): Խեթերը ևս Հնդեվրոպական ժողովուրդ էին: Նրանց թողած արձանագրութիւններում հիշվում են նաև Հայասները («Հայեր»–ի խեթական ձևը) և Հայերի երկիրը՝ Հայասան (Հայաստանը): Վերջինիս բարձր դիրքի պատճառով խեթերն այն անվանում էին «բարձր երկիր»: Հայասայի արքաները պատերազմում էին Խեթական պետութեան դեմ, դիվանագիտական կապերի մեջ մտնում նրա թագավորների հետ, որոնք երբեմն կարողանում էին ներխուժել Հայասա, կողոպուտի մատնել, ավերել այն, գերեվարել նրա բնակչութիւնը: Մ. թ. ա. XIV դարից Հայասայի արքաները մի շարք հաղթանակներ տարան Խեթական պետութեան դեմ: Հայասան ուներ իր դիցարանը: Մ. թ. ա. 1190 թ. հետո խեթական արձանագրութիւնները ընդհատվում են, ուստի Հայասան այլևս չի հիշատակվում:

Հայասային հարեան էր Հայկական մեկ այլ միավորում՝ Թոգարման, որը հետագայի Հայկական աղբյուրներում հիշվում է «Թորգոմի տուն» անունով: Թորգոմը, ըստ Մովսես Խորենացու, Հայերի նախնի Հայկ նահապետի հայրն էր, հետեաքար, նա Հայերի նախահայրն էր:

Հայկական Նաիրի ցեղային միութիւնը հարեան Ասորեստանի թագավորների մ. թ. ա. XIII դ. թողած սեպագիր արձանագրութիւններում հիշվում է որպես «ընդարձակ, անհնազանդ և անծանոթ երկիր», որն ուներ հետեազորից, հեծելազորից կազմված զորք: Ասորեստանը երբեմն հարձակվում էր Նաիրիի վրա, ավերում այն, մատնում կողոպուտի գերեվարման: Նաիրին միասնական պետութիւն չէր, այլ հիշվում է որպես 23 «թագավորների» (ցեղապետների) միութիւն, որը կազմվել էր Ասորեստանի հարձակումներից պաշտպանվելու համար: Նաիրիի մեջ էր մտնում նաև Բիայնա երկիրը՝ Տուշպա (հետագայում՝ Վան) կենտրոնով:

Ասորեստանյան աղբյուրները հաղորդում են որ մ. թ. ա. XII դ. սկզբին հայկական ցեղերը՝ մուշկերը և ուրումեացիները օգտվելով Ասորեստանի թուլացումից, Հայկական լեռնաշխարհի արևմտյան կողմերից (Հայաստանից) շարժվեցին դեպի արևելք և ազատագրեցին Ասորեստանի ենթակա իրենց ցեղակիցներին՝ Շուբարտու կամ Շուբրիա (Հետագայի Սասունի տարածքում) և Ալզի (Հետագայում Աղձնիք) երկրները և հարևան այլ շրջաններ: Հայկական այս ցեղերը հետզհետե իրենց գերիշխանությանը ենթարկեցին Հայկական լեռնաշխարհի իրենց ցեղակիցներին: Դա արտացոլվել է Մովսես Խորենացու «Հայոց պատմության» մեջ՝ Հայկի և Բելի պատերազմի մասին առասպելում, որը պատմական հիմքով համընկնում է ասորեստանյան աղբյուրների հետ: Ըստ այդ ղրույցի՝ Հայկական լեռնաշխարհում (Հետագայի Հարք, ապա նաև Տարոն գավառներում) հաստատված Հայկի ժառանգները շարժվել են հյուսիս-արևելք և մտնելով Արայի (Արարատյան) դաշտ, այնտեղ հիմնել են Հայոց առաջին մայրաքաղաք Արմավիրը: Այստեղից Հայկի ժառանգները, որոնց Խորենացին անվանում է «Թորգոմի տան սերունդներ», Արամի գլխավորութամբ շարժվել են արևելք, հասել Ատրպատական, ապա Կորդուք, որտեղից նրանք ուղղվել են դեպի արևմուտք, հասնելով Մաժաք (Կեսարիա) քաղաք: Այդպիսով մ. թ. ա. մոտ II հազարամյակի վերջերին նրանք տարածվել են գրեթե ամբողջ Հայկական լեռնաշխարհում, իրենցից կախման մեջ դնելով մյուս հայկական ցեղերին: Այդ գործընթացը հիմքեր է ստեղծել Հայ ժողովրդի կազմավորման ավարտի համար: Պատահական չէ, որ Մովսես Խորենացին «Հայ» անունը առաջացած է համարում Հայկի, իսկ օտարներից Հայերին տրված «Արմեն» անվանումը՝ Արամի անուններից: Հայկն անձնավորում էր Հայաստան-Հայաստանը, իսկ Արամը՝ Ուրումե (Արմե) կազմավորումը, որի անունից է առաջացել Հայերի «Արմեն» ցեղանունը:

Մ. թ. ա. IX դ. Վան քաղաքի շրջանն ընդգրկող Բիափնիլի ցեղային միավորումը ստեղծեց պետություն, որը կոչվեց նրա անունով: Ասորեստանյան արքաների թողած արձանագրություններում այն կոչվում է Ուրարտու ձևով, որն իր մայրաքաղաք Վանի (Տուշպայի) անունով կոչվել է նաև Վանի թագավորություն: Վերջինիս ընդարձակման համար անհրաժեշտ էր, որպեսզի այն հնազանդեցներ իրեն շրջապատող Հայկական ցեղերին ու պետական կազմավորումներին: Դա խիստ դժվարին խնդիր էր, հատկապես Ուրարտուի առաջին թագավոր Արամեի և նրա ժառանգորդների օրոք, երբ հարևան հզոր Ասորեստանի դեմ մղվող պայքարը կլանում էր Ուրարտուի բոլոր ուժերը: Միայն այն ժամանակ, երբ Վանի թագավորությունը նեղեց իր գլխավոր ախոյան Ասորեստանին, այն սկսեց իրար հետևից հնազանդեցնել Հայկական ցեղերին, որոնք ուժեղ դիմադրություն էին ցույց տալիս: Վանի թագավորության նվաճումներն սկսվեցին

Մենուա I-ի (մ. թ. ա. 810–786 թթ.) օրոք և շարունակվեցին մոտ կես դար: Մենուան գրավեց Հայկական ցեղերով բնակեցված՝ Վանա և Ուրմիա լճերի միջև ընկած երկրամասերը, ինչպես նաև Եփրատ գետի աջակողմյան շրջանները, որտեղ նա կառուցել տվել նոր քաղաքներ, բերդեր, պալատներ, տաճարներ, անցկացրեց ջրանցքներ: Վան մայրաքաղաքի մերձակայքում Մենուայի անցկացրած ջրանցքն ուներ 80 կմ երկարություն, 4,5 մետր լայնություն, 1,5 մետր խորություն: Նրանից ճյուղավորվում էին բազմաթիվ ջրանցքներ: Մենուայի անցկացրած ջրանցքն այժմ էլ պահպանվում է (սխալմամբ նրա անցկացումը վերագրվել է Ասորեստանի Շամիրամ թագուհուն):

Մենուայի որդու՝ Արգիշտի I-ի (մ. թ. ա. 786–764 թթ.) օրոք Վանի թագավորության գործերը ներխուժեցին Արարատյան դաշտ, որտեղ մ. թ. ա. 782 թ. Արգիշտին Հիմնադրեց Էրեբունի (Հետագայում՝ Երևան) բերդաքաղաքը, մ. թ. ա. 776 թ. Արգիշտիխինիլի (Արմավիր) քաղաքը: Ապա նոր թագավոր շարունակեց Հայկական ցեղերի ու ցեղային միավորումների հնազանդեցումը: Համառ դիմադրություն ցույց տվին Ալզի (Աղձնիք), Կուլմերի (Սասուն), Ուրմե կամ Արմե (Տարոն) և այլ շրջանների Հայկական ցեղերը: Ամենից կատաղի դիմադրություն ցույց տվողը Ուրմե (Արմե) երկիրն էր, որը բուն Ուրարտուի (Վանա լճի ավազանի) հարևանն էր, ուստի առավել վտանգավոր էր նրա համար: Մենուան, Արգիշտի I-ը, նրա հաջորդ Սարգուր II-ը (մ. թ. ա. 764–735 թթ.) բազմիցս հարձակվեցին Արմեի վրա, ավերեցին այն, գերեզարեցին նրա բնակչությանը, բայց այդ երկիրը մնաց աննվաճ (զուր չէր, որ Հայկական այս քաղաքի ցեղամիավորման անունով օտարները Հայերին անվանեցին արմեններ): Հայասան, Նաիրին, Թոգարման ևս Ուրարտուի վտանգավոր թշնամիներն էին, որոնց նա ջանում էր ծնկի բերել: Սակայն, չնայած կեսդարյա հաջող արշավանքներին, Վանի թագավորությանը չհաջողվեց հնազանդեցնել նրանց: Ավելին՝ Հայկական պետական կազմավորումների դիմադրությունը խիստ թուլացրեց նրան: Մ. թ. ա. VIII դարի կեսից Վանի թագավորության տիրակալները սկսում են պարտություններ կրել Հայկական պետական կազմավորումներից: Մ. թ. ա. 585 թ. Վանի թագավորությունը վերացավ Հյուսիսային Կովկասից Հայկական լեռնաշխարհ խուժած սկյութական քոչվոր ցեղերի, Մարաստանի հարձակումների հետևանքով (փոքր ինչ առաջ, մ. թ. ա. 605 թ. մարերը կործանել էին նաև Ասորեստանը): Դա նպաստավոր պայմաններ ստեղծեց Հայկական միասնական պետության ստեղծման համար: Թեև Վանի թագավորությունը կործանեցին սկյութներն ու մարերը, սակայն նրա տարածքում մ. թ. ա. VI դարի սկզբներին ստեղծվեց ոչ թե այն կործանողների, այլ տեղաբնիկների՝ Հայերի (Երվանդունիների) պետությունը, որը մ. թ. ա. 521 թ. պարսից Աքեմենյան թագավոր Դարեհ I-ի



կողմից Բեհիստուն ժայռի վրա թողած արձանագրութեան մեջ հիշվում է Արմինա անունով (Արմենիայի հին պարսկերեն ձևը): Հայկական միասնական պետութեան ստեղծման ընթացքը անցավ խաղաղ պայմաններում, քանի որ Հայկական լեռնաշխարհում ամենուրեք գերիշխող էին Հայկական ցեղերը: Միասնական Հայկական պետութեան գոյութեան պայմաններում վերջնականապես ավարտվեց Հայ ժողովրդի կազմավորումը:

## ԵՐՎԱՆԴՈՒՆԻՆԵՐԻ ԹԱԳԱՎՈՐՈՒԹՅՈՒՆԸ ՄԵԾ ՀԱՅՔՈՒՄ

Վանի թագավորութեան անկումից հետո մ. թ. ա. մոտ 570 թ. Հայկական լեռնաշխարհի հիմնական մասում՝ Մեծ Հայքում առաջացավ թագավորութիւն՝ Երվանդունիների գլխավորութեամբ: Այդ պետութեան կենտրոնը Արմավիր քաղաքն էր՝ Արարատյան դաշտում: Թագավորութեան սահմանները տարածվում էին Մարաստանից (Ատրպատական) մինչև Փոքր Հայք:

Երվանդունի առաջին թագավորը Երվանդ I Սակավակյացն էր (մ. թ. ա. մոտ 570–560–ական թթ.), որին հիշում են մ. թ. ա. V դարի Հույն պատմագիր Քսենոփոնը և Մովսես Խորենացին: Մարաստանի Աստիագես (Աժդահակ) թագավորի դեմ մղված կռիվում պարտվելով, Երվանդ I-ը ընդունեց նրա գերիշխանութիւնը՝ տալով տարեկան 50 տաղանդ (մոտ 200 Հազար ոսկի) Հարկ և զորք: Բայց Երվանդի որդի Տիգրանը Մարաստանի զորքերի Հրամանատար Կյուրոս Աքեմենյանի օգնութեամբ ապստամբեց և, սպանելով Աժդահակին, ազատագրեց Հայաստանը: Տիգրանն ուներ 40 Հազար Հետեակ և 8 Հազար Հեծյալ զորք: Մ. թ. ա. 550 թ. Մարաստանի թագավորութեան վերացումից հետո Երվանդունիները կախման մեջ ընկան Իրանում գահակալող Աքեմենյան տոհմի արքաներից: Հայերը մի քանի անգամ փորձեցին ապստամբութեամբ թոթափել Աքեմենյաններից ունեցած կախումը: Այս մասին հիշատակվում է Աքեմենյան Դարեհ I արքայի կողմից մ. թ. ա. 521 թ. Բեհիստուն ժայռի վրա թողած արձանագրութեան մեջ: Դարեհի օրոք Իրանը բաժանվեց 20 մարզերի (Հունարեն՝ սատրապութիւններ) որոնցից երկուսը՝ 13-րդը և 18-րդը ընդգրկում էին Հայաստանը: Աքեմենյանների օրոք Երվանդունիները շարունակեցին գերիշխել Հայաստանի մի մասում՝ 13-րդ սատրապութիւնում՝ Վան կենտրոնով: Բայց Երվանդ II-ի օրոք մ. թ. ա. V դ. վերջերից նրանք իշխեցին գրեթե ամբողջ Հայկական լեռնաշխարհում, որպես սատրապներ (կառավարիչներ): Երվանդունիների օրոք Հայաստանը Հարուստ և բարգավաճ երկիր էր՝ զարգացած երկրագործութեամբ, անասնապահութեամբ և

արհեստագործութեամբ, որոնք արդյունք էին բազմադարյան աշխատանքային փորձի և հմտությունների: Հայաստանը առևտրական կապերի մեջ էր Բաբելոնիայի և ուրիշ երկրների հետ: Դրան էապես նպաստեց Դարեհ I-ի հիմնած արքայական ճանապարհը, որի մի հատվածը (մոտ 350 կմ) անցնում էր Հայաստանով:

Մ. թ. ա. 333 թ. Աքեմենյան պետութիւնը կործանվեց Ալեքսանդր Մակեդոնացու կողմից, որի ստեղծած կայսրութիւնը ձգվում էր Հունաստանից մինչև Հնդկաստան, Եգիպտոս: Ալեքսանդրի մահվանից (մ. թ. ա. 323 թ.) հետո նրա, կայսրութիւնը բաժանվեց իր զորապետների միջև: Ասիական երկրները (Փոքր Ասիա, Իրան, Հնդկաստան) անցան զորապետ Սելևկոսի գերիշխանութեան տակ, որի անունով էլ կոչվեց այդ պետութիւնը:

Ալեքսանդր Մակեդոնացու զորքը Հայաստան չմտավ: Երվանդունիները օգտվեցին դրանից և Աքեմենյան թագավորութեան վերացումից հետո, մ. թ. ա. 333 թ. վերականգնեցին իրենց թագավորութիւնը Մեծ Հայքում: Նրանց մի ճյուղը հռչակեց Մոսիքի Հայոց թագավորութիւնը: Մ. թ. ա. 330 թ. անկախ թագավորութիւն ստեղծվեց նաև Փոքր Հայքում: Այս շրջանում հույժ մեծացավ Երվանդունիների մայրաքաղաք Արմավիրի նշանակութիւնը: Աստվածաշնչում Մեծ Հայքի Երվանդունիների պետութիւնը հիշվում է «Արարատյան թագավորութիւն» անունով: Երվանդ III-ի օրոք մ. թ. ա. IV դ. վերջին Հայկական թագավորութեան սահմանները ձգվում էին Եփրատից մինչև Կուր և Տիգրիսից մինչև Պոնտոսի լեռները: Երվանդ III-ը գործուն մասնակցութիւն է ունեցել առաջավոր Ասիայի երկրների քաղաքական կյանքում: Սակայն մ. թ. ա. III դարի սկզբներին Սելևկյան պետութեան դավերի հետևանքով Երվանդունիների թագավորութիւնը մասնատվեց՝ ամփոփվելով Մեծ Հայքի կենտրոնական և արևելյան մասերում:

Արմավիրի մոտից Արաքսի հունի հեռացման հետևանքով Արաքսի և Ախուրյանի միախառնման մոտ Երվանդ IV-ը մ. թ. ա. III դ. վերջին հիմնեց նոր մայրաքաղաք՝ Երվանդաշատը, իսկ փոքր-ինչ հյուսիսում, Ախուրյանի ափին կառուցեց Երվանդակերտ, Բազարան քաղաքները և Երվանդավան (հետագայում Շիրակաշատ) ավանը: Ըստ Մովսես Խորենացու, Երվանդ IV Արմավիրից Երվանդաշատ տեղափոխվեց Հայոց Հեթանոսական աստվածների արձանները և քրմապետ նշանակեց իր եղբայր Երվազին: Բազարանի մերձակայքում Երվանդը տնկել տվեց «Մննդոց» անունով անտառը:

Մ. թ. ա. IV դ. վերջից Հայաստանում տարածվեց հելլենիստական մշակույթը, որը հունական (հելլենական) և Արևելքի ժողովուրդների մշակույթների փոխհարստացումն էր: Երվանդունիների արքայական դիվանի (գրասենյակի) գործերը վարում էին հունարեն լեզվով: Երվանդունիները

օժանդակում էին հելլենիստական մշակույթի արմատավորմանը Մեծ Հայքում և Ծոփքում: Սակայն Սելևկյան պետութւյան թագավոր Անտիոքոս Մեծը մ. թ. ա. 201 թ. պարտութւյան մատնեց Մեծ Հայքի և Ծոփքի երվանդունիներին և Մեծ Հայքում կառավարիչ նշանակեց Արտաշեսին, իսկ Ծոփքում՝ Ջարեհին: Արտաշեսի հրամանով երվանդաշատում մ. թ. ա. 201 թվին սպանվեց երվանդ IV-ը, որով և վերացավ մոտ 370 տարի դոյառեաժ երվանդունիների Հայոց թագավորութւյունը:

## ՀԱՅԱՍՏԱՆԻ ՄԻԱՍՆԱԿԱՆ ԹԱԳԱՎՈՐՈՒԹՅԱՆ ՍՏԵՂԾՈՒՄԸ ԱՐՏԱՇԵՍ ԻՒ ԿՈՂՄԻՑ

Հայաստանը երկար չմնաց Սելևկյանների գերիշխանութւյան տակ: Մ. թ. ա. 190 թ. Փոքր Ասիա ներխուժած հռոմեացիները Մագնեսիա քաղաքի մոտ պարտութւյան մատնեցին Սելևկյաններին, որոնք կորցրեցին գրեթե ամբողջ Փոքր Ասիան: Հայաստանի կառավարիչներ Արտաշեսն ու Ջարեհը հակվեցին Հռոմի կողմը և Հայաստանը հռչակեցին անկախ: Արտաշեսը դարձավ Մեծ Հայքի, Ջարեհը՝ Ծոփքի թագավոր: Արտաշես I-ի ժամանակ (մ. թ. ա. 189-մոտ 160) հայկական բոլոր երկրամասերը, բացի Ծոփք նահանգից, միավորվեցին Մեծ Հայքի թագավորութւյան մեջ: Իր պետութւյունը ամրապնդելու, հզորացնելու նպատակով Արտաշեսն անցկացրեց բարեփոխութւյուններ: Նա Հայաստանը բաժանեց 120 վարչական միավորների: Զինված ուժերը կազմակերպեց ելնելով երկրի չորս կողմերը ապահով դարձնելու նկատառումներից: Երկրի սահմանային նահանգներում հիմնեց չորս զինվորական իշխանութւյուններ՝ բղեշխութւյուններ (Աղձնիքում, Կորդուքում նոր Շիրականում (Պարսկահայք) և Գուգարքում): Ըստ Մովսես Խորենացու՝ Արտաշեսը կարգավորեց գետերի, լճերի վրա կատարվող նավագնացութւյունը, հոգ տարավ դիտութւյունների ու արվեստների զարգացման մասին: Նա կազմակերպեց նաև արքունի գործակալութւյուններ՝ սպարապետութւյուն, հազարապետութւյուն, թագադիր իշխանութւյուն և այլն: Երկրում վճռական դեր ուներ նաև քրմապետը:

Մ. թ. ա. 185 թ. Արտաշեսն իր պետութւյան սրտում՝ Այրարատում, Արաքսի ձախ ափին հիմնեց նոր մայրաքաղաք (Երվանդաշատից հետո), որը կոչեց իր անունով՝ Արտաշատ («Արտաշեսի ուրախութւյուն»): Քաղաքը երեք կողմից շրջապատված էր Արաքս և Մեծամոր գետերով, չորրորդ կողմից՝ ջրով լցված խրամափոսով: Քաղաքը պաշտպանում էին նաև հզոր բերդապարիսպները: Արտաշատը դարձավ արհեստագործութւյան և միջազգային (տարանցիկ) առևտրի խոշորագույն կենտրոն, որը Հայտնի էր նաև Եվրոպայում:



Արտաշեսի անցկացրած Հողային բարեփոխութեամբ որոշվեցին գյուղերի, ինչպես նաև առանձին Հողաբաժինների սահմանները, որոնց վրա կանգնեցվեցին սահմանաքարեր (պահպանվել են դրանցից մի քանիսը): Իր կյանքի վերջին տարիներին Արտաշես I-ը կռիվներ մղեց Հյուսիսային Կովկասից Հայաստան ներխուժած ցեղերի՝ ալանների (այժմյան օսերի նախնիները), ինչպես նաև Սելևկյան պետութեան դեմ՝ ապահովելով իր թագավորութեան անվտանգութեանը:

Արտաշեսի մահվանից հետո գահակալեցին նախ նրա ավագ որդի Արտավազդ I-ը, ապա կրտսեր որդին՝ Տիգրան (Տիրան) I-ը, որը պատերազմեց Պարթևական թագավորութեան՝ Իրանի դեմ: Սակայն պատերազմը անհաջող ելք ունեցավ Հայաստանի համար, ուստի Տիգրան I-ն իր անդրանիկ որդի Տիգրանին պատանդ թողեց պարթևների արքունիքում:

## ՀԱՅԱՍՏԱՆԻ ՀԶՈՐԱՑՈՒՄԸ ՏԻԳՐԱՆ ՄԵԾԻ ԺԱՄԱՆԱԿ

Մ. թ. ա. 95 թ. 45—ամյա Տիգրանն ազատվեց տասնամյա պատանդութունից, Իրանում թագավորող պարթև Արշակունիներին զիջելով Իրանի սահմանադրի Հայկական 70 հովիտներ և բազմեց Հայոց գահին: Այդ ժամանակ Արևմուտքում՝ Փոքր Ասիայում հաստատված Հռոմեական զորազնդերը սպառնալիք էին թե՛ Հայաստանի և թե՛ Հարևան պետութեանների համար: Այդ սպառնալիքին դիմադրելու նպատակով մ. թ. ա. 93 թ. Տիգրան Մեծը դաշինք կնքեց Հարևան Պոնտոսի թագավոր Միհրդատ VI-ի հետ: Դաշինքն ամրապնդվեց Միհրդատի դստեր՝ Կլեոպատրայի հետ Տիգրանի ամուսնութեամբ: Նույն թվին Տիգրանը Հայաստանին միացրեց Ծոփքը՝ վերացնելով նրա թագավորութեանը: Փոքր Հայքը Հնարավոր չեղավ միավորել Հայաստանի հետ, քանի որ այն արդեն միացվել էր Պոնտոսին: Մ. թ. ա. 87 թ. Տիգրանը արշավեց Պարթևստան և գրավեց Ատրպատականը: Ահաբեկված պարթև Արշակունի թագավորը հրաժարվեց «արքայից արքա» տիտղոսից, հօգուտ Տիգրան Մեծի:

Հայաստանի անվտանգութեանը Հարավից ապահովելու նպատակով Տիգրանը իրար ետևից գրավեց Սելևկյանների ազդեցութեան ոլորտում գտնվող երկրները՝ Ադիաբենեն (հին Ասորեստանի տարածքում), Միդդոնիան (Արվաստան)՝ Մծբին կենտրոնով, Օսրոնենեն՝ Եդեսիա (Ուռհա) մայրաքաղաքով: Այս երկրներում կար հոծ Հայ բնակչութեան: Մ. թ. ա. 83 թ. Տիգրանը թուլացած Սելևկյաններից գրավեց Ասորիքը (Սիրիա) վերացնելով նրանց թագավորութեանը: Սելևկյանների մայրաքաղաք Անտիոքը Տիգրանը դարձրեց իր երկրորդ մայրաքաղաքը: Ապա նա գրավեց

Սելեկյանների մյուս տիրույթները՝ Փյունիկիան (այժմյան Լիբանանը), դաշտային Կիլիկիան, ինչպես և սրա հարևան Կոմմադենների թագավորութ-  
յան տարածքը (այստեղ ևս կար մեծաթիվ հայ բնակչություն), կախման  
մեջ դրեց Հրեաստանի թագավորությունը: Հայաստանի սահմանները հա-  
սան Միջերկրական ծով: Սակայն Տիգրանը չհասցրեց այդտեղ սեփական  
նավատորմ ստեղծել: Նվաճված երկրների մոտ կես միլիոն բնակիչներ վե-  
րաբնակեցվեցին Հայաստանում: Տիգրան Մեծը իր նվաճած երկրներին և  
նրանց քաղաքներին շնորհեց ինքնավար իրավունքներ:

Մ. թ. ա. 80-ական թթ. վերջերին Տիգրան Մեծը իր բազմազգ և ընդար-  
ձակ թագավորության կենտրոնում՝ Հայաստանի Աղձնիք նահանգում  
հիմնեց նոր մայրաքաղաք, որը կոչվեց իր անունով, Տիգրանակերտ: Այն  
մոտ հարյուր հազար բնակչությամբ Հոյակառույց և հարուստ քաղաք էր՝  
հզոր միջնաբերդով, 25 մետր բարձրություն ունեցող լայնանիստ պա-  
րիսպներով:

Տիգրան Մեծի օրոք Հայաստանում ավելի տարածվեց Հելլենիզմը,  
որին էապես նպաստեց նաև այն, որ Հայաստանի պետական, պաշտոնա-  
կան լեզուն հունարենն էր: Արտաշատում, Տիգրանակերտում հիմնվեցին  
թատրոններ, ուր բեմադրվում էին հին հունական և Տիգրանի ավագ որ-  
դու՝ Արտավազգի (հոր հաջորդի) գրած ողբերգությունները: Մ. թ. ա. 88  
թ. Հայաստանի դաշնակից Պոնտոսը ներքաշվեց Հզորագոր Հռոմի դեմ  
երկարատև պատերազմի մեջ, որն անհաջող վերջացավ Պոնտոսի համար:  
Պարտված Միհրդատ VI-ն ստիպված փախավ Հայաստան: Հռոմեական  
զորապետ Լուկուլլոսը Տիգրանից պահանջեց հանձնել Միհրդատին, բայց  
մերժում ստացավ:

Հռոմեա-պոնտական պատերազմների ժամանակ Տիգրան Մեծը չեզոք  
մնաց: Սակայն Պոնտոսի դեմ տարած հաղթանակից հզիպացած Լուկուլլո-  
սը մ. թ. ա. 69 թ. դարնանը առանց պատերազմ հայտարարելու ներխուժեց  
Հայաստան և քաղաքանապես այն գլխատելու համար սրընթաց շարժվեց  
դեպի Տիգրանակերտ, որի կայազորը վեց ամիս հերոսաբար դիմադրեց  
թշնամուն, մինչև որ տեղ հասավ Հայոց ութսուն հազարանոց բանակը՝  
Տիգրան Մեծի գլխավորությամբ: Մ. թ. ա. 69 թ. հոկտեմբերի 6-ին տեղի  
ուներեցավ Տիգրանակերտի ճակատամարտը: Քաղաքի օտար բնակիչները  
Հռոմեացիների առջև բացեցին դարպասները, և Լուկուլլոսին հաջողվեց  
հեշտությամբ գրավել այն: Հայերը տվեցին մոտ 5 հազար զոհ: Հայաստա-  
նից անջատվեցին Տիգրանի նվաճած երկրները: Տիգրանը չվհատվեց և շա-  
րունակեց պատերազմը Հռոմեացիների դեմ: Նրան օգնում էին Ատրպա-  
տականը, Իբերիան (Վրաստան) և Աղվանքը: Տիգրանը դեսպաններ ուղար-  
կեց նաև պարթևների արքայի մոտ և ապահովեց նրա չեզոքությունը:  
Տիգրանին հաջողվեց կազմակերպվել մարտերում կոփված հարյուր հա-

զարանոց բանակ և մ. թ. ա. 68 թ. սեպտեմբերին Արածանի դետի ափին ջախջախեց դեպի Արտաշատ շարժվող Լուկուլլոսին. որն ստիպված հեռացավ Հայաստանից: Տիգրանը ետ գրավեց Հռոմեացիների նվաճած այն երկրները, որոնք Հայաստանին էին միացվել մինչև Հռոմեա-Հայկական պատերազմը:

Միհրդատ VI-ը, օգտվելով Տիգրանի Հաջողություններից, ետ գրավեց իր կորցրած տիրույթները և վերստին թագավորեց Պոնտոսում: Տիգրան Մեծին Հաջողվեց վիժեցնել իր դեմ երկու որդիների նյութած դավադրությունը (որդիները գլխատվեցին): Երրորդ որդին՝ Տիգրան կրտսերը, դավադրության անհաջող փորձից հետո փախավ Իրան և կնության առավ պարթևների արքայադստերը, ապա պարթևական զորքով արշավեց Հայաստան՝ Հորից գաՀը խլելու նպատակով, բայց Արտաշատի մոտ պարտվեց Տիգրան Մեծից և փախավ պապի՝ Միհրդատի մոտ, որն օժանդակեց նրան: Ուստի Տիգրան Մեծը խզեց Հարաբերությունները Միհրդատի հետ: Մ. թ. ա. 66 թ. Արևելք եկած Հռոմեական նոր զորապետ Պոմպեոսը Միհրդատ VI-ին Հաղթելուց հետո խուժեց Հայաստան և շարժվեց դեպի Արտաշատ, որտեղ շտապեց կրտսեր Տիգրանը՝ Հույս ունենալով Պոմպեոսի աջակցությամբ Հորից խլել գաՀը: Տիգրան Մեծը ծանր կացության մեջ ընկավ: Հռոմին դիմադրելը դարձավ անհեռանկար, պարտվել էր Պոնտոսը, իսկ Իրանը դաշինք էր կնքել Հռոմի հետ, վերջինիս հետ միանալ էր ջանում Տիգրան կրտսերը: Հայաստանի անկախությունը փրկելու Հույսով Տիգրան Մեծը մեկնեց Պոմպեոսի մոտ, և մ. թ. ա. 66 թ. Արտաշատում կնքվեց Հայ-Հռոմեական դաշինք, որով Հայաստանը Հռչակվեց Հռոմի «բարեկամն ու դաշնակիցը»: Հայաստանից անջատվեցին բոլոր նվաճված երկրամասերը, Տիգրան Մեծի իշխանության տակ մնաց միայն բուն Հայաստանը: Տիգրան կրտսերը թեև Հաստատվեց Մոփքի թագավոր (կռիվների ժամանակ Մոփքը օգնել էր Հռոմեացիներին), բայց երբ ծառայեց Հոր և Պոմպեոսի դեմ, վերջինս գերեց նրան և տարավ Հռոմ: Տիգրան Մեծը վախճանվեց մ. թ. ա. 55 թ. 85 տարեկան հասակում:

Հայաստանի թուլացման հետևանքով Հզորացավ Իրանը: Վերջինիս և Հռոմեական կայսրության միջև ընկած էր Հայաստանը: Այդ երկու Հզոր ախոյանները ամեն կերպ ջանում էին իրենց ազդեցության տակ պահել Հայաստանը և այնտեղ ստեղծել իրենց կողմնակից խմբակցություններ: Հայաստանում ձևավորվեցին Հռոմեասեր և պարթևասեր կուսակցություններ, որոնց միջև ընթացող մրցապայքարը երկար դարեր ալեկոծեց Հայաստանի ներքաղաքական կյանքը՝ ջլատելով նրա ուժերը:



## ՀԱՅԱՍՏԱՆԸ ԱՐՏԱՎԱԶԴԻ ԻԻ ԵՎ ՆՐԱ ՀԱԶՈՐԴՆԵՐԻ ՕՐՈՔ

Տիգրան Մեծին Հաջորդեց որդին՝ Արտավազդ II-ը (մ. թ. ա. 55-34), որի ժամանակ Հայաստանը պահպանեց իր Հզորութիւնը: Բայց նրա վրա ծանրացած էր Հռոմին դաշնակցելու պարտավորութիւնը: Հռոմեական Հանրապետութիւնը շարունակում էր «բարեկամ» և «դաշնակից» Հայաստանի գորուծը պատերազմներում օգտագործելու քաղաքականութիւնը: Հայաստանը պետք է դաշնակցեր Հռոմին, ընդդեմ իր Հարևանների, ինչը Հակասում էր երկրի շահերին: Արտավազդը խելացիորեն Հասկացավ, դնահատեց իրավիճակը և Հրաժարվեց դաշնակցել Հռոմին, Հարևան Իրանի դեմ նրա մղած պատերազմների ընթացքում: Ավելին, երբ մ. թ. ա. 53 թ. Հռոմեական փառամոլ զորապետ Կրասոսը պատերազմեց Իրանի դեմ, Արտավազդը դաշնակցեց պարթևների արքայի Հետ, նրա որդուն կնության տալով իր քրոջը: Այս Հանգամանքը վճռական ազդեցութիւն ունեցավ Հռոմեա-պարթևական պատերազմի ելքի վրա: Մ. թ. ա. 53 թ. մայիսի 6-ին Միջագետքի Խառան քաղաքի մոտ պարթևների զորավար Սուրենը Հեծելազորի Հմուտ զորաշարժերով շրջապատեց և ջախջախեց Կրասոսի 45 Հազարանոց բանակը: Սպանված Կրասոսի գլուխն ուղարկվեց Արտաշատ, որտեղ Հայոց և պարթևների թագավորները դիտում էին Եվրոպիոսի «Բաքոսուհներ» ողբերգութիւնը: Հանդիսատեսների բուռն ցնծության տակ Հույն դերասանը զորապետի գլուխը նետեց բեմահարթակի վրա: Այնուհետև պարթևները Հայոց զորքի աջակցութեամբ գրավեցին Ասորիքը:

Արտավազդ II-ը ջանաց չեզոքութիւն պահպանել մ. թ. ա. 36 թ. պարթևների դեմ Անտոնիոսի գլխավորած Հռոմեական 100 Հազարանոց զորքի արշավանքի ժամանակ, թեև վերջինիս ռազմուղին անցնում էր Հայաստանով: Այս Հանգամանքը Արտավազդին թույլ չտվեց դաշնակցել պարթևների Հետ: Այդուհանդերձ Հռոմեական զորքը պարտութիւն կրեց: Հռոմեական սենատի առջև արդարանալու նպատակով Անտոնիոսը պարտության մեղքը բարդեց Արտավազդի վրա, որին պատժելու Համար մ. թ. ա. 35 թ. արշավեց Հայաստան, Հասավ Արտաշատ, նենգութեամբ գերեց Արտավազդին և նրա ընտանիքին, որոնց տարավ Եգիպտոս, իր սիրուհու՝ Կլեոպատրա թագուհու մոտ: Ալեքսանդրիայում գինվորական Հանդեսի ժամանակ Արտավազդը և իր կինը Հրաժարվեցին գլուխ խոնարհել Կլեոպատրայի առջև, ուստի բանտ նետվեցին (մ. թ. ա. 31 թ. Կլեոպատրան դիտատել տվեց Արտավազդին):

Մ. թ. ա. 30 թ. պարթևների աջակցութեամբ Հայոց թագավոր դարձավ Արտավազդի որդին՝ Արտաշես II-ը (մ. թ. ա. 30-20 թթ.): Արտաշեսի դա-

Հակալուծիչի տարուժումը Հոռոմուժ Հաստատվեց Օկտավիանոսի (Օգոստոսի) միանձնյա իշխանութիւնը, և վերացվեց Հանրապետութիւնը: Հայերը ավելի ևս Հակվեցին դեպի Հարևան պարթևները, որոնք Հանդուրժում էին Հայոց ինքնուրույն պետականութիւնը և բարքերով, սովորութիւններով, կրոնով ավելի մոտ էին Հայերին: Բայց Հոռոմը չէր հրաժարվում Արևելքում Հենարան ունենալու մտքից, ի դեմս «դաշնակից» ու «բարեկամ» Հայաստանի: Նա կազմակերպեց Արտաշես II-ի սպանութիւնը, զորք մտցրեց Հայաստան և Հայոց թագավորի դաճին բազմեցրեց Արտաշես II-ի եղբորը՝ Տիգրան III-ին (մ. թ. ա. 20-8 թթ.), որը երկար ժամանակ պատանդ էր եղել Հոռոմում և դարձավ վերջինիս Հլու գործիքը: Հայ իշխաններն ապստամբեցին և մ. թ. ա. 8 թ. Հայոց թագավոր Հուլիանոսին Տիգրան IV-ին, որն իշխեց քրոջ՝ Էրատոյի Հետ: Բայց մ. թ. 1 թ. Կովկասի լեռնականների դեմ մղած կռիվներում սպանվեց Տիգրան IV-ը: Նույն թվին Էրատոն Հրաժարվեց դաճից:

Այդպիսով մ. թ. 1 թվականին վերացավ Հայոց Արտաշեսյան թագավորութիւնը:

## **ՀԱՅԱՍՏԱՆԻ ՀԱՍԱՐԱԿԱԿԱՆ – ՏՆՏԵՍԱԿԱՆ ԵՎ ՊԵՏԱԿԱՆ ԿԱՐԳԵՐԸ Մ. թ. Ա. VI – I ԴԴ**

Հին Հայաստանի տնտեսութիւնը Հիմքը երկրագործութիւնն էր, որի շնորհիվ էր զարգանում երկրի Հասարակական կյանքը: Հիմնական արտադրողը՝ ազատ գեղջուկ դյուղացին, շինականն էր, որն ապրում էր շենքերում (գյուղերում), որից էլ՝ նրա անվանումը: Հայաստանում աճեցվում էին Հացահատիկային, ձիթատու մշակաբույսեր, խաղողի, պտղատու այգիներ, բանջարեղենի տարբեր տեսակներ: Զարգացած էր նաև անասնապահութիւնը: Հայտնի էին արհեստագործութիւնի տարբեր ճյուղերը՝ մետաղամշակութիւնը, որը գործիքներ էր մատակարարում գյուղատնտեսութիւնը, զենքեր՝ բանակին: Կարևոր արհեստներից էր ոսկերչութիւնը, որի արտադրանքը իրացվում էր բարձր խալի կողմից: Ոսկե և արծաթե իրեր են գտնվել Գառնիի և Արտաշատի պեղումների ժամանակ: Պղնձագործութիւնը բնագավառի արհեստավորները պատրաստում էին զենքեր, գործիքներ, զարդեղեն, զանազան տեսակի ամանեղեն: Երկրի տնտեսութիւնի մեջ կարևոր նշանակութիւն ունեցող արհեստներից էին նաև բրուտագործութիւնը, ջուլահակութիւնը, կաշվեգործութիւնը, փայտամշակութիւնը, քարագործութիւնը և ապակեգործութիւնը: Արհեստների զարգացումը նպաստեց քաղաքների աճին: Երկրի տնտեսական կյանքում կարևոր էր Հատկապես Արտաշատի դերը որպես միջազգային առևտրական

ուղիների հանգուցակետի: Վերելք ապրեցին Վանը, Արմավիրը, Երվանդաշատը: Արտաշեսյանների օրոք առաջացան նոր քաղաքներ՝ Արտաշատը, Տիգրանակերտը, Ջարեհավանը, Ջարիշատը և այլն: Քաղաքներին կից կային դյուղեր, հողակտորներ, որոնք մշակում էին քաղաքաբնակները: Ուրեմն քաղաքները ոչ միայն արհեստագործության և առևտրի, այլև երկրագործության կենտրոններ էին: Հելլենիստական դարաշրջանում, սկսած մ. թ. ա. IV դ. վերջից, Հայաստանում զարգացավ նաև առևտուրը: Դրան մեծապես նպաստեց այն, որ Հայաստանով էր անցնում Եվրոպայից Արևելք տանող միջազգային առևտրական ուղին, որի միջոցով Հայաստանը կապվեց Հնդկաստանի, Չինաստանի և այլ երկրների հետ՝ միջազգային առևտրին մասնակցելով նաև սեփական արտադրանքով: Երջանառության մեջ էին Տիգրան II-ի և նրա հետնորդների, ինչպես նաև Ծոփքի թագավորների թողարկած արծաթե և պղնձե դրամները:

Հայաստանն իր պետական կառուցվածքով հելլենիստական տիպի պետություն էր: Երկրում գերիշխող էին հողատեր նախարարները: Նահապետական ստրկատիրության պայմաններում մասնատիրական հողերում՝ դաստակերտներում, ագարակներում գործադրվում էր նաև ստրուկների աշխատանքը: Սակայն ստրուկի (որին Հայաստանում կոչում էին «ծառա») դերը չնչին էր, վճռականը ազատ դյուղացու աշխատանքն էր: Ի տարբերություն Հռոմի, որտեղ ստրուկը ոչ թե անձ, այլ իր էր համարվում, Հայաստանում նա դիտվում էր որպես տիրոջ և պետության հանդեպ որոշակի պարտականություններ և իրավունքներ ունեցող անձ, որը նաև կարող էր ունենալ ընտանիք: Բայց Հայ դյուղացին անձնապես ազատ էր, մինչդեռ ստրուկը զուրկ էր նման ազատությունից:

Հայոց թագավորն օժտված էր բացարձակ և ոչնչով չսահմանափակվող ժառանգական իշխանությունով: Նա էր երկրի գերագույն կառավարիչը, զորքերի գլխավոր հրամանատարը, նոր օրենքների սահմանողը և գերագույն դատավորը: Նա էր լուծում պատերազմի և խաղաղության հարցերը, հիմնում նոր քաղաքներ: Թագավորից հետո ամենաազդեցիկը երկրի հողերի առաջնորդը՝ քրմապետն էր: Հայաստանը վարչականորեն բաժանված էր նահանգների ու գավառների, որոնք կառավարում էին նախարարական տոհմերը: Արտաշեսյանների օրոք ստեղծվեց մոտ 100 հազարանոց բանակ, որի միջուկը այրուձին՝ հեծելազորն էր: Զորքն ուներ պարսպահար, քարանետ մեքենաներ, մարտակառքեր, զենքերի տարբեր տեսակներ՝ սուր, թուր, նիզակ (փայտյա երկարակոթ սրածայր զենք), ասպար (վահան), տեգ (նիզակի կարճ տեսակը), սակր (կացնաձև զենք), պարսատիկ (քար նետելու ձեռքի զենք) և այլն: Ռազմիկները կրում էին զրահազգեստ և սազավարտ (գլուխն ու ծոծրակը պատող մետաղյա գլխարկ):

## ԱՐՇԱԿՈՒՆԻՆԵՐԻ ԹԱԳԱՎՈՐՈՒԹԵԱՆ ՀԱՍՏԱՏՈՒՄԸ ՀԱՅԱՍՏԱՆՈՒՄ

Արտաշեսյանների անկումից հետո Հայաստանը պահպանում էր Հռոմի Հանդեպ «բարեկամությունն» ու դաշինքը: Հռոմեական պետութ-  
յունն իր դրածո թագավորների միջոցով Հայաստանում հաստատեց գե-  
րիշխանություն, որը Հայ ժողովուրդը չհանդուրժեց՝ վռնդելով Հռոմի կա-  
մակատար թագավորներին: Ստեղծված վիճակից դուրս գալու համար Հայ  
ավագանին գերադասեց դաշնակցել պարթևներին՝ ընդդեմ Հռոմի, որը  
սպառնում էր նաև նրանց: Պարթևները ևս կամենում էին Հայաստանը  
պահել իրենց ազդեցության ոլորտում, որպես զորեղ հակակշիռ ընդդեմ  
հզոր ախոյանի՝ Հռոմի: Հայաստանը համարվում էր Հին աշխարհի երրորդ  
պետությունը (Հռոմից և Իրանից հետո) և էականորեն կարող էր ներգոր-  
ծել Հռոմեա-պարթևական հարաբերությունների վրա: Այն իր ազդեցութ-  
յան տակ գցելու նպատակով պարթև Արշակունիների Վազարշ I թագավո-  
րը 52 թ. իր եղբայր Տրդատին զորքով ուղարկեց Հայաստան՝ Հայ նախա-  
րարների համաձայնությամբ նրան Հռչակելով Հայոց թագավոր: Սակայն  
դա պատերազմի առիթ դարձավ Հռոմի դեմ, որը շարունակում էր Հայաս-  
տանը համարել իր «բարեկամն» ու «դաշնակիցը»: 58 թ. Հռոմեական զոր-  
քերը Կորբուլոնի գլխավորությամբ խուժեցին Հայաստան, գրավեցին և  
ավերեցին Արտաշատը, 60 թ. Հայոց թագավոր կարգեցին Հրեաստանի  
թագավոր Հերովդես I-ի թոռանը՝ Տիգրան VI-ին (60-61 թթ.): Բայց  
Հայ-պարթևական ուժերի ճնշման տակ 62 թ. Հռոմեացիներն ստիպված  
ճանաչեցին Տրդատի թագավորությունը՝ գահընկեց անելով Տիգրան  
VI-ին: Ներոն կայսրը չհանդուրժեց դա և 62 թ. զորք ուղարկեց Հայաս-  
տան: Հռանդեա (Նռանդ) վայրում 63 թ. տեղի ունեցած ճակատամարտում  
Հռոմեական զորքը ծանր պարտություն կրեց, անձնատուր եղավ՝ ծնկա-  
չոք անցնելով Հայ զինվորների նիզակների տակով: Ապա Հայերն ու  
պարթևները դեսպանություն ուղարկեցին Հռոմ, առաջարկելով հաշտութ-  
յուն կնքել և Տրդատին ճանաչել Հայոց թագավոր: Քանի որ Հռոմը պարտ-  
ված կողմ էր, ստիպված ընդունեց առաջարկը, պայմանով, որ Տրդատն  
անձամբ մեկներ Հռոմ և թագն ստանար Ներոնից, որն այդպիսով կամե-  
նում էր վերացնել Հռոմեական զորքի կրած պարտության բացասական  
ազդեցությունը և փրկել իր հեղինակությունը: Այդ նպատակով կայսրը  
64 թ. մեծաթիվ զորքով կրկին Հայաստան ուղարկեց Կորբուլոնին, որը  
պետք է վերացներ խայտառակ պարտության հետևանքները, ձեռք բերեր  
պատվավոր հաշտություն: Այն կնքվեց Հռանդեայում 64 թ.: Այդ հաշտու-  
թյամբ Տրդատը ճանաչվեց Հայոց թագավոր, բայց անձամբ պետք է մեկ-  
ներ Հռոմ՝ Ներոնից թագ ստանալու համար: 66 թ. Տրդատը երեք հազա-



րանոց շքախմբով մեկնեց Հոռոմ և Թագադրվեց կայսեր կողմից, որը նրան պարգևեց մեծ գումար՝ Արտաշատը վերակառուցելու համար: Տրդատն իշխեց մինչև 88 թ.: Նա վերականգնեց Արտաշատը, կառուցեց Գառնիի ամրոցը և հեթանոսական տաճարը: Նրա օրոք հիմնականում վերականգնվեց Մեծ Հայքի տարածքը, ընդմիջտ վերացավ Մոսիքի Թագավորութունը (այն միացվեց Մեծ Հայքին): Հռոմեական զորքը դուրս բերվեց Հայաստանից, որն այդպիսով ձեռք բերեց անկախութուն՝ Տրդատի և Հայ նախարարների գլխավորությամբ: Տրդատը ստեղծեց ուժեղ բանակ, հաստատեց Հայ նախարարների ժառանգական իրավունքները, հաջողությամբ կասեցրեց Հյուսիսի լեռնական ցեղերի (ալանների) հարձակումները:

Տրդատի հաջորդները ձգտում էին վերացնել Իրանից և Հռոմից ունեցած կախումը, իրենց Թագավորութունը դարձնել ժառանգական և ինքնուրույն:

Հոռոմը պահպանում էր Հայաստանի հանդեպ իր հովանավորութունը՝ հաստատելով նրա Թագավորներին: Բայց դա ձևական ընույթ էր կրում, որը չհանդուրժելով Հռոմեական կայսր Տրայանոսը 115 թ. գրավեց Հայաստանը՝ այն հռչակելով Հռոմի մարզ (պրովինցիա): Հայ ժողովուրդը չհանդուրժեց դա, ուստի Տրայանոսի հաջորդները ճանաչեցին Հայաստանի անկախութունը, և 117 թ. Հայոց Թագավոր դարձավ Վաղարշ I-ը (117-140), որը հիմնեց նոր մայրաքաղաք՝ այն կոչելով իր անունով՝ Վաղարշապատ (այժմ Էջմիածին): Իհարկե, Հոռոմը չէր հրաժարվում Հայաստանն իր ազդեցության ոլորտում պահելու մտքից, ուստի 144 թ. Կոմմագենեի երվանդունիների արքայատոհմից Հայոց Թագավոր կարգեց Սոհեմոսին, որը տապալվեց 161 թ. Հայերի ու պարթևների կողմից: Բայց Հոռոմը 164 թ. գորք ուղարկեց Հայաստան, գրավեց այն և Հայոց Թագավորի գահին վերահաստատեց պարթևների կողմից գահընկեց արված իր դրածո Սոհեմոսին: Հոռոմում այնքան մեծ նշանակութուն տվեցին դրան, որ ի պատիվ ձեռք բերված հաղթության, 164 թ. այնտեղ կառուցվեց շքեղակերտ կոթող, որն այժմ էլ պահպանվում է: Կոթողի վրա նշված է, որ այն կանգնեցվել է «Հայերին, պարթևներին և գերմանացիներին հաղթելուց հետո»: Հռոմի կամակատար Սոհեմոսի օրոք մոտ 20 տարի Վաղարշապատում տեղակայված էին Հռոմեական կայսրոսներ, որոնք Հայաստանից դուրս քշվեցին նրա հաջորդի՝ Վաղարշ II-ի ժամանակ՝ 186 թ.:

Վաղարշ II-ը խելացի և շրջահայաց քաղաքականությամբ խաղաղ հարաբերություններ հաստատեց թե՛ Հռոմի, թե՛ պարթևների հետ: Սակայն 224 թ. Պարսկաստանում հաստատվեց Սասանյան տոհմի Թագավորութունը, որը թշնամական քաղաքականութուն էր վարում իր ախոյանների՝ Արշակունիների նկատմամբ: Սասանյանները ձգտում էին վերականգնել Աքեմենյան Իրանի սահմանները, գրավել Փոքր Ասիան, որին արդեն տի-

րում էր Հոռմը: Հայաստանն ընկած էր Սասանյանների առաջխաղացման ճանապարհին: Ուստի հայերը հակվեցին դեպի Հոռմը, որպես մի ուժի, որը կարող էր զսպել Սասանյաններին: Ստեղծված պայմաններում Հոռմը շահագրգռված էր Մեծ Հայաստանի գոյությամբ, մինչդեռ Սասանյանները ցանկանում էին փոքրացնել, թուլացնել և իրենց լիակատար ազդեցության տակ գցել նրան: Սկսած 230-ական թվերից, Հայ Արշակունի թագավորները (Հատկապես Տրդատ II-ը) համառ և անհավասար պայքար էին մղում Սասանյան Իրանի դեմ: Այդ պայքարին Հոռմը չէր կարող միջամտել, քանի որ զբաղված էր արևմուտքում մղվող կռիվներով: Միայն 280-ական թթ. նա եռանդուն կերպով զբաղվեց Արևելքի գործերով և հայերի օգնությամբ վճռական հաղթանակ տարավ Սասանյանների դեմ, որոնք ստիպված եղան 298 թ. Միջագետքի Մծրին քաղաքում Հոռմի հետ կնքել 40-ամյա հաշտության պայմանագիր՝ Տրդատ III Արշակունուն ճանաչելով Հայոց թագավոր (298-330): Տրդատի դահանիստը մնաց Վաղարշապատը: Մեծ Հայքի թագավորությունը ճանաչեց Հոռմի հովանավորությունը:

Տրդատի օրոք, 301 թ. հայերը պաշտոնապես պետական կրոն ընդունեցին քրիստոնեությունը, որն այնտեղ տարածվել էր դեռևս I դ. 40-ական թվականներից, Քրիստոսի աշակերտներ Թադեոսի և Բարդուղիմեոսի կողմից: Բայց հայոց թագավորները և նախարարները մերժում էին այն՝ Հալածելով քրիստոնյաներին: Թադեոս և Բարդուղիմեոս առաքյալների անունով Հայոց եկեղեցին կոչվում է առաքելական: III դ. վերջերին քրիստոնեության տարածման համար Հայաստանում բուռն գործունեություն ծավալեց Գրիգոր Լուսավորիչը, որը 301 թ. դարձավ Հայոց առաջին եպիսկոպոսապետը (կաթողիկոսը): 302 թ. Վաղարշապատում հիմնվեց Հայոց մայր վանքը՝ Էջմիածինը: Քրիստոնեությունը նպաստեց Հայոց թագավորության ամրապնդմանը, երկրի անկախության պահպանմանը, մշակույթի զարգացմանը, ժողովրդի համախմբմանն ու մտավոր զարթոնքին:

## ՀԱՅԱՍՏԱՆԻ ՀԻՆ ՄՇԱԿՈՒՅԹԸ (Մ. թ. Ա. VI-մ. թ. IV ԴԴ)

Երվանդունիների ժամանակ, Հատկապես Հելլենիստական դարաշրջանում, զարգացավ նաև Հայ մշակույթը: Ստեղծվեցին Հայ ժողովրդական առասպելներ, վեպեր, ասքեր, որոնց հիմնական բովանդակությունը Հայ ժողովրդի պայքարն էր անկախության համար: Տարածված էին Հայկի և Բեչի, Արա Գեղեցիկի և Շամիրամի, Տորք Անգեղի մասին առասպելները, որոնք տեղ են գտել Մովսես Խորենացու «Հայոց պատմություն» երկում: Մ. թ. ա. III դարից հետո ստեղծված վեպերում, ասքերում արտացոլված

են պատմական դեպքերի, նշանավոր գործիչների՝ Երվանդի, Տիգրան Երվանդյանի, Արտաշեսի, Տիգրան Մեծի և ուրիշների մասին ավանդութ-  
յունները: Հին Հայերը Հեթանոսներ էին, պաշտում էին մի քանի աստված-  
ների, որոնք մարմնավորում էին ոչ միայն բնության ուժերը, այլև մար-  
դու բանականությունը: ՎաՀագնը անձնավորում էր բնության ուժերը,  
ծնվել էր հողի ու ջրի (ծովի) երկունքից: Նա ոչ միայն կայծակի, այլև  
մարդկային հատկությունների՝ քաջության, ուժի, ռազմի աստվածն էր:  
Հայկական Հեթանոսական աստվածների Հայրն էր Համարվում Արամազ-  
դը՝ երկնքի ու երկրի ստեղծողը, լիություն, արիություն պարգևողը: Հա-  
յաստանում ամենքից առավել պաշտվում էր Անահիտը՝ մայրության,  
պտղաբերության աստվածուհին, Հայ ազգի բարերարը և պահպանը:  
Աստղիկը լույսի, սիրո, գեղեցկության, ինչպես և ջրի դիցուհին էր, որին  
էր նվիրված Վարդավառի տոնը: Միհրը արևի ու կրակի աստվածն էր, Տի-  
րը՝ իմաստության, ուսման, գիտության ու երազահանության: Ամանորը  
Նոր տարվա աստվածն էր: Վանատուրը Հյուրընկալության (օթևան  
(«վան») տվող) աստվածն էր: Նանեն՝ Անահիտի քույրը ողջախոհության,  
մայրության դիցուհին էր և տան օջախի պահպանը: Աստվածներն ունե-  
ին իրենց մեհյանները (կուստները)՝ Հեթանոսական տաճարները:

Տիգրան Մեծի արքունիքում ապաստան էին գտել հույն գրողներ, փի-  
լիսոփաներ: Մ. թ. I-II դդ. Դարանաղի գավառի Անի (Կամախ) բերդաքա-  
ղաքի քուրմ Ողյուժյը գրել է Երվանդի, Արտաշես I-ի պատմությունը,  
իսկ II դ. ասորի մտաբնագիր Մար Աբաս Կատինան՝ Հայոց Հնագույն  
պատմությունը (այս երկու պատմիչների գործերից օգտվել է Մովսես Խո-  
րենացին): Մեկ այլ ասորի մտավորական՝ Բարդաժան Եգեսացին III դ.  
սկզբին եկավ Հայաստան և Հայոց «Մեհենական պատմություն» երկը  
թարգմանեց ասորերենի: Տիգրան Մեծը Արտաշատում և Տիգրանակեր-  
տում Հիմնեց թատրոններ: Ջարգացում ապրեց նաև ճարտարապետութ-  
յունը: Հոյակերտ կոթողներ էին Գառնիի ամրոցն ու Հեթանոսական տա-  
ճարը, որոնք կառուցվել են I դարում, Տրդատ I-ի կողմից:

## ՖԵՆՈՂԱԼԱԿԱՆ ՀԱՐԱԲԵՐՈՒԹՅՈՒՆՆԵՐԻ ՋԱՐԳԱՑՈՒՄԸ ՀԱՅԱՍՏԱՆՈՒՄ (III-IV ԴԱՐԵՐ)

Արշակունիների օրոք՝ IV դ. Հայաստանում ձևավորվում են ֆեոդալա-  
կան (ավատատիրական) Հարաբերությունները: Ֆեոդ (Հայերեն՝ ավատ)  
բառը ծագում է լատիներեն «ֆեոդում» բառից, որն ունի կալվածք,  
ունեցվածք իմաստը: Ֆեոդը այն հողատիրույթն էր, որ թագավորը կամ  
մեծ իշխանը պարգևում էր իր ծառա (վասալ) ֆեոդալին, որպես ծառան-

գական սեփականութիւն: Արտադրութեան Հիմնական միջոցը՝ Հողը, ավատատերերի սեփականութիւնն էր: Հայ Տնտեսականները՝ նախարարները, Համարվում էին ազատ, ի տարբերութիւն անագատների՝ քաղաքի արհեստավորների, առևտրականների և շինականների (գյուղացիների): Վերջիններս անվանվում էին ռամիկ, գեղջուկ: Գյուղացին հողն ստանում էր Փետդալներից՝ ըստ շնչերի: Ազատները զբաղվում էին միայն «ազնիվ»՝ զինվորական ծառայութեամբ Հայոց աշխուժում: Հայաստանում կային Փետդալական Հողատիրութեան երեք ձևեր: Դրանցից ամենաազդեցիկը «Հայրենիք» կոչված Հողատիրութեան էր, որին ազատը տիրում էր ժառանգաբար: Հողատիրութեան մյուս ձևը «սպարգեականքն» էր, որը տրվում էր որպես պարգև ծառայութեան դիմաց: Փողով դնված Հողերը կոչվում էին «քսակագինք» (Հողակալութեան այս ձևը քիչ էր տարածված): Վանքերը, եկեղեցիները նույնպես տիրում էին խոշոր կալվածքների: Տնտեսականների և եկեղեցիների, վանքերի Հողերը մշակում էին շինականները: Քաղաքի և գյուղի ստորին խավերից վերցվում էր ծխահարկ, անասնահարկ, աշխատունակ տղամարդկանցից՝ նաև գլխահարկ: Գյուղացիները եկեղեցուն վճարում էին «տասանորդ» կոչված հարկը և կամավոր նվերներ՝ «պտղնի» և այլն: Ով Հող ուներ, օժտված էր իշխանութեամբ: Ուստի Փետդալ-Հողատերը նաև իրեն ենթակա գավառի իշխանն էր: Ամեն մի խոշոր Հողատիրութեան ինքնուրույն իշխանութիւնն էր և Հաճախ Հակադրվում էր Արշակունի արքունիքին: Յուրաքանչյուր խոշոր Փետդալ (նախարար) արքունիքում ուներ իր տեղը՝ բարձր, ըստ իր դիրքի, որը որոշվում էր թագավորին նրա տված Հեծյալների թվով: Տնտեսականների այդ իրավունքը Հաստատվում էր նախարարների Հատուկ ցուցակով՝ «գահնամակով»: Արքունիքին նախարարների տված աշխուժի թիվը նշված է Հետագայում կազմված «Ջորանամակ» անունով փաստաթղթում (բոլոր նախարարների տված աշխուժի թիվը 84 Հազարի էր Հասնում):

Հայոց Արշակունի թագավորը պետութիւնը կառավարում էր Հատուկ պաշտոնյաների՝ «գործակալների» միջոցով, որոնք պաշտոնը վարում էին ժառանգաբար: Հազարապետութեան գործակալութիւնը Ամատունի տոհմի գլխավորութեամբ տնօրինում էր երկրի Հասարակական, տնտեսական գործերը, Հարկերը, տուրքերը, պետական պարհակները՝ պարտադիր աշխատանքները, որոնք կատարվում էին բերդեր, ճանապարհներ, ջրանցքներ, կամուրջներ կառուցելիս: Սպարապետութեան գործակալութիւնը սպարապետի (Հիմնականում Մամիկոնյան տոհմից) գլխավորութեամբ տնօրինում էր երկրի զինված ուժերը: Մարդպետութեան գործակալութիւնը Մարդպետների գլխավորութեամբ տնօրինում էր արքունի կալվածները, եկամուտները: Մարդպետը նաև Արշակունի թագավորի խորհրդատուն էր: Մաղխագութիւնը (Խորխոռունիներ) գլխավորում էր թագա-



վորի թիկնազորը: Մեծ դատավարութիւնը ունեւ օրենսդիր և դատական իշխանութիւն: Այն գլխավորում էր քրմապետը, 301 թ. Հետո՝ Հայոց կաթողիկոսը: Թագադիր ասպետութիւնը Բագրատունի տոհմի (ավագը կրում էր «ասպետ» տիտղոսը) մենաշնորհն էր: Վերջիններս թագադրում էին Արշակունի Հայոց թագավորին, ունեին նրա գլխին թագ դնելու և արքայական պատվանշանը (ժապավենը) կապելու իրավունք: Կային նաև արքունի այլ պաշտոններ (սենեկապետ, դրոշակակիր, զինակիր և այլն): Պետական զինանշանը (գերբը) արծիվն էր, իսկ դրոշը՝ ծիրանագույն, վրան նախազործված ոսկե արծիվ: Կարևոր հարցերը քննվում էին աշխարհաժողովներում, որոնք 301 թ. Հետո դարձան եկեղեցաժողովներ: Վերջիններս ունեին օրենսդրական իշխանութիւն: Մշակված օրենքները՝ եկեղեցական կանոնները շոշափում էին ոչ միայն եկեղեցական, այլև քաղաքացիական և քրեական խնդիրներ:

Փետդալիզմի ձևավորման պայմաններում արհեստների և առևտրի կենտրոնների իրենց դերը պահպանեցին Հայաստանի քաղաքները՝ Արտաշատը, Տիգրանակերտը, Վաղարշապատը, Վանը, Կարինը, Նախիջևանը, Զարեհավանը և այլն: Քաղաքներն ունեին տարատեսակ բնակչութիւն: Նրանցում բնակվում էին արհեստավորներ, առևտրականներ, եկեղեցականներ, ինչպես նաև ֆետդալներ:

## **ՊԱՅՔԱՐ ԱՆԿԱԽ ՊԵՏԱԿԱՆՈՒԹԵԱՆ ՊԱՀՊԱՆՄԱՆ ՀԱՄԱՐ**

Տրդատ III-ին հաջորդեց որդին՝ Խոսրով III Կոտակը («կարճահասակ»), որի օրոք Հայաստանը կարճ ժամանակ վայելեց խաղաղութիւն, թագավորը ձեռնամուխ եղավ երկրի բարեկարգմանը: Նա գցել տվեց արհեստական անտառ, որը Գառնիից տարածվելով, Մեծամոր և Ազատ գետերի ափերով հասնում էր մինչև Դվին: Անտառը լցվեց վայրի կենդանիներով, պարսպապատվեց և վերածվեց արքայական որսատեղի (անտառի մի մասը այժմ էլ մնում է Արարատի մարզում): Արաքսի հունը փոխվելու պատճառով Արտաշատի մոտ գոյացած ճահիճները քաղաքի օդը դարձրեցին անառողջ, ուստի Խոսրով III-ը հիմնեց նոր մայրաքաղաք՝ Դվինը, որի օդը նորատունկ անտառի շնորհիվ դարձավ ղովասուն և առողջարար: Դվինը և շրջակա բնակավայրերը ջրով ապահովվելու համար Ազատ գետից անցկացվեց ջրանցք:

Սակայն խաղաղութիւնը երկար չտևեց: 335 թ. պարսից Շապուհ II արքայի դրդմամբ անդրկասպյան քոչվոր ցեղերը՝ մագքուլթները Սանեսան թագավորի գլխավորութեամբ մեծ զորքով հարձակվեցին Հայաստանի

վրա և մեկ տարի այն մատնեցին ավերածության, գերեվարման: Հայոց սպարապետ Վաչե Մամիկոնյանը 336 թ. Օշականի մոտ գլխովին ջախջախեց մազքութներին՝ սպանելով Սանեսանին:

Խոսրովը Վաչե սպարապետի հետ միասին դաժան հաշվեհարդար տեսավ ապստամբ նախարարների հետ՝ բնաջնջելով նրանց (Բզնունիների և Աղճնիքի բղջխի) տոհմերը: Հայաստանի վիճակը ծանրացավ նաև 338 թ. վերսկսած Հռոմեա-պարսկական կռիվների հետևանքով: Պարսից զորքը նույն թվին խուժեց Հայաստան, բայց Վանա լճի ափին, Առեստ ավանում Հայոց զորքը Վաչե Մամիկոնյանի գլխավորութեամբ ջարդեց Շապուհ II-ի բանակը: Մարտերից մեկում զոհվեց Վաչեն:

Հայաստանի ներքաղաքական կյանքը ալեկոծվեց նաև Խոսրովի որդու՝ Տիրանի (338-344) գահակալման տարիներին: Տիրանի դեմ ծառայան Արծրունի և Ռշտունի նախարարական տոհմերը, և Հուսիկ, ապա Դանիել կաթողիկոսները (վերջիններս սպանվեցին արքայի հրամանով, իսկ ապստամբ տոհմերը բնաջնջվեցին): Ի լրումն դրա, 344 թ. վերսկսված պարսկա-Հռոմեական կռիվների ժամանակ պարսից զորքը ներխուժեց Հայաստան, գերեց Տիրանին, որը Շապուհ II-ի հրամանով կուրացվեց: Սակայն 345 թ. Հռոմը հայերի օգնութեամբ հաղթեց պարսիկներին: Կուրացած Տիրանը թեև ազատ արձակվեց, բայց կառավարել չէր կարող, ուստի նրան փոխարինեց որդին՝ Արշակ II-ը (345-368):

Արշակը խելացի և շրջահայաց կերպով ամրապնդեց Հայ-Հռոմեական դաշինքը, որը նշանավորվեց նրա և Հռոմի Կոստանդ կայսեր մեռած եղբոր նշանած Օլիմպիայի ամուսնութեամբ: Որպեսզի նախարարներին իր շուրջը համախմբի, Արշակը վերահաստատեց նրանց ժառանգական իրավունքները:

354 թ. Տարոն գավառի Աշտիշատ ավանում ներսեյ կաթողիկոսը և Արշակ II-ը գումարեցին Հայոց առաջին եկեղեցաժողովը, որը իշխաններին հորդորում էր ծառաներին չնեղել ծանր հարկերով, իսկ հասարակ ժողովրդին պատվիրում էր հնազանդ լինել տերերին: Ժողովը բարձր հոգևորականներին արգելեց ամուսնանալ, որպեսզի նրանց կալվածքները չմասնատվեն ժառանգների կողմից: Արգելվեցին հեթանոսական սովորությունները՝ մեռելների վրա սուգը՝ ինքնախոշտանգմամբ (երեսը ճանկոելով և այլն), պարելով և երաժշտութեամբ, մեռելոտի (լեշ ու արյուն) ուտելը, մերձավորների ամուսնությունը, հարբեցողությունը, բազմակնությունը: Ժողովի որոշմամբ հիմնվեցին վանքեր, բարեգործական հիմնարկներ՝ հիվանդանոցներ ուրկանոցներ (բորոտների տներ), աղքատանոցներ, դպրոցներ, իջևանատներ:

Իր իշխանությունն ամրապնդելու նպատակով Արշակ II-ը Կոգովիտ գավառում առևտրական բանուկ ճանապարհների վրա հիմնեց նոր քա-

դաք, որը կոչեց իր անունով՝ Արշակավան: Այն դառնալու էր Հենարան խոռվարար Ֆեոդալների դեմ: Կարճ ժամանակվա ընթացքում քաղաքը դարձավ բազմամարդ (ուներ մոտ 20 հազար տուն բնակիչ), քանի որ այնտեղ բնակվողներին թագավորը ազատեց հարկերից, ամեն տեսակ հետապնդումներից: Արշակավանում բնակվեցին շատ գյուղացիներ, ինչից դժգոհեցին Ֆեոդալները, որոնք զրկվում էին աշխատող ձեռքերից, եկամուտներից: Ուստի Արշակի բացակայութան ժամանակ նախարարները միացյալ ուժերով մոտ 358 թ. կործանեցին Արշակավանը՝ չխնայելով նրա բնակիչներին: Արշակի հարաբերությունները վատացան նաև ներսես կաթողիկոսի հետ: Դրա սկզբնառիթը Արշակի կողմից իր եղբորորդի Գնելի սպանութունն էր (վերջինիս այրուն՝ Փառանձեմին Արշակը կնության առավ):

361 թ. վերսկսվեց պատերազմը Հռոմի և Պարսկաստանի միջև: Դրա մեջ ներքաշվեց նաև Հայաստանը, որպես Հռոմի դաշնակից: Սակայն Հռոմեացիները պարտվեցին և 363 թ. պարսիկների հետ կնքեցին «ամոթալի» կոչված պայմանագիր, որով Հռոմի Հովիանոս կայսրը պարտավորվեց այլևս չօգնել դաշնակից Հայաստանին: Շապուհ II-ը հարձակվեց Հայաստանի վրա, բայց Վասակ Մամիկոնյանին հաջողվեց ջախջախել Այրարատ խուժած պարսից զորքին: Շապուհ II-ը Արշակի դեմ հանեց Մերուժան Արծրունուն՝ նրան խոստանալով թագ: Բայց դա էլ ցանկալի արդյունք չտվեց: 368 թ. Շապուհը նենգությամբ իր մոտ կանչեց Արշակին և Վասակ սպարապետին, իբր պետական կարևոր հարցեր լուծելու, բայց Արշակին նետեց Անհուշ բերդի բանտը՝ մորթագերծ անելով Վասակին:

Հայաստանը ընկավ ծանր ու օրհասական դրության մեջ: Նախարարները, ժողովուրդը Փառանձեմ թագուհու գլխավորությամբ ամրացան Արտագերս ամրոցում (Արաքսի ափին) և 14 ամիս հերոսաբար դիմադրեցին Շապուհի գերակշիռ ուժերին: Շապուհ II-ը ավերեց Հայաստանի քաղաքները, գերելով բազմահազար բնակիչների: Գերվեց և սպանվեց Փառանձեմ թագուհին:

Դեռևս Արտագերսի պաշարման ժամանակ Փառանձեմը Հռոմի Վաղես կայսրից խնդրել էր Հայաստան ուղարկել Հռոմի կողմերում գտնվող իր որդի Պապին: Արտագերսի անկումից հետո երիտասարդ և եռանդուն Պապը Մուշեղ սպարապետի (Վասակի որդու) հետ համախմբեցին Հայրենասեր ուժերին: Վաղես կայսրը զորք ուղարկեց Հայաստան, Պապին թագավորեցնելու համար: 369 թ. Պապը հռչակվեց Հայոց թագավոր (369–374), ապա երկիրը մաքրեց պարսից զորքից, ետ գրավեց Հայաստանից նվաճված շրջանները:

371 թ. Շապուհ II-ը կայսրից պահանջեց զորքը դուրս հանել Հայաստանից: Մերժում ստանալով՝ նա պարսից զորքը շարժեց Հայաստան, բայց

Նպատ լեռան մոտ, Ձիրավ դաշտում ծանր պարտություն կրեց Հայ-Հոռմեական ուժերից, որոնց գլխավորում էր Մուշեղ սպարապետը:

Պապ թագավորը երկրում անցկացրեց բարեփոխումներ: Վերակազմեց բանակը, որի թվակազմը Հասցվեց 90 հազարի: Ներսես կաթողիկոսի մահվանից (373 թ.) Հետո Պապը վերացրեց Հայոց կաթողիկոսին Կեսարիայում ձեռնադրելու կարգը՝ այն վերապահելով Հայոց թագավորին: Վերացվեցին վանքերի մի մասը և կրոնական այլ Հաստատություններ, որոնք վերածվել էին ծուլների, պորտաբույծների Հանգրվանների: Պապը, Հոգուտ պետության, գրավեց վանական, եկեղեցական ընդարձակ կալվածքների մեծ մասը (7 բաժին Հողատիրույթից եկեղեցուն թողնելով 2-ը): Հոգևորականների թիվը կրճատվեց, թեթևացվեցին եկեղեցուն տրվող Հարկերը: Բարեփոխումների շնորհիվ Հարստացավ պետական գանձարանը, Հզորացավ բանակը, ամրապնդվեց թագավորի իշխանությունը: Պապը ինքնուրույն քաղաքականություն էր վարում. նա բարիգրացիական Հարաբերություններ Հաստատեց Պարսկաստանի Հետ, ինչը Հարուցեց Հոռմեական կայսեր դժգոհությունը: Վերջինիս հրամանով Հայաստանում Հոռմեական զորքի հրամանատար Տերենտիոսը 374 թ. նենգադրժորեն Պապին հրավիրեց Կեսարիա քաղաք ճաշկերույթի և սրախողխող անել տվեց նրան՝ Հարուցելով Հայերի բուռն դժգոհությունը:

## ԱՐՇԱԿՈՒՆՅԱՑ ԹԱԳԱՎՈՐՈՒԹՅԱՆ ԱՆԿՈՒՄԸ

Պապին Հաջորդեց Վարազդատ Արշակունին (374-378), որը մեծացել էր Հոռմում, աչքի ընկել այնտեղ անցկացվող ըմբշամարտերի խաղերում: Հոռմի կողմից նշանակվելով Հայոց թագավոր՝ Վարազդատը չդարձավ նրա հլու կամակատարը, փորձեց անկախ լինել, նույնիսկ Հակվեց պարսից Շապուհ II արքայի կողմը: Այս Հողի վրա սրվեցին Հայոց թագավորի և Մուշեղ սպարապետի Հարաբերությունները:

Մուշեղը կամենում էր բարեկամական կապեր պահպանել Հոռմի Հետ և այդ կերպ ամրապնդել Հայաստանի անվտանգությունը: Վարազդատը և իր կողմնակիցները Մուշեղին մեղադրեցին Պապի սպանության մեջ և ճաշկերույթի ժամանակ գլխատեցին նրան: Սակայն Մուշեղի Հորեղբայրը՝ Մանվել Մամիկոնյանը, 378 թվին ազատվելով պարսից գերությունից, իր շուրջը Համախմբեց Հայոց թագավորից դժգոհ նախարարներին, պարտության մատնեց և Հայաստանից Հեռացրեց Վարազդատին՝ դառնալով երկրի փաստացի կառավարիչը: Մանվելը թագավոր դարձրեց Պապի մահահասակ որդիներ Արշակ III-ին ու Վաղարշակին, ջախջախեց Հայաստան արշաված պարսից զորքին, ապահովեց երկրի խաղաղությունը: Բայց

նրա մահից հետո (384 թ.) Հայ նախարարները հրաժարվեցին Արշակ III-ին թագավոր ճանաչելուց և պարսից արքայից խնդրեցին Հայոց թագավոր նշանակել Խոսրով IV Արշակունուն: Արշակ III-ն ստիպված հեռացավ Հռոմեական տիրապետութեան սահմանները՝ Եկեղյաց գավառ, որն իր տիրույթն էր: Հռոմը փորձեց զորք ուղարկել Հայաստան և Արշակ III-ին վերահաստատել Հայոց թագավոր: Պարսից արքան պատրաստվեց զորքով պաշտպանել Խոսրով IV Արշակունուն իրավունքները: Բայց այս անգամ Հռոմը թույլ էր, ուստի գերադասեց չկռվել դարերից ի վեր կռվախնձոր դարձած Հայաստանի համար, այլ խաղաղությամբ այն բաժանել միմյանց միջև: 387 թ. կատարվեց Հայաստանի առաջին բաժանումը, որի հետևանքով Հայաստանի մեծ մասը (Հռոմեական բաժնից 4 անգամ ավելի) անցավ Պարսկաստանին:

Պարսից բաժնում էին Հայոց մայրաքաղաքները և կաթողիկոսությունը: Հայաստանից անջատվեցին Գուգարք (միացվեց Վրաստանին), Արցախ, Փայտակարան, Ուտիք (տրվեցին Աղվանքին), Աղձնիք, Կործեք և Նոր-Շիրական նահանգները (միացվեցին Իրանին), որպեսզի Հայաստանը մեկընդմիջտ թուլացվի և զրկվի անկախությունը վերականգնելու հնարավորությունից: Այդպիսով Մեծ Հայքը որպես ինքնուրույն և միասնական պետություն հոշոտվեց և դադարեց գոյություն ունենալուց:

387 թ. տենդից վախճանվեց Արշակ III-ը, և Հռոմեական կայսրը իր բաժնում վերացրեց Հայոց թագավորությունը, այնտեղ նշանակելով Հռոմեական կառավարիչ-իշխանների՝ կոմեսների: Պարսից արքան գերադասեց իր բաժնում պահպանել Հայոց թագավորությունը, որպեսզի Հայ նախարարներին սիրաշահի և կտրի հավատակից Հռոմից: Վուամշապուհ Արշակունու (388-414 թթ.) ժամանակ՝ 395 թ. Հռոմեական կայսրությունը մասնատվեց արևմտյան (Հռոմ կենտրոնով) և արևելյան մասերի: Վերջինս կոչվեց Բյուզանդիա՝ իր մայրաքաղաք Բյուզանդիոնի (330 թվականից հետո կոչվել է Կոստանդնուպոլիս) անունով:

Վուամշապուհի մահվանը հաջորդած շրջանում Հայ նախարարների խնդրանքով պարսից Վուամ արքան Հայոց թագավոր նշանակեց Վուամշապուհի 18 ամյա որդուն՝ Արտաշեսին (422-428 թթ.), որն անշրջահայաց կերպով ավելի թուլացրեց կենտրոնական իշխանությունը: Հայ նախարարները պարսից արքայից խնդրեցին գահընկեց անել Արտաշեսին և Հայաստանի կառավարիչ նշանակել պարսիկի: Պարսից արքան սիրով ընդունաց Հայ նախարարներին և նրանց պահանջը օրինական հիմքերի վրա դնելու նպատակով իր մայրաքաղաք Տիզբոնում դատ կազմակերպեց, որտեղ նախարարների պահանջով գահընկեց արվեցին Արտաշեսը և Սահակ կաթողիկոսը: Այդպիսով 428 թ. վերացավ Հայոց Արշակունիների թագավորությունը նաև պարսկական բաժնում, որը վերածվեց պարսկական



մարզի (մարզպանության), պարսիկ մարզպանի գլխավորությամբ: Բայց քանի որ հայ նախարարները պահպանեցին իրենց կալվածքները, ժառանգական իրավունքները, ուստի Հայաստանը չդարձավ պարսկական սովորական մարզերից մեկը և մնաց որպես կիսանկախ երկիր: Հայաստանի առաջին մարզպանը Վեհմիհրչապուհն էր (430–438), որին հաջորդեց Վասակ Սյունեցին (438–451):

## 450–451 ԹՎԱԿԱՆՆԵՐԻ ԺՈՂՈՎՐԴԱԿԱՆ ԱՊՍՏԱՄԲՈՒԹԹՈՒՆԸ ՍԱՍԱՆԹԱՆ ՊԱՐՍԿԱՍՏԱՆԻ ԴԵՄ

Թեև Հայաստանը հարկ և զորք էր տալիս սասանյան արքունիքին, բայց դա չբավարարեց պարսից Հազկերտ II թագավորին, որը կամենում էր Հայաստանը դարձնել Պարսկաստանի մի մասը ոչ միայն քաղաքական, վարչական առումով, այլև կրոնով ու լեզվով: Հայերին ձուլելուն խանգարում էր քրիստոնեական հավատը: Եկեղեցին թուլացնելու նպատակով այն հարկատու դարձվեց, զրկվեց դատական իշխանությունից, որը տրվեց պարսիկ հոգևորականի՝ մոզպետի: Խիստ ծանրացվեցին բնակչության հարկերն ու տուրքերը: 449 թ. Հազկերտը հատուկ նամակով հայ, վրաց և աղվանից նախարարներից պահանջեց հավատափոխ լինել, ընդունել Պարսկաստանի պաշտոնական կրոնը՝ զրադաշտականությունը (կրակապաշտությունը): Հազկերտի պահանջը քննելու նպատակով հայ նախարարները և հոգևորականները Արտաշատում ժողով գումարեցին, որտեղ միակամ մերժեցին հավատափոխ լինելու առաջարկը: Հազկերտն իր մայրաքաղաք Տիզբոն կանչեց հայ նախարարներին, հայերին դավանակից վրաց և աղվանից իշխաններին: 450 թ. Տիզբոն մեկնած հայ նախարարները ստիպված առերես, կեղծ կերպով ընդունեցին պարսից կրոնը և փրկվեցին մահապատժից: Հազկերտը նախարարներին (այդ թվում նաև Հայաստանի մարզպան Վասակ Սյունեցուն և հայոց սպարապետ Վարդան Մամիկոնյանին) 700 մոզբերի հետ ուղարկեց Հայաստան՝ կրակապաշտություն տարածելու: Հասնելով Հայաստանի սիրտը՝ Այրարատ նահանգ, Մաղկոտն գավառի Անգղ գյուղաքաղաքում մոզբերը սկսեցին քանդել եկեղեցիները, հիմնել կրակապաշտական աղոթատեղեր: Բայց Ղևոնդ քահանան և ուրիշ հոգևորականներ իրենց կրակոտ ելույթներով ոտքի հանեցին ժողովրդին, որը ջարդ տվեց մոզբերին: Կեղծուրաց հայ նախարարներն անցան ապստամբած ժողովրդի կողմը: Ապստամբները Այրարատը և մյուս շրջանները մաքրեցին պարսից կայազորներից: Վասակ մարզպանը ապստամբության հաջողությունը տեսնում էր Բյուզանդիայի օգնու-

թյան մեջ: Բայց վերջինս հրաժարվեց Հայերին օգնելուց, քանի որ Պարսկաստանի Հետ կնքված պայմանագրով պարտավորվել էր չմիջամտել Հայաստանի գործերին: Ուստի Վասակը անհեռանկար Համարեց ապստամբությունը և կես ճանապարհից ետ դարձավ, ջանալով սիրաշահել պարսիկներին, որոնց հորդորով աշխատեց ժողովրդին ետ պահել ապստամբությունից: Բայց ապստամբները, Վարդանի գլխավորությամբ, շարունակեցին պայքարը:

Վարդանը զորքով օգնության Հասավ ապստամբ աղվաններին և խաղաղ քաղաքի մոտ Ջարդեց պարսիկ զորքին, ապա վերադարձավ Հայաստան: Վասակն այդ ընթացքում Այրարատից Հեռացրեց Հայոց զորքը և փոխարենը տեղակայեց պարսից կայազորներ: Սակայն Վարդանը ցրեց դրանք, Հալածեց Վասակին և նրա կողմնակիցներին, կազմեց նոր կառավարություն՝ իր գլխավորությամբ: Ժողովուրդը պառակտվեց երկու մասի՝ Վարդանի կողմնակիցների (Վարդանանք) և Վասակի կողմնակիցների:

Հայերին վերջնականապես ծնկի բերելու և բռնի ուժով կրոնափոխ անելու Համար 451 թ. ապրիլին Հազկերտը մեծ (ավելի քան 100 Հազարանոց) զորք ուղարկեց Հայաստան: Վարդանն իր կողմնակից նախարարների զորամասերը (մոտ 60 Հազար) Հավաքեց Արտաշատում, որտեղ զորատեսանցկացրեց, Հայ ռազմիկներին կոչ արեց աներկյուղ մարտի մեկնել, պատվավոր մահը գերադասել անվայել, ստոր կյանքից: Պարսից և Հայոց զորքերը միմյանց Հանդիպեցին Վասպուրականի Արտազ գավառում, Տղմուտ գետի ափին, Ավարայրի դաշտում, որտեղ Հայոց զորքը սովորականի պես բաժանվեց երեք մասի՝ կենտրոնի, աջ և ձախ զորաթևերի: 451 թ. մայիսի 26-ին տեղի ունեցավ Ավարայրի ճակատամարտը: Վարդանը Հայոց այրուձիով դրոճեց պարսից զորքի կենտրոնի վրա, ետ շարտեց նրան՝ մխրճվելով թշնամու զորաշարքերի մեջ: Բայց պարսիկներին Հաջողվեց գերակշռող ուժերով (որոնք ունեին 13 մարտական փիղ) շրջապատել Վարդանին, որը կռվեց մինչև վերջին շունչը և Հերոսաբար զոհվեց: Ավարայրի Հայ նահատակները սրբացվեցին Հայոց եկեղեցու կողմից, որն ամեն տարի փետրվարին նշում է Վարդանանց Հերոսների տոնը:

Ավարայրում պարսից զորքը թանկ վճարեց Հաղթանակի Համար՝ կորցնելով 3544 մարդ (Հայերից զոհվեցին 1036 ռազմիկ): Հօդս ցնդեցին Հայերին կրոնափոխ անելու, Հայաստանը ինքնավարությունից զրկելու ծրագրերը: Պարսից արքունիքը ստիպված եղավ վերականգնել Հայ նախարարների ինքնավար իրավունքները, Հանդուրժել քրիստոնեությունը:

## ՀԱՅԵՐԻ 481-484 ԹԹ. ԱՊՍՏԱՄԲՈՒԹՅՈՒՆԸ

Սակայն վաղանցուկ էր Սասանյան արքաների Հանդուրժող վերաբերմունքը Հայաստանի Հանդեպ: 470-ական թվերին նրանք վերստին որդեգրեցին Հայաստանի ինքնավարութունը վերացնելու, Հայերին Հավատափոխ անելու և ձուլելու քաղաքականությունը: Հայ նախարարների հզորության հիմքը՝ Հողատիրութը, քայքայելու նպատակադրումով պարսից արքունիքը նախարարական տոհմերի կրտսեր անդամներին՝ սեպուհներին արտոնեց Հողեր ժառանգելու իրավունքը: Առաջ քաշվեցին ուրացողներն ու պարսից պաշտոնյաներին քծնողները: Երկրի Հայրենասեր ուժերի իրավունքները ոտնահարվեցին: Ստեղծված պայմաններում Հայերը ջերմորեն արձագանքեցին 481 թ. Վրաստանում պարսիկների դեմ բռնկված ապստամբությանը և Վահան Մամիկոնյանի (Ավարայրի Հերոս Վարդանի եղբոր որդին) գլխավորությամբ ոտքի ելան իրենց ոտնահարված իրավունքները պաշտպանելու: Հայ ապստամբները առաջին հարվածն ուղղեցին Դվինին, որտեղ նստում էր Հայաստանի պարսիկ մարզպանը: Սրբնթաց Հարձակումով Վահանը ջախջախեց Դվինի պարսից զորքին, մարզպանը փախուստով ազատվեց: Ապստամբների դեմ զորք ուղարկվեց, որը 481 թ. Մասիսի ստորոտում, Ակոռի գյուղի մոտ պարտություն կրեց: Ապստամբները կազմեցին կառավարություն՝ Սահակ Բագրատունու գլխավորությամբ, սպարապետ դարձավ Վահանը: 482 թ. պարսից արքան նոր զորք ուղարկեց ապստամբների դեմ: Սակայն Ներսեհապատ գյուղի մոտ (Արտազ գավառում) Վահանը փայլուն հաղթանակ տարավ: Նույն թվին վրաց Վախթանգ I թագավորի խնդրանքով Հայոց զորքը Վահանի և Սահակ Բագրատունու գլխավորությամբ մեկնեց Վրաստան՝ ապստամբներին օգնելու: Բայց վրաց իշխանների մի մասը գործակցում էր պարսիկներին, ուստի Քուի ճակատներում՝ Ճարմանայնի վայրում Հայ-վրացական միացյալ զորքերը պարտվեցին: Մարտում սպանվեցին Սահակ Բագրատունին և ուրիշներ: Վերադառնալով Հայաստան՝ Վահանը 483 թ. դիմադրավեց պարսից զորքի նոր Հարձակմանը, պարտության մատնեց նրան և շարունակեց պարտիզանական կռիվներ մղել պարսիկների դերակշիռ ուժերի դեմ (Հիմնականում Բյուզանդիային սահմանակից իր տիրութ Տայք նահանգում):

484 թ. պարսից զորքը ծանր պարտություն կրեց Միջին Ասիայում Հունական ցեղերի (Հեփթաղների) դեմ մղած կռիվներում, սպանվեց նաև պարսից Պերոզ արքան, որին փոխարինած Վաղարշը փոխեց քաղաքականությունը Հայաստանի նկատմամբ: 484 թ. նվարսակ գյուղում (Հայ-պարսկական սահմանագլխին) կնքված պայմանագրով Հայաստանը պահպանեց իր ներքին ինքնավարությունը, քրիստոնեական Հավատը

ազատ դավանելու իրավունքը, վերականգնվեցին նախարարների ժառանգական իրավունքները: 485 թ. Հայաստանի մարզպան դարձավ Վահան Մամիկոնյանը:

## ՀԱՅԵՐԻ 539 ԵՎ 548 ԹԹ. ԱՊՍՏԱՄԲՈՒԹՅՈՒՆՆԵՐԸ ԲՅՈՒՋԱՆԴԱԿԱՆ ՏԻՐԱՊԵՏՈՒԹՅԱՆ ԴԵՄ

451 թ. Քաղկեդոն քաղաքում (Կ. Պոլսի մոտ) կայացած քրիստոնեական եկեղեցիների 4-րդ տիեզերածոցովում որոշում ընդունվեց Քրիստոսի երկու բնության մասին: Հայոց և Արևելքի մյուս եկեղեցիները չընդունեցին այդ ժողովի որոշումը և պահպանեցին նախկին դավանանքը՝ միաբնակությունը, ըստ որի Քրիստոսն ունի մեկ՝ աստվածային բնություն: Քաղկեդոնի ժողովի որոշումների հետևանքով քրիստոնեական եկեղեցին սառակտվեց: Այդ որոշումների հետևորդները կոչվեցին քաղկեդոնականներ կամ երկաբնակներ, հակառակորդները՝ միաբնակներ: 506 թ. Դվինի եկեղեցածոցովում միաբնակությունը պաշտոնապես ճանաչվեց որպես Հայոց եկեղեցու դավանանք: Բյուզանդական եկեղեցին Հուստինիանոս I կայսեր օրոք (527-565 թթ.) վերջնականապես ընդունեց քաղկեդոնականությունը և հալածանքներ սկսեց Հայոց եկեղեցու դեմ, ջանալով փոխել նրա դավանանքը և զրկել ինքնուրույնությունից:

Հայաստանի Բյուզանդական մասում 528 և 535 թթ. մտցրած օրենքներով վերացվեցին Հայ նախարարների ինքնավար իրավունքները, ծանրացվեցին հարկերը, սաստակացավ դավանական խտրականությունը: Հայերը չհանդուրժեցին և 539 թ. ապստամբեցին, սպանելով Հայաստանի բյուզանդական մասի կառավարչին: Ապստամբների դեմ զորք ուղարկվեց, բայց Հայերը հաղթանակ տարան, սպանելով նաև բյուզանդական զորքերի հրամանատարին:

548 թ. կայսրության մայրաքաղաքում ազդեցիկ Հայ Արշակունիները՝ Արտավանը և Հովհաննեսը մահափորձ ձեռնարկեցին կայսեր դեմ, բայց ձերբակալվեցին և պատժվեցին: Հայերը շարունակեցին ծառանալ կայսրության հայահալած քաղաքականության դեմ, որն ավելի ու ավելի էր զգալ տալիս իրեն: Հատկապես ուժեղացան դավանական հալածանքները: Դրանց հակահարված տալու համար 554 թ. Դվինում հրավիրվեց նոր եկեղեցածոցով, որին մասնակցում էին Հայաստանի բոլոր խավերի ներկայացուցիչները: Ժողովը դատապարտեց Բյուզանդիայի պաշտոնական դավանանքը՝ քաղկեդոնականությունը և ավելի ամրապնդեց Հայոց եկեղեցու դավանական ինքնուրույնությունը:

## 571-572 թթ. ԱՊՍՏԱՄԲՈՒԹՅՈՒՆԸ ՍԱՍԱՆՅԱՆ ՊԱՐՍԿԱՍՏԱՆԻ ԴԵՄ

560-ական թվականներին սասանյան արքաները խստացրին իրենց քաղաքականությունը Հայաստանում. ծանրացվեցին Հարկերը, վերստին փորձեր արվեցին կրոնափոխ անել Հայերին: Հայաստանի պարսիկ մարզպան Սուրենը ավերեց եկեղեցիները, Դվինում Հիմնեց կրակատուն, Հալածեց Հայրենասեր ուժերին: Այդ ամենը լցրեց Հայերի Համբերության բաժակը: 571 թ. Վարդան Մամիկոնյանի («Կարմիր» մականունով) գլխավորությամբ Հայերը ոտքի ելան: Ապստամբներին մեծ օժանդակություն ցույց տվեց Հայոց կաթողիկոս Հովհաննես II-ը: 572 թ. փետրվարին Վարդանը ապստամբների 20 Հազարանոց զորքով ջախջախեց պարսից բանակին, սպանեց Սուրեն մարզպանին: Պարսից թագավորը նոր զորք ուղարկեց ապստամբների դեմ, սակայն այս անգամ ևս Վարդանը Հաղթանակ տարավ: Հայերին օգնում էին բյուզանդացիները: Դա առիթ դարձավ պարսկա-բյուզանդական նոր պատերազմի, որը շարունակվեց 20 տարի: Հայերին օգնում էին նաև դավանակից վրացիները, աղվանները, արխաղները: Հայաստանը խիստ տուժեց պատերազմից: Ստեղծված ծանր պայմաններում Բյուզանդիան շարունակեց դավանական Հալածանքները դաշնակից Հայերի դեմ:

590 թ. պարսից արքայի դեմ վերջինիս զորապետ Վահրամ Չուբինի ապստամբության Հետևանքով Բյուզանդիան տիրացավ Հայաստանի մեծ մասին: 591 թ. կնքված Հաշտությամբ Հայաստանը երկրորդ անգամ բաժանվեց երկու զորեղ Հարևանների միջև: Այս անգամ պարսկական բաժնում մնացին միայն Հայաստանի Սյունիք, Վասպուրական, Մոկք նահանգները և Այրարատի Ոստան. Հայոց գավառը՝ Դվին քաղաքով, որտեղ էր կաթողիկոսարանը: Բյուզանդացիները Հիմնեցին Հակաթոռ՝ քաղկեդոնական կաթողիկոսություն, որի նստավայրը դարձավ Ավան դյուղաքաղաքում կառուցված եկեղեցին (այժմ կիսականգուն): Բայց Հայ ժողովուրդը չընդունեց Հակաթոռ Հովհան կաթողիկոսին, որը ստիպված Հեռացավ Կարին: Մի քանի տարի Հետո VII դ. սկզբին պարսից Խոսրով II արքան վերադարձեց Հայաստանի կորցրած երկրամասերը: Հայ և բյուզանդական եկեղեցիների միջև եղած գավանական տարաձայնությունները դրականապես ազդեցին Հայաստանի, Հայոց եկեղեցու Հանդեպ Սասանյանների վրած քաղաքականության վրա: Խոսրով II-ը որոշ արտոնություններ շնորհեց Հայ նախարարներին և եկեղեցուն:



## ՀԱՅԱՍՏԱՆԸ ԱՐԱՐԱԿԱՆ ՏԻՐԱՊԵՏՈՒԹՅԱՆ ԺԱՄԱՆԱԿ

630-ական թվականներին Արաբական թերակղզու ցեղերը միավորվեցին Մուհամմեդ մարգարեի քարոզչությամբ առաջացած նոր կրոնի՝ իսլամի դրոշի ներքո, ստեղծեցին զորեղ պետություն՝ Արաբական խալիֆայությունը: Նվաճումների միջոցով կարճ ժամանակում այն վերածվեց աշխարհակալ տերության, որի Հարվածների տակ 637 թ. ընկավ նաև Պարսկաստանը: 640 թ. արաբական զորադնդերը առաջին անգամ մտան Հայաստան (Միջագետքից), դրավեցին Դվինը, երկիրը մատնեցին ավարառության, շատերին գերեվարեցին: 643 թ. արաբները երկրորդ անգամ (Ատրպատականից) մտան Հայաստան՝ հասնելով Այրարատ նահանգ: Հայոց սպարապետ Թեոդորոս Ռշտունին պարտության մատնեց արաբական մի զորաջոկատի: Թե՛ այս և թե՛ երրորդ արշավանքի ժամանակ, որ կատարվեց 650 թ., դարձյալ Ատրպատականից, արաբները չհաստատվեցին Հայաստանում: Նրանք միայն Հետախուզական, ավարառուական նպատակներ էին Հետապնդում:

Արաբական զորապետների Հետ Հայ նախարարների կնքած պայմանագրերով վերջիններս պահպանեցին իրենց հողատիրական իրավունքները և իշխանությունը:

652 թ. Թեոդորոս Ռշտունին արաբների Հետ կնքեց պայմանագիր, որով Հայաստանը պարտավորվում էր Հարկ և զորք տալ արաբներին: Փոխարենը նրանք Հայաստանում չպետք է զորք տեղակայեին: Հայ հոգևորականությունը Ներսես III կաթողիկոսի գլխավորությամբ դեմ էր մահմեդական արաբներին մերձենալուն, մինչդեռ Հայ նախարարները, որոնց ձեռքում էր երկրի ռազմուժը և քաղաքական իշխանությունը, կողմ էին արաբների Հետ դաշինքին, քանի որ Բյուզանդիան Հայաստանին չէր օգնում: Բյուզանդիայի կայսրը Հայերից պահանջեց հրաժարվել այդ պայմանագրից: Մերժում ստանալով, նա 100 հազարանոց զորքով արշավեց Հայաստան և հասավ Դվին: Արաբական օժանդակ զորամասի և Հայոց այրուձիի միջոցով Թեոդորոս Ռշտունին բյուզանդացիներից մաքրեց Հայաստանի մեծ մասը:

655 թ. Հայ նախարարներն օգտվեցին Արաբական խալիֆայությունում բռնկված ապստամբությունից, Հայաստանից արաբական զորքերի Հեռացումից և խզեցին կապերը արաբների Հետ: Բյուզանդիայի գլխավորությամբ Հայոց իշխան Հռչակվեց Համազասպ Մամիկոնյանը: Բայց սրա եղբոր՝ Հայոց իշխան Գրիգորի օրոք 660-ական թթ. Հայերը հակվեցին արաբների կողմը:

Արաբները վերջնականապես Հայաստանը նվաճեցին 701 թվականին: Նրանք Հայաստանը, Վրաստանը և Աղվանքը միավորեցին մեկ վարչա-

միավորի մեջ և այն կոչեցին Արմինիա, որի կենտրոնը սկզբում Դվինն էր, ապա նաև Պարտավը: Արմինիան կառավարում էր արաբ ոստիկանը, իսկ բուն Հայաստանը՝ Հայոց իշխանը՝ Հայ նախարարներից: Հայ իշխանները պահպանեցին իրենց կալվածքները, ժառանգական իրավունքները, որոնք սակայն խլվում էին ապստամբության ժամանակ: Որպեսզի Հենարան ստեղծեն Հայաստանում, արաբներն այնտեղ դաղթեցրին մահմեդական ցեղերի՝ ութմանիկներին, կայսիկներին և ուրիշներին: Այս ցեղերը Վանա լճին Հարող գավառներում և այլ երկրամասերում ստեղծեցին իշխանութ-յուններ (ամիրայություններ)՝ մեծապես վտանգելով Հայաստանի քաղաքական միասնությանը, Հայ բնակչության միատարրությանը:

### ԺՈՂՈՎՐԴԱԿԱՆ ԱՊՍՏԱՄԲՈՒԹՅՈՒՆՆԵՐՆ ԱՐԱԲԱԿԱՆ ՏԻՐԱՊԵՏՈՒԹՅԱՆ ԴԵՄ

Արմինիայի առաջին ոստիկանը ծանրացրեց Հայաստանի Հարկերը՝ Հողահարկը և գլխահարկը, ջանաց սահմանափակել Հայ նախարարների իրավունքները: Ի պատասխան նրա դործադրած բռնությունների, 703 թ. Հայ նախարարները սպարապետ Սմբատ Բադրատունու գլխավորությամբ ապստամբեցին և Արաքսի ափին, Վարդանակերտ ավանում (այժմ Արմավիրի մարզի Մարգարա գյուղ) ջարդեցին իրենց դեմ ուղարկված պատժիչ զորամասին: 705 թ. ոստիկանի փոխանորդը դաժան Հաշվեհարդար տեսավ Հայ նախարարների նկատմամբ և խաբուսթյամբ նրանց Հավաքելով Նախիջևանի ու մոտակա խրամ ավանի եկեղեցիներում, մոտ 800 Հոգու ողջակիզեց: Մանր Հարկերի, կրոնական Հալածանքների պատճառով 748 թ. Հայերը վերստին ապստամբեցին՝ Գրիգոր և Մուշեղ Մամիկոնյանների գլխավորությամբ, բայց արաբներին Հաջողվեց ճնշել այդ ապստամբությունը:

Ավելի Հուժկու և Համաժողովրդական բնույթ ունեւ Հայերի 774-775 թվականների ապստամբությունը, որը ևս ուղղված էր խալիֆայության բռնացումների, ծանր Հարկերի և կրոնական Հալածանքների դեմ: Շարժումն սկսվեց Կումայրի ավանից (այժմ Գյումրի), Արտավազը և Մուշեղ Մամիկոնյանների գլխավորությամբ: Ապստամբները մի քանի Հաղթանակներ տարան, որից ոգևորված՝ էլ ավելի մեծ թափով ծավալեցին շարժումը: Սակայն ապստամբների ուժերը դործում էին ոչ միասնաբար: Նրանց մի մասը Հարձակվեց Կարին քաղաքի արաբական զորքերի վրա, իսկ մյուսը՝ Արժրունիների գլխավորությամբ շարժվեց Վանա լճի ափին գտնվող Արճեշ քաղաքի արաբական կայազորի դեմ: 775 թ. ապրիլի 15-ին Արճեշի ճակատամարտում արաբների գերակշռող ուժերը պարտության մատնեցին Հայերին, որոնք կորցրին 1500 մարդ (արաբների կորուստներն

ավելի էին): Հաջորդ Հարվածը արաբները Հասցրին Կարինը պաշարած Հայ ապստամբներին, որոնք լսելով որ արաբների զորքը շարժվում է իրենց դեմ, թողեցին Կարինի պաշարումը և ուղղվեցին այդ զորքի դեմ, որին հանդիպեցին Արածանի գետի ափին, Բագրևանդ դավառում: 775 թ. ապրիլի 24-ին Արձնի գյուղի մոտ տեղի ունեցած ճակատամարտում Հայերը սկզբում ետ շարժեցին արաբական զորամասերին, բայց մեծ Համալրումներ ստանալով, արաբները կարողացան Հաղթանակ տանել: Հայերը կորցրին 3 Հազար հոգի (մեծ մասը շինականներ):

Հայաստանում նոր և հուժկու ապստամբություն բռնկվեց 850 թ., երբ թուլացած խալիֆայությունը ճիգեր էր գործադրում իր նվաճած երկրների, այդ թվում նաև Հայաստանի վրա գերիշխանություն պահպանելու համար: Այդ նպատակով խալիֆան 850 թ. զորքով Հայաստան ուղարկեց Յուսուֆ զորապետին, որը խաբեություն գրեց Հայոց իշխան Բագարատ Բագրատունուն, բռնություններ գործադրեց խաղաղ բնակչության նկատմամբ: Նրա դեմ ոտքի ելան խուժ և Հարևան Սասուն դավառների լեռնցիները՝ խուժեցի Հովնանի գլխավորությամբ: Հայ ապստամբները ջախջախեցին խալիֆայի զորքը՝ սպանելով Յուսուֆին: Սակայն խալիֆան չհրաժարվեց Հայաստանը ծնկի բերելու մտքից և 851 թ. այնտեղ ուղարկեց ազդեցությամբ թուրք Բուղա զորապետին՝ 100 հազարանոց թուրքական վարձկան զորքով: Բուղան դաժանորեն պատժեց ապստամբներին՝ արյամբ ողողելով Հայաստանը, Վրաստանը, Աղվանքը և Հյուսիսային Կովկասը: Նրան հերոսական դիմադրություն ցույց տվեցին Արցախը, Վասպուրականը: Բուղային հաջողվեց ձերբակալել Հայ նախարարների մեծ մասին և աքսորել Արաբիա: Բայց 855 թ. նա ստիպված հեռացավ Հայաստանից, որտեղ շարունակեցին իշխել Հայ նախարարները:

## ՀԱՅԿԱԿԱՆ ՄՇԱԿՈՒՅԹԸ V-VIII ԴԱՐՆՐՈՒՄ

V դարը Հայ մշակույթի պատմության ոսկեդարն է: Մեսրոպ Մաշտոցը հղացավ Հայերեն գրեր ստեղծելու գաղափարը, որին հաղորդակից դարձրեց Վռամչապուհ արքային և Սահակ կաթողիկոսին: Նրանք ըստ ամենայնի օժանդակեցին Մաշտոցին և մի քանի աշակերտների հետ ուղարկեցին Միջագետքի Եդեսիա քաղաք (որը նշանավոր կրթական կենտրոն էր)՝ Հայերեն գրեր ստեղծելու համար: Եդեսիայում Հայերեն գրեր հնարելով, Մաշտոցն անցավ բյուզանդական սահմաններում գտնվող Սամոսատ քաղաք, որտեղ հույն գեղագրի օգնությամբ վերջնական տեսքի բերեց Հայերեն (թվով 36) տառերը, դրանց անուններ տվեց՝ դասավորելով Հունական այբուբենի ձևով: Ըստ Մաշտոցի կենսագիր Կոր-

յունի՝ Հայերեն գրերի գյուտը կատարվեց Մաշտոցի մահվանից (440 թ.) 35 տարի առաջ, այսինքն 405 թ.: Վերադառնալով Հայրենիք, Մաշտոցը դպրոցներ բացեց Հայաստանի տարբեր շրջաններում:

Մեսրոպ Մաշտոցը թաղված է Աշտարակի շրջանի Օշական գյուղում, որտեղ այժմ էլ պահպանվում է նրա գերեզմանը:

Հայերեն գրերի ստեղծումից հետո զարկ տրվեց ինքնուրույն և թարգմանչական գրականությանը: Մեսրոպ Մաշտոցը և Սահակ Պարթևն առաջին անգամ թարգմանեցին Աստվածաշունչը, որը դարձավ նաև առաջին Հայերեն դասագիրքը:

V դարում բուռն զարգացում ապրեց նաև Հայ պատմագրությունը, որն արտացոլեց օտար տիրապետության դեմ Հայ ժողովրդի հերոսական պայքարը և պետական կենսունակությունը: Մեսրոպ Մաշտոցի աշակերտ Կորյունը գրեց «Վարք Մաշտոցի» գործը, որտեղ տրված է Մաշտոցի գործունեության, գրերի գյուտի պատմությունը: Նույն դարի պատմագիր Ագաթանգեղոսը «Պատմություն Հայոց» երկում շարադրեց Հայաստանում քրիստոնեության տարածման պատմությունը: Փավստոս Բուզանդի «Պատմություն Հայոց» գրքում արտացոլված է Հայաստանի 330–387 թթ. պատմությունը:

Հայ պատմագիտական միտքը նոր աստիճանի հասցրեց պատմահայր Մովսես Խորենացին, որը ծնվել է մոտ 410 թ. Տարոն գավառի Խորոնք գյուղում: Մաշտոցին և Սահակին աշակերտելուց հետո նա ուղարկվեց Ալեքսանդրիա ուսանելու: 440 թ. վերադարձավ Հայաստան և զբաղվեց գիտական և լուսավորչական գործունեությամբ: Նրա «Հայոց պատմություն» երկում շարադրված է Հայոց պատմությունը սկսած Հնագույն ժամանակներից մինչև 440 թ.: Խորենացին ստեղծեց կուռ և ամբողջական ժամանակագրություն: Նրա «Հայոց պատմությունը» երկար դարեր Հայաստանի դպրոցներում օգտագործվել է որպես դասագիրք:

Եղիշեի «Վարդանի և Հայոց պատերազմի մասին» գրքում հյուսիս լեզվով պատմվում է Հայերի 450–451 թթ. ազատագրական պատերազմի մասին: Ղազար Փարպեցու «Պատմություն Հայոց» գործում շարադրված է Հայոց պատմությունը՝ սկսած 387 թվականից մինչև 484 թ.: VII դ. պատմագիր Սեբեոսի «Պատմություն» երկասիրության մեջ տրված է Հայաստանի մարզպանական շրջանի և արաբական առաջին արշավանքների՝ մինչև 661 թ. ընդգրկող պատմությունը: Նույն դարի մատենագիր Մովսես Կաղանկատվացին «Պատմություն Աղվանից աշխարհի» գրքում շարադրել է Հայկական Աղվանքի, այսինքն Հայաստանի Արցախ և Ուտիք նահանգների («աշխարհների») պատմությունը: VIII դ. պատմագիր Ղևոնդը իր «Պատմություն» երկում ներկայացրել է 620–ից մինչև 780–ական թվականներն ընդգրկող Հայոց պատմությունը:

Նշանավոր գիտնական Եզնիկ Կողբացին իր «Եղծ աղանդոց» («Աղանդների հերքումը») աշխատության մեջ ոչնչացնող քննադատության ենթարկեց զրադաշտական կրոնը: V–VI դարերի փիլիսոփա Դավիթ Անհաղթը «Սահմանք իմաստասիրության» («Փիլիսոփայության սահմանումները») և մյուս աշխատությունների մեջ փիլիսոփայության նպատակը, բացի աշխարհի ճանաչողությունից, համարում է նաև մարդկության բարոյական մաքրագործումը:

VII դարում է ապրել նշանավոր գիտնական Անանիա Շիրակացին, որը զբաղվում էր նաև մանկավարժական գործունեությամբ: Նա Հայաստանում առաջինը զարգացրեց ճշգրիտ գիտությունները (աշխարհում մեզ հասած թվաբանության ամենահին դասագիրքը Շիրակացու կազմածն է): Գրել է մաթեմատիկական, տիեզերագիտական, տոմարագիտական, չափագիտությանը, աշխարհագրությանը և պատմությանը վերաբերող գործեր: Շիրակացին մեծ տեղ էր հատկացնում փորձին: Նա հետևում էր երկրի գնդաձևության մասին հին աշխարհի մեծ մտածող Արիստոտելի տեսությունը, գտնելով, որ երկիրն ու մյուս մոլորակները պտտվում են իրենց առանցքի շուրջը և ունեն ձգողական ուժ: Նա որոշեց նաև տիեզերական մարմինների հեռավորությունը, արեգակի և լուսնի խավարումները և այլն: Նրա «Աշխարհացույց» երկում նկարագրված են հին Հայաստանի 15 նահանգները («աշխարհները»)՝ իրենց գավառներով, բնական ու կենդանական աշխարհով:

Զարգացավ նաև Հայ ճարտարապետությունը: Կառուցվեցին շքեղ պալատներ, դղյակներ, պաշտամունքային կառույցներ՝ վանքեր, եկեղեցիներ: IV–V դարերի Հայկական եկեղեցիներն ունեին պարզ հորինվածք: Նրանց հատակագիծը երկայնակի էր և քառանկյուն: Ներսում ունեին երկշարք սյուներ (երբեմն առանց սյուների էին): Այդ եկեղեցիներն ունեին հարթ տանիք՝ առանց գմբեթի: V դ. վերջից եկեղեցիներն սկսեցին կառուցել խաչաձև հիմքով և գմբեթներով: Այդպիսին էր 480-ական թթ. Վահան Մամիկոնյանի կողմից էջմիածնի Մայր տաճարի տեղում կառուցած եկեղեցին, VII դ. կառուցված Հռիփսիմե և Գայանե եկեղեցիները էջմիածնում: VII դարում կառուցվեցին նաև կլոր հիմքերով եկեղեցիներ: Դրանցից նշանավորը Զվարթնոցի եռահարկ եկեղեցին էր (էջմիածնի մոտ): Նույնատիպ հորինվածք ունեին նաև Գառնիի, Եղվարդի և այլ եկեղեցիները: Վանական, եկեղեցական կառույցներն ունեին ճոխ զարդաքանդակներ, որմնանկարներ: V–VI դարերում սկընավորվեց Հայ մանրանկարչությունը: Նկարազարդվեցին գրքերը (պահպանվել են VI–VII դարերի 4 մանրանկարներ, որոնք փակցվել են 989 թ. գրված՝ էջմիածնի Ավետարանի փղոսկրե կազմին, իբրև պահպանակ):



## ԲԱԳՐԱՏՈՒՆԻՆԵՐԻ ՀԱՅՈՑ ԹԱԳԱՎՈՐՈՒԹՅՈՒՆԸ

850–851 թթ. Հայաստանում բռնկված ժողովրդական ապստամբությունից հետո թուլացած խալիֆայությունը քիչ էր խառնվում Հայաստանի ներքին գործերին: Օգտվելով դրանից՝ Հայ նախարարները ընդլայնեցին իրենց իրավունքները: Հատկապես մեծ դեր սկսեցին խաղալ Բագրատունի, Սյունյաց և Արծրունի տոհմերը: Աշոտ Բագրատունին միավորեց Հայ նախարարներին և դարձավ երկրի գերիշխան տերը: 855 թ. խալիֆան նրան ճանաչեց Հայոց սպարապետ, 862-ին՝ Հայաստանի իշխանաց իշխան, նրան վերապահելով Հարկեր Հավաքելու իրավունքը: Աշոտի եղբայր Աբասը կարգվեց Հայոց սպարապետ: Հայաստանում արաբ ոստիկանի իշխանությունը դարձավ ձևական և 875 թ. լրիվ վերացվեց: Աշոտ Բագրատունին փաստորեն դարձավ Հայոց անթագակիր արքան: 885 թ. նրան թագուղարկեց արաբական խալիֆան, ապա Աշոտին Հայոց թագավոր ճանաչեց նաև Բյուզանդիայի կայսրը: Այդպիսով Բագրատունիները վերականգնեցին 428 թ. ընդհատված Հայոց պետականությունը:

Աշոտ I-ը (885–890 թթ.) իր թագավորությունից մեջ միավորեց Հայկական Հողերը: Նրա նստավայրն էր Բագարան ավանը (Արաքսի մեջ Ախուրյանի թափվելու տեղում, հին Երվանդաշատի մոտ): Աշոտին էին ենթարկվում նաև Հայաստանի (Մանաղկերտի, Ապահունիքի, Բերկրիի) արաբական ամիրաները: Նրա գերիշխանությունն ընդունեցին նաև վրաց և աղվանից իշխանները: Աշոտն ստեղծեց Հզոր բանակ, պետական կառավարման համակարգ՝ հիմնականում շարունակելով Արշակունիների թագավորությունից ավանդները: Վերականգնվեցին նախարարական տոհմերի ժառանգական արտոնությունները, զսպվեցին կենտրոնախույս ուժերը, բարելավվեցին Հարևան պետությունների հետ ունեցած Հարաբերությունները: Աշոտ I-ի քաղաքական ուղեգիծը շարունակեց որդին՝ Սմբատ I-ը (890–913 թթ.): Արաբական խալիֆան թեև թագ ուղարկեց նրան, բայց միաժամանակ Ատրպատականի ամիրա Ափշինին իրավունք տվեց Հավաքել Հայաստանի Հարկերը: Դա խիստ սրեց Հայաստանի ու Ատրպատականի միջև եղած Հարաբերությունները: Ափշինը պատրվակ դարձնելով Բյուզանդիայի հետ Հայաստանի կնքած դաշնագիրը, փորձեց զենքի ուժով իրականացնել Հարկահանությունը: Սակայն Ափշինի զորքը 894 թ. Դողս գյուղում (Էջմիածնի մոտ) ծանր պարտություն կրեց և հեռացավ Հայաստանից: Խալիֆան չդադարեց Սմբատից Հարկ պահանջել: Հայաստանի վիճակը հատկապես ծանրացավ 901 թ-ից հետո, երբ Ատրպատականի ամիրա դարձավ Յուսուֆը, որը կարողացավ իր կողմը գրավել Վասպուրականի իշխան Գագիկ Արծրունուն և, նրան ճանաչելով Վասպուրականի թագավոր (908 թ.), Հաջորդ տարի ներխուժեց Հայաստան: Յուսուֆին օգնեց Գագիկ Արծրունին, որը սակայն ուշացումով զգաց իր սխալը և զենքն ուղղեց նրա դեմ: Որոշ

Թուլամորթ Հայ նախարարներ (որոնց թվում նաև Սմբատ I-ի Հորեղբոր՝ Շապուհ սպարապետի որդի Աշոտը) Հարեցին Յուսուֆին, խիստ ծանրացնելով Հայոց թագավորի դրուժյունը: Այն հուսահատական դարձավ Հայաստանի 910 թ., Նիգ գավառի (Ապարանի շրջան) Ձկնավաճառ վայրում Սմբատի որդիներ Աշոտի և Մուշեղի գլխավորած Հայոց զորքի պարտությունից հետո: Յուսուֆն սկսեց անխնա ասպատակել երկիրը: Սմբատ I-ը ստիպված Հանձնվեց Յուսուֆին, որը նրան ենթարկեց դաժան խոշտանգումների, ապա սպանել տվեց (914 թ.)՝ մարմինը խաչելով Դվինի դարպասներից մեկի վրա:

Յուսուֆի վայրագությունները լցրեցին Հայերի Համբերության բաժակը: Ժողովուրդը ոտքի ելավ իր պատիվն ու Հայրենիքը պաշտպանելու Համար: Թշնամիների սարսափը դարձավ Սմբատ I-ի որդին՝ Աշոտը, որը մանր գորախմբերով սրընթաց Հարձակումներ գործելով, Հայաստանի զգալի մասը մաքրեց թշնամի հրոսախմբերից: Իր քաջության և մեծ կամքի Համար Աշոտն ստացավ «Երկաթ» պատվանունը: Աշոտ Երկաթը թագավորեց 914-929 թթ., մայրաքաղաք դարձրեց Երազգավորս (Շիրակավան) գյուղաքաղաքը, Ախուրյանի աջ ափին (Գյումրիից ոչ հեռու): Սակայն Յուսուֆը կարողացավ նրա դեմ Հանել Աշոտ Շապուհյանին, նրան ճանաչելով Հայոց թագավոր: Աշոտ II-ի դեմ ապստամբեց նաև իր աները՝ Գարդման գավառի տեր Սահակ Սևադան, որը ճնշվեց և կուրացվեց: Ապստամբեց նաև Ուտիքի իշխան Յլիկ Ամրամը: Աշոտ II-ի դեմ թշնամական գործողություններ ձեռնարկեցին նաև Հայաստանում Հաստատված արաբ զորապետներ Բեշիրը և Նասրը, որոնք ավարի մատնեցին Սևանա լճի ափամերձ շրջանները, սակայն պարտություն կրեցին տեղացի Հայ իշխան Գևորգ Մարզպետունու կողմից: Դրանից հետո նրանք փորձեցին գրավել Սևանա կղզին և գերի վերցնել Աշոտ II-ին, որը սակայն լաստանավերով մի բուռն քաջերի հետ ափ ելավ և ջախջախեց թշնամուն: Աշոտ II-ին Հաջողվեց նորից միավորել երկիրը, որը մաքրեց թշնամիներից և ձեռք բերեց լիակատար անկախություն: Նա չճանաչեց Ատրպատականի տիրոջ և խալիֆայի գերիշխանությունը և այլևս Հարկագումար չմուծեց նրանց: Երկրում Հաստատված խաղաղությունը շարունակեց նաև Աշոտ II-ի եղբոր՝ Աբասի (929-953) թագավորության տարիներին, երբ Հայաստանի մայրաքաղաք դարձավ անառիկ Կարս բերդաքաղաքը: Կարսում Աբասը կառուցեց Առաքելոց եկեղեցին (այժմ վերածվել է մզկիթի): Նրա Հաջորդ Աշոտ III Ողորմածի (953-977) ժամանակ Բագրատունյաց թագավորությունը բուռն վերելք ապրեց: Անհրաժեշտ դարձավ Հիմնել մշտական մայրաքաղաք: 961 թ. Անին Հռչակվեց Բագրատունյաց թագավորության մայրաքաղաք: 963 թ. այն պարսպապատվեց: Կարճ ժամանակամիջոցում Անիում վեր խոյացան շքեղակառույց շինություններ:

Ֆեոդալական Հարաբերությունների զարգացման Հետևանքով տնտեսապես զորացած Հայ նախարարները ավելի ինքնուրույնացան՝ ստեղծելով տեղական թագավորություններ Վանանդ գավառում՝ Կարս կենտրոնով (962 թ.), Գուգարքում՝ Լոռե մայրաքաղաքով (973 թ.), Այունիքում՝ Կապան մայրաքաղաքով (987 թ.): Այս թագավորությունները թեև ընդունում էին Բագրատունի թագավորների գերիշխանությունը, բայց հաճախ նաև խախտում էին երկրի միասնությունը:

Գագիկ I-ին (990-1020) Հաջողվեց վերականգնել Հայաստանի միասնությունը: Նրա օրոք Բագրատունյաց թագավորության Հզորությունը խիստ աճեց: Դրանում մեծ ջանքեր ներդրեց Գագիկի կողմից սպարապետ նշանակված Վահրամ Պահլավունին: Երկրի սահմանները ընդարձակվեցին, ոչ մի թշնամի չէր հանդգնում ձեռք բարձրացնել Հայաստանի վրա: Գագիկը Տայք նահանգի զորաջոկատի օգնությամբ 998 թ. Ծումբ գյուղի մերձակայքում (Վանա լճի մոտ) ջախջախեց Ատրպատականի զորքին: Տեական խաղաղության շնորհիվ երկիրը բարգավաճեց, Անիում կառուցվեցին Հոյակերտ շենքեր, Անիի մայր տաճարը (ավարտվեց 1001 թ.) և այլ եկեղեցիներ, ինչպես նաև իջևանատներ, կամուրջներ և այլն: Սակայն Գագիկ I-ի մահվանից հետո դրությունը փոխվեց: 1021 թ. Բյուզանդիան տիրացավ Վասպուրականի թագավորության Հողերին: Գագիկ I-ին Հաջորդեց ավագ որդին՝ Հովհաննես-Ամբատը (1020-1041 թթ.), որը վախենալով Բյուզանդիայի դավերից, կազմեց մի կտակ, ըստ որի՝ իր մահից հետո Անին և Հարակից շրջանները հանձնվելու էին Բյուզանդիային: 1022 թ. Հայոց կաթողիկոս Պետրոս Գետադարձը այդ կտակը հանձնեց Տրապիզոն ժամանած Վասիլ II կայսրին:

Հովհաննես-Ամբատի մահվանից (1041 թ.) հետո բյուզանդասեր Հայ մեծամեծերը որոնք իրենց շահերը վեր էին դասում երկրի ու ժողովրդի շահերից, կաթողիկոսի և Վեստ Սարգիս իշխանի գլխավորությամբ եռանդուն գործունեություն ծավալեցին Անին Բյուզանդիային հանձնելու համար: Հայրենասեր ուժերը համախմբվեցին Վահրամ Պահլավունի սպարապետի շուրջը և ջախջախեցին Անիի վրա հարձակված բյուզանդական 100 հազարանոց բանակին: 1042 թ. Վահրամը Հայոց թագավոր Հռչակեց Հովհաննես-Ամբատի եղբորորդի 18-ամյա Գագիկ II-ին (1042-1045 թթ.), որը 1043 թ. Բջնի ամրոցի մոտ ջախջախեց Հայաստան թափանցած թյուրքական ցեղերին, սանձեց բյուզանդասեր տարրերին: 1044 թ. բյուզանդական զորքերը վերստին հարձակվեցին Անիի վրա, սակայն Վահրամ սպարապետը և Գագիկ II-ը պարտության մատնեցին նրանց: Բյուզանդիայի կայսր Կոստանդին Մոնոմաքոսը Վեստ Սարգսի խորհրդով Գագիկ II-ին հրավիրեց Կ. Պոլիս, իբր իր հետ բանակցելու համար: Գագիկը հրաժարվեց գնալ, բայց, ի վերջո, կաթողիկոսի և Վեստ Սարգսի խորհրդով մեկնեց կայսեր

մոտ, Անիի դարպասների բանալիները և իշխանությունը վստահելով կաթողիկոսին և Վեստ-Սարգսին, որոնք սակայն բանալիներն ուղարկեցին կայսրին: Վերջինս Գազիկին համոզեց Անին զիջել իրեն և փոխարենը կալվածքներ ստանալ Բյուզանդիայում: Գազիկը քանիցս մերժեց կայսրին, բայց, ի վերջո, ստիպված եղավ համաձայնել: Անիի պաշտպանները դրանից խիստ հուսաբեկված՝ 1045 թ. առանց դիմադրության Անին հանձնեցին Բյուզանդիային: Այդպիսով դադարեց գոյություն ունենալուց Հայոց Բագրատունիների թագավորությունը: Հայաստանը ընկավ Բյուզանդիայի գերիշխանության տակ, որը թյուրք-սելջուկյան ցեղերի վերահասարչականքների նախորդակին անհեռատես կերպով Հայաստանից դուրս հանեց ռազմիկ տարրը, երկիրը՝ թուլացնելու նպատակով:

## ՀԱՅԱՍՏԱՆԻ ՍՈՑԻԱԼ-ՏՆՏԵՍԱԿԱՆ ԿՅԱՆՔԸ ԵՎ ՊԵՏԱԿԱՆ ԿԱՐԳԵՐԸ IX-XI ԴԱՐՆԵՐՈՒՄ

Բագրատունյաց թագավորության ժամանակ ձեռք բերված խաղաղության պայմաններում Հայաստանը տնտեսական վերելք ապրեց, զարգացան գյուղատնտեսությունը, անասնապահությունը, արհեստները և առևտուրը, յուրացվեցին նոր հողեր, որոնք կոչվում էին «նորք» («նոր» բառից), փորվեցին ջրանցքներ: Ստեղծված բարենպաստ պայմաններում աճեց երկրի բնակչությունը, հասնելով մոտ 5 միլիոնի: Հողագործության մեջ գործադրվում էր եռադաշտային եղանակը, երբ հողը բաժանում էին 3 մասի, մեկը ցանում էին, երկրորդը՝ հերկում և թողնում որպես ցել, երրորդը հողակտորը մնում էր անմշակ վիճակում, որպեսզի հողը ուժ առնի, բարձրացվի բերրիությունը: Հողերը հերկելիս կիրառվում էր գութանը:

Նոր պայմաններում զարգացավ նաև ֆեոդալական հողատիրությունը: Նախարարական տոհմի անդամները՝ սեպուհները դարձան հողատեր, որի հետևանքով նախարարական հողատիրույթը բաժանվեց տոհմի անդամների միջև և առաջացան ֆեոդալական նոր իշխանություններ: Վերջիններս տնտեսապես անկախ էին և միայն անձնական, քաղաքական կախում ունեին մեծ (գահերեց) իշխանից: Ավելի մեծացավ ժառանգական տիրույթների (հայրենիք) թիվը: Հայրենատեր իշխանների զորուժը կազմվում էր մանր ազատներից, որոնք ծառայության դիմաց ստանում էին «պարգևականք» տիպի հողեր («խոստակ»)՝ առանց այն վաճառելու իրավունքի: Վանքերը, եկեղեցիները ընդլայնեցին հայրենիք համարվող իրենց կալվածքները՝ իշխանների կատարած նվիրատվությունների շնորհիվ: Ֆեոդալները, վանքերը իրենց հողերը նախկինի պես բաժանում էին շինականներին: Վերջիններս մշակում էին այն, փոխարենը վճարելով հարկեր, տուրքեր, որոնք

կազմում էին ֆեոդալների եկամուտի աղբյուրը: Գյուղացիներից վերցվող հիմնական հարկատեսակներն էին հողահարկը և գլխահարկը: Եկեղեցուն տրվում էր տասանորդ հարկ:

Զարգացավ նաև արհեստագործութունը թե՛ գյուղերում և թե՛ քաղաքներում: Արհեստավորները ապահովված էին տեղական հումքով (հանքանյութերով, բրդով, կաշվով, ներկերով, փայտեղենով, կավով և այլն): Զարգացած արհեստներից էին՝ դարբնութունը, ոսկերչութունը, պղնձագործութունը, քարագործութունը, կավագործութունը, փայտամշակութունը, ոստայնանկութունը (ջուլհակութուն), գորգագործութունը և այլն: Արհեստավորները կազմում էին համաքարություններ («եղբայրություններ»), որոնք միավորում էին միևնույն արհեստով զբաղվողներին և նպատակ ունեին նրանց ապահովել շուկայով, հումքով, օգնել կարիքավոր արհեստավորներին: Արհեստների, քաղաքային կյանքի զարգացման շնորհիվ ընդլայնվեց ներքին և արտաքին առևտուրը: Դրան նպաստեցին Հայաստանով անցնող միջազգային տարանցիկ առևտրաուղիները, որոնց միջոցով առևտրական քարավանները Հնդկաստանից, Ջինաստանից, Տեյլոնից, Եգիպտոսից, Իրաքից և այլուստ բերում էին զանազան ապրանքներ՝ թանկարժեք քարեր, համեմունքներ, բամբակ և այլն: Հայաստանը արտահանում էր մետաղ, գորգեր, ցորեն, գինի, մեղր, ձեթ, չիր և այլն: Ռուսիայից Դերբենդի վրայով Հայաստան էին ներմուծում մորթեղեն, հագուստ, վուշ (կտավատ): Հայ Բագրատունիները սեփական դրամ չհատեցին: Հայաստանում շրջանառության մեջ էին արաբական և բյուզանդական արծաթե, պղնձե դրամները, որոնք միջազգային լայն գործածութուն ունեին և պահպանում էին իրենց արժեքը (վերջինս որոշվում էր դրամի պարունակած թանկարժեք մետաղի քաշով):

Հայաստանի առավել զարգացած, տնտեսապես բարգավաճող և առևտրաուղիներին հարող շրջաններում ծաղկում ապրեցին հին քաղաքները և առաջացան նորերը:

Արհեստների, առևտրի կենտրոններ էին՝ Դվինը, Անին, Կարսը, Կարինը (էրզրում), Արծնը, Երզնկան, Վանը, Մուշը, Մանազկերտը, Բերկրին, Բաղեշը (Բիթլիս), Նախիջևանը և այլն: Իր ճոխությամբ, շքեղաշուք կառույցներով, բազմամարդությամբ՝ աչքի էր ընկնում Անի մայրաքաղաքը (ուներ երկու քառ. կիլոմետրից ավելի տարածութուն), ուր կառուցվեցին 100-ից ավելի եկեղեցիներ, ինչպես նաև շքեղակառույց շենքեր, հյուրատներ, առանձնատներ, պանդոկներ, շուկաներ, արհեստավորական շարքեր, ջրմուղ, բաղնիքներ և այլն:

Երկրի ինքնակալ տերը հայոց թագավորն էր: Պետական կարևոր պաշտոններ էին՝ սպարապետութունը, իշխանաց իշխանի, մարզպանի և դատավարության գործակալությունները: Սպարապետը վարում էր երկրի



զինված ուժերը, իշխանաց իշխանը գլխավորում էր նախարարներին, կարգավորում Հայոց թագավորի հետ նրանց փոխհարաբերությունները, մարզպանը զբաղվում էր արտաքին հարաբերություններով, դատավարության գործակալությունը Հայոց կաթողիկոսի ղեկավարությամբ զբաղվում էր օրենսդրությամբ (կանոններ սահմանելով), դատական գործերով: Կաթողիկոսը նաև թագադրում էր բազրատունյաց արքային: Հայոց Բագրատունիները ստեղծեցին 100 հազարանոց մարտունակ բանակ, որի միջուկը այրուձին էր:

## ՍԵԼՋՈՒԿ-ԹՅՈՒՐՔԱԿԱՆ ՏԻՐԱՊԵՏՈՒԹՅՈՒՆԸ ՀԱՅԱՍՏԱՆՈՒՄ

Միջին Ասիայում Սիր-Դարյա գետի ավազանում բնակվող թյուրքական ցեղերը՝ օղուզները X դ. իրենց առաջնորդ Սելջուկի կողմից միավորվեցին և դարձան զորեղ ուժ: 960-ական թթ. նրանք ընդունեցին իսլամ: Սելջուկի անունով այդ ցեղերը կոչվեցին սելջուկ-թյուրքեր: Պարսկաստանի զգալի մասը գրավելուց հետո 1048 թ. այդ հորդաները Ատրպատականից ներխուժեցին Հայաստան, 1049 թ. նույն ռազմուղիով երկրորդ անգամ մտան Հայաստան, որը Բյուզանդիայի գերիշխանության տակ էր, ուստի վերջինս փորձեց այն պաշտպանել: 1049 թ. Բասենի դաշտում բյուզանդական զորքերը Հայերի և վրացիների աջակցությամբ մարտի մեջ մտան սելջուկ-թյուրքերի դեմ, սակայն բյուզանդական զորքի մի մասը հեռացավ մարտադաշտից, որի հետևանքով թշնամին հաղթանակ տարավ: 1054 թ. սելջուկները վերստին արշավեցին Հայաստան՝ Տուղրիլի գլխավորությամբ: Այս անգամ Հայերը Կարին, Կարս և Մանազկերտ քաղաքների մոտ դիմադրավեցին նրանց և ստիպեցին հեռանալ Հայաստանից: Սակայն 10 տարի հետո սելջուկ-թյուրքական զորքերը Ալփ-Արսլանի գլխավորությամբ վերստին արշավեցին Հայաստան, գրավեցին Անին, կոտորելով նրա բնակչությանը, տիրելով Հայաստանի մեծ մասին, որտեղ հաստատվեցին եկվոր թյուրքական ցեղերը: Կարսի, Լոռիի, Սյունիքի Հայկական թագավորություններն ընդունեցին Ալփ-Արսլանի գերիշխանությունը: Բյուզանդիան ռազմումով զգաց, թե ինչպիսի մահացու վտանգ է կախված իր գլխին: 1068 թ. Ռոմանոս կայսրը մեծ զորքով հարձակվեց սելջուկ-թյուրքերի վրա, նրանց քշելով Եփրատից այն կողմ: Սակայն 1071 թ. նա ծանր պարտություն կրեց Մանազկերտի ճակատամարտում, իր բանակի կենտրոնական զորաբաժնի (որը կազմված էր թյուրք վարձկաններից) դավաճանության պատճառով: Դրանից հետո սելջուկ-թյուրքերը գրավեցին Փոքր Ասիան:

Հայաստանում սելջուկ-թյուրքական ցեղերը ստեղծեցին իրենց իշխա-

նությունները՝ Դվինում, Անիում, Խլաթում, Մանազկերտում և այլուր: Իրենց կիսանկախ վիճակը պահպանեցին Լոռիի, Սյունիքի թագավորութ-  
յունները և Արցախի, Սասունի, Վասպուրականի որոշ մասի, Մոկքի հայ-  
կական իշխանությունները:

Սելջուկ-թյուրքական ցեղերը լինելով քոչվոր անասնապահներ՝  
ոչնչացնում էին հայ գյուղացիների ցանքսերը, այգիները: Հայերի հողա-  
բաժինները բաժանվեցին սելջուկ-թյուրքական զինվորներին՝ ծառայութ-  
յան դիմաց: Բնիկ հայ բնակչությունը մշակում էր այդ հողերը՝ օտար և  
այլակրոն հողատերերին վճարելով հարկեր: Ամենածանր հարկատեսակ-  
ներն էին հողահարկը և գլխահարկը (Չիզիե): Վերջինս գանձվում էր մի-  
այն ոչ մահմեդական բնակչությունից:

XII դ. մասնատված սելջուկ-թյուրքական պետութայան դեմ պայքար  
ծավալեց Վրաստանը, որը կարողացավ թոթափել նրա լուծը և վերականգ-  
նել վրաց Բագրատունիների թագավորությունը: Վրաց թագավոր Դավիթ  
Շինարարը (1089–1125 թթ.) համալրեց իր զորքը հայ իշխանական տների  
մարտիկներով:

Հայ-վրացական զինակցությունը ավելի ուժեղացավ Թամար թագու-  
հու (1184–1213 թթ.) օրոք: 1185 թ. վրաց զորքի գլխավոր հրամանատար  
(ամիրսպասալար) նշանակվեց Ջաքարյան հայկական տոհմից Սարգիսը,  
որը ծառանգական տիրույթ ստացավ Լոռին: 1192 թ. վրաց զորքերի գլխա-  
վոր հրամանատար նշանակված Ջաքարեն (Սարգսի ավագ որդին)  
հայ-վրացական զորքերով փայլուն հաղթանակներ տարավ թյուրքական  
ամիրայությունների դեմ: Ջաքարեի եղբայր Իվանեն նշանակվեց վրաց  
թագուհու առաջին խորհրդական (աթաբեկ): Հայ-վրացական զորքերը  
Ջաքարեի առաջնորդությամբ 1196 թ. ազատագրեցին Արցախը, Սյունիքը,  
Սևանա լճի ավազանը, 1199 թ.՝ Անին: 1203 Այրարատի ազատագրումից  
հետո Ջաքարեն զորքը շարժեց Փոքր Ասիայի հզորագույն թյուրքական  
իշխանութայան՝ Իկոնիայի (Ռումի) սուլթանության դեմ և 1204 թ. ջախջա-  
խեց նրան: 1210 թ. նա պարտության մատնեց Խլաթի ամիրայությանը,  
գրավեց Կարսը և այլ շրջաններ, հասնելով Վանա լճի ափերին: Ազա-  
տագրվեցին Բագրևանդը, Վասպուրականի և Տուրուբերանի զգալի մասը:  
Ջաքարեն ստիպված հարձակումը դադարեցրեց Արճեշի տակ եղբոր՝ Իվա-  
նեի անզգուշաբար գերի ընկնելու պատճառով:

Ջաքարեն վախճանվեց 1212 թ.: Նրան փոխարինեց Իվանեն (եղբայրը):

## ԶԱՔԱՐՅԱՆՆԵՐԻ ՀԱՅԿԱԿԱՆ ԻՇԽԱՆՈՒԹՅՈՒՆԸ

XIII դարի սկզբին Հյուսիսարևելյան Հայաստանի ազատագրված գավառներում ստեղծվեց Զաքարյանների տոհմի իշխանությունը՝ Անի կենտրոնով: Այն ընդգրկում էր Լոռիի մեծ մասը, Այրարատը, Սևանի ավազանը, Սյունիքի Հյուսիս-արևելքը, Տավուշը, Արցախը և Ուտիքը: Այդ իշխանության շնորհիվ նախկին Բագրատունյաց (Անիի) թագավորության մեծ մասում վերականգնվեց Հայ պետականությունը: Զաքարյանները շարունակեցին Բագրատունիների պետական ավանդները՝ յուրացնելով նաև նրանց «շահնշահ» պատվատիտղոսը: Զաքարյան իշխանության գլուխ կանգնած Զաքարե զորավարը իրեն համարում էր Բագրատունի, կամենալով շեշտել, որ ինքն այդ տոհմի գործի շարունակողն է: Ժամանակակիցները նրան կոչում էին «Հայոց թագավոր»: Զաքարյան իշխանությունը չէր մտնում Վրաց թագավորության կազմի մեջ: Նրա իշխանապետները վրաց թագավորներին հարկ չէին վճարում և, միայն ելնելով փոխադարձ շահերից, զորք էին տալիս և հենց իրենք էլ գլխավորում էին Հայ-վրացական զորքերը: Զաքարյան իշխանությունը բազկացած էր երեք խոշոր վարչական միավորներից: Նրա արևմտյան մասը (մինչև Բասեն գավառ)՝ Անի կենտրոնով, Զաքարե զորապետի բուն իշխանությունն էր: Արևելյան շրջանները Զաքարեի եղբոր՝ Իվանե ասթաբեկի իրավասության տակ էին՝ Դվին (այս Բջնի) կենտրոնով, իսկ Հյուսիս-արևելքը՝ Զաքարեի և Իվանեի հորեղբոր՝ Վահրամի որդի՝ Զաքարեի (Վահրամյանների) իշխանությունն էր, որի կենտրոնը Գազ ամրոցն էր՝ Տավուշի Հյուսիսում: Այս երեք մասերը կազմում էին մեկ ամբողջութուն՝ Զաքարեի և նրա ժառանգների գերիշխանության տակ:

Զաքարյան իշխանության մեջ վերականգնվեցին որոշ Հայ իշխանական տներ՝ Պահլավունիներ, Մամիկոնյաններ, Արծրունիներ և այլն, ստեղծվեցին նորերը՝ Խաղբակյաններ (Պոռչյաններ), Վաչուտյաններ, Օրբելյաններ, Դոփյաններ և ուրիշներ: Այս իշխանությունները Զաքարյաններից վասալական կախման մեջ էին:

Զաքարյան իշխանության շնորհիվ XIII-XIV դարերում տնտեսական բարգավաճում ապրեց Հյուսիսարևելյան Հայաստանը, զարգացավ ֆեոդալական հողատիրությունը, արհեստագործությունը: Ընդլայնվեց առևտուրը, քաղաքները նոր վերելք ապրեցին, հիմնվեցին նոր վանքեր, եկեղեցիներ, զարգացավ մշակույթը:

## ԿԻԼԻԿԻԱՅԻ ՀԱՅՈՑ ՊԵՏՈՒԹՅՈՒՆԸ

Կիլիկիան գտնվում է Միջերկրական ծովի Հյուսիսարևելյան կողմում: Այն բաժանված է դաշտային (ծովամերձ շրջանները) և լեռնային

(արեմտյան հատվածը) մասերի: Կիլիկիայում հայերը հաստատվել են դեռևս մ. թ. ա. II դ. Տիգրան Մեծի ժամանակ, երբ Դաշտային Կիլիկիան միացվեց Հայաստանին: Բյուզանդիան տիրանալով Հայաստանին (XI դ.) հայ ռազմուժը հայրենիքից գաղթեցրեց Բյուզանդիա: Հայերը բնակութ-յուն հաստատեցին նաև Կիլիկիայում, որտեղ նրանց թիվը խիստ մեծացավ սելջուկ-թյուրքերի կողմից Հայաստանը գրավելուց հետո: Քանի որ Կիլիկիայում հայերը կազմեցին մեծամասնություն, ուստի հնարավոր դարձավ այնտեղ ստեղծել հայկական իշխանություն, որը հիմնվեց 1080 թ. Ռուբենի (Գագիկ II-ի գինակիցներից) կողմից, Լեռնային Կիլիկիայում: Իշխանությունը հիմնադրի անունով կոչվեց Ռուբինյան: Քանի որ Կիլիկիան մտնում էր Բյուզանդիայի կազմի մեջ, ուստի վերջինս չհանդուրժեց այնտեղ հայկական անկախ իշխանության գոյությունը և փորձեց վերացնել այն: Սակայն Ռուբենի հաջորդները 1130-ական թթ. հակահարված տալով բյուզանդացիներին, տիրացան նաև Դաշտային Կիլիկիայի մի մասին: Բյուզանդիան շարունակեց հարձակումները, գրավեց Կիլիկիայի մեծ մասը, բայց Թորոս II իշխանը (1145-1169) վերագրավեց այն. ամրապնդեց իշխանությունը: Նրան հաջորդած եղբայրը՝ Մլեհը (1169-1175) դաշնակցեց Հաբեպի ամիրայի հետ, պարտության մատնեց Բյուզանդիային, գրավեց Դաշտային Կիլիկիայի մեծ մասը, մայրաքաղաքը Վահկա ամրոցից տեղափոխվեց Կիլիկիայի կենտրոն՝ Սիս քաղաք: Սակայն Հաբեպի ամիրայի հետ Մլեհի դաշինքից դժգոհ հայ իշխանները սպանեցին նրան: Մլեհի հաջորդ Ռուբեն II-ը (1175-1187) դաշինք կնքելով հարևան Իկոնիայի սելջուկյան սուլթանի հետ, Կիլիկիան լիովին մաքրեց բյուզանդացիներից, որոնք ստիպված ճանաչեցին նրա իշխանությունը:

Կիլիկյան հայկական իշխանությունը իր հզորության գագաթնակետին հասավ Լևոն II-ի օրոք (1187-1219), երբ օրակարգի հարց դարձավ Կիլիկիայի իշխանությունը թագավորության վերածելու խնդիրը: 1189 թ. խաչակրաց երրորդ արշավանքի ժամանակ Լևոն II-ը պարենով օգնեց խաչակիրներին, որոնք խոստացան ճանաչել նրան Հայոց թագավոր: 1196 թ. Գերմանիայի Հենրիխ VI կայսրը թագ ուղարկեց Լևոնին, որը թագ ստացավ նաև Բյուզանդիայի կայսրից, Բաղդադի խալիֆայից և Հռոմի պապից: 1198 թ. Տարսոն քաղաքում Լևոնը Հայոց կաթողիկոսի և Հռոմի պապի ներկայացուցչի կողմից օծվեց Հայոց թագավոր, որով իսկ Կիլիկիայի իշխանությունը վերածվեց Հայոց թագավորության:

Լևոնը ստեղծեց 80 հազարանոց բանակ, առևտրական նավատորմ, թուրքերից ոսկե և արծաթե դրամներ, կարգի բերեց ճանապարհները, նավահանգիստները, վանքերին կից բացել տվեց դպրոցներ, Վենետիկի ու Ջենովայի հետ կնքվեցին պայմանագրեր: Լևոնը պարտության մատնեց Իկո-

նիայի թյուրքական սուլթանությանը, ընդարձակեց երկրի սահմանները՝ հասցնելով մոտ 40 հազար քառ. կմ-ի: Աճեց երկրի բնակչությունը՝ հասնելով մոտ 1 միլիոնի: Վերականգնվեցին Կիլիկիայի քաղաքները՝ Սիսը, Այասը, Ադանան, Մամեստիան, բերդերը՝ Լամբրոնը, Բարձրաբերդը, Կապանը, Կոռիկոսը, Հոռմկլյան, Պապեռոնը, Վահկան, Բերդուսը և այլն: Լևոն II-ի ժամանակ Կիլիկիայի թագավորությունը Միջերկրական ծովում ունեւր մոտ 500 կմ երկարությամբ ձգվող ծովափ:

Լևոնը կազմակերպեց գործակալություններ, որոնց ղեկավարները ժառանգական չէին, նշանակվում էին թագավորի կողմից: Կարևոր գործակալություններն էին՝ սպարապետությունը (զինված ուժերի հրամանատար), խնամակալությունը (պալլություն)՝ թագավորի խորհրդականը և դա՛հը ժառանգելու հետ առնչվող հարցերը լուծողը: Մարաջախտը բանակին զինամթերք, հանդերձանք էր մատակարարում, կանցլերը վարում էր արտաքին գործերը: Լևոնը զսպեց մի քանի կենտրոնախույս խոշոր ֆեոդալների, որոնք Կիլիկիայում կոչվում էին բերդատեր պարոններ, ի տարբերություն մանր ազատների («ձիավորների»): Նա կախման մեջ դրեց Անտիոքի դքսությանը:

Լևոնը արու ժառանգ չունեւր, ուստի իր մահվանից քիչ առաջ թագաժառանգ նշանակեց իր մանկահասակ դստերը՝ Զաբելին, նրան խնամակալ կարգելով Կոստանդին իշխանին, որը Լևոնի մահվանից հետո կառավարեց երկիրը: 1226 թ. Կոստանդինը իր 13 ամյա որդուն՝ Հեթումին ամուսնացրեց Զաբելի հետ և հռչակեց հայոց թագավոր, որով իսկ հիմք դրվեց թագավորական նոր՝ Հեթումյան դինաստիային: Հեթում I-ը (1226-1270) իր ավագ եղբորը՝ Սմբատին կարգեց սպարապետ, մյուս եղբայրներին նշանակեց պետական կարևոր պաշտոններում:

1243 Կիլիկիային մոտեցան մոնղոլ-թաթարական նվաճողները: Երկիրը նրանց հարձակումից փրկելու համար Հեթում I-ը պատվիրակություն ուղարկեց մոնղոլ զորապետի մոտ, որի հետ կնքված դաշինքի շնորհիվ մոնղոլները չմտան Կիլիկիա: 1246 թ. Սմբատ սպարապետը մեկնեց մոնղոլական մեծ խանի մոտ: Դաշինքն ամրապնդվեց 1254 թ., երբ Հեթումը Հայաստանի վրայով մեկնեց Մոնղոլիա՝ մեծ խանի մոտ, որը ճանաչեց Կիլիկյան թագավորության անկախությունը՝ վերջինիս կողմից հարկ ու զորք տալու պայմանով: Սակայն Հեթանոս մոնղոլների պատերազմները Եգիպտոսի, Իկոնիայի դեմ մղվում էին դաշնակից Կիլիկիայի օգնությամբ, ինչը թշնամանք էր առաջացնում նրա և մահմեդական զորեղ հարևանների միջև: Դա ժանր հետևանք ունեցավ Կիլիկյան թագավորության համար: Հետզհետե մոնղոլները թուլացան, և Կիլիկիայի հետ նրանց դաշինքը դարձավ ձևական, մինչդեռ Եգիպտոսն ու նրա դաշնակիցները ավելի ու ավելի էին ուժեղացնում ճնշումը Կիլիկիայի վրա: 1266 թ. Եգիպտոսը ծանր պարտու-



Թյան մատնեց Հայոց զորքին, գրավեց Սիսը և այլ շրջաններ: 1268 թ. Եգիպտոսի Հեռ կնքվեց Հաշտություն:

Միայնակ մնալով Հզոր թշնամիների դեմ՝ կիլիկահայ վերնախավն ստիպված ապավինեց Եվրոպային՝ հույս ունենալով օգնություն ստանալ այնտեղից: Հռոմի պապին, Եվրոպական թագավորներին Հայերի դիմումները ավելի խորացրին Եգիպտոսի և Իկոնիայի Հեռ թշնամանքը: Եգիպտոսը խախտեց 1268 թ. կնքված պայմանագիրը և Հարձակվեց Կիլիկիայի վրա: Հայերը նորից դիմումներ հղեցին Եվրոպա: Հռոմի պապը խոստացավ օգնել, եթե Հայերը ընդունենին կաթոլիկություն: 1307 թ. Լևոն IV-ը Սիսում գումարեց ժողով, որտեղ, հակառակ ժողովրդի կամքին, ընդունվեց պապի առաջարկը: Կիլիկիայում առաջացան երկու՝ միմյանց հակադիր խմբավորումներ՝ ունիթոուներ (լատիններեն ունիա՝ միություն բառից), որոնք կողմ էին Հռոմի Հեռ միությանը, և հակաունիթոուներ, որոնք դեմ էին կաթոլիկություն ընդունելուն: Այս Հոսանքների միջև ընթացող սուր պայքարը ալեկոծեց երկիրը, ավելի վատթարացնելով նրա վիճակը: Եգիպտոսը 1321 թ. վերստին Հարձակվեց Կիլիկիայի վրա, ծանր պարտության մատնելով նրան: Եգիպտոսի Հեռ 1337 թ. կնքված նոր և խիստ ծանր պայմանագրով Կիլիկյան թագավորությունը կորցրեց Կիլիկիայի մեծ մասը, ինչը հույժ թուլացրեց նրան:

1342 թ. վախճանվեց Հեթումյան արքայատոհմի վերջին թագավորը՝ Լևոն V-ը (1320-1342), որը արու գավակ չունեց, ուստի ունիթոուները Կիպրոս կղզուց հրավիրեցին Լուսինյան տոհմից Գվիդոնին (ծագումով Ֆրանսիացի, մոր կողմից Հայ), որը 1343 թ. ժամանեց Կիլիկիա և օժվեց Հայոց թագավոր՝ Կոստանդին III անունով, սակայն 1345 թ. Հայ իշխանները չհանդուրժելով նրա հալածանքները, ապստամբեցին և սպանեցին թե՛ իրեն և թե՛ նրա համախոհներին՝ գահը հանձնելով Հեթումյանների ազգական, ձկեր գավառի Նղիր բերդի տեր Կոստանդին IV-ին (1345-1363), որի ժամանակ Կիլիկիայի դրությունն ավելի ծանրացավ Եգիպտոսի, Հալեպի ամիրայի և Իկոնիայի սուլթանության Հարձակումների Հետևանքով: Չնայած Հայոց զորքերի Հերոսական դիմադրությանը, երկիրը կորցրեց ամբողջ Դաշտային Կիլիկիան և այլ շրջաններ: Հայոց թագավոր Կոստանդին V-ի իրավասության տակ մնաց միայն Սիսը իրեն հարող տարածքով: 1369 թ. Եգիպտոսի զորքը պաշարեց Սիսը, որը Հերոսաբար պաշտպանվեց, զոհվեցին Լիպարիտ սպարապետը և ուրիշներ: 1373 թ. ունիթոուները սպանեցին Կոստանդին V-ին, (որը կամենում էր հաշտություն կնքել Եգիպտոսի Հեռ) և թագավոր հռչակեցին Լևոն VI Լուսինյանին, որը 1373 թ. սեպտեմբերին ժամանեց Սիս, սակայն 1375 թ. Հունվարին Եգիպտոսի և Հալեպի ամիրայության զորքերը պաշարեցին Սիսը: Չնայած Հայ մարտիկների և բնակչության Հերոսական դիմադրությանը,

1375 թ. ապրիլի 22-ին Սիսը գրավվեց թշնամիների կողմից: Այդպիսով վերացավ Կիլիկիայի Հայկական թագավորութունը: Կիլիկիայի Հայոց վերջին թագավոր Լևոն VI-ը գերվեց և տարվեց Եգիպտոս, որտեղից ազատվեց յոթ տարի Հետո և մեկնեց Փրանսիա՝ Փարիզ (որտեղ և վախճանվեց 1393 թ.):

Հայ իշխանական տոհմերի մի մասը Հեռացավ Բյուզանդիա, եվրոպական երկրներ, մյուս մասը Հաստատվեց Կիլիկիայի լեռնային շրջաններում՝ Զեյթունում, Հաճընում, Մարաշում և այլուր, մինչև XIX դ. 2-րդ կեսը մնալով կիսանկախ վիճակում:

## ՀԱՅԿԱԿԱՆ ՄՇԱԿՈՒՅԹԸ IX-XIV ԴԱՐԵՐՈՒՄ

IX դարի 2-րդ կեսից ձեռք բերված խաղաղության շնորհիվ ծաղկում ապրեց Հայ մշակույթը: Հայաստանում բացվեցին բազմաթիվ դպրոցներ, որտեղ ուսուցանում էին աստվածաբանություն, փիլիսոփայություն, պատմություն, թվարանություն, աստղաբաշխություն, երաժշտություն և այլ առարկաներ: X-XIII դդ. կրթական խոշորագույն կենտրոն էր Անի քաղաքը, որտեղ գործում էր բարձրագույն դպրոց՝ վարդապետարան: Հայտնի էին նաև Կարսի, Սանահինի, Նարեկավանքի, Գեղարդավանքի, Հաղարծին և Նոր Գեորգի (Գոշավանք) վանքերում գործող դպրոցները: Նշանավոր էր Հատկապես Գլաձորի Համալսարանը, որը գործեց 1291-1340 թթ. (Վայոց ձորում) և ժամանակակիցների կողմից անվանվում էր «երկրորդ Աթենք»: Այն Հիմնեց Եսայի Նչեցին: Գլաձորի Համալսարանի ավանդները շարունակեց XIV դ. գործող Տաթևի Համալսարանը: Կիլիկիայում նշանավոր էին Սիս քաղաքի Համալսարանը և Ակներ, Դրագարկ վանքերին կից գործող դպրոցները:

Վերելք ապրեց նաև գրականությունը: Գրիգոր Նարեկացին (X դար) գրեց «Մատյան ողբերգության» Հանճարեղ պոեմը, ուր արտացոլված են իր գարաշրջանի կյանքը, ժողովրդին Հուզող խնդիրները: Նրա տաղերում (բանաստեղծություններում) տրված է իրական մարդը՝ իր խոհերով, ապրումներով: Փրիկը (XIII-XIV դդ.) իր քնարաշունչ տաղերում դատափեռում է տիրող անարդարությունները: Ներսես Ենորհալին XII դ. դրել է «Ողբ Եգեսիո» պատմական պոեմը և շատ տաղեր, Հանելուկներ: XIII դ. Մխիթար Գոշը և Վարդան Այգեկցին ստեղծեցին առակների գրքեր: X դ. խոշոր պատմիչներ էին Հովհաննես Դրասխանակերտցին, Թովմա Արծրունին, Ստեփանոս Տարոնեցին (Ասողիկը), XI դ.՝ Արիստակես Լաստիվերտցին, XII-XIII դդ.՝ Մատթեոս ՈւռՀայեցին, Կիրակոս Գանձակեցին, Ստեփանոս Օրբելյանը, Վարդան Արևելցին, Սմբատ Սպարապետը:

XII դ. վերջին Մխիթար Գոշն ստեղծեց «Հայոց դատաստանագիրքը»:

Զարգացում ապրեց նաև Հայ փիլիսոփայական միտքը: Ականավոր փիլիսոփաներ էին Գրիգոր Մագիստրոսը (XI դ.), Հովհաննես Իմաստասերը (Սարկավագ, XII դ.), Տաթևի Համալսարանի Հիմնադիր Հովհան Որոտնեցին (XIV դ.), Գրիգոր Տաթևացին (XIV դ.): Զարգացավ նաև բժշկագիտությունը: Մխիթար Հերացին XII դ. Կիլիկիայում գրեց «Զերմանց մխիթարություն», երկը, ուր տրված են տեղերի (Ղերմերի) բուժման միջոցները:

Մեծ կատարելության հասավ ճարտարապետությունը: 920-ական թվականներին Վասպուրականի թագավոր Գագիկ Արծրունին Վանա լճի Աղթամար կղզում կառուցել տվեց պալատ և Ս. Խաչ եկեղեցին (այժմ էլ կանգուն է), որոնց Հեղինակը Մանվել ճարտարապետն էր: X դարում կառուցվեցին Սանահինի, Հաղպատի, Տաթևի, Մարմաշենի վանքերը, Կարսի Կաթողիկե (մայր) եկեղեցին և բերդը: Անիում X-XI դդ. վեր խոյացան բազմաթիվ եկեղեցիներ, քաղաքացիական շենքեր: Անիում շինարակական աշխատանքները գլխավորում էր Հանճարեղ Տրդատ ճարտարապետը: X դարում կառուցվեց նաև Հաղարծին վանքի (Դիլիջանի շրջան) գլխավոր եկեղեցին: XIII դ. կառուցվեցին Հառիճ գյուղի (Արթիկի մոտ) վանքի գլխավոր եկեղեցին (վանքի Հին եկեղեցին կառուցվել է VII դ.), Կեչառիսի վանքի (Ծաղկաձոր ավանում) եկեղեցիները: XIII դ. կանգնեցվեցին նաև Գեղարդավանքը (Այրիվանք), Նոր Գետիկի վանքը (Գոշավանք՝ Իջևանի շրջանում) Մակարավանքը (Իջևանի շրջանում), Հովհաննավանքի (Աշտարակի շրջան) գլխավոր եկեղեցին (որի հնագույն եկեղեցին V դարի է), Գանձասարը (Արցախում), Նորավանքի (Եղեգնաձորի շրջանի Ամաղու գյուղի մոտ) գլխավոր եկեղեցին և այլն: Շքեղ զարդանախշեր ունեն IX և Հետագա դարերից մեզ Հասած խաչքարերը, որոնք կանգնեցվել են որևէ Հաղթանակի կամ նշանավոր շինություն ավարտի առթիվ, ավելի Հաճախ իբրև դամբանաքարեր:

IX-XIV դարերում ծաղկում ապրեցին նաև գրչության արվեստը և նրա Հետ կապված մանրանկարչությունը: Կիլիկիայում էին ստեղծագործում մանրանկարիչներ Թորոս Ռոսլինը (XIII դար) և Սարգիս Պիծակը (XIII-XIV դդ.), Սյունիքում Հայտնի էր մանրանկարիչ, քանդակագործ և ճարտարապետ Մոմիկը (XIII-XIV դդ.):

## ՀԱՅԱՍՏԱՆԸ ՄՈՆՂՈՂՆԵՐԻ ԵՎ ԹՈՒՐԳՄԵՆԱԿԱՆ ՑԵՂԱԽՄԲԵՐԻ ՏԻՐԱՊԵՏՈՒԹՅԱՆ ՏԱԿ

XIII դ. սկզբին մոնղոլների առաջնորդ Ջինգիզ խանը Ջինաստանի Հյուսիսը նվաճելուց Հետո գրավեց Միջին Ասիան, Իրանը: Մոնղոլ-թարակյան մի զորախումբ 1221 թ. ներխուժեց Անդրկովկաս: Միջին Ասի-

այի Խորեզմ պետութեան թագաժառանգ Ջելալեդդինը նահանջելով մոնղոլների առջևից, զորքով 1225 թ. մտավ Հայաստան և յոթը տարի ավերածութեան, կոտորածների ենթարկեց այն: 1236 թ. մոնղոլական զորքերը Ջարմաղանի գլխավորութեամբ գրավեցին Աղվանքը, Հյուսիսային Հայաստանը: Ջաքարյան իշխանութեան, Սյունիքի և Արցախի տերերը ստիպված ընդունեցին մոնղոլների գերիշխանութունը՝ պահպանելով իրենց կիսանկախ վիճակը: Յոթ տարվա ընդմիջումից հետո մոնղոլ-թաթարները 1243 թ. վերստին արշավեցին Հայաստան՝ կոտորածի և ավերածութեան ենթարկելով այն: Նրանք Հայաստանի Հարավային և արևմտյան նահանգներից կազմեցին «Մեծ Հայք» վարչական միավորը (վիլայեթը)՝ Կարին կենտրոնով: Սասունի, Մոկքի և Ռշտունիքի Հայ իշխանութիւնների մնացորդները պահպանեցին իրենց կիսանկախ վիճակը: Մոնղոլները ճանաչեցին Հայոց եկեղեցու իրավունքները (ապահարկութիւնը, կալվածները և այլն): Հայոց եկեղեցին մեծ արտոնութիւններով օժտվեց մոնղոլների օրոք: Ավերվում էին Հայ Փետրալների ամրոցները, դղյակները, բայց կանգուն էին մնում եկեղեցիները, վանքերը: Հաճախ Հայոց եկեղեցու հովանու տակ մտնելով՝ Հայ աշխարհիկ Փետրալները պահպանում էին իրենց հողերը, իրավունքները: Մոնղոլների ժամանակ Հայ բնակչութիւնը ենթարկվեց ծանր Հարկահանութեան, որն ուժեղացավ Հատկապես 1254 թ. աշխարհագրից հետո: Հարկային և այլ կամայականութիւնները սահման չունեին: Գանձում էին 16 տեսակ Հարկ, որոնցից ամենածանրը հողահարկն էր (խարաջ): Այն կազմում էր ողջ եկամտի կեսից ավելին: Ծանր Հարկատեսակ էր նաև գլխահարկը, որը վերցվում էր դրամով, 15-60 տարեկան արու բնակչութիւնից: Հաճախ միևնույն Հարկը վերցնում էին երեք անգամ: Անվճարունակ Հարկատուից խլում էին տունուտեղը, երեխան: Բնակչութիւնը ստիպված հեռանում էր օտար երկրներ, անմշակ էին մնում ցանքսերը, այգիները: Հետզհետե նստակյաց դարձած քոչվոր ցեղերը տիրացան բերրի հողերին, Հայ բնակչութեանը քշելով լեռնային շրջանները:

1256 թ. մոնղոլ զորապետ Հուլաիուն ստեղծեց մի պետութիւն (Թավրիզ կենտրոնով), որն ընդգրկում էր Իրանը, Հայաստանը, Արևելյան Վրաստանը, Միջագետքը և Փոքր Ասիայի մի մասը: Հայաստանի դրութիւնն ավելի ծանրացավ XIV դ. սկզբին, երբ մոնղոլական Ղազան խանը մահմեդականութիւնը դարձրեց պետական կրոն:

1330-40-ական թվականներին մոնղոլական պետութիւնը մասնատվեց: Դրանից օգտվեցին Հայաստան և Հարևան երկրներ թափանցած թուրքմենական ցեղերը՝ Կարա-կոյունլուները («սև ոչխարավորներ»), որոնք այդպես էին կոչվում սև ոչխարների հոտեր պահելու պատճառով: Նրանք 1378 թ. իրենց տիրապետութիւնը հաստատեցին Հայաստանում և

Հարևան երկրներում: Կարա-կոյունլուների իշխանութիւնը վերացրեց Լենկթեմուրը, որը 1386 թ. արշավեց Հայաստան, ամենուրեք մահ ու ավերածութիւն սփռելով: Լենկթեմուրի Հաջորդ արշավանքներից ևս Հայաստանը շատ տուժեց: Նրա մահվանից (1405 թ.) հետո կարա-կոյունլուները Հայաստանում, Վրաստանում, Ատրպատականում վերահաստատեցին իրենց իշխանութիւնը, պատերազմելով Լենկթեմուրի հետնորդների և թուրքմենական մեկ այլ ցեղախմբի՝ ակ-կոյունլուների («սպիտակ ոչխարավորների») դեմ: Այդ կռիվներից ալեկոծվեց Հայաստանը: Երկիրը որոշ խաղաղութիւն ձեռք բերեց կարա-կոյունլու Զհանշահի տիրակալութեան (1437-1467 թթ.) ժամանակ, երբ Երևանը դարձավ Հյուսիս-արևելյան Հայաստանի մայրաքաղաք, և խիստ մեծացավ նրա դերը տնտեսական, մշակութային կյանքում: Զհանշահը աշխատում էր Հայերին իր կողմը գրավել: Նրա օրոք՝ 1441 թ. Հայոց կաթողիկոսութիւնը Կիլիկիայից (Սիս քաղաքից) տեղափոխվեց Էջմիածին, ձերբազերծվելով կաթողիկե կեղեցու Հավակնութիւններից: Դա հույժ կարևոր նշանակութիւն ունեցավ Հայ ժողովրդի գոյատևման, համախմբման համար:

1467 թ. ակ-կոյունլուները հաղթեցին կարա-կոյունլուներին և իրենց գերիշխանութիւնը տարածեցին Հայաստանում և Հարևան երկրներում: Հայաստանը տուժեց Օսմանյան թուրքիայի դեմ ակ-կոյունլուների մղած պատերազմներից: 1502 թ. Պարսկաստանի (Սեֆյան տոհմից) շահ Իսմայիլը վերջ դրեց ակ-կոյունլուների տիրապետութեանը:

## ՀԱՅԱՍՏԱՆԸ ԹՈՒՐԹ-ՊԱՐՍԿԱԿԱՆ ՊԱՏԵՐԱԶՄՆԵՐԻ ԱՍՊԱՐԵԶ

XVI դ. սկզբից Հայաստանը, չլինելով պատերազմող կողմ, դարձավ երկու Հզոր նվաճողների՝ Օսմանյան թուրքիայի և Սեֆյան Պարսկաստանի միջև մղվող երկարատև ու ավերասփյուռ պատերազմների թատերաբեմ՝ ենթարկվելով բռնի տեղահանութիւնների, կոտորածների:

Թուրքական պետութիւնը ստեղծվել էր 1299 թ., Օսմանի կողմից (որի անվամբ կոչվեց): Հետզհետե նվաճումների շնորհիվ այն ընդարձակվեց՝ տիրանալով Փոքր Ասիայի մեծ մասին: 1502 թ. Պարսկաստանում ստեղծվեց զորեղ պետութիւն՝ Սեֆյան տոհմի գլխավորութեամբ: Պարսից շահ Իսմայիլը (1502-1524) ակ-կոյունլուներից գրավեց նաև Հայաստանը, Հարևան դառնալով թուրքիային, որը նոր երկրներ զավթելու նպատակով 1514 թ. հարձակվեց Պարսկաստանի վրա: Պարսից զորքը պարտվեց, քանի որ չուներ հրետանի (թուրքերն այն ունեին), և թուրքերին ղիջեց Հայաստանը, Կիլիկիան, Միջագետքը, Ատրպատականի զգալի մասը: Պատե-



բազմն ընդհատումներով շարունակվեց մինչև 1555 թ. , երբ Ամասիա քաղաքում կնքվեց Հաշտություն, որով Հայաստանն առաջին անգամ բաժանվեց Օսմանյան Թուրքիայի և Սեֆյան Պարսկաստանի միջև: Հայկական պար լեռնաշղթայից Հյուսիս ընկած դավառները մնացին պարսից տիրապետութայն տակ, իսկ Հարավային շրջաններն անցան Թուրքիային: Սակայն Թուրքիան դրանով չգոհացավ: Նա նպատակադրվել էր շարունակել պատերազմը, միանալ Կովկասի թաթարներին (այժմյան ադրբեջանցիներին), Միջին Ասիայի թուրքերին և Համատեղ ոչնչացնել Պարսկաստանը: 1578 թ. Թուրքիան վերստին Հարձակվեց Պարսկաստանի վրա, որը պարտվեց և 1590 թ. կնքված Հաշտությամբ թշնամուն դիջեց Հայաստանը, Անդրկովկասը և Ատրպատականի մեծ մասը:

Աղետահար Հայությունը ի վիճակի չլինելով սեփական ուժերով պայքարել իրեն այնքան դժբախտություններ պատճառած երկու Հզոր բռնատիրությունների դեմ՝ Հայացքն ուղղեց Հավատակից Եվրոպային: Պետականությունից զրկված Հայ ժողովրդի ազատագրման գործի նախաձեռնողը եղավ Հայոց եկեղեցին: Առաջինը նման փորձ կատարեց Հայոց կաթողիկոս Ստեփանոս Սալմաստեցին (1542–1564 թթ. , որը 1547 թ. էջմիածնում գումարեց գաղտնի ժողով և որոշեց պատվիրակություն ուղարկել Իտալիա՝ Վենետիկի Հանրապետություն և օգնություն խնդրել՝ օտար լծից ազատագրվելու Համար: Հայերի պատվիրակությունը 1549 թ. մեկնեց Վենետիկ, եղավ նաև Հռոմում, Գերմանիայում և Լեհաստանում, սակայն խոստումներից բացի ոչինչ չստանալով, վերադարձավ Հայրենիք: Հաջորդ փորձը կատարեց Միքայել Սեբաստացի կաթողիկոսը (1567–1576), որը 1562 թ. Սեբաստիա քաղաքում հրավիրեց ժողով, ուր կազմված խնդրագիրը ուղարկվեց Եվրոպա (Աբգար Եվդոկացու միջոցով): Սակայն այս դիմումը նույնպես մնաց անարձագանք:

Մինչդեռ Հայաստանը շարունակում էր ավերվել ու Հայաթափ լինել պարսկա-թուրքական պատերազմի Հետևանքով: Արբաս I շահը (1587–1628) անգլիացիների օգնությամբ մարզեց բանակը, այն զինեց հրետանիով: Եվրոպան կողմ էր թուրք-պարսկական պատերազմին, որը թույլ չէր տա, որ Թուրքիան ուժերը նետի Եվրոպայի դեմ: Օգտվելով Թուրքիայում տիրող խառնակ վիճակից՝ Շահ-Աբասը 1603 թ. Հարձակման անցավ Թուրքերի դեմ, ազատագրեց Ատրպատականը և մտավ Հայաստան, գրավելով Նախիջևան և Զուղա (Զուլֆա) քաղաքները:

Ութամսյա պաշարումից Հետո, 1604 թ. ամռանը նա գրավեց նաև Երևանը: Սակայն, տեղեկանալով, որ թուրքերը մեծ զորքով Հակահարձակման են անցել, շահը զորքին նահանջի հրաման տվեց, Արարատյան դաշտի բնակչությանը բռնի տեղահանեց, ամայացնելով այն վայրերը, որտեղով պետք է անցներ թուրքական զորքը: Արարատյան դաշտից և

Հարևան շրջաններից բռնագաղթվեց 60 հազար Հայ ընտանիք, որոնց զգալի մասը ճանապարհին մահացավ կամ վաճառվեց ստրկության: Արասը Հայերին գաղթեցրեց Պարսկաստան, ոչ միայն թուրքերին պարենամթերքի աղբյուրներից զրկելու, այլև Իրանի տնտեսությանը Հայերի միջոցով զարկ տալու նպատակով: Բռնագաղթված Հայերը Պարսկաստանի մայրաքաղաք Սպահանի մոտ Հիմնեցին Նոր-Ջուղա քաղաքը:

1605 թ. պարսիկները վճռական Հաղթանակ տարան թուրքերի դեմ: Պատերազմը ընդհատուճներով շարունակվեց մինչև 1639 թ., երբ Կ. Պոլսում կնքված Հաշտությամբ Հայաստանը երկրորդ անգամ բաժանվեց թուրքիայի և Պարսկաստանի միջև: Նրա մեծ մասն (Արևմտյան Հայաստանը) անցավ թուրքիային, իսկ արևելյան Հատվածը՝ Պարսկաստանին:

Սեֆյանները Արևելյան Հայաստանը ենթարկեցին վարչական բաժանման, այնտեղ ստեղծելով երեք խանություն՝ Երևանի, Նախիջևանի և Մակուի, որոնք բաժանված էին ավելի մանր վարչամիավորների՝ մահալների: Երևանի խանությունը ամենամեծն էր. այն ստեղծվեց 1605 թ. և մինչև XVIII դ. կեսը կոչվում էր բեկլարբեկություն:

Նախիջևանի, Մակուի խանություններն ստեղծվեցին XVIII դ. կեսին: Արևմտյան Հայաստանը տրոհված էր փաշայությունների (Վանի, Կարսի, Էրզրումի, Սեբաստիայի և Դիարբեքրի), որոնք բաժանված էին սանջակների (գավառների):

Արևելյան Հայաստանում Հողերի զգալի մասը պետական էր: Այն տրվում էր ծառայության դիմաց (թիուլական Հողեր), և նրա տերերը իրենց օգտին հավաքում էին գյուղերի հարկերը: Կար նաև ծառանգական Հողատիրություն՝ մուլքը: Քրիստոնյա բնակչությունը վճարում էր զանազան տեսակի հարկեր, որոնցից ծանր էին Հողահարկը և գլխահարկը: Կրոնական Հալածանքները վերջ չունեին:

Արևմտահայությունն ենթակա էր կրկնակի կեղեքումների: Դեռևս 1516 թ. թուրքիան գրավել էր Քրդստանը, ապա քրդական ցեղերին Միջագետքից տեղափոխել Հայաստան՝ նպատակ ունենալով այնտեղ Հենարան ստեղծել: Հայ գյուղացիները կախման մեջ դրվեցին նաև քուրդ բեկերից՝ Հարկ վճարելով թե՛ նրանց, թե՛ թուրքական պետությանը:

## ՀԱՅ ԱԶԱՏԱԳՐԱԿԱՆ ԵԱՐԺՈՒՄՆԵՐԸ XVII-XVIII ԴԱՐԵՐՈՒՄ

XVII դ. վերջերին Հայ ազատագրական պայքարը որոշ աշխուժացում ապրեց: 1677 թ. Հայոց կաթողիկոս Հակոբ Ջուղայեցին էջմիածնում գումարեց գաղտնի ժողով՝ Հայ մելիքների մասնակցությամբ: Ժողովում

որոշվեց պատվիրակներ ուղարկել Հոռմի պապի մոտ՝ օգնություն խնդրելու: Բայց կաթողիկոսի մահը խափանեց դրա իրագործումը: Պատվիրակներից մեկը՝ 18-ամյա Իսրայել Օրին (սիսիանցի Մելիք Իսրայելի որդին) մեկնեց Եվրոպա, եղավ նաև Գերմանիայում, որտեղ Պֆալցի իշխանութ-յան տեր Հովհան Վիլհելմին հորդորեց ազատագրել Հայաստանը և դառնալ նրա թագավորը: Պֆալցը այդ ժամանակ պատերազմում էր Թուրքի-այի դեմ, ուստի Հովհան Վիլհելմ իշխանն ընդունեց Օրինի առաջարկը, բայց պահանջեց, որ դրա վերաբերյալ իրենց Համաձայնությունը տան Հայ մեծամեծները: 1699 թ. 20-ամյա բացակայությունից հետո Օրին ծալոված, եվրոպացու անվան տակ Թուրքիայով վերադարձավ Հայրենիք, բերելով Հովհան Վիլհելմի խոստումնալից նամակները՝ ուղղված Հայ մե-լիքներին, Վրաստանի թագավորին, Էջմիածնի և Գանձասարի կաթողի-կոսներին: 1699 թ. Սիսիանի Անգեղակոթ ավանում հրավիրվեց մելիքնե-րի ժողով, որը նամակ հղեց Հովհան Վիլհելմին՝ հաղորդելով Հայ մելիք-ների Համաձայնությունը Օրինի ծրագրերին: 1699 թ. Օրին վերադարձավ Պֆալց և Հովհան Վիլհելմին ներկայացրեց Հայաստանի ազատագրման իր ծրագիրը, որի Համաձայն Պֆալցի զորքը Եվրոպայի դաշնակից ուժերի հետ Ռուսաստանի վրայով մտնելով Անդրկովկաս և միանալով Հայ-վրա-ցական զորքերին (որոնց թիվը ուռճացված էր), պետք է ազատագրեր Հա-յաստանը: Բայց նույն ժամանակ (1699 թ.) եվրոպական պետությունները Հաշտություն կնքեցին Թուրքերի հետ, ուստի պատերազմը չէին վերսկսի Հայերի Համար:

Թուրքիայի դեմ պատերազմը շարունակեց միայն Ռուսաստանը: 1701 թ. Օրին Հովհան Վիլհելմի լիազորագրերով մեկնեց Մոսկվա, եղավ Պետ-րոս I ցարի մոտ, նրան ներկայացրեց Հայաստանի ազատագրման իր ծրա-գիրը, որը ավելի իրատեսական էր: Թեև այդ պահին Ռուսաստանը պատե-րազմի մեջ էր Շվեդիայի դեմ և չէր կարող հարավում երկրորդ ճակատ բացել, բայց ցարը խոստացավ Հյուսիսային պատերազմը ավարտելուց հե-տո արշավել Անդրկովկաս: Այդ արշավանքի նախապատրաստման Համար հետախուզական տվյալներ ձեռք բերելու նպատակով Պետրոս I-ը 1708 թ. Օրինն շնորհեց գնդապետի կոչում և մեծ շքախմբով ուղարկեց Պարսկաս-տան: Օրին պետք է պարզեր նաև, թե որքան է Հայերի թիվը, և որքանով են նրանք հակված Ռուսաստանի կողմը: Օրին եղավ Պարսկաստանի մայ-րաքաղաք Սպահանում, մինչև 1711 թ. մնաց Հայաստանում, աշխատանք տանելով Հայ մելիքների մեջ: 1711 թ. Ռուսաստան վերադառնալիս նա անսպասելիորեն վախճանվեց Աստրախանում:

Հայ ազատագրական շարժումը մեծ վերելք ապրեց 1720-ական թվա-կաններին, երբ Կասպից ծովի ափերին երևաց ռուսական զորքը: Այդ ժա-մանակ Պարսկաստանը խիստ թուլացել էր, որից օգտվելով, Թուրքիան

ծրագրեց նվաճել նրան ենթակա Անդրկովկասը և այլ երկրամասեր: Թուրքերին դաշնակցում էին լեզգի ֆեոդալները\*, որոնք 1722 թ. ներխուժեցին Անդրկովկաս, Շամախիում թալանեցին ուսս վաճառականներին՝ սպանելով նրանց մի մասին: Դա Պետրոս I-ին առիթ տվեց 1722 թ. արշավելու Անդրկովկաս: Ռուսական զորքը օգոստոսին գրավեց Դերբենդը և Կասպից ծովի ափերով շարժվեց դեպի Գանձակ (Գյանջա):

Հայ-վրացական գինված ջոկատները ուսաներին միանալու Համար շարժվեցին դեպի Գանձակ և նրա մերձակայքում՝ Զուլակ վայրում, սպասեցին նրանց: Բայց ուսական զորքերը ետ դարձան առջևում եղած ճակատների սլաժանով: Հայերը չհուսալքվեցին և ամրացան Հայրենի լեռներում: Դեռևս 1713 թ. լեռնական ցեղերին Հակահարված տալու նպատակով Արցախի Մուսլ լեռան անտառներում ստեղծվել էր ամրացված զորաճամբար, որը Հայտնի է Մեծ սղնախ անունով (բառացի՝ «ամրացված վայր»): Այստեղ Հայերն ունեին մոտ 10 Հազարանոց զորք, որը Հաջողությամբ ետ էր մղում լեզգիների Հարձակումները: Սղնախներ ստեղծվեցին նաև Արցախի մյուս մասերում: Յուրաքանչյուր մելիքություն ուներ իր սղնախը:

Ազատագրական շարժումը ծավալվեց նաև Սյունիքում, որտեղ ստեղծվեց Հայկական իշխանություն՝ Դավիթ Բեկի գլխավորությամբ: Դավիթ Բեկը նշանավոր զորապետ էր վրացական բանակում, բայց երբ զգաց, որ Հայրենիքն իր կարիքն ունի (ինքն էլ ծագումով սյունեցի էր), ընդառաջեց Սյունիքից Թիֆլիս մեկնած Ստեփանոս Շահումյանի դիմումին և նրա հետ իր 30 զինակիցներով 1722 թ. մեկնեց Սյունիք: Ի տարբերություն Արցախի՝ Սյունիքի բնակչությունը միատարր չէր. այնտեղ բուն էին դրել թուրքական ցեղերը, ուստի Դավիթ Բեկն իր առաջնահերթ խնդիրը դարձրեց երկրամասը նրանցից մաքրելը: Նա առաջին Հարվածը ուղղեց Որոտան գետի ձորահովտում Հաստատված թուրքական քոչվոր Կարաչոուլ ցեղի դեմ՝ նրանից լիովին մաքրելով այդ շրջանը: Այս Հաղթանակը ոգևորեց սյունեցի մելիքներին, որոնք Համախմբվեցին Դավիթ Բեկի շուրջը: Այնուհետև Շնչեր (Շինուհայր) գյուղում բերդ կառուցելով, Դավիթ Բեկն այն դարձրեց իր նստավայրը և սկսեց Ղափանը մաքրել օտար ցեղերից, պատժեց մահմեդականություն ընդունած երկու Հայ մելիքների՝ Տաթև ու Երիցվանիկ գյուղերի տերերին: Թուրք խաները (Նախիջևանի, Օրդուբադի, Ղափանի, Բարգուշատի) թշնամաբար ընդունեցին Դավիթ Բեկի ձեռնարկումները, բայց նա ջախջախեց խանական ուժերին: 1724 թ. գարնանը Արցախից երկու Հազարանոց մի ջոկատ օգնության եկավ Դավիթ Բեկին: Դավիթ Բեկը գրավեց Սյունիքի ամրացած կետերը և զորքը տեղաբաշխեց այդ վայրերում: Վտանգի պահին զորքը Հավաքվում էր, բռունցք կազմում: Ղափանի կենտրոնում կառուցելով Հալիձորի բերդը,

Դավիթ Բեկը Հաստատվեց այնտեղ և Հաջողութեամբ շարունակեց մարտերը թուրք խաների դեմ: Նա ուներ արդեն 7 Հազարանոց զորք և կարողացավ ստեղծել Սյունիքի անկախ Հայկական իշխանութիւնը:

1723 թ. Հուլիսին, օգտվելով Պարսկաստանի ծանր վիճակից, Օսմանյան թուրքիան ներխուժեց Անդրկովկաս: 1724 թ-ի ապրիլի 7-ից մինչև Հունիսի 7-ը Երևանի բնակիչները Հերոսաբար դիմադրեցին թուրքական գերակշիռ ուժերին: Երևանը գրավելուց Հետո թուրքերը շարժվեցին առաջ: Հյուսիսային երկարատև պատերազմից Հոգնած Ռուսաստանը ի վիճակի չէր պատերազմի մեջ մտնել այն ժամանակ դեռ Հզոր թուրքիայի դեմ: 1724 թ. Հուլիսի 12-ին Կ. Պոլսում ուսները թուրքերի Հետ կնքեցին սլայմանագիր, որով Ռուսաստանին էին մնում նրա գրաված մերձկասսայան շրջանները, իսկ թուրքիային էին անցնում Անդրկովկասը և Հյուսիսային Պարսկաստանը:

Թուրքական զորքերը 1725 թ. գարնանը մոտեցան Սյունիքին և Արցախին, սակայն նրանց չհաջողվեց ծնկի բերել Հայերին: 1726 թ. արցախցիները ջախջախեցին Մեծ սղնախի վրա Հարձակված թուրքական քառասուն Հազարանոց զորքը: Բայց Սյունիքում ստեղծվեց ծանր կացութիւն. ապստամբների մի մասը լքեց Դավիթ Բեկին, Հնազանդվելով թուրքերին: 1727 թ. գարնանը Դավիթ Բեկն ստիպված նահանջեց թուրքական գերակշիռ ուժերից և ամրացավ Հալիճորում, որի պարիսպների տակ նրա զինակիցներ Մխիթար Սպարապետը և Տեր Ավետիքը ջախջախեցին թուրքերին, Ղափանը մաքրելով նրանցից: Նույն ժամանակ թուրքերի դեմ կռիվներ էին մղում նաև պարսիկները՝ շահ Թահմազի գլխավորութեամբ: Այդպիսով Հայերն ու պարսիկները դարձան դաշնակիցներ: Միմյանց զորակցելով՝ նրանք Սյունիքի զգալի մասը մաքրեցին թուրքերից: 1727 թ. շահը Հատուկ Հրովարտակով ճանաչեց Դավիթ Բեկի իշխանութիւնը՝ նրան տալով նաև դրամ կտրելու իրավունք: Հայ և պարսից զորքերը միասին շարունակեցին կռիվները թուրքերի դեմ: Սակայն 1728 թ. վախճանվեց Դավիթ Բեկը: Նրա գործը շարունակեց Մխիթար Սպարապետը: Նույն թվականին թուրքերը մեծ զորքով Հարձակվեցին և գրավեցին Հալիճորը: Մխիթար Սպարապետը մի քանի Հաղթանակներ տարավ նրանց դեմ, սակայն 1730 թ. դավադրաբար սպանվեց իր նստավայր Խնձորեսկ գյուղում:

1729-1730 թթ. Պարսկաստանի Նադիր զորապետը աֆղաններից մաքրեց երկիրը, 1732 թ. Հռչակվեց շահ և սկսեց Հաղթական կռիվները թուրքերի դեմ, նրանց ծանր պարտութեան մատնելով Եղվարդի (1735 թ. Հուլիսի 8) մոտ և այլուր մղած մարտերում: Նա վերանվաճեց նաև Արևելյան Հայաստանը: Նադիրին օգնում էին Հայկական վեց զորաջոկատներ, ուստի նա ճանաչեց Արցախի Հայ մելիքների ինքնավար իրավունքները, Հո-



վանավորեց սյունյաց մելիքներին, էջմիածնի ԱրրաՀամ Կրետացի կաթողիկոսին, վերադարձրեց էջմիածնի վանքից խլված կալվածքները:

## ՀՈՎՍԵՓ ԷՄԻՆ: ՀԱՅ ԱԶԱՏԱԳՐԱԿԱՆ ԵԱՐԺՄԱՆ ՀՆԴԿԱՀԱՅ ԿԵՆՏՐՈՆԸ

1760—ական թթ. Հայ ազատագրական շարժում սկսվեց Հնդկահայ գաղութում, որի Հայ առևտրական բուրժուազիան նեղվելով անգլիացիների մրցակցությունից, երազում էր ազատագրել Հայաստանը, ստեղծել Հայկական անկախ պետություն և իր Հարստությունը ներդնել այնտեղ՝ ազատվելով օտար մրցակցությունից. Հնդկահայ ազատագրական շարժման ակա՛նավոր ներկայացուցիչ էր Հովսեփ Էմինը, որը ձգտում էր ձեռք բերել զինվորական կրթություն և ազատագրել Հայաստանը: 1751 թ. 25—ամյա էմինը Հնդկաստանի Կալկաթա քաղաքից նավով մեկնեց Անգլիա, Լոնդոնում ծանոթացավ գրող Է. Բյորքին, որի միջոցով կապեր Հաստատեց անգլիական բարձր շրջանների հետ: Նա ընդունվեց Լոնդոնի ռազմական ակադեմիա, որը սակայն չավարտեց, վերահաս անգլո֊ֆրանսիական պատերազմին մասնակցելու պատճառով: 1758 թ. էմինը եղավ Անգլիայի վարչապետի մոտ, խնդրեց օգնել՝ ազատագրելու Հայաստանը, սակայն վարչապետը չընդառաջեց նրան: Ուստի էմինը 1759 թ. մեկնեց Հայաստան՝ ժողովրդին ոտքի հանելու: Նրա հորդորով Մուշի Ս. Կարապետ վանքի վանահայր Հովնան եպիսկոպոսը կաղմակերպեց արևմտահայերի ղինված ջոկատներ:

Համոզվելով, որ միայն Ռուսաստանը կարող է ազատագրել Հայաստանը, էմինը 1760 թ. վերադարձավ Լոնդոն, ապա 1761 թ. մեկնեց Ռուսաստան: Պետերբուրգում նրան ընդունեց կանցլեր Վորոնցովը, որի հանձնարարականով էմինը մեկնեց Վրաստանի Հերակլ II թագավորի մոտ: 1763 թ. նա Հասավ Թբիլիսի և Հերակլին ներկայացրեց իր ծրագիրը, որով պետք է ստեղծվեր Հայ֊վրացական միացյալ բանակ և ռուսների օգնությամբ ազատագրվեր Հայաստանը, կազմվեր Հայ֊վրացական պետություն՝ Հերակլի գլխավորությամբ: Սակայն Հերակլը չէր կարող պատերազմել Պարսկաստանի և Թուրքիայի դեմ, ուստի չընդունեց էմինի ծրագիրը: Հայոց կաթողիկոս Սիմեոն Երևանցին թեև կողմ էր Ռուսաստանի օգնությամբ Հայաստանն ազատագրելուն (1766 թ. նա դիմեց Եկատերինա II—ին, խնդրելով Հայերին վերցնել իր հովանավորության տակ, ինչը ընդունվեց կայսրուհու կողմից), բայց դեմ ելավ էմինի ծրագրին և Հերակլին հորդորեց նրան հեռացնել Վրաստանից: էմինը եղավ նաև Արցախում, բայց այդտեղ ևս Հաջողության չհասավ, քանի որ Արցախի մելիքները այլևս չունեին նախկին միասնությունը: Վարանդայի մելիք Եահնազարի օգնությամբ թուրք խա-

ներից մեկը՝ Փանահը, տիրանալով Շուշիին, բուն էր դրել Վարանդայի սրտում, պառակտելով մելիքների ուժերը: 1768 թ. էմինն ստիպված վերադարձավ Հնդկաստան:

1771 թ. Հնդկաստանի Մադրաս քաղաքում հայտնի վաճառական Եազամիր Եազամիրյանի և ուրիշների կողմից ստեղծվեց Հնդկահայ Հայրենասերների խմբակ, որի անդամները Հայաստանն ազատագրելու համար անհրաժեշտ էին համարում նախ լուսավորել ժողովրդին: Այդ նպատակով 1771 թ. Եազամիրյանը Մադրաս քաղաքում հիմնեց տպարան և 1773 թ. հրատարակեց իր որդու՝ Հակոբի ուսուցիչ, արցախահայ Մովսես Բաղրամյանի «Նոր տետրակ, որ կոչի հորդորակ» գիրքը, որտեղ Հայ երիտասարդությանը կոչ էր արվում ուղքի ելնել և զինված պայքարով ազատագրել Հայաստանը, ստեղծել անկախ Հայկական պետություն (սահմանադրական միապետության ձևով): 1789 թ. լույս տեսած՝ Եազամիր Եազամիրյանի «Որոգայթ փառաց» աշխատությունը Հայաստանի առաջին սահմանադրությունն էր: Այն նախատեսում էր բուրժուական հանրապետություն ստեղծել Հայաստանում: Գերագույն իշխանությունը պետք է իրականացնեի «Հայոց տունը»՝ պառլամենտը: Սակայն Հայաստանում ստեղծված պայմաններում Հնարավոր չէր բուրժուական առաջադիմական գաղափարների իրագործումը:

## ՀԱՅԿԱԿԱՆ ԳԱՂԹԱՎԱՅՐԵՐԸ

Բռնությունների, պատերազմների հետևանքով Հայաստանում ստեղծված դառնադեպ իրավիճակից Հայերը ելք էին գտնում արտագաղթի մեջ: Հայ բնակչության արտահոսքը մեծ չափերի հասավ Հայոց Բագրատունիների թագավորության անկումից (1045 թ.) հետո, սելջուկ-թյուրքական արշավանքների ժամանակ:

Հայկական Հնագույն գաղթավայրերից էր Կոստանդնուպոլսի գաղութը, որտեղ Հայերը հաստատվել էին սկսած V դարից: XIII դարից այստեղ արդեն կար հոծ Հայություն, որն ուներ եկեղեցի, եպիսկոպոսներ: 1461 թ. թուրքական սուլթանի հրամանով ստեղծվեց Կ. Պոլսի Հայոց պատրիարքությունը, որը տնօրինում էր արևմտահայության հոգևոր կյանքը, սուլթանի օգտին նրանից հավաքում էր հարկերը: XVI դարում Կ. Պոլսում 200 հազար Հայ կար: XVII դարից Պոլսի Հայ առևտրականներն ունեին շատ խանութներ, իջևանատներ, կրում էին «խոջա» (պարսկերեն՝ «հարուստ», «վաճառական»), իսկ XVIII դարից՝ «ամիրա» (արաբերեն՝ «իշխան») պատվանունները: Ամիրայությունն ազգեցիկ դեր էր խաղում Հայոց ազգային կյանքում: Որոշ Հայ ամիրայական տների ներկայացուցիչներ բարձր դիր-

քերի Հասան թուրքական պետութեան Համակարգում: 1567 թ. Հայերից Աբգար Դ պիրը Կ. Պոլսում ստեղծեց առաջին տպարանը: XI դարից Հայեր են Հաստատվել նաև Զմյուռնիայում, XV դ.՝ Անկարայում և այլուր:

Հայկական գաղութներ կային նաև Եգիպտոսում, Սիրիայում: VII–X դարերում Եգիպտոսի Հայերը վարում էին պետական և զինվորական բարձր պաշտոններ: X դարից Եգիպտոսի Հայերի թիվն ավելացավ՝ Հասնելով մոտ 30 Հազարի: XI–XII դարերում Եգիպտոսի վեզիրների մեծ մասը Հայեր էին: XVII դ. Լիբանանի քրիստոնյա Փեոդալները ապաստան տվեցին Հայերին, որպեսզի ամրապնդեն իրենց դիրքերը:

Պարսկաստանում Հայերը բնակվել են սկսած III դարից: 369 թ. պարսից Շապուհ II արքան Հայաստանի քաղաքների բնակչության զգալի մասը գաղթեցրեց Պարսկաստան: 1604 թ. բռնագաղթի ժամանակ Աբբաս I-ը Պարսկաստան քշեց մոտ 300 Հազար Հայերի: Նրանց մի մասը Սպահանի մոտ Հիմնեց քաղաք՝ այն կոչելով Հայրենի Զուղա քաղաքի անունով՝ Նոր Զուղա: Վերջինս XVII դարում ուներ 30 Հազար բնակիչ, ինքնավարութուն: Նոր Զուղայի Հայ վաճառականները (խոջաները) XVII դ. 2-րդ կեսին կազմակերպեցին առևտրական ընկերություններ: 1667 թ. նրանք Ռուսաստանի Հետ կնքեցին առևտրական պայմանագիր, որով Հայերը կարող էին ազատ առևտուր անել Ռուսաստանի և նրա վրայով՝ Եվրոպայի Հետ: Նոր Զուղան դարձավ Հայ մշակույթի, գրչության կենտրոն: Նրա Ամենափրկիչ վանքին կից կար դպրոց և մատենադարան: 1638 թ. Նոր Զուղայում Հիմնվեց տպարան, որն առաջինն էր Պարսկաստանում:

Հայություն կյանքում ազդեցիկ դեր խաղաց նաև Հնդկահայ գաղութը: XVII դ. վերջերից Իրանում ստեղծված տնտեսական ծանր վիճակի, կրոնական Հալածանքների պատճառով նորջուղայեցիների մի մասը ստիպված Հեռացավ Հնդկաստան՝ բնակություն Հաստատելով Մադրաս, Կալկաթա, Ագրա, Բոմբեյ և այլ քաղաքներում: Հայերին սիրաշահում էին Հնդկաստանի տիրակալները, որոնցից մեկի՝ Աբբար արքայի (1556–1605) կինը՝ Մարիամ թագուհին, Հայուհի էր: Հնդկաստանի և Եվրոպայի միջև կատարվող առևտուրը Հայերի ձեռքին էր: Հայերն ունեին նաև սեփական նավեր: Սակայն XVII դ. վերջից Հնդկաստանում ուժեղացավ անգլիացիների ազդեցությունը: Հնդկահայ առևտրական բուրժուազիան չդիմացավ զորք և Հզոր նավատորմ ունեցող անգլիացիների մրցակցությունը և Հետզհետե կորցրեց շուկաներում ունեցած ազդեցությունը: Ուստի Հայերը միացան անգլիացիների դեմ Հնդիկների 1762 թ. ապստամբությունը: Հայազգի Գրիգոր Հարությունյանը (Գորգին խան) գլխավորեց Հնդիկ ապստամբների զորքը:

1794 թ. Հնդկաստանի Մադրաս քաղաքում սկսեց լույս տեսնել Հայերեն առաջին պարբերականը՝ «Ազդարարը»:

XI դ. կեսերից, երբ Բագրատունյաց թագավորությունն անկում ապ-

րեց, բազմաՀազար Հայեր (մեծ մասը Անիից) գաղթեցին Ղրիմ, որտեղ Հայության թիվը մեծացավ XVI–XVII դարերում (նրանք թվով երկրորդ տարրն էին թաթարներից Հետո): Ղրիմի Հայերն ունեին ներքին ինքնավարութուն, սեփական զորք, զբաղվում էին այգեգործությամբ, արհեստներով և առևտրով: Ղրիմում զարգացում ապրեց Հայ մշակույթը, ստեղծվեց ուրույն մանրանկարչական դպրոց: Մշակույթի կենտրոններ էին Հայաշատ քաղաքները՝ Կաֆան (այժմ՝ Թեոդոսիա), ուր XV դ. կեսին 50 Հազար Հայեր էին բնակվում և Սուլթաթը (այժմ՝ Ստարի Կրիմ):

XI դ. կեսերից Հայերը Հանգրվանել են նաև Արևմտյան Եվրոպայում: XI դ. Հիմնվեց Վենետիկի Հայ գաղութը, որը ստվարացավ XIII դ.: 1512 թ. այնտեղ ստեղծվեց առաջին Հայ տպարանը: XVI–XVII դդ. շատ Հայեր կային նաև Հոլանդիայի Ամստերդամ, Իտալիայի Հռոմ, Ջենովա, Փրանսիայի Մարսել քաղաքներում:

Ստվարաթիվ Հայութուն կար նաև Ուկրաինայում և Լեհաստանում, ուր XVII դ. մոտ կես միլիոն Հայեր էին բնակվում: Կիևում XI դ. ստեղծվեց Հայկական դաղութ, որը մեծացավ XVI–XVII դդ.: Հայերն ստեղծեցին իրենց զորքը, ինքնավար մարմինները (դատարան, խորհուրդ և այլն), Հիմնեցին եկեղեցիներ, դպրոցներ, որոշ քաղաքներում (Լվով և այլն) նաև՝ տպարան ու թատրոն: XVIII դ. Լեհաստանի Հայ գաղութը չդիմանալով կաթոլիկության գավերին, ռաիսված ընդունեց կաթոլիկութուն և գրեթե լիովին կորցրեց իր ազգային դիմագիծը, լեզուն: 1596 թ. Բրեստի ունիայով Ուկրաինական եկեղեցին միացավ կաթոլիկ եկեղեցուն, ուստի Հայերը Հեռացան Կիևից, ապավինելով Մոսկվային, որի կենտրոնում տակավին XV դ. ստեղծվել էր Հայկական դաղութ: XVII դ. սկզբին Մոսկվայի Պրեսնյա թաղում կառուցվեց Հայկական եկեղեցի և Հայոց ազգային գերեզմանոց («Վաղանովյան»), որի այժմյան եկեղեցին կառուցվել է 1801 թ.:

XVI դարից սավարաշատ Հայ գաղթավայր էր նաև Աստրախանը, որտեղ Հայերն ունեին սեփական դատարան, ուստի XVIII դ. ստեղծեցին Հայերեն դատառտանագիրք:

XVIII դ. Հայկական գաղթավայրեր Հիմնվեցին նաև Նոր Նախիջևանում (Դոնի Ռոստովի մերձակայքում), Գրիգորիոպոլում (Դնեստրի ավազանում), Պետերբուրգում, Հյուսիսային Կովկասում: Դաղստանի Ղզլար քաղաքում Հայերը Հաստատվել են նրա Հիմնադրման ժամանակ՝ 1735 թվականից: XVIII դ. 2-րդ կեսին այնտեղ բնակվում էին մոտ 2800 Հայեր, որոնք ունեին իրենց դատարանը, դպրոցները:

XV դ. 2-րդ կեսից Ղրիմից, Հեռագայում նաև Հայաստանից Հայերը գաղթել են Չերքեզիա: Չերքեզահայերն ունեին ներքին ինքնավարութուն: 1839 թ. նրանք Հիմնեցին Արմավիր ավանը (1914-ից՝ քաղաք): 1763 թ. Օսեթիայում ռուսների Հիմնած Մոզդոկ ավան Եկատերինա II-ի Հրա-

մանով տեղափոխվեցին ավելի քան 2000 հայեր (Ղզլարից և այլ վայրերից), որոնք ունեին իրենց դատարանը, առևտրական արտոնություններ, երկու եկեղեցի, ուսումնարան: 1799 թ. հայերը հիմնեցին Սուրբ խաչ ավանը (այժմ՝ Ստավրոպոլի մարզի Բուդյոնովսկ քաղաք), որն ուներ հայկական դատարան, եկեղեցի:

Հայերը Պետերբուրգում հաստատվել են XVIII դ. սկզբներին: 1779 թ. այնտեղ հիմնվեց հայկական եկեղեցի: Նույն դարում պետերբուրգցի հայերը հիմնեցին մետաքսի ֆաբրիկաներ: XVIII դ. 2-րդ կեսից Պետերբուրգում լայն գործունեություն ծավալեց Հայազգի Լազարյան տոհմը, որի անդամները Հայտնի էին որպես խոշոր կալվածատերեր և արդյունաբերողներ: Նրանք 1815 թ. Մոսկվայում հիմնեցին Լազարյան ճեմարանը:

## ՀԱՅԿԱԿԱՆ ՄՇԱԿՈՒՑԹՆԸ XV–XVIII ԴԱՐՆՐՈՒՄ

XV–XVIII դդ. Հայաստանում ստեղծված օրհասական պայմաններում Հայ մշակույթի զարգացումը չընդհատվեց: Աշխուժացում ապրեց կրթական գործը, գիտությունը: XV դ. սկզբին շարունակում էր գործել Տաթևի համալսարանը: Նշանավոր կրթօջախներ էին XVI դ. վերջին Բաղեշի (Բիթլիս) Ամրդուլու վանքի դպրոցը և Սյունյաց Մեծ անապատի դպրոցը (Տաթևի մոտ), Մեծոփա վանքի դպրոցը Վանա լճի մոտ:

Հայ մշակույթի զարգացման համար ավելի բարենպաստ պայմաններ կային հայկական գաղթավայրերում: 1717 թ. Վենետիկի մոտ, Ս. Ղազար կղզում Մխիթար Սեբաստացին հիմնեց կրոնական միաբանություն, որը հետագայում կոչվեց նրա անունով: Մխիթարյան միաբանության մի ճյուղավորումը 1811 թ. հաստատվեց Վիեննայում: Մխիթարյանները մեծապես զարգացրին Հայագիտությունը՝ Մ. Սեբաստացու, Մ. Չամչյանի, Ղ. Ինճիճյանի, Ղ. Ալիշանի, Մ. Ավգերյանի, Ա. Այտընյանի և ուրիշների ներդրած ջանքերի շնորհիվ: 1719 թ. հայկական դպրոց հիմնվեց Կ. Պոլսում, 1730-ական թվերին՝ Նոր Զուղայում:

Առաջընթաց ապրեց նաև գիտությունը, հատկապես պատմագրությունը: XVII դ. պատմագիրներ Առաքել Դավրիժեցին, Գրիգոր Դարանաղցին, Զաքարիա Քանաքեռցին, XVIII դ. պատմիչներ Աբրահամ Կրետացին, Աբրահամ Երևանցին ստեղծեցին մեծարժեք երկեր: Հայ նոր պատմագրության հիմքը դրեց Մ. Չամչյանը, որի եռհատոր «Հայոց պատմություն» գործում դեպքերի շարադրանքը սկսվում է վաղ ժամանակներից հասցնելով 1784 թ.: Բառարանագրության ասպարեզում մեծ ներդրում էր 1749 թ. Վենետիկում լույս տեսած «Հայկազյան բառարանը» (2 հատորով):

Որոշակի զարգացում ապրեցին նաև բնական գիտությունները: XV դ



բժիշկ-բնագետ Ամիրդովլաթ Ամասեցու «Օգուտ բժշկության» գրքում տրված են 209 Հիվանդությունների փաստորոշումը, բուժման եղանակները: Նրա մեկ այլ գրքում՝ «Ախրապատին»-ում, բերված են 3700 անուն բուժիչ դեղանյութեր, նշված են դրանց կիրառման եղանակները: XVII դ. Հայ կենդանաբան Աբրահամ Կոստանդնուպոլսեցին գրել է մեզ Հասած Հայերեն ամնահին կենդանաբանական ձեռնարկը:

Հայ գրականությունը ևս առաջընթաց ապրեց: XVI դ. բանաստեղծ Նահապետ Քուչակը իր տաղերում երգել է սերը, կանացի գեղեցկությունը: XVIII դ. քնարաշունչ գործեր ստեղծեց Սայաթ-Նովան, որից մեզ Հասած ավելի քան 200 երգերում (Հայերեն, վրացերեն և թուրքերեն) գովերգվում է սերը, կանացի գեղեցկությունը: Հայ նկարիչների նշանավոր գերդաստանի նախնին՝ Հովնաթանը (1661-1722), որ Հայտնի էր Նաղաշ («Նկարիչ») անունով, գրել է սիրային և խրատական տաղեր: Նա նաև երաժիշտ էր, նկարիչ: Մնվել է Գողթն գավառի Շոռոթ գյուղում: Նրա գործը շարունակեցին որդիները՝ Հարությունը, Հակոբը և վերջինիս որդին՝ Հովնաթանը, որը նկարազարդեց էջմիածնի մայր տաճարը: XVII դ. նշանավոր նկարիչ էր նաև Մինաս Զուղայեցին:

Հայ ճարտարապետության զարգացումը XV-XVII դարերում սահմանափակվեց փոքր եկեղեցիների (մատուռների) կառուցմամբ, խաչքարերի, շենքերի փորագիր զարդանախշերի ստեղծմամբ: Հայազգի ճարտարապետ Սինանյանը (Սինան (1490-1588 թթ.) ստեղծեց թուրքական ճարտարապետության գլուխգործոցները՝ Ադրիանապոլսի Սելիմիե մզկիթը, Կ. Պոլսի Կապուլյա մզկիթը, ուր տեղավորվում է 25 Հազար մարդ, և Հարյուրավոր այլ շինություններ:

XVI դ. սկզբնավորվեց Հայ տպագրությունը: 1512 թ. Հակոբ Մեղապարտը Վենետիկում ստեղծեց Հայկական առաջին տպարանը, որտեղ նույն թվին տպագրեց Հայերեն առաջին գիրքը՝ «Ուրբաթագիրքը» ապա «Պարզատուճարը», «Տաղարանը» և այլն: XVII դ. Հայկական տպարաններ Հիմնվեցին Նոր Զուղայում, Ամստերդամում, Մարսելում, Կ. Պոլսում, XVIII դ.՝ Մադրասում, Պետերբուրգում և այլուր: 1771 թ. Հայոց կաթողիկոս Սիմեոն Երևանցին էջմիածնում Հիմնեց տպարան, որն առաջինն էր Հայաստանում: 1776 թ. էջմիածնում նա Հիմնեց նաև թղթի գործարան:

## ՀԱՅԱՍՏԱՆԸ XIX ԴԱՐՈՒՄ

### ԱՐԵՎԵԼՅԱՆ ՀԱՅԱՍՏԱՆԻ ՄԻԱՑՈՒՄԸ ՌՈՒՍԱՍՏԱՆԻՆ

XIX դ. սկզբներին Արևելյան Հայաստանը շարունակում էր մնալ Պարսկաստանի կազմում, ընդգրկելով Երևանի, Նախիջևանի, Մակուի և Ղարաբաղի խանությունները: 1801 թ. սեպտեմբերի 18-ին Արևելյան Վրաստանը միացվեց Ռուսաստանին: Դա ազատագրվելու հույս ներշնչեց Հայերին: Նույն թվին Վրաստանի հետ Լոռին ևս միացվեց Ռուսաստանին: Օրակարգում դրվեց Արևելյան Հայաստանի մյուս մասերի ազատագրումը: Թուրքական տիրապետության տակ մնացին նաև Ախալքալաքի և Ախալցխայի շրջանները, Արևմտյան Վրաստանը: Սև ծովի ափերին ամրանալու համար Ռուսաստանը պիտի տիրեր Կովկասին: Ռուսաստանի նվաճողական քաղաքականությունը համընկնում էր Հայ ժողովրդի ազգային շահերին: Հայերը ուսանների օգնությամբ հույս ունեին ազատագրվել պարսկա-թուրքական բռնաաիրությունից, ուստի ամեն կերպ աջակցում էին նրանց: 1804 թ. ուսանկան զորքը գեներալ Յիցիանովի գլխավորությամբ առաջին անգամ արշավեց Երևանի վրա, որով սկսվեց 1804-1813 թթ. ուս-պարսկական պատերազմը: Ռուսական զորքին չհաջողվեց Երևանը գրավել պարենի, զինամթերքի պակասության պատճառով: Բայց 1805 թ. ուսաները գրավեցին Շիրակն ու Ղարաբաղը:

1806 թ. դեկտեմբերին սկսված ուս-թուրքական պատերազմը (1806-1812) ուսաներին ստիպեց նոր ճակատ բացել Կովկասում: 1807 թ. թուրքական զորքը հարձակվեց Գյումրիի վրա, բայց հունիսի 18-ին Ախուրյանի ափին ծանր պարտություն կրեց:

1808 թ. սեպտեմբերին ուսական բանակը գեներալ Գուլգովիչի գլխավորությամբ երկրորդ անգամ հարձակվեց Երևանի վրա, գրավեց Էջմիածինը, Նախիջևանը, սակայն Երևանի անառիկ բերդն այս անգամ ևս գրավել չհաջողվեց՝ դարձյալ զինամթերքի սպառման պատճառով: 1812 թ.

ողեպնդվելով Ռուսաստանի դեմ Նապոլեոնի արշավանքից, պարսից զորքը Հարձակման անցավ ռուսների դեմ: Պարսից թագաժառանգ Աբաս Միրզան 20 Հազարանոց բանակով փորձեց մտնել Ղարաբաղ, բայց Արաքսի ափին պարտութուն կրեց: 1813 թ. Հոկտեմբերի 24-ին Արցախի Գյուլիստան բերդավանում կնքված ռուս-պարսկական Հաշտության պայմանագրով Պարսկաստանը ճանաչեց Արևելյան Վրաստանի, Լոռիի, Շիրակի, Ղարաբաղի, Զանգեզուրի, ինչպես և Գյանջայի, Շիրվանի, Բաքվի և Հարևան խանությունների միացումը Ռուսաստանին:

Պարսիկները դժգոհ էին Գյուլիստանի պայմանագրից և Հարմար առիթի էին սպասում այն չեղյալ Համարելու Համար: Դեկաբրիստների ապստամբության լուրն ստանալով, նրանք կարծեցին, թե Ռուսաստանում Հեղաշրջում է կատարվել, և 1826 թ. Հուլիսի 17-ին խախտելով Գյուլիստանի պայմանագիրը, ներխուժեցին Ղարաբաղ, Շիրակ և Լոռի, որով սկսվեց ռուս-պարսկական երկրորդ պատերազմը (1826-1828): Հայերը ռուսական զորքի Հետ կողք-կողքի կռվում էին պարսից զորքի դեմ: Հուլիսի 26-ին պարսից 60 Հազարանոց բանակը պաշարեց Շուշին, որի ռուսական կայազորը Հայերի զորակցությամբ Հերոսաբար դիմագրավեց Հակառակորդի գերակշիռ ուժերին: Պարսկական մեկ այլ բանակ մտավ Շիրակ և շարժվեց Գյումրիի վրա, սակայն խլի Ղարաքիլիսա (այժմ՝ Ախուրյանի շրջանի Ազատան) գյուղի Հայ բնակիչները Հերոսաբար պաշտպանվեցին, ետ մղելով պարսից զորքի բազմաթիվ զրոհները (այդ կռիվները նկարագրել է Խ. Արովյանը՝ «Վերք Հայաստանի» վեպում): Պարսից զորքին Հերոսաբար դիմադրութուն ցույց տվեցին նաև լոռեցիների կամավորական ջոկատները, որոնցից Հատկապես աչքի ընկավ Գրիգոր Մանուչարյանի 500 մարտիկներից բաղկացած Հեծյալ ջոկատը: 1826 թ. սեպտեմբերի 3-ին Հայազգի գեներալ Մադաթովը Շամխորի մոտ փայլուն Հաղթանակ տարավ պարսիկների դեմ: Տասը օր Հետո գեներալ Պասկևիչը Գյանջայի մոտ պարտության մատնեց պարսկական մեկ այլ բանակի: 1827 թ. սկզբին ռուսական զորքը շարժվեց Երևանի վրա: Վրաստանի Հայոց Հոգևոր թեմի առաջնորդ, արքեպիսկոպոս Ներսես Աշտարակեցին Հայերին կոչ արեց զորավիգել ռուսական զորքերին: Հայերը կազմակերպեցին կամավորական երեք ջոկատ: 1827 թ. ապրիլի 13-ին ռուսական զորքը գրավեց Էջմիածինը:

1827 թ. ապրիլի 27-ին ռուսական բանակը գեներալ Պասկևիչի գլխավորությամբ պաշարեց Երևանի բերդը, իսկ Հունիսի 26-ին գրավեց Նախիջևանը: Հուլիսի 7-ին ռուսական բանակը Արաքսի ափին ջախջախեց պարսից զորքը, գրավելով Աբբասաբադի բերդը: Թվում էր, թե պարսիկները միառժամանակ ձեռնպահ կմնան Հարձակումներից, ուստի Կրասովսկու դիվիզիան Հանգստի մեկնեց Ապարան: Սակայն պարսկական զորքը

Աբբաս Միրզայի գլխավորութեամբ անսպասելիորեն Հարձակման անցավ և օգոստոսի 6-ին գրավեց Աշտարակը, նույն ամսի 15-ին պաշարեց Էջմիածինը, որի Հայ պաշտպանները Հերոսաբար դիմակայեցին նրան: Ներսես Աշտարակեցին Կրասովսկուց խնդրեց օգնութեան Հասնել, ինչը չուշացավ: Ռուսների երեք Հազարանոց զորքը 1827 թ. օգոստոսի 17-ին Օշականի մոտ բախվեց պարսիկների 30 Հազարանոց բանակի Հետ: Մարտի թեժ պահին պարսկական բանակի Հայ թնդանոթաձիգ Հակոբ Հարությունյանը Հրանոթի կրակն ուղղեց պարսից զորքի դեմ՝ խուճապի մատնելով նրան: Դրանից օգտվեցին ռուսները և ճեղքելով պաշարումը, Հասան Էջմիածին՝ կանխելով պարսիկների կողմից նրա գրավումը: Պարսից Հրամանատարութունը Հանել տվեց խիզախ Հրանոթաձիգի աչքերը, կտրել տվեց լեզուն, ականջները, քիթը, ձեռքերը: Մի կերպ ուշքի գալով, Հակոբը Հասավ Էջմիածին: Ռուսական կառավարութունը նրան ցմահ ոռճիկ նշանակեց: Օշականում Հերոսաբար զոհված ավելի քան 1000 ռուս զորայինների պատվին Էջմիածնի վանքի միջոցներով 1834 թ. կառուցվեց Հուշարձան, որը մնում է նաև այժմ:

1827 թ. սեպտեմբերին ռուսական զորքը վճռական Հարձակման անցավ, գրավեց Սարդարապատի բերդը (Արմավիրի շրջան), վեց օր Հետո՝ սեպտեմբերի 25-ին վերստին պաշարեց Երևանի բերդը, որը Հուլիս անառիկ էր: Նրա մի կողմում Հրազդանի դժվարամատչելի կիրճն էր, մյուս կողմերից այն պատած էր լայնանիստ կրկնակի պարիսպներով: Երևանի Հասան խանը բերդում ուներ վեց Հազար զինվոր և 53 Հրանոթ: Հինգ օր տևած ոմբակոծութունից Հետո, 1827 թ. Հոկտեմբերի 1-ին Երևանի բերդի Հարավարևելյան պարսպի մեջ բացված անցքով ռուսները ներս մտան բերդ և գրավեցին այն՝ տալով ընդամենը 52 վիրավոր ու սպանված: Գերի վերցվեցին բազմաթիվ պարսիկ զինվորներ և Հասան խանը:

1828 թ. փետրվարի 10-ին, Թավրիզից Թեհրան տանող ճանապարհին՝ Թուրքմենչայ գյուղում կնքվեց ռուս-պարսկական Հաշտութեան պայմանագիր, որով Արևելյան Հայաստանը միացվեց Ռուսաստանին: Պարսկահայերին իրավունք տրվեց մեկ տարվա ընթացքում իրենց ունեցվածքով վերաբնակվել Արևելյան Հայաստանում: Ռուսաստանը կամենում էր Հայերին, որպես Հուսալի և նվիրված ժողովրդի, բնակեցնել իր Հարավային սահմաններում: 1828-1829 թթ. Արևելյան Հայաստան գաղթեցին մոտ 50 Հազար պարսկահայեր, որոնք վեց տարի ազատվեցին Հարկերից: Հայերի գաղթը կազմակերպելու գործում մեծ օգնութուն ցուցաբերեց Պարսկաստանում ռուսական դեսպան, գրող Ա. Ս. Գրիբոյեդովը:

Սակայն Հայ ժողովրդի արևմտահայ Հատվածը մնաց Օսմանյան Թուրքիայի բռնատիրութեան տակ: 1828 թ. ապրիլին սկսվեց ռուս-թուրքական պատերազմը, որը ազատագրվելու Հույսեր ներշնչեց արևմտահայերին:

Այդ պատերազմը ընթանում էր Բալկանյան և Կովկասյան ճակատներում: 1828 թ. Հունիսին Կովկասյան բանակի հրամանատար Պասկևիչը գրավեց Կարսի անառիկ բերդը: Օգոստոսին ռուսները տիրացան Բայազետին, Ալաշկերտի դաշտին: Բայազետի և մյուս շրջանների հայերը ստեղծեցին կամավորական ջոկատներ, զորակցեցին ռուսական բանակին: 1829 թ. մարտին թուրքական զորքը հարձակման անցավ Կարսում, Ախալցխայում ամրացած ռուսական զորքերի դեմ: Ախալցխայի ռուսական զորաբաժինը, հայազգի զենեռալ Վ. Բեհրուժովի գլխավորությամբ, տեղացի հայերի, վրացիների օգնությամբ, հերոսաբար դիմադրեց, մինչև օժանդակ ուժերի ժամանումը, որից հետո թշնամին նահանջեց: 1829 թ. Հունիսին ռուսները գրավեցին նաև Էրզրումը:

Բալկանյան ճակատում ռուսները նույնպես տարան մի շարք հաղթանակներ: 1829 թ. սեպտեմբերի 2-ին Ադրիանապոլիս քաղաքում կնքվեց ռուս-թուրքական հաշտության պայմանագիր, որով թուրքիան ճանաչեց Գյուլիստանի և թուրքմենչայի պայմանագրերով Անդրկովկասի միացումը Ռուսաստանին: Ռուսաստանին էին անցնում Դանուբի գետաբերանը և Սև ծովի կովկասյան ափերը՝ Կուբան գետից մինչև Փոթի ընկած տարածքը, ինչպես նաև Ախալցխայի և Ախալքալաքի շրջանները: Թուրքիան ճանաչեց Հունաստանի, Սերբիայի և Մոլդավիայի ինքնավարությունը:

Արևմտյան Հայաստանի գրավված շրջանները եվրոպական պետությունների հարկադրանքով Ռուսաստանը վերադարձրեց թուրքիային: Ադրիանապոլսի պայմանագրով արևմտահայերին թույլ տրվեց գաղթել ռուսական սահմաններ: 1829-1830 թթ. ընթացքում Արևելյան Հայաստան գաղթեցին մոտ 100 հազար հայեր: Էրզրումի փաշայությունից հայերը գաղթեցին Ախալցխայի, Ախալքալաքի, Ծալկայի շրջաններ և Լոռիի այլ բնակավայրեր: Կարսից հայերը տեղափոխվեցին Շիրակ, Ապարան, Թալին, Բայազետից՝ Սևանի ավազան, Դարաչիչակ (Ծաղկաձոր) և Սուրմալու:

Արևելյան Հայաստանը Ռուսաստանին միացնելու շնորհիվ ապահովվեց հայերի հավաքական ազգային գոյատևումը Ռուսաստանի հովանու ներքո: Հայերի համար նպաստավոր պայմաններ ստեղծվեցին տնտեսական առաջընթացի, մշակույթի զարգացման համար:

## ՀԱՅԱՍՏԱՆԸ 1830-1850-ԱԿԱՆ ԹՎԱԿԱՆՆԵՐԻՆ

1828 թ. մարտի 28-ին Նիկոլայ I ցարի հրամանով նախկին Երևանի ու Նախիջևանի խանությունների տարածքում ստեղծվեց Հայկական մարզը, որի կառավարիչը 1830 թ. դարձավ Վ. Բեհրուժովը: 1840 թ. Հայկական մարզը վերացվեց: 1844 թ. հիմնվեց Կովկասի փոխարքայությունը:



1846 թ. Անդրկովկասը բաժանվեց նահանգների: 1849 թ. ստեղծված Երևանի նահանգն ընդգրկում էր Երևանի, Ալեքսանդրապոլի, նախիջևանի, Նոր Բայազետի և Օրդուբադի գավառները: 1836 թ. հրատարակված եկեղեցական կանոնադրությամբ Հայ ժողովուրդն իրավունք ստացավ, որպես առանձին Համայնք, պահպանել իր լեզուն, կրոնը, բացել դպրոցներ: Կաթողիկոսին ընտրելու էին Հայերը, Հաստատելու էր ցարը:

Ծանր էր արևմտահայերի վիճակը: Թուրքիայում նրանք զրկված էին տարրական իրավունքներից: Հայերի բնական աճը կանգ էր առել Հալածանքների, բռնությունների, կեղեքումների պատճառով:

Հայերի մեջ ազատագրական հույսեր ծնեց 1853 թ. հոկտեմբերի 4-ին սկսված Ղրիմի պատերազմը, մի կողմից Ռուսաստանի, մյուս կողմից Թուրքիայի ու նրան զորակցող Անգլիայի, Ֆրանսիայի միջև: Բայց այս անգամ ևս արևմտահայերի հույսերը չիրականացան: 1856 թ. մարտի 30-ին Փարիզում կնքված պայմանագրով Ռուսաստանը Թուրքիային վերադարձրեց Կարսը և Արևմտյան Հայաստանի գրավված շրջանները:

## ԱՐԵՎՄՏԱՀԱՅԵՐԻ ԱԶԳԱՅԻՆ ՍԱՀՄԱՆԱԴՐՈՒԹՅՈՒՆԸ

1840-ական թթ. պոլսահայությունը եռանդուն պայքար տարավ Հայ մեծահարուստների՝ ամիրանների դեմ, կամենալով նրանց զրկել ազգային գործերը տնօրինելու մենաշնորհից: 1857 թ. մի խումբ Հայ մտավորականներ (Ն. Ռուսինյան, Գ. Օտյան և ուրիշներ) մշակեցին արևմտահայերի ազգային կանոնադրությունը, որը Հաստատվեց 1860 թ. Կ. Պոլսի Հայոց Ազգային ընդհանուր ժողովի, իսկ 1863 թ.՝ սուլթանի կողմից: Ըստ այդ կանոնադրության՝ պահպանվեց Ազգային ընդհանուր ժողովը, ստեղծվեցին Ազգային կենտրոնական վարչություն (գործադիր մարմին), Ազգային ժողով (օրենսդիր մարմին), ազգային-կրոնական ժողով (Հոգևոր գործերի) մարմինները, որոնք ներկայացուցչական էին, ընտրովի: Ազգային ընդհանուր ժողովը բաղկացած էր 220 երեսփոխաններից (պատգամավորներից): Հիմնվեցին նաև տնտեսական, ուսումնական, դատաստանական, վանքերի և թաղական խորհուրդներ: Սակայն այդ կանոնադրությունը Ազգային սահմանադրություն չէր (որպիսին անգամ Թուրքիան չունեց այդ ժամանակ) և որևէ կերպ չէր կարող արևմտահայությանը զերծ պահել թուրքական պետության կամայականություններից: Բայց ազգային սահմանադրությունը Հայ ամիրաններին զրկեց ազգային գործերը լիիշխան կերպով տնօրինելու իրավունքից:

## ՁԵՅԹՈՒՆԻ 1862 Թ. ԱՊՍՏԱՄԲՈՒԹՅՈՒՆԸ

Թուրքական պետութիւնը 1860-ական թթ. ավելի ուժեղացրեց Հայերի Հանդեպ կիրառվող բռնութիւնները, որոնց կարելի էր դիմակայել միայն զենքով: Այդ ճշմարտութիւնը լավ էին ըմբռնել քաջակորով զեյթունցիները: Ձեյթունը (Ուլնիա) Կիլիկիայում էր, Տավրոս լեռներում, Մարաշի փաշայութիւնում: Շրջակա գյուղերով Ձեյթունն ուներ 40 հազար հայ բնակիչ, պահպանում էր կիսանկախ վիճակը: Սակայն սուլթանը չհանդուրժեց դա: 1862 թ. Մարաշի փաշան մեծաթիվ զորքով (մոտ 50 հազար) Հարձակվեց Ձեյթունի վրա, ավերեց տասը գյուղ, սակայն զեյթունցիները հակահարված տվեցին նրան: Հայերն ունեին 5000 զինվոր և վճռեցին կռիվել մինչև վերջ: 1862 թ. օգոստոսին 2-ին Ձերմուկի դաշտում նրանք ջախջախեցին թուրք զորքին, որը խուճապահար փախավ, մարտադաշտում թողնելով 2000-ից ավելի սպանվածներ, երկու թնդանոթ: Այդ մարտում աչքի ընկավ երիտասարդ Մարկոս Թաշճյանը, որը լոբեցրեց թշնամու հրանոթը և հերոսաբար գոհվեց: Ձեյթունը պաշարվեց: Սուլթանը նոր ուժեր ուղարկեց նրա դեմ: Կ. Պոլսի Հայոց պատրիարքի և Թուրքիայում ֆրանսիական դեսպանի միջամտութեամբ կասեցվեց թուրքական նոր Հարձակումը: Սակայն Ձեյթունը զրկվեց նախկին կիսանկախ վիճակից: Այնտեղ առաջին անգամ թուրքական զորք տեղակայվեց, զեյթունցիները պարտավորվեցին հարկ վճարել: 1865 թվականից Ձեյթունում նշանակվեց թուրք կառավարիչ:

Թուրքական կառավարութեան բռնութիւնները շարունակվեցին նոր ուժով: 1850-1860-ական թվականներից իրեն ղգալ տվեց նաև թուրք բուրժուազիան՝ իր ծայրահեղ ազգայնամոլական ծրագրերով: 1868 թ. նա հիմնեց «Իթթիհատ» կազմակերպութիւնը, որի նշանաբանն էր՝ «Թուրքիան թուրքերի համար» լոզունգը: Հետևաբար Թուրքիայի մյուս ազգերը պետք է ձուլվեին, կամ ոչնչացվեին, արտաքսվեին:

## ՀԱՅ ՀԱՍԱՐԱԿԱԿԱՆ-ՔԱՂԱՔԱԿԱՆ ՀՈՍԱՆՔՆԵՐԸ 1850-1860-ԱԿԱՆ ԹԹ.

1850-1860-ական թվականներին կապիտալիստական հարաբերութիւնների զարգացման, ֆեոդալիզմի վերացման պայմաններում սրվեց պայքարը Հնի ու նորի միջև: Հայ գործիչները յուրովի ընկալելով հասարակութեան կապիտալիստական զարգացումը, ուղիներ էին որոնում Հայաստանի ապագա կացութեան, զարգացման հեռանկարների համար: 1850-ական թթ. ձևավորվեցին երեք գլխավոր հոսանքներ՝ կղերաֆեոդալական, լիբերալ-բուրժուական և հեղափոխական-դեմոկրատական:

Կղերաֆեոդալական հոսանքը կամենում էր պահպանել ֆեոդալական հարաբերութիւնները, ցարական միապետութիւնը, Հայ ազգի գոյութե-

յան միակ Հենարանն էր Համարում Հայոց եկեղեցին, գրաբար լեզուն: Այս ուղղության պարագլուխներն էին՝ Ներսես Աշտարակեցին, Լազարյանները, Մսեր Մսերյանը, Գաբրիել Այվազովսկին, Հ. Չամուռճյանը:

Բուրժուական Հարաբերությունների զարգացման պայմաններում հույժ մեծացավ ազգային դպրոցների, գրականության, տպագրության կարիքը, հատկապես կարևորվեց գրական նոր լեզվի մշակումը, որի ջատագովներն էին լիբերալ-բուրժուական Հոսանքի ներկայացուցիչները: Սրանց պարագլուխներն էին՝ Գր. Արծրունին, Ստ. Նազարյանը, Ն. Ռուսինյանը, Գ. Օտյանը, որոնք կամենում էին ռեֆորմների միջոցով բարեփոխել հասարակական Հարաբերությունները, երկրում հաստատել բուրժուական կարգեր: Ստ. Նազարյանը գտնում էր, որ լուսավորությունը հոգի և զորություն կտա Հայ ազգին, որպեսզի նա դիմանա օտարի՝ կլանող բռնությունը: Մոսկվայում նա հրատարակեց «Հյուսիսափայլ» ամսագիրը (1858–1864): Այս Հոսանքը մերժում էր Հեղափոխությունը որպես հասարակությունը բարենորոգելու միջոց, կողմ էր խաղաղ վերափոխումների (ռեֆորմների):

Հեղափոխական-դեմոկրատական Հոսանքը կողմ էր երկրում Հեղափոխության միջոցով դեմոկրատական կարգերի հաստատմանը: Հոսանքի պարագլուխ Միքայել Նալբանդյանը (1829–1866) ժխտում էր Հայ վերնախավի ազգասիրությունը, գտնում էր, որ նրան պետք է Հեռու պահել ժողովրդին լուսավորելու գործից, ինչը անհրաժեշտ է սկսել հասարակ ժողովրդից: Բայց լուսավորությունը կարող է տարածվել միայն ազատության պայմաններում: Նալբանդյանը օտարի լծից Հայ ժողովրդի ազատագրման ուղիղ ճանապարհ էր համարում երկրագործությունը, գտնում էր, որ հողը պետք է հանձնել այն մշակողին: Իր «Երկրագործությունը որպես ուղիղ ճանապարհ» գրքում նա գրում է, որ արևմտահայությունը պետք է ստեղծի «ազգային վաճառականություն», որպեսզի պաշտպանվի թե ֆեոդալական կամայականություններից և թե կապիտալից: Մերժում էր կապիտալիզմը, այն դիտելով որպես չարիք, որից փրկվելու միակ ուղին համարում էր համայնական հողատիրությունը: Արևմտահայերից Նալբանդյանի Հետևորդն էր Հարություն Սվաճյանը (1831–1874), որն իր հրատարակած «Մեղու» թերթում սուր քննադատության էր ենթարկում ժողովրդի հարստահարիչներին, թուրքական պաշտոնյաներին: Նա նաև քաղաքական պայքարի կոչ էր անում:

## 1870 թ. ԳՅՈՒՂԱՑԻԱԿԱՆ ՌԵՖՈՐՄԵ ԱՆԴՐԿՈՎԿԱՍՈՒՄ

1870 թ. Անդրկովկասում անցկացվեց գյուղացիական ռեֆորմ: Արևելյան Հայաստանում այն տարածվեց միայն կալվածատիրական (մուլքադարական) գյուղացիների վրա, որոնք առավել ծանր վիճակում էին: Բայց նրանք կազմում էին ամբողջ գյուղացիութան սոսկ 25 տոկոսը: Ռեֆորմը չտարածվեց մյուս (պետական և վանքապատկան) գյուղացիների վրա: 1874 թ. մայիսի 14-ին ցարը Հաստատեց ռեֆորմի նախագիծը, որը օրենքի ուժ ստացավ: Համաձայն այդ օրենքի՝ արական մեկ շնչին (15 տարեկանից սկսած) տրվում էր Հինգ դեսյատին Հող (մեկ դեսյատինը Հավասար էր 1,09 Հեկտարի), իսկ Հողատերը կարող էր իրեն վերցնել Հողի 1/3-ը, մնացած մասը պետք է փրկագնվեր գյուղացիների կողմից: Սակայն գյուղացիներն ի վիճակի չէին Հողը ետ գնել, ուստի մնում էին ժամանակավոր կախյալ վիճակում: 1879 թ. Արևելյան Հայաստանում անցկացվեց նաև քաղաքային ռեֆորմ: Չնայած գյուղացիական ռեֆորմի կիսատ-պռատութանը, այն նպաստեց Արևելյան Հայաստանում կապիտալիզմի զարգացմանը:

## ՀԱՅԿԱԿԱՆ ՄՇԱԿՈՒՅԹԸ XIX ԴԱՐԻ ԱՌԱՋԻՆ ԿԵՍԻՆ

XIX դարի առաջին կեսին Հայ մշակույթի Հիմնական կենտրոնները Հայկական գաղթավայրերում էին՝ Վենետիկում, Կ. Պոլսում, Ջմյուռնիայում, Կարկաթայում, Մադրասում, Երուսաղեմում և այլուր: Հայ մշակույթի խոշոր կենտրոններ էին Թիֆլիսը, Էջմիածնի վանքը: Արևմտյան Հայաստանում մշակույթի օջախներ էին Վարազավանքը (Վասպուրականում) և Մուշ քաղաքի Ս. Կարապետ վանքը Տարոնում: Այս վանքերում կային Հայերեն բազմաթիվ ձեռագրեր: Վանքերին կից գործում էին դպրոցներ: 1810 թ. Աստրախանում Հիմնվեց Աղաբաբյան դպրոցը: 1815 թ. Մոսկվայում բացվեց Լազարյան ճեմարանը (Լազարյանների միջոցներով), որը 1827-ից կոչվեց Արևելյան լեզուների Լազարյան ինստիտուտ: Այն դարձավ Ռուսաստանում արևելագիտական միակ կենտրոնը, որը միաժամանակ նաև Հայկական դպրոց էր, ուսուցիչներ և ուրիշ մասնագետներ էր պատրաստում Հայաստանում աշխատելու Համար: 1824 թ. Թիֆլիսում Ներսես Աշտարակեցին բացեց դպրոց, որը կոչվեց նրա անունով: 1836 թ. Մխիթարյանները Վենետիկում բացեցին Ռափայելյան վարժարանը (1870թ. այն վերակոչվեց Մուրատ-Ռափայելյան անունով): 1837 թ. Երևանում, 1838 թ. Շուշիում բացվեցին թեմական դպրոցներ:

Լույս ընծայած Հայերեն պարբերականներից նշանավորներն էին՝ «Ծղանակ բյուզանդյան» տարեգիրքը (Վենետիկ, 1803-1820), «Բազմա-

վեպ» (Վենետիկ, 1843. շարունակվում է նաև այժմ), արևելահայ առաջին թերթը՝ «Կովկաս» շաբաթաթերթը՝ (Թիֆլիս, 1846–1849), Կալկաթայի «Ազգասեր» (1845–1848), «Ազգասեր Արարատյան» (1848–1851), Կ. Պոլսի «Լրագիր» (1832–1849), Ջմյուռնիայի «Արշալույս Արարատյան» (1840–1887) թերթերը:

Գիտության մեջ արժեքավոր ավանդ ներդրեցին Մխիթարյաններ Ղ. Ինճիճյանը (աշխարհագրություն), Մ. Ավգերյանը (լեզվաբանություն):

1830–1840-ական թթ. ձևավորվեց Հայ նոր գրականությունը, որի զարգացման գործում էական դեր խաղացին գրողներ Հ. Ալամդարյանը և Մ. Թաղիադյանը: Բայց Հայ նոր գրականության հիմնադիրը Խ. Աբովյանն էր, որը գրեց ժողովրդի լեզվով՝ աշխարհաբար: 1840 թ. նա գրեց Հայերեն առաջին՝ «Վերք Հայաստանի» վեպը, որով Հեղինակը կամենում էր ցույց տալ Հայ ժողովրդի Հերոսական ոգին, գոյատևելու իրավունքը:

## 1877–1878 թթ. ՌՈՒՍ–ԹՈՒՐԳԱԿԱՆ ՊԱՏԵՐԱԶՄԸ ԵՎ ՀԱՅԿԱԿԱՆ ՀԱՐՑԸ

1877 թ. ապրիլի 24-ին սկսված ռուս-թուրքական պատերազմը մղվում էր երկու՝ Բալկանյան և Կովկասյան ռազմաճակատներում: Կովկասում ռուսները Հարձակման անցան երեք ուղղությամբ: Ալեքսանդրապոլ-Կարս ռազմուղու զորքը գլխավորում էր Լորիս-Մելիքովը: Իգդիր-Բայազետ ուղղությամբ Հարձակվող երևանյան ջոկատը Ա. Տեր-Ղուկասովի գլխավորությամբ 1877 թ. ապրիլի 30-ին գրավեց Բայազետը, մտավ Ալաշկերտի դաշտ, ջախջախեց թուրքական զորքերին, որոնք օգտվելով ռուսական մյուս զորախմբի նահանջից, պաշարեցին Բայազետը, որի ռուսական կայազորը 23 օր Հերոսաբար դիմադրեց թշնամիներին: Հայ կամավորներից մեկը՝ Սամսոն Տեր-Պողոսյանը (Բաֆֆու «Խենթ» վեպի Հերոս Վարդանը) Բայազետի պաշարման լուրը Հասցրեց Տեր-Ղուկասովին, որի զորքերն անցան Հարձակման և փրկեցին Բայազետի պաշտպաններին: 1877 թ. աշնանը Հայազգի մեկ այլ գեներալ՝ Հ. Լազարեը գրավեց Կարս քաղաքը: 1878 թ. փետրվարի 8-ին ռուսական զորքերը գրավեցին նաև Էրզրում քաղաքը: Այս պատերազմում ևս Հայերը կազմակերպեցին կամավորական ջոկատներ՝ ռուսներին օգնելու Համար:

1878 թ. փետրվարի 19-ին Սան Ստեֆանո ավանում (Կ. Պոլսից 12 կմ Հեռավորության վրա) ռուսների և թուրքերի միջև կնքված Հաշտության պայմանագրով Արևմտյան Հայաստանից մոտ 36 հազար քառակուսի կմ տարածություն՝ Կարսի, Արդահանի, Բայազետի և այլ շրջաններ անցան Ռուսաստանին: Պայմանագրի 16-րդ կետով նախատեսվում էր Թուրքիա-



յի «Հայաբնակ մարզերում անհապաղ գործադրել տեղական պայմաններից բխող բարելավումներ ու բարենորոգումներ և ապահովել Հայերի անվտանգութունը քրդերից ու չերքեզներից»:

Սան Ստեֆանոյի պայմանագրով միջազգային դիվանագիտութայան մեջ մտավ Հայկական Հարցը, որը Հայերի Համար Արևմտյան Հայաստանի ազատագրութայան խնդիրն էր: Սակայն եվրոպական պետութայունները (Հատկապես Անգլիան) դեմ էին դեպի Հարավ Ռուսաստանի ծավալմանը, ուստի պահանջեցին վերանայել Սան Ստեֆանոյի պայմանագիրը:

1878 թ. հունիսի 1-ին Բեռլինում գումարված կոնգրեսի ընդունած 61-րդ հոդվածի Համաձայն՝ թուրքական կառավարութայունը Հայաբնակ մարզերում պետք է բարենորոգումներ անցկացներ, ապահովեր Հայերի անվտանգութունը, որի հսկողութայունը դրվում էր եվրոպական մեծ տերութայունների վրա: Պահանջվում էր գրավված շրջաններից անհապաղ դուրս բերել ռուսական զորքերը: Մինչդեռ Սան Ստեֆանոյի պայմանագրով նախատեսվել էր Հայաբնակ մարզերում բարեփոխումներն անցկացնել մինչև ռուսական զորքերի հեռանալը: Դրանով իրական ու Հաստատուն երաշխիք էր ստեղծվում բարեփոխումների Համար, որոնք ռուսական զորքերի բացակայութայան պայմաններում ոչ միայն չանցկացվեցին, այլև ավելի ուժեղացվեցին արևմտահայերի Հանդեպ կիրառվող Հալածանքները:

Հայերը Մ. Խրիմյանի գլխավորութայամբ պատվիրակութայուն ուղարկեցին Բեռլինի կոնգրես, սակայն Հայերին թույլ չտվեցին մասնակցել նրա նիստերին:

Բեռլինի կոնգրեսում ընդունած 61-րդ հոդվածը չարիք դարձավ արևմտահայ ժողովրդի Համար: Այն սուլթանին հիմք տվեց ոչնչացնելու արևմտահայ ժողովրդին, որպեսզի այդ կերպ վերացվի նաև Հայկական Հարցը: Այդ նպատակով Աբդուլ Համիդ սուլթանը սկսեց քրդական ցեղերին հրահրել Հայերի դեմ, գործադրել վայրագ բռնութայուններ: Արևմտահայութայան վիճակը խիստ ծանրացավ:

## **ՀԱՅ ԱԶԳԱՅԻՆ-ԱԶԱՏԱԳՐԱԿԱՆ ԵԱՐԺՈՒՄՆԵՐԸ 1870-1890-ԱԿԱՆ ԹԹ.**

### **ԱԶԳԱՅԻՆ ԱԶԱՏԱԳՐԱԿԱՆ ԽՄԲԱԿՆԵՐԸ: ՖԻԴԱՅԱԿԱՆ ԵԱՐԺՄԱՆ ՍԿԶԲՆԱՎՈՐՈՒՄԸ:**

1870-1880 թթ. արևմտահայերի Հանդեպ գործադրվող բռնութայուններն ավելի ուժեղացան: 1880-ական թվականներին թուրքիայում սկզբնավորվեց կրոնաքաղաքական հետադիմական գաղափարախոսութայուն՝ պանիսլամիզմ, որը կոչ էր անում բոլոր մահմեդական ժողովուրդներ-

րին միավորվել, Համադաշն պայքար տանել քրիստոնյա պետութիւններին դեմ: 1890-ական թթ. ձևավորվեց թուրքական նոր կազմավորվող բուրժուազիայի ծայրահեղ ազգայնամոլական գաղափարախոսութիւնը՝ պանթուրքիզմը, որը բոլոր թուրքալեզու ժողովուրդներին Համարում էր մեկ ազգ և կամենում էր նրանց Համախմբել մեկ պետութիւն մեջ: Թուրք բուրժուազիան 1894 թ. ստեղծեց «Միութիւն և առաջադիմութիւն» երիտթուրքական (այդպես էր կոչվում երիտասարդներից կազմված լինելու պատճառով) կուսակցութիւնը: 1880 թ. Աբդուլ Համիդ սուլթանը արգելեց «Հայաստան» անվան գործածումը պաշտոնական գրութիւններում: Հայերի ընդդիմութիւն ամեն մի փորձ խեղդվում էր արյան մեջ:

Սուլթանական կառավարութիւն Հարաճուն բռնութիւններին Հայ ժողովուրդը արձագանքեց ազատագրական պայքարով, որին ուղղութիւն էին տալիս Գրիգոր Արծրունու «Մշակ» թերթը, գրող Բաֆֆին և ուրիշներ:

Արեւմտահայ ժողովրդի ազատագրման Համար մղվող պայքարի կազմակերպումը դառնում է օրակարգի Հարց: Այդ նպատակով 1872 թ. Վան քաղաքում կազմակերպվեց «Միութիւն ի փրկութիւն» գաղտնի ընկերութիւնը, որի անդամները արեւելահայերի միջոցով դիմեցին ռուսական կառավարութիւնը՝ խնդրելով օգնել արեւմտահայութիւնը՝ ազատագրվելու թուրքական բռնատիրութիւնից: Ընկերութիւնը երկու տարի Հետո ինքնալուծարվեց: 1881 թ. էրզրումում Խաչատուր Կերեքցյանի Հիմնած «Պաշտպան Հայրենյաց» գաղտնի ընկերութիւնը իր առջև նպատակ էր դրել զինված պայքարով ազատագրել արեւմտահայութիւնը: Այն կազմակերպեց զինված խմբեր, տպագրեց և տարածեց Հայրենասիրական կոչեր: Սակայն 1882 թ. ընկերութիւնը Հայտնաբերվեց: Նրա անդամներից 76 Հոգու ձերբակալեցին:

1880-ական թթ. արեւելահայ ազատամարտիկները («ազատութիւն զինվորները») Հաճախակի անցնում էին «Երկիր», այսինքն՝ Արեւմտյան Հայաստան, ստեղծում կամավորական խմբեր՝ արեւմտահայերին օգնելու Համար: 1881 թ. Մոսկվայի Հայ ուսանողները Հիմնեցին «Հայրենասերների միութիւն» գաղտնի կազմակերպութիւնը, որի նպատակը արեւմտահայ ժողովրդի ազատագրումն էր: Այն գործեց մինչև 1884 թ.: Խմբակը տպագրեց «Ազատութիւն ավետարեր» թերթը, որի էջերում պայքարի կոչ էր անում:

«Հայրենասերների միութիւնը» 1883 թ. Հայ ժողովրդին Հորդորեց Հուլիսը չդնել Եվրոպայի վրա և Հուլիների պես զինված պայքարով ազատագրել Հայաստանը:

1881 թվականից Երևանում գործունեութիւն ծավալեց «Հայասեր» խմբակը, որը պայքարում էր Հայոց լեզվի ու գարոցի պահպանման, Հայաստանը օտար լծից ազատագրելու Համար: 1882 թվականից Թիֆլիսում գործում էր մի գաղտնի խմբակ՝ Գր. Արծրունու գլխավորութիւնով: Նրա աշխա-

տանքներին մասնակցում էին գրող Բաֆֆին, Կովկասի Հայոց բարեգործական ընկերութեան (Հիմնվեց 1881 թ. Թիֆլիսում) ստեղծող Բազրատ Նավասարդյանը, դրամատուրգ Գ. Սունդուկյանը և ուրիշներ: Խմբակի Հիմնական նպատակը Արևմտյան Հայաստանի ազատագրումն էր: Խմբակը զինված պայքարի էր կոչում: Այն գործեց մինչև 1886 թվականը:

1880-ական թթ. կեսերից Արևմտյան Հայաստանում վերելք ապրեց ֆիդայական շարժումը, որը ծագեց տարերայնորեն, որպես Հայ ազատագրական պայքարի, ժողովրդական ինքնապաշտպանութեան միջոց, ցասումնալից բողոք տիրող բռնատիրութեան դեմ: «Ֆիդայի» բառը պարսկերենում ունի «անձնագոհ» իմաստը: Հալածվելով թուրքական իշխանություններից, ֆիդայիները հեռանում էին Հայրենի լեռները, կաղմում խմբեր և պարտիզանական կռիվներ մղում: Առաջին Հայ ֆիդային Արաբոն էր (Առաքելը), որը ծնվել է 1863 թ. Սասունի Կոռքերդ գյուղում, սովորել Մուշի Առաքելոց վանքի դպրոցում: Արաբոյի խումբը (որին միացավ նաև Գևորգ Չաուչը) արագ ու աներևույթ կերպով քրդի տարազով Հարձակումներ էր գործում թշնամիների վրա: 1890-ական թթ. սկզբին թուրքերը Արաբոյին բանտ նետեցին, բայց փախստյամբ ազատվեց, շարունակեց պայքարը: 1893 թ. Մուշի մոտ Արաբոն ընկավ Հերոսի մահով:

1890-ական թթ. կեսերից ֆիդայական շարժումը վերելք ապրեց: Ֆիդայական պայքարի առաջամարտիկները արևմտահայերն էին՝ Սերոբ Վարդանյանը, Արմենակ Ղազարյանը (Հրայր), Անդրանիկը, Գևորգ Չաուչը (Ադամյան) և ուրիշներ: 1895 թվականից աչքի ընկավ Սերոբ Վարդանյանը, որին կոչեցին Աղբյուր Սերոբ, այսինքն՝ կյանքի աղբյուր, կյանք պարգևող: Նա ծնվել է 1864 թ., Խլաթի դավառի Սղորդ գյուղում: Անվրեպ նշանառու էր, իր խմբով Խլաթը պաշտպանեց թուրքական Հարձակումներից, ապա շարունակեց պայքարը Վանա լճի Հարավ-արևմտյան շրջաններում, Բիթլիսի մոտ: 1899 թ. Սասունի Անդոք լեռան վրա տեղի ունեցած մարտում Սերոբը դիմադրեց մինչև վերջին փամփուշտը և Հերոսի մահով ընկավ: Նրա կողքին մարտնչում էր կինը՝ Սոսեն, Հայ առաջին ֆիդայուհին: Այնուհետև ֆիդայական շարժումը գլխավորեց Հրայրը, որը ծնվել է 1864 թ. Սասունի Ահարոնք գյուղում, սովորել Մշո Ս. Կարապետ վանքի դպրոցում: 1900-1904 թթ. նա Բիթլիսի և Վանի վիլայեթների ժողովրդին կազմակերպեց զինված ելույթների: Սակայն 1904 թ. գարնանը Հրայրը զոհվեց Սասունի պաշտպանական մարտերում: Հրայրից հետո ֆիդայական շարժման գլուխ անցավ Անդրանիկ Թորոսի Օզանյանը, որը ծնվել է 1865 թ. Սեբաստիայի վիլայեթի (Փոքր Հայք) Շապինգարահիսար քաղաքում: Մի շարք խիզախ Հարձակումներով նա ահ ու սարսափի մեջ դրեց թուրքական իշխանություններին, վաստակելով ժողովրդական Հերոսի պատվանունը: 1900 թ. Հոկտեմբերին Անդրանիկն իր խմբով դարա-

նակալեց և Սասունի կիրճերից մեկու՛մ ոչնչացրեց Աղբյուր Սերոբին սպանող Խալիլ բեկին, ապա շարունակեց պայքարը Տարոնում և Մուշում:

## ՀԱՅ ԲԱՂԱՔԱԿԱՆ ԿՈՒՍԱԿՑՈՒԹՅՈՒՆՆԵՐԻ ՍՏԵՂԾՈՒՄԸ

Արևմտահայերի ազատագրական պայքարը տարերային բնույթ ուներ: Այն կազմակերպելու համար ստեղծվեցին Հայ քաղաքական կուսակցութ-  
յունները: 1885 թ. Փրանսիայի Մարսել քաղաքում վանեցի Մկրտիչ Փոր-  
թուգալյանը հիմնեց «Արմենիա» Հայերեն թերթը: Նրա աշակերտներ Մ.  
Ավետիսյանը, Գ. Օտյանը, Ղ. ԽանՂյանը և ուրիշներ նույն թվին Վանում  
հիմնեցին Արմենական կուսակցությունը, որը հետևում էր «Արմենիա»  
թերթի ուղղվածությանը, քարոզում նրա գաղափարները: 1894 թ. արմե-  
նականներն ընդունեցին իրենց ծրագիրը, որը նախատեսում էր հեղափո-  
խությունը ազատագրել արևմտահայերին, այդ նպատակով ստեղծել զին-  
ված խմբեր, ժողովրդին զինավարժել և պատրաստել պայքարի: Կուսակ-  
ցությունն իր մասնաճյուղերն ստեղծեց նաև Պարսկաստանում: Բայց այն  
հիմնականում գործում էր Վան-Վասպուրականում, մասամբ նաև Մու-  
շում: Արմենականների ղեկավար Մ. Ավետիսյանը 1896 թ. գլխավորեց  
Վանի ինքնապաշտպանությունը:

1887 թ. թիֆլիսահայ ուսանող ամուսիններ Ավետիս և Մարո նազար-  
բեկյանները, Ռուբեն Խանազատը և ուրիշներ Եվեյցարիայի ժնև քաղա-  
քում հիմնեցին Հնչակյան կուսակցությունը: Այն հրատարակում էր  
«Հնչակ» (զանգակ) թերթը, որն իր «ղողանջով» պետք է պայքարի կոչեր  
արևմտահայերին: Հնչակյաններն իրենց կոչում էին «Հայ սոցիալիստ հե-  
ղափոխականներ»: Նրանց հիմնական նպատակը զինված պայքարով  
արևմտահայերի ազատագրումն էր, հեռավոր նպատակը՝ սոցիալիզմը: Հայ  
քաղաքական կուսակցություններից առաջինը Հնչակյաններն իրենց  
ծրագրում մտցրեցին Արևմտյան Հայաստանի քաղաքական անկախության  
և պատմական Հայաստանի երեք հատվածներից անկախ, «ծովից ծով Հա-  
յաստան» ստեղծելու պահանջը: 1890 թ. հուլիսի 15-ին Կ. Պոլսի  
Գում-Գափու թաղում (այդտեղ էր Հայոց պատրիարքարանը) Ռ. Խանա-  
զատը և ուրիշ Հնչակյաններ ցույց կազմակերպեցին և Աբդուլ Համիդ սուլ-  
թանից պահանջեցին կատարել 1878 թ. Բեռլինի կոնգրեսի 61-րդ հոդվածի  
դրույթները, վերջ տալ կամայականություններին արևմտահայերի հան-  
դեպ: Դա առիթ դարձնելով՝ սուլթանը կոտորել տվեց Հայերին:

1896 թ. Լոնդոնում գումարվեց Հնչակյանների ժողով, որտեղ արևմտա-  
հայ պատգամավորների մեծ մասը հեռացավ Հնչակյան կուսակցությունից  
և 1897 թ. ստեղծեց «Վերակազմյալ» Հնչակյանների կուսակցությունը:

1908 թ. Արմենական կուսակցությունը և վերակազմյալ Հնչակյանների մի մասը միավորվելով ստեղծեցին Սահմանադրական ռամկավար կուսակցություն: Հետագայում՝ 1921 թ. Հոկտեմբերի 1-ին, Կ. Պոլսի ժողովում Սահմանադրական ռամկավար կուսակցության Հետ միավորվեց նաև վերակազմյալ Հնչակյանների դեռ ինքնուրույն գործող մասը, որով և ստեղծվեց Ռամկավար ազատական կուսակցությունը: (Վերջինիս ծրագրային սկզբունքներից են՝ Հայաստանին աջակցելը, Արևմտյան Հայաստանի ազատագրումը և միավորումը Հայաստանի Հանրապետության հետ):

Հայ ազատագրական պայքարի շահերը պահանջում էին, որ բոլոր Հայ Հեղափոխական խմբակները միավորվեն և ստեղծեն մի կուսակցություն՝ դաշնակցային հիմունքներով: Ուստի 1890 թ. օգոստոսի վերջին Թիֆլիսում մոսկվացի ուսանող Ստեփան Ջորյանը (Ռոստոմ), ուսուցիչներ Քրիստափոր Միքայելյանը և Սիմոն Զավարյանը հիմնեցին Հայ Հեղափոխականների դաշնակցություն կուսակցությունը, որի օրգանն էր «Դրոշակ» թերթը: 1892 և 1907 թթ. Դաշնակցության ընդունած ծրագրերում նշվում է, որ զինված ապստամբության միջոցով Արևմտյան Հայաստանում պետք է ձեռք բերել քաղաքական և տնտեսական ազատություններ: Նրանց ծրագրերում խոսք չկար Արևմտյան Հայաստանը ազատագրելու, թուրքական պետությունից անջատելու մասին: Մինչև 1918 թ. Դաշնակցությունը Հայաստանի անկախությունը համարում էր հեռավոր նպատակ: Նրա ծրագրերում քաղաքական պահանջները հանգում էին, Բեռլինի 1878 թ. կոնգրեսի ընդունած 61-րդ հոդվածի համաձայն, Արևմտյան Հայաստանում բարենորոգումներ անցկացնելուն կամ Ռուսաստանի և Թուրքիայի կազմում ինքնավարություն ձեռք բերելուն: Դրանով էին թելադրված նրանց ելույթները 1890-ական թթ.: Այդ ելույթներով դաշնակցականները կամենում էին օտար պետությունների և Թուրքիայի ուշադրությունը սևեռել Հայկական խնդրի վրա: 1903 թ. ցարական կառավարության կողմից Հայոց եկեղեցու կալվածքները բռնագրավելուց և Հայկական դպրոցները փակելուց հետո դաշնակցության համար առաջացավ նաև «ռուսահայ խնդիր», և այդ կուսակցությունն սկսեց պայքարել երկու ճակատում՝ ցարական ինքնակալության և թուրքական բռնապետության դեմ:

Դաշնակցության մեջ ընդգրկված էին ժողովրդի բոլոր խավերից (գյուղացիներ, բանվորներ, մտավորականներ): Այն ժխտում էր սոցիալիզմի անհրաժեշտությունը արևմտահայության համար: Գտնում էր, որ հողը պետք է տալ գյուղացիներին: 1905 թ. կուսակցությունը իրեն կոչեց «սոցիալիստական», բայց շարունակեց գերադասությունը տալ Հայ ազգի ինքնապաշտպանության, ազգապահպանման գործին: Այն ինքնապաշտպանական խմբեր էր կազմակերպում, զինում և ուղարկում Արևմտյան Հայաստան:



## 1894—1896 թթ. ՀԱՅԿԱԿԱՆ ԿՈՏՈՐԱԾՆԵՐԸ

1890—ական թթ. Արևմտահայության գլխին կախված էր բնաջնջման սպառնալիքը: Աբդուլ-Համիդ սուլթանը սարսափում էր Հայերի և քրդերի Հնարավոր դաշինքից, ուստի ամեն կերպ խոչընդոտում էր դրան: 1891 թ. Արևմտյան Հայաստանում ստեղծվեցին «Համիդիե» (սուլթանի անունով) կոչված քրդական Հեծելազորային գնդեր, որոնք պետք է բնաջնջեին Հայերին, պատերազմի դեպքում կռվեին ռուսների դեմ: Քուրդ ցեղապետներն ասում էին, թե իրենց Հանձնարարված է կոտորել Հայերին: Արևմտահայությունը անհավասար պայքարի մեջ մտավ, որի արյունոտ էջերից մեկը Սասունի 1894 թ. ինքնապաշտպանությունն էր՝ Մուրադի (Քոյաջյան) և Տամատյանի գլխավորութամբ: Սասունի ինքնապաշտպանության կենտրոնը Տալվորիկ գյուղն էր: Թուրքերը Սասունի դեմ նետեցին սովարաթիվ զորք, Համիդիե գնդեր՝ Հրանթներով: Բայց քաջարի Հարձակումներով սասունցիները ետ շարտեցին թուրք և քուրդ Հրոսակներին: Մեծաթիվ զոհեր տալով, թշնամին կարողացավ մտնել Սասուն, որի պաշտպանները բարձրացան Անդոք լեռը, ապա ծանր մարտեր մղելով անցան Տալվորիկի ձորը, Քեփին լեռան բարձունքը: Սակայն նրանց շրջապատեցին թշնամիների գերակշիռ ուժերը: Սասունցի քաջերի մեծ մասը (այդ թվում նաև նրանց կողքին մարտնչող կանայք) զոհվեցին: Թուրք կառավարության Հրամանով Սասունի 40 գյուղեր ավերվեցին, տաս Հազարից ավելի Հայ կոտորվեց: Անգլիայի, Փրանսիայի և Ռուսաստանի դեսպանները սուլթանից պահանջեցին քննել Սասունի կոտորածների պատճառները: 1895 թ. Հունվարին Սասուն ուղարկված Հանձնաժողովը (որի մեջ կային Հիշյալ երեք երկրների ներկայացուցիչները) մերկացրեց սուլթանի Հրամանով կատարված վայրագությունները: 1895 թ. մայիսին երեք պետությունների դեսպանները սուլթանին ներկայացրին Արևմտյան Հայաստանում բարեփոխությունների ծրագիր (Հայտնի է «Մայիսյան» անունով), որի Համաձայն էրզրումի, Վանի, Բիթլիսի, Դիարբեքիրի, Խարբերդի և Սեբաստիայի վիլայեթներում պետք է կուսակալներ նշանակվեին առանց կրոնական խտրության: Եթե որևէ գավառում քրիստոնյանները մեծամասնություն էին կազմում, գավառապետը նրանցից պետք է լիներ, իսկ բնակչությունը՝ ազատվեր զորքին, պաշտոնյաներին ձրի սնունդ, բնակարան տալուց և այլն: Սակայն սուլթանը դրանք չկատարեց և շարունակեց կոտորել Հայերին: Զարդերը կանխելու Համար 1896 թ. Հունվարին ապստամբեց նաև Վան քաղաքը: Բայց թշնամու ուժերը մի քանի անգամ շատ էին, ուստի ապստամբությունը պարտվեց, Վանում և շրջակա գյուղերում 20 Հազար Հայեր կոտորվեցին: Մոկք նահանգում քրդերը պաշտպանեցին Հայերին:

1895 թ. աշնանը ծայր առան Հայերի զանգվածային կոտորածներ,

որոնք սկսվեցին Տրապիզոնից, որտեղ 1895 թ. հոկտեմբերի 5-ին հայերի սոսկալի ջարդ եղավ (այն պատկերել է հայ ծովանկարիչ Հ. Այվազովսկին): Ջարդերը տարածվեցին ամբողջ Արևմտյան Հայաստանում: Միայն Բիթլիսի վիլայեթում 102 հայկական դյուղ ոչնչացվեց: Ջարդեր եղան Ուրֆայում, Շապինգարահիսարում, Մալաթիայում, Դիարբեքիրում, Աերաստիայում, Մուշում և այլուր: 1896 թ. դաշնակցության անդամները ոռոմներով մտան Կ. Պոլսի թուրքական բանիչը, այն 12 ժամ դրաված պահեցին, եվրոպական պետություններից պահանջեցին բարենորոգումներն իրագործել: Սկսվեց Կ. Պոլսի հայերի ջարդը, որը տևեց երեք օր: Ջարդերը դադարեցին մեծ տերությունների (հատկապես Ռուսաստանի) պահանջով: 1895-1896 թթ. ջարդերի հետևանքով 300 հազար հայ կոտորվեց, դրեթե այդքան հայեր ստիպված հեռացան օտար երկրներ: Մոտ 200 արևմտահայ դյուղերի բնակիչներ հարկադրված մահմեդականություն ընդունեցին:

## ՀԱՅԿԱԿԱՆ ՄՇԱԿՈՒՅԹԸ XIX ԴԱՐԻ 2-ՐԴ ԿԵՍԻՆ ԵՎ XX ԴԱՐԻ ՍԿՋԲԻՆ

Այս ժամանակաշրջանում հայ մշակույթը մեծ առաջընթաց ապրեց, որը պայմանավորված էր աշխարհաբար լեզվի հաղթանակով: Հայոց եկեղեցին օգտվելով կրթական դործը տնօրինելու իր ավանդական իրավունքից, կազմակերպեց դպրոցական դործը: 1867 թ. կաթողիկոս Գևորգ IV-ի կարգադրությամբ յուրաքանչյուր հայկական դյուղում պետք է դպրոց բացվեր: Ժողովրդի կրթության հիմնական օղակները դարձան եկեղեցական (ծխական) տարրական դպրոցները, որտեղ ուսուցումը 2-3 տարի էր: Կրթական կյանքի օջախներ էին նաև միջնակարգ թեմական դպրոցները (հոգևոր սեմինարիաները): Նման դպրոցներ կային Թիֆլիսում, Էջմիածնում, Շուշիում, Երևանում: 1874 թ. Էջմիածնում բացվեց Գևորգյան ճեմարանը (Գևորգ IV կաթողիկոսի կողմից): 1885 թ. Անդրկովկասում գործում էին 270 հայկական դպրոցներ, որոնցից 41-ը իգական էին (չկար երկսեռ ոչ մի դպրոց): Ռուսաստանի բարձրագույն դպրոցներում սովորում էին մոտ 300, եվրոպայում՝ 200 հայ ուսանողներ: Դպրոցներ էին բացում նաև կրթասիրական ընկերությունները, անհատները: Պետական միջնակարգ դպրոցներ բացվեցին Երևանում (1881 թ.), Շուշիում (1881 թ.), Նոր Նախիջևանում (1882 թ.), Կարսում (1890 թ.): 1897 թ. մարդահամարի տվյալներով՝ Երևանի նահանգի բնակչության միայն 6,4%—ն էր գրագետ: XX դ. սկզբին այդ թիվն աճեց: 1915 թ. Արևելյան Հայաստանում եղած տարրական (ծխական) դպրոցների թիվը քառապատկվեց:

1870-ական թթ. թուրքիայում գործում էին մոտ 400 հայկական

դպրոցներ, որոնց մեծ մասը տարրական վարժարաններ էին՝ 2-4 ամյա ուսուցմամբ: Կային նաև միջնակարգ դպրոցներ (Կ. Պոլսում և այլուր): 1886 թ. Կ. Պոլսում Հիմնվեց բարձրագույն դպրոց՝ Կեդրոնական վարժարանը, իսկ 1889 թ. Կ. Պոլսի մոտ՝ Արմաշի վանքում, Հիմնվեց եկեղեցական բարձրագույն դպրոց՝ դպրեվանք: Պետերբուրգի մեծաՀարուստ Մ. Սանասարյանը 1881 թ. էրզրումում Հիմնեց միջնակարգ դպրոց («Սանասարյան» կոչված): 1870 թ. Վանում Հիմնվեց առաջին իդական դպրոցը, 1883 թ. կենտրոնական վարժարանը: 1890-ական թթ. Վարադա վանքում բացվեց դպրոց-որբանոց: 1878 թ. Մուշում Հիմնվեց կենտրոնական վարժարան: Խարբերդում դործում էր բարձր տիպի վարժարան (1875-ից):

Հայ դրականության մեջ անանց արժեքներ ստեղծվեցին՝ ի դեմս Բաֆֆու, Հ. Պարոնյանի, Պ. Պոռչյանի, Գ. Սուևդուկյանի, Ղ. Աղայանի, Վ. Տերյանի, Մուրացանի, Հ. Թումանյանի և ուրիշների երկերի:

1861 թ. Կ. Պոլսում Հիմնվեց նոր ժամանակների Հայկական առաջին պրոֆեսիոնալ թատրոնը: Երաժշտության մեջ մեծարժեք դործեր ստեղծեցին Տ. Չուխալյանը, Ք. Կարա-Մուրզան, Կոմիտասը, Մ. Եկմալյանը և ուրիշներ: Զարգացավ նաև Հայ կերպարվեստը: Հայ Հանճարեղ ծովանկարիչ Հովհաննես Այվազովսկին (1817-1900) ստեղծեց շուրջ 6000 կտավ, որոնցից Հիշարժան են նաև «Հայերի ջարդը Տրապիզոնում 1895 թ.», «Թուրքական նավերը Մարմարա ծովն են թափում Հայերին», «Հայ ժողովրդի մկրտությունը» գործերը: Մնայուն նկարներ ստեղծեցին նաև Գ. Բաշինջաղյանը, Վ. Սուրենյանցը, Փ. Թերլեմեզյանը և ուրիշներ:

XIX դ. վերջին և XX դ. սկզբին Հայ նշանավոր պարբերականներն էին՝ «Մշակը» (1872-1921), «Մուրճը» (1889-1907), «Նոր դարը» (1883-1916), «Արևելյան մամուլը» (1871-1909, 1919-1922) և այլն:

Հայագիտության մեջ Հիմնարար դործեր ստեղծեցին Ղ. Ալիշանը, Մ. Էմինը, Ք. Պատկանյանը, Գ. Խալաթյանը, Ա. Գարագաշյանը և ուրիշներ: Բնական գիտությունների մեջ կարևոր ներդրումներ կատարեցին երկրաբան-քիմիկոս Ա. Արծրունին, ֆիզիկոս Հ. Աղամյանը, կենսաբան Ն. Տաղավարյանը:

## ՀԱՅԱՍՏԱՆԸ XX ԴԱՐՈՒՄ

### ԱՐԵՎԵԼՅԱՆ ՀԱՅԱՍՏԱՆԸ XX Դ. ՍԿՋԲԻՆ

XX դ. սկզբին Արևելյան Հայաստանում թեև դանդաղ, բայց Հաստատուն կերպով զարդանում էին կապիտալիստական Հարաբերությունները: Դրան մեծապես խրախուսում էր Ռուսական պետությունը, կամենալով Կովկասի տնտեսությունը շաղկապել բուն Ռուսաստանի հետ, ի սպաս դնել նրա շահերին: Դա իրականացնելու համար նախ անհրաժեշտ էր ընդլայնել ճանապարհային ցանցը: 1899 թ. գործարկվեց Թիֆլիս-Ալեքսանդրապոլ (Գյումրի) երկաթգիծը, որը 1902 թ. Հասավ Երևան, 1908 թ.՝ Զուլֆա, 1913 թ.՝ Կարս և Սարիղամիշ: Ռուսաստանից Հայաստան էին ներմուծվում արդյունաբերական ապրանքներ, արտահանվում էին Հայաստանի գյուղատնտեսական արտադրանքը, հանքանյութերը: Հետզհետե Հայ խոշոր առևտրականները վերածվեցին բուրժուաների: Հայ դրամատերերը՝ Մանթաշյանը, Արամյանցը, Միրզոյանը, Ավան Յուզբաշեը և ուրիշներ իրենց Հարստությունը ներգրեցին Բաքվում, Թիֆլիսում, Բաթումում: Բաքվում հայերը ավելի շատ նավթահորեր (մոտ 160) ունեին, քան եվրոպացիները, ռուսները և մյուս ազգերը միասին վերցրած: XX դ. սկզբին Մանթաշյանի կապիտալը (23 միլիոն) ավելին էր քան եվրոպական արդյունաբերողներ Նորելին ու Ռոտշիլդինը միասին վերցրած: Մանթաշյանի դրամադուլիսը դերազանցում էր նաև մնացած բոլոր Հայ կապիտալիստների կապիտալը: Հայ և օտար դրամատերերը իրենց կապիտալները ներգրեցին նաև Հայաստանում: Տակավին 1897 թ. Հայ արդյունաբերող Մելիք-Ազարյանցը Ղափանում կառուցեց «Սյունիք» պղնձաձուլական գործարանը: Նույն թվին Ալավերդիում Հաստատվեցին Փրանսիացիները: Նրանք զարկ տվեցին պղնձի արտադրությանը, որին էներգիա էր մատակարարում Դեբեդ դետի վրա նրանց կառուցած հիդրոէլեկտրակայանը: Զգալիորեն աճեց նաև աղի արդյունահանումը, ոգելից խմիչքների

արտադրութիւնը: Ռուս արդյունաբերող Շուստովը Երևանում Թաիրովից գնեց գինու-կոնյակի գործարանը: Կոնյակի և օղու արտադրութեամբ Հայաստանը բռնեց առաջին տեղը: Արևելյան Հայաստանը բամբակի արտադրութեամբ բռնում էր երկրորդ տեղը՝ Միջին Ասիայից հետո: 1905 թ. Երևանում հիմնվեց մետաղամշակման գործարան:

Գյուղացիութիւնը շերտավորված էր երեք խավի.

ա) աղքատներ, այսինքն մեկ դեսյատին (մեկ հեկտարից քիչ ավելի) հող ունեցողներ,

բ) միջակներ՝ 1-3 դեսյատին հողաբաժնի տերեր: Միջակները կազմում էին գյուղացիութեան 60%-ը:

գ) հարուստ գյուղացիներ էին համարվում երեք դեսյատինից ավելի հող ունեցողները:

Սրանց մոտ հինգ տոկոսը կուլակներ (բուրժուաներ)՝ վարձու աշխատանք օգտագործողներն էին:

1910 թ. Երևանն ուներ մոտ 30 հազար, Ալեքսանդրապոլը՝ 32 հազար, Կարսը՝ 21 հազար, Շուշին՝ 31 հազար, Ախալքալաքը՝ 5 հազար, նոր Բայազետը՝ 8500 բնակիչ:

XX դ. սկզբին Կովկասի կառավարչապետ Գոլիցինի հրամանով փակվեցին Հայկական դպրոցները: 1903 թ. հունիսի 12-ին ցարը հաստատեց Հայոց եկեղեցու հողերը, ունեցվածքը բռնագրավելու մասին օրենքը, որը բողոքի հզոր ալիք առաջացրեց Հայ ժողովրդի մեջ: Ամենուրեք ցույցեր եղան, երբեմն նաև ընդհարումներ: Թիֆլիսում, Բաքվում, Գյանջայում հայերը դիմադրութիւն ցույց տվեցին ցարական իշխանութիւններին: Ցարը ստիպված 1905 թ. օգոստոսի 1-ին վերականգնեց Հայոց եկեղեցու իրավունքները: Բայց նույն թվին կառավարութեան հրահրամամբ կովկասահայութիւնը ներքաշվեց ազերիների հետ արյունոտ ընդհարումների մեջ: Վերջիններիս օդնում էին թուրքական զինված ջոկատները: 1905-1906 թթ. այդ ընդհարումների ժամանակ երկուստեք սպանվեցին տասը հազար մարդ, ավերվեցին շատ բնակավայրեր:

## ԱՐԵՎՄՏՅԱՆ ՀԱՅԱՍՏԱՆԸ XX ԴԱՐԻ ԵՄԻՆ

XX դ. սկզբին արևմտահայութեան Հանդեպ բռնութիւններն ավելի ուժեղացան, ուստի վերստին բորբոքվեց Հայ ազատագրական պայքարը՝ հիմնականում ֆիդայական շարժման ձևով: Նշանավոր էին Անդրանիկի մղած հերոսական կռիվները Մուշի Առաքելոց վանքում (1901 թ. նոյեմբերի 6-27) և Սասունում:

1904 թ. փետրվարի 5-ին թուրք-բրդական զորքերը հանկարծակի հար-



ձակվեցին Սասունի վրա՝ սրի քաշելով նրա գյուղերից մեկի բնակիչներին: Նույն թվի ապրիլ ամսին թշնամիները նոր և վճռական հարձակման անցան սասունցիների դեմ, որոնց 1200 ռազմիկները Անդրանիկի գլխավորութամբ դիմակայեցին 15 հազարանոց թուրք-քրդական ուժերին: Կայծքարե հրացաններով զինված 200 ֆիդայիները և սասունցի 1000 ռազմիկները հերոսաբար ետ մղեցին թշնամու հարձակումները: Ապրիլի 11-ին թուրք-քրդական հրոսակները հիմնական հարվածն ուղղեցին Սասունի Շատախ շրջանի Ենիկ գյուղի դեմ, բայց ետ շարտվեցին: Այնուհետև թշնամին ջախջախվեց նույն շրջանի Մերկեր գյուղի մոտ՝ Գևորգ Չաուչի մարտիկների կողմից: Չկարողանալով կոտրել Սասունի հերոս պաշտպանների կամքը, թուրքական հրամանատարութունը նրանց առաջարկեց դադարեցնել դիմադրութունը: Թուրքերը ապրիլի 13-ին դրոհեցին Ալիանցիք և Սեմալ գյուղերի վրա, որոնք գտնվում էին Շատախից դեպի Սասունի մյուս շրջանները տանող ճանապարհի վրա: Այդտեղով Գելիեգուզան գյուղ էին նահանջում սասունցի խաղաղ բնակիչները: Թուրքերը փորձեցին կտրել նրանց առջև, բայց Հրայրի զինվորները պարտության մատնեցին թուրք զորքին՝ փրկելով հայ բնակիչների կյանքը: Այդ մարտում զոհվեց Հրայրը: Թշնամիներին հակահարված տվեցին նաև Մուրադի, Գևորգ Չաուչի, Հ. Կոտոյանի, Մակարի խմբերը: Բայց Սասունի պաշտպանների փոքրամթիվ ուժերը ի զորու չէին երկար ժամանակ պահպանել պաշտպանության բոլոր գծերը, ուստի որոշեցին կենտրոնանալ Գելիեգուզան գյուղում: Ապրիլի 17-ին և 20-ին թուրք-քրդական ուժերը դրոհեցին այդ գյուղի վրա, բայց դարձյալ ետ շարտվեցին: Ապրիլի 22-ին սասունցի ազատամարտիկները բարձրացան Անդոք լեռը, պայքարը շարունակելու համար: Նրանք մոտ տաս օր հերոսաբար կռվեցին թշնամու դեմ, պաշտպանելով Մշո դաշտ անցնող խաղաղ բնակչությանը, իսկ իրենք մարտնչեցին մինչև հուլիսի կեսերը: Բայց ուժերն անհավասար էին: Թշնամուն հաջողվեց դրավել Սասունը, կոտորել տեղում մնացած 8000 բնակիչների, ավերել 42 գյուղ: Սուլթանը կամենում էր Սասունը լրիվ մաքրել հայերից, նրա բնակչությանը վերաբնակեցնել Մշո դաշտում: Եվրոպական դիվանագետների միջնորդութամբ նա չիրագործեց այդ մտահղացումը: Թուրքական պատժիչ ջոկատները մոլեղնում էին Սասունում և Մշո դաշտում: Ֆիդայիների մի մասը Գևորգ Չաուչի գլխավորութամբ Սասունում շարունակեց մաքառումները թուրքերի դեմ: Նրանց հեծյալ ջոկատը 1905-1907 թթ. պաշտպանում էր նաև Մշո դաշտի հայկական գյուղերը՝ ահի մեջ պահելով ջարդարարներին: 1907 թ. մայիսի 27-ին՝ Մշո դաշտի Սուլուխ գյուղի պաշտպանության ժամանակ, հերոսի մահով ընկավ Գևորգ Չաուչը:

1908 թ. երիտթուրքերը տապալեցին Արդուլ Համիդ սուլթանին: Տիրա-

նալով իշխանությանը՝ նրանք հռչակեցին Թուրքիայի բոլոր ժողովուրդների ազատություն, իրավահավասարություն, եղբայրություն: 1909 թ. նոյեմբերից նրանք զինվորագրեցին նաև Հայերին և Թուրքահայատակ մյուս քրիստոնյաներին: Հայկական կուսակցությունները հույս ունեին, թե հեղաշրջումից հետո արևմտահայ ժողովրդի համար կստեղծվեն փոքրիշատե տանելի պայմաններ, ուստի սկզբում համագործակցեցին երիտթուրքերին: Սակայն շուտով վերջիններս ցույց տվեցին իրենց իսկական դեմքը: Ժխտելով ազգային հարցի դոյությունը Թուրքիայում՝ նրանք որդեգրեցին ծայրահեղ ազգայնամոլական, ոչ Թուրք ժողովուրդներին ձուլելու, պանթուրքիստական քաղաքականություն, որի հետևանքով 1909 թ. ապրիլին Ադանա քաղաքում և Կիլիկիայի այլ վայրերում մահմեդական ամբոխի կողմից կոտորվեցին մոտ 30 հազար Հայեր: Թուրքիայի բոլոր դժբախտությունների պատճառը համարելով այնտեղ ոչ Թուրք ժողովուրդների դոյությունը, երիտթուրքերը ձեռնամուխ եղան Թուրքիան միատարր դարձնելու հրեշավոր ծրագրի իրականացմանը: Նրանք քրդերին թշնամացրին Հայերի դեմ, որպեսզի նրանց ձեռքով կոտորեն Հայերին, ազատվեն Հայկական հարցից, որը առիթ էր տալիս եվրոպական պետություններին՝ միջամտելու Թուրքիայի ներքին գործերին: Հայ քաղաքական կուսակցություններն ստիպված վերստին բռնեցին ինքնապաշտպանության ուղին:

## ՀԱՅԿԱԿԱՆ ՀԱՐՑԸ 1912–1914 ԹՎԱԿԱՆՆԵՐԻՆ

Առաջին բալկանյան պատերազմում (1912 թ. հոկտեմբեր – 1913 թ. մայիս) Թուրքիան պարտվեց Բուլղարիայի, Հունաստանի, Սերբիայի և Չեռնոգորիայի միացյալ ուժերից: Դրա շնորհիվ բալկանյան ժողովուրդները լիովին ազատագրվեցին Թուրքական լծից: Այդ պատերազմը գորեղ ազդակ հանդիսացավ Հայկական հարցը վերստին դնելու համար: 1912 թ. հոկտեմբերի վերջին Թիֆլիսում կայացած համահայկական խորհրդակցական ժողովում ստեղծվեց Հայ Ազգային բյուրո՝ կազմված յոթ հոգուց (Ա. Խատիսյան, Հ. Թումանյան, Ն. Աղբալյան և ուրիշներ): Ազգային բյուրոն դաշնակցության ղեկավարությամբ կազմակերպեց արևմտահայության զինումը: Ազգային բյուրոյի առաջարկով Հայոց կաթողիկոս Գևորգ V-ը դիմեց Կովկասի փոխարքային՝ խնդրելով ցարին համոզել պաշտպանելու արևմտահայերի շահերը: Ռուսական կառավարությունը Հայոց կաթողիկոսին խոստացավ օգնել արևմտահայությանը և ձեռնամուխ եղավ նրա դատը պաշտպանելու: Բայց որովհետև նա մենակ չէր լուծելու Հայկական հարցը (որը նաև միջազգային խնդիր էր), ուստի 1912 թ. հոկտեմ-

բերին Կ. Պոլսի Հայոց պատրիարքը դիմեց Փարիզում գտնվող եգիպտահայ նշանավոր գործիչ Պողոս Նուբարին, որպեսզի նա դիմումներ Հղի 1912 թ. դեկտեմբերին բալկանյան առաջին պատերազմի առթիվ Լոնդոնում բացվելիք կոնֆերանսին՝ Արևմտյան Հայաստանում բարեփոխումներ կատարելու համար: Կաթողիկոսը Պողոս Նուբարին նշանակեց ազգային պատվիրակութայն նախագահ (որպիսին նա մնաց նաև Հետագա տարիներին): Առաջին բալկանյան պատերազմում պարտվող Թուրքիան ամեն կերպ աշխատեց խոչընդոտել Հայկական Հարցի վերաբացմանը:

1913 թ. ապրիլին արևմտահայերը Կ. Պոլսի ուսու դեսպանին հանձնեցին բարենորոգումների նախագիծ, որով Թուրքահայ վեց վիլայեթները միավորվելու էին մեկ նահանգի մեջ: Արևմտահայ Հարցի շուրջ Համաձայնություն կար Անդրիայի, Ռուսաստանի և Ֆրանսիայի միջև: Կազմվեց բարենորոգումների ուստական նախագիծ, որին խոչընդոտեցին Թուրքիան և նրան դաշնակցող Գերմանիան: Քաջքուկներից Հետո, 1914 թ. Հունվարի 26-ին Կ. Պոլսում կնքվեց Հայկական բարեփոխությունների մասին ուսու-թուրքական Համաձայնագիր, որով Արևմտյան Հայաստանը բաժանվում էր երկու՝ Հարավային և Հյուսիսային մասերի՝ օտարերկրյա (քրիստոնյա) երկու տեսուչների ղեկավարությամբ: Բոլորը պաշտոնյաները կարող էին լինել նաև քրիստոնյաներ: Հայերն իրավունք էին ստանում զենք կրելու, դատարաններում, վարչական մարմիններում արտահայտվելու մայրենի լեզվով: Համիդիե զորքը մնալու էր լոկ որպես պահեստի ուժ: Բայց վերահաս պատերազմը կասեցրեց այդ Համաձայնագրի կենսագործումը:

### ՀԱՅ ԺՈՂՈՎՈՒՐԴԸ ԱՌԱՋԻՆ ՀԱՄԱՇԽԱՐՀԱՅԻՆ ՊԱՏԵՐԱԶՄԻ ՏԱՐԻՆԵՐԻՆ (1914-1918 ԹԹ.)

1914 թ. օգոստոսի 1-ին սկսված առաջին Համաշխարհային պատերազմի մեջ 1914 թ. Հոկտեմբերի 29-ին մտավ նաև Թուրքիան, որը Հուլյս ուներ տիրանալ Անդրկովկասին: Նոյեմբերի սկզբին Թուրքերը խուժեցին Բաթումի մարզ, բայց ուսաները ետ շարտեցին նրանց, ապա խոշոր Հաղթանակներ տարան Սարիզամիշի մոտ մղված մարտերում (1914 թ. դեկտեմբերի 26-ից 1915 թ. Հունվարի 4-ը): 1915 թ. Հուլիսին ուսաները Հասան մինչև Խլաթ և Մանազկերտ, ազատագրելով նաև Վանը, որի Հայ պաշտպանները կենաց և մահու կռիվ էին մղում Թուրքական զորքերի դեմ: Սակայն Թուրքերը խոշոր ուժեր նետեցին ուսաների դեմ, սպառնալով շրջապատել նրանց: Հուլիսի 9-ին նրանք Մուշի ուղղությամբ Հարձակման անցան, ուստի ուսաները ստիպված ետ քաշվեցին Ալաշկերտի դաշտ, որտեղ 1915 թ. օգոստոսին հակահարձակման անցնելով, Թուրքե-

րին քշեցին մինչև Վանա լիճ, իսկ դեկտեմբերի վերջին գրոհեցին Էրզրու-  
մի վրա և 1916 թ. փետրվարի 3-ին գրավեցին այն, ապա՝ Երզնկան, Տրա-  
պիզոնը, Բիթլիսը: 1916 թ. ընթացքում ռուսներն ազատագրեցին  
Արևմտյան Հայաստանի մեծ մասը:

1914 թ. հուլիսի 23-ին ռուսական կառավարութունը որոշում էր  
ընդունել ռուսական բանակը կամավորներով համալրելու մասին: Հայոց  
Ազգային բյուրոն Կովկասի փոխարքա Վորոնցով-Դաշկովի հետ պայմա-  
նավորվեց Հայկական կամավորական ջոկատներ ստեղծելու շուրջ: Ռու-  
սական բանակի կազմում կային 250 հազար Հայ զինվորներ: Կամավորա-  
կան խմբերի ստեղծմամբ՝ Հայութունը հույս ուներ օգնել Արևմտյան Հա-  
յաստանի ազատագրման գործին: Սկզբում կազմակերպվեցին կամավորա-  
կան չորս խմբեր, որոնցից առաջինի հրամանատար նշանակվեց Անդրա-  
նիկը, երկրորդինը՝ Դ. Կանայանը (Դրո), երրորդինը՝ Համազասպը, չոր-  
րորդինը՝ Քեռին (Արշակ Գավաֆյան): Այս խմբերը 1914 թ. նոյեմբերից  
սկսեցին մեկնել ռազմաճակատ: Անդրանիկի ջոկատը գեներալ Ջեռնոզու-  
բովի զորաբաժնի կազմում նոյեմբեր-դեկտեմբեր ամիսներին մասնակցեց  
Ղոթուրի և այլ վայրերի գրավման համար մղված մարտերին, իսկ 1915 թ.  
ապրիլին Դիլման քաղաքի համար մղված արյունահեղ կռիվներին, Վաս-  
պուրականի ազատագրմանը: 1916 թ. ապրիլին այս ջոկատն առաջինը  
մտավ Բիթլիս և ռուսական զորքի հետ միասին ազատագրեց այն: Կամա-  
վորական երկրորդ ջոկատը գործում էր Իդդիլ-Բայազետ-Բերկրի-Վան  
ուղղությամբ, գեներալ Նիկոլաևի զորքերի կազմում: Այն հատկապես աչ-  
քի ընկավ Ալաշկերտի դաշտում մղված կռիվների ընթացքում, մեծապես  
նպաստեց Հայ դաշխականների փրկությանը: 1915 թ. մայիս-հունիս  
ամիսներին ջոկատը հերոսաբար մարտնչեց Շատախում և Մոկսում: Կա-  
մավորական երրորդ ջոկատը գեներալ Պրժևալսկու զորախմբի կազմում  
աչքի ընկավ Սարիղամիշի համար մղված մարտերի ժամանակ՝ քաջաբար  
պաշտպանելով ռուսական զորքերի սարիղամիշյան խմբավորման ճախ  
թևը: Այդ ջոկատը մասնակցեց նաև Բասենի, Վանի և Վասպուրականի  
մյուս շրջանների ազատագրման համար մղված մարտերին, փրկեց հազա-  
րավոր Հայ փախստականների կյանքեր: Կամավորական չորրորդ ջոկատը  
գործում էր Սարիղամիշ-Էրզրում դժում: 1914 թ. դեկտեմբերի 22-ին ջո-  
կատը խիզախ դրոհով ճեղքեց թշնամու պաշտպանական դիժը և դուրս  
եկավ Սարիղամիշի մատույցներ, ապա 1915 թ. մայիս-հունիսին մասնակ-  
ցեց Ոստանի, Ջևան դյուղի (Վանա լճի հարավային ափին) և այլ բնակա-  
վայրերի ազատագրմանը: Մարտերից մեկում հերոսաբար նահատակվեց  
ջոկատի հրամանատար Քեռին:

1915 թ. կազմակերպվեցին ևս չորս ջոկատներ: Նույն թվականի ապրի-  
լին Հայոց ազգային խորհրդի որոշմամբ Վարդանի ջոկատին միացան կա-

մավորական 2-րդ, 3-րդ և 4-րդ ջոկատները, որով ստեղծվեց «Արարատյան զորախումբը»՝ Վարդանի ղեկավարութեամբ: Այդ զորաբաժինը ապրիլին շարժվեց դեպի Բայազետ և միացավ այդ ուղղութեամբ դործող զենեքալ նիկոլաևի զորախմբին: Վերջինս Վարդանին առաջադրանք տվեց՝ հարձակվել Վան քաղաքի ուղղութեամբ: «Արարատյան զորախումբը» հերոսական մարտեր մղեց Բերկրի քաղաքի և Վանա լճի մերձակայքի այլ բնակավայրերի ազատագրման համար: Այն համառ մարտեր մղեց Զանիկ ավանի մոտ, որտեղ 8000 հայ փախստականներ էին ապաստանել, և ամեն բոլոր սպասվում էր նրանց կոտորածը: Վարդանի մարտիկները ջախջախեցին թուրքերին և փրկեցին փախստականներին: Մայիսի 5-ին այդ ջոկատը զենեքալ նիկոլաևի զորաբաժնի կազմում մասնակցեց Վանի ազատագրմանը:

Աշխարհի բոլոր ծայրամասերից հայ կամավորներ էին գալիս Կովկաս: Ռուսական իշխանութիւններն ստիպված հատուկ հայտարարութեամբ դադարեցրին օտար երկրներից հայ կամավորների ընդունումը: 1915 թ. դեկտեմբերին ցարական գլխավոր հրամանատարութիւնը հայ կամավորական ջոկատները վերածեց ռուսական բանակի կազմում դործող Հայկական հրաձգային վեց գումարտակների: Դրանք ռուսական զորքերի հետ 1916-1917 թթ. շարունակեցին հերոսական կռիվները թուրքական հրոսակների դեմ:

1916 թ. հոկտեմբերի 27-ին հայ ազգային պատվիրակութեան նախագահ Պողոս Նուբարի և Անգլիայի ու Ֆրանսիայի իշխանութիւնների միջև Լոնդոնում կնքված համաձայնագրով ստեղծվեց Արևելյան լեգեոնը, որը ֆրանսիական զորքերի կազմում պետք է պատերազմեր թուրքերի դեմ Սիրիայում և Պաղեստինում: Ֆրանսիան խոստանում էր պատերազմից հետո Կիլիկիայի Հայաստանին ինքնավարութիւն տալ: Լեգեոնի կազմում ընդգրկվում էին միայն հայեր և արաբներ, հրամանատարները պետք է լինեին ֆրանսիացիները: 1918 թ. սեպտեմբերի 19-ին Արևելյան լեգեոնը առաջին անգամ մարտի մեջ մտավ Պաղեստինում, արիարար կռիվով Արարայի ճակատամարտում, ապա մասնակցեց Սիրիայի և Լիբանանի համար մղված մարտերին: 1918 թ. հոկտեմբերի 15-ին Բեյրութում կազմավորվեց նաև 4-րդ գումարտակը, որով Արևելյան լեգեոնի հայ զինվորների թվակազմը հասավ հինգ հազարի: Այդ ժամանակվանից այն վերակոչվեց Հայկական լեգեոն անվամբ և մասնակցեց Կիլիկիայի համար մղված մարտերին: Բայց 1920 թ. օգոստոսին այն ցրվեց, քանի որ Ֆրանսիան այլևս չէր կամենում շարունակել պատերազմը քեմալական թուրքիայի դեմ:



**ՀԱՅԵՐԻ ՑԵՂԱՍՊԱՆՈՒԹՅՈՒՆԸ (ԳԵՆՈՑԻԴԸ)  
ԱՌԱՋԻՆ ՀԱՄԱՇԽԱՐՀԱՅԻՆ ՊԱՏԵՐԱԶՄԻ  
ԺԱՄԱՆԱԿ**

Օգտվելով պատերազմական իրավիճակից՝ 1915 թ. երիտթուրքական վերնախավը՝ էնվերը, Թալեաթը, Ջեմալը, Նազըմը և ուրիշներ, իրագործեցին արևմտահայության զանգվածային ոչնչացումը, որը մարդկության պատմության մեջ առաջին ցեղասպանությունն (գենոցիդ) էր: Հայաստանը սեպի պես կանգնած էր դեպի Ռուսական կայսրության թուրքալեզու ժողովուրդները տանող ճանապարհին և խանգարում էր թուրքական կառավարողներին՝ իրագործելու իրենց պանթուրքիստական ծրագրերը: Դեռևս 1911 թ. Սալոնիկ քաղաքում կայացած իրենց համագումարում երիտթուրքերի ղեկավարությունը նշեց, որ Ռուսաստանի թուրքալեզու ցեղակիցներին միանալու համար պետք է վերացնել հիմնական խոչընդոտը՝ հայությունը: Հայերին բնաջնջելու համար 1915 թ. տրված կառավարական հրահանգում ասվում էր, որ «... չնայած հայկական տարրի բնաջնջումը վաղուց՝ վճռված էր, բայց հանգամանքները խոչընդոտել են այդ սրբազան դործի իրագործմանը»: Նույն հրահանգում նշվում էր նաև, որ «... վրա է հասել այդ վտանգավոր տարրից ազատվելու պահը... պետք է ոչնչացնել նրանց բոլորին և ամեն կերպ ջանալ վերացնելու «Հայաստան» անունը թուրքիայում:

Թուրքիայի գորեղ դաշնակիցը՝ Գերմանիան ոչնչով չկանխեց Հայերի կոտորածը, որպեսզի չգժտվի թուրքական կառավարության հետ և կարողանա իրագործել իր նվաճողական քաղաքականությունն Արևելքում: Բայց հայկական Մեծ եղեռնը զարհուրելի իրողություն էր, որի առջև աչք չէին կարող փակել դերմանացիները: 1915 թ. հուլիսի 7-ին Կ. Պոլսում դերմանական դեսպան Վանգենհայմը պաշտոնապես հայտնեց իր կառավարությանը, որ «թուրքական կառավարությունը իրականում իր առջև նպատակ է դրել թուրքական պետության մեջ ոչնչացնել Հայ ազգը»: Երիտթուրքական կուսակցության ղեկավար դործիչներ Մեվլանզադե Ռիֆաթը և Նալիմ բեյը մասնակցել են երիտթուրքական կառավարության դադարի նիստերին և նշում են, որ տակավին 1915 թ. սկզբին Իթթիհատական կուսակցությունն իր գազտնի նիստում որոշեց բնաջնջել Հայերին: Այդ նիստում կոչ արվեց մինչև վերջին մարդը ոչնչացնել հայությունը՝ չխնայելով անդամ կրծքի երեխաներին: Հայերի բնաջնջումը պետք է կատարվեր տեղահանության քողի տակ: Նրանց քշելու էին Դեր-Ջորի (Սիրիա) անապատները՝ ճանապարհին կոտորելով վայրենաբարո ցեղերի, բանտից ազատ արձակված մարդասպանների ձեռքով: Թուրքիայի ներքին գործերի մինիստր Թալեաթը դրոճ էր, որ «... թուրքական հողի վրա ապ-

րելու և աշխատելու հայերի բոլոր իրավունքները լիովին վերացված են, դրա պատասխանատվությունը կառավարությունը ամբողջապես վերցրել է իր վրա և հրաման է տվել չխնայել նույնիսկ օրորոցի երեխաներին»:

Հայերին մարտունակ ուժից զրկելու համար թուրքերն առաջին հերթին կոտորեցին թուրքական բանակում ծառայող մոտ 60 հազար հայ զինվորների, ապա հայերի հնարավոր ապստամբությունները կանխելու համար ոչնչացրին հայ մտավորականությունը ծաղիկը: Միայն 4. Պոլսում 1915 թ. ապրիլի 24-ի գիշերը ճերբակալեցին 235 հայ անվանի մտավորականների (քիչ հետո նրանց թիվը հասավ 800-ի), որոնց աքսորեցին Անատոլիայի հեռավոր շրջաններ և վայրագ ձեռք սպանեցին: Այդպես կյանքից զրկվեցին գրողներ Գրիգոր Զոհրապը, Դանիել Վարուժանը, Աիսմանթոն, Ռուբեն Սևակը և ուրիշներ: Աքսորվածների մեջ էր նաև Կոմիտասը, որը դաժան կոտորածների պատճառով ընկավ ծանր հոգեվիճակի մեջ և խելագարվեց:

1915 թ. ապրիլ-մայիս ամիսներին տեղահանվեցին և ոչնչացվեցին Կիլիկիայի, Հունիս-Հուլիսին՝ էրզրումի, Տրապիզոնի, Վանի, Բիթլիսի, Խարբերդի, Սեբաստիայի (Սվազի) վիլայեթների, իսկ նույն թվականի օգոստոսին՝ Դիարբեքիրի վիլայեթի հայ բնակիչները: Տեղահանելուց առաջ հայ տղամարդկանց առանձնացնում և կոտորում էին: Սպանում էին ամենավայրագ եղանակներով, երեխաներին կոտորում էին ծնողների, ծնողներին՝ զավակների առջև: Թուրքական և քրդական հրոսակախմբերը անգթորեն սրի քաշեցին այդ վիլայեթների բազմահազար հայերի՝ չխնայելով կանանց, ծերերին ու երեխաներին: Կոտորվողների արյունից Եփրատ գետի ջուրը կարմրել էր, որոշ տեղերում գետի առջև փակում էին դիակների հսկայական կույտերը: Վանի և շրջակա գյուղերի բնակչությունը մասամբ փրկվեց ինքնապաշտպանական կռիվների շնորհիվ: էրզրումի վիլայեթի հայությունը տեղահանվեց և ճանապարհին բնաջնջվեց: Տրապիզոնի վիլայեթի մոտ 100 հազարի հասնող հայ բնակչության մեծ մասը ոչնչացվեց աքսորի ճանապարհին: Վեց հարյուր երեխաներ ծովը նետվեցին կամ թունավորվեցին: Տարոնի (Մուշի գավառի) 125 հայկական գյուղերը հիմնահատակ ավերվեցին, բնակչության մեծ մասը սրի քաշվեց: Մարդկանց լցնում էին մարագները և ողջակիզում, երեխաներին ողջ-ողջ թաղում էին, գեղեցիկ աղջիկներին առևանգում: Նույն ժամանակ տեղահանվեց և բիրտ եղանակներով բնաջնջվեց նաև Սեբաստիայի վիլայեթի 215 հազար հայությունը: 1915 թ. Հունիսից մինչև նոյեմբեր ընկած ժամանակահատվածում բնաջնջվեց նաև Խարբերդի վիլայեթի հայությունը (204 հազար մարդ): Տեղահանելու քողի տակ հայերին քշում էին Միջագետքի անապատները և ճանապարհին բարբարոսաբար կոտորում: Դիարբեքիրի (Տիգրանակերտի) վիլայեթի 124 հազար հայությունը հիմնակա-

նում սրի քաշվեց տեղում 1915 թ. օգոստոսին: Նույն ամսին տեղաՀանվեցին Անկարայի, Ուրֆայի, Այնթափի, Բրուսայի, Հոկտեմբեր-նոյեմբերին՝ Ադրիանապոլսի, Կեսարիայի Հայերը:

Հայութունը լիովին չտեղաՀանվեց միայն Կ. Պոլսից և Ջմյուռնիայից, քանի որ այդ քաղաքների տնտեսական կյանքում Հայերը էական դեր էին խաղում, նրանց տարագրութունը ծանր Հարված կՀասցներ երկրի տնտեսությանը: Բացի այդ, Հիշյալ քաղաքներում օտար դիվանագետների, թղթակիցների առկայութունը ևս զսպեց թուրքերին: Աքսորավայր (Դեր-Ջոր և այլն) Հասած Հայության մնացորդների մեծ մասը թալեաթի Հրամանով ոչնչացվեց տեղում:

Այդպիսով Օսմանյան թուրքիայում ապրող մոտ երեք միլիոն Հայերից ավելի քան մեկ ու կես միլիոնը բնաջնջվեց, մնացածները դաղթեցին Անգրկովկաս, Ռուսաստան, Իրաք, Սիրիա, Եգիպտոս, Լիբանան, ամերիկյան և եվրոպական երկրներ: Շատ արևմտահայեր բռնությամբ մահմեդականացվեցին: Արևմտահայությանը պատճառեցին Հսկայական նյութական վնասներ, որոնք ազդարարվեցին 1919 թ. Փարիզի խաղաղության կոնֆերանսում: Վերջինիս Հրապարակած տվյալների Համաձայն, արևմտահայերին Հասցվել է 14 միլիարդ 598 միլիոն 510 Հազար Փրանկի վնաս: Ավերվեցին Հազարավոր արևմտահայ գյուղեր, մշակութային արժեքներ, վանքեր, եկեղեցիներ: Ամբողջ աշխարհի առաջադեմ մարդկութունը իր բողոքի ձայնը բարձրացրեց թուրքական ջարդարարների դեմ: Լույս տեսան Հայկական կոտորածների սահմուկեցուցիչ փաստերը լուսաբանող բազմաթիվ հոդվածներ, գրքեր: Կոտորածների Հետևանքով Հայութունը տարասփովեց աշխարհի բազմաթիվ երկրներում: Եղեռնապուրծ Հայութունը այդ երկրներում կազմեց Հայկական սփյուռքը:

## ԱՐԵՎՄՏԱՀԱՅԵՐԻ ԻՆՔՆԱՊԱՇՏՊԱՆԱԿԱՆ ԿՈՒՎՆԵՐԸ ԹՈՒՐԳԱԿԱՆ ԶԱՐԴԱՐԱՐՆԵՐԻ ԴԵՄ

Առաջին Համաշխարհային պատերազմի ժամանակ Արևմտյան Հայաստանում թուրքական իշխանությունների կազմակերպած զանգվածային ջարդերին, տեղաՀանությանը գիմագրավելու Համար որոշ շրջաններում Հայերը կազմակերպեցին ինքնապաշտպանութուն՝ Հերոսաբար դիմադրելով թշնամու գերակշիռ ուժերին: Ինքնապաշտպանական կռիվները չունեին ծրագիր, մղվում էին միմյանցից անկախ՝ որպես պատասխան ջարդարար Հրոսակախմբերի Հարձակումներին: Դրանցից առավել նշանավորը Վանի Հերոսական ինքնապաշտպանութունն էր, որը տևեց 1915 թ. ապրիլի 7-ից մինչև մայիսի 6-ը: Ապրիլի սկզբին Վանի վիլայեթի կուսա-

կալ Զեվգեթ բեյը զորքը նետեց Վանի և Հարակից շրջանների դեմ՝ Հայերին բռնությամբ տեղահանելու, բնաջնջելու համար: Վանի 50 հազար բնակչությունից մոտ 32 հազարը Հայեր էին: Զարդերից խուսափելով՝ շրջակա գյուղի բնակիչներն ապաստանեցին Վանում, որի Հայ բնակչությունը հասավ մոտ 80 հազարի: Ապրիլի սկզբին թուրքերը պաշարեցին Վանի Այգեստան թաղամասը, որը բնակեցված էր միայն Հայերով: Ստեղծվեց ինքնապաշտպանության ղեկավար մարմին՝ Արմենակ Եկարյանի գլխավորությամբ: Այգեստանը բաժանվեց Հինգ պաշտպանական գծերի, որոնց 73 դիրքերում ամրացել էին 1053 ռազմիկներ: Վանի պաշտպանները կազմակերպեցին զենքի արտադրություն, ձուլեցին նաև երեք թնդանոթ (պղնձից): Ապրիլի 20-ին թուրք զորքը գրոհեց Այգեստանի վրա, բայց Հայերը ետ շարտեցին նրան: Անհաջող անցան նաև Վանի քաղաքամիջում դիրքավորված Հայերի դեմ թուրքերի ձեռնարկած Հարձակումները: 1915 թ. մայիսի 6-ին ռուսական զորքը և Հայ կամավորները ազատագրեցին Վանը, որի նահանգապետ նշանակվեց Արամ Մանուկյանը: Հուլիսի 16-ին թուրքերի ճնշման տակ ռուսները նահանջեցին Ալաշկերտի դաշտ, բայց մեկ ամիս հետո անցան Հակահարձակման, վերագրվեցին Վանը և այլ վայրեր:

Զարդարար Հրոսակախմբերին Հերոսական դիմադրություն ցույց տվեցին նաև Վասպուրականի Շատախ լեռնադավառի 52 Հայաբնակ գյուղերը, որոնք 1915 թ. ապրիլի 4-ից մինչև ռուսների մոտենալը (մայիսի 13) Հերոսաբար դիմակայեցին թշնամուն:

1915 թ. մայիսին Տարոնը (Մշո դաշտ) ևս դիմեց ինքնապաշտպանության: Ստացած Հրահանգի համաձայն, Բիթլիսի վիլայեթի թուրք կուսակալը ձեռնամուխ եղավ Մշո դաշտի Հայության բնաջնջմանը: Զարդարարներին հակահարված տալու համար Հայերը Հ. Կոտոյանի և ուրիշների գլխավորությամբ դիմեցին ինքնապաշտպանության: 1915 թ. մայիսի սկզբին ռուս զորքը մոտեցավ Մուշին: Դա ոգեպնդեց Տարոնի Հայությանը: Սակայն հունիսին ռուս զորքը թուրքական գերակշիռ ուժերի ճնշման տակ նահանջեց: Թուրք և քուրդ Հրոսակախմբերն օգտվեցին դրանից և Հարձակման անցան Հայերի դեմ՝ սրի քաշելով նրանց: Հայերը կազմակերպեցին մարտական ջոկատներ: Հունիսի 26-ից մինչև 30-ը արյունոտ մարտեր բորբոքվեցին Մուշի Հայաբնակ թաղերում, որոնք հիմնովին ավերվեցին, բնակիչները սրի քաշվեցին: Միայն 700 հոգու հաջողվեց ճեղքել պաշարումը և հեռանալ լեռները: Լավ զինված և մի քանի անգամ Հայերի զորուժը գերազանցող Հրոսակախմբերը գրոհեցին Մշո դաշտի Հայկական գյուղերը՝ սրի քաշելով նրանց բնակիչներին: Տարոնի 70 հազար Հայությունից փրկվեց միայն ինը հազարը՝ ապաստանելով Սասունում:

1915 թ. գարնանը թուրքական և քրդական ուժերը Հարձակվեցին Սա-

սուենի վրա, որի 60 հազարանոց բնակչութիւնը ջարդերից փրկվելու համար դիմեց կենաց և մահու կռիվների: 1915 թ. մարտին թշնամու ուժերը ներխուժեցին Սասուն՝ Հյուսիսից և Հարավից աքցանի մեջ առնելով այն: Ապրիլից կատաղի կռիվներ սկսվեցին Սասունի Խիանք և Խուլի գավառակներում: Հայ մարտիկներն ստիպված բարձրացան Անդոք լեռը և շարունակեցին դիմադրութիւնը: Հունիսին թե՛ մարտեր ծավալվեցին Փսանք (Փսանաց) գավառակում, որի ազատամարտիկներին օգնութեան հասան Տալվորիկ գյուղի ռազմիկները: Ոստի գերազանց ուժերի առջև տեղի տալով, այս գավառակի պաշտպանները ստիպված հեռացան Անդոք լեռը՝ շարունակելով օրհասական մաքառումները: Հուլիսի 20-ին սասունցիները ջախջախեցին թշնամուն՝ խլելով ռազմավար (նաև 3 թնդանոթ): Սակայն երեք օր հետո թշնամին մեծ ուժեր նետեց սասունցիների դեմ, գրավեց մի քանի գյուղ՝ սրածելով բնակչութեանը: Թշնամուն հաջողվեց գրավել Անդոքը և նրա հարավակողմում գտնվող կենտրոնական Սասունի մյուս անմատչելի լեռը՝ Քեփինը: Սասունցիները հարկադրված եղան թաքնվել լեռների ծերպերում, անտառներում, առանձին խմբերով վարեցին պարտիզանական կռիվներ, մինչև որ օգոստոսին ռուսական զորքը գրավեց Սասունը, որի 60 հազար բնակչութիւնից փրկվեց միայն 5000-ը:

Ողբերգական վախճան ունեցավ Անդրանիկ զորավարի ծննդավայր Շապին-Գարահիսար քաղաքի հայերի ինքնապաշտպանութիւնը: 1915 թ. հունիսի 2-ին թուրքական զորքը օղակի մեջ առավ քաղաքի հայկական թաղը: Հայերը հրաժարվեցին տեղահանվելուց և ամրացնելով իրենց թաղը, դիմադրեցին թշնամուն, որին հաջողվեց հրանոթային կրակով հրդեհել հայերի գրեթե բոլոր տները (փայտաշեն էին): Հայերն ստիպված նահանջեցին քաղաքի բերդը, ամրացրին նրա պարիսպները և հերոսաբար դիմադրեցին թուրքական 20 հազարանոց զորքին: Հունիսի 25-ին բերդի պաշտպանների մեծ մասը ճեղքեց պաշարման օղակը և հեռացավ՝ հույս ունենալով օգնութիւն ստանալ և փրկել բերդում մնացած իրենց ընկերներին: Դա նրանց չհաջողվեց: Բերդի փոքրաթիվ պաշտպանները շարունակեցին դիմադրութիւնը, ապա թուրքերին դերի չհանձնվելու համար թույն ընդունեցին: Հունիսի 27-ին թուրքերին հաջողվեց գրավել բերդը՝ կոտորելով այնտեղ պատսպարված կանանց ու երեխաներին:

Հաջող ելք ունեցավ մուսալեռցիների ինքնապաշտպանութիւնը: Հալեպի վիլայեթի Անտիոքի գավառում եղած հայկական վեց գյուղերի բնակիչները 1915 թ. հուլիսի 13-ին մերժեցին թուրքերի կողմից իրենց արված տեղահանութեան առաջարկը և բարձրացան մոտակա Մուսա լեռան գագաթը: 1355 մետր բարձրութեամբ այդ լեռը գտնվում էր Միջերկրական ծովի ափին: Հայերը Եսայի Յաղուբյանի և ուրիշների գլխավորութեամբ ամրացան լեռան գագաթին և հերոսաբար դիմադրեցին թուրքերին: Հա-



յերն ունեին 600 ռազմիկ, որոնց օգնում էին նաև կանայք: Հուլիսի 21-ին թուրքական յոթ հազարանոց զորքը հարձակման անցավ, բայց մուսալեուցիներին հաջողվեց դիշերը լեռան անտառապատ ստորոտում շրջապատել նրանց և ոչնչացնել 200 հոգու, մնացածը խուճապահար փախան: Թուրքերը շարունակեցին հարձակումները ավելի մեծ ուժերով, սակայն ետ չպրտվեցին, տալով մոտ 1000 սպանված: Անհաջողությամբ վերջացան նաև թշնամու հաջորդ հարձակումները: Մուսալեուցիների հերոսական մաքառման 53-րդ օրը Մուսա լեռը ողողող ծովափին մոտեցան ֆրանսիական մի ռազմանավ, մի քանի օր հետո ուրիշ նավեր, որոնք իրենց վրա վերցրին 4000 մուսալեուցիներին և տեղափոխեցին Եգիպտոսի Պորտ Սաիդ նավահանգիստ:

Մուսալեուցիների ինքնապաշտպանությանն է նվիրված ավստրիացի գրող (ազգությամբ հրեա) Ֆ. Վերֆելի «Մուսա լեռան 40 օրը» վեպը:

Աննկու՛ն քաջությամբ էին պայքարում նաև Ուրֆայի գոյամարտի մասնակիցները: Միջագետքի Ուրֆա (Եդեսիա, Ուռհա) քաղաքը 1915 թ. ուներ 35 հազար հայ բնակիչ: Ուրֆացիները ստեղծեցին զինվորական խորհուրդ՝ Մկրտիչ Յոթնեղբայրյանի գլխավորությամբ, ամրացրին քաղաքի հայկական թաղը և մոտակա բլուրը: Ուրֆացիներն ունեին 800 ռազմիկ, որոնց միացան նաև կանանց երեք շոկատները: Սեպտեմբերի վերջին թուրքական զորքը անցավ հարձակման: Ինքնաշեն զենքերով զինված ուրֆացիները ջարդեցին թուրքերին, որոնք տալով 400 սպանված, նահանջեցին: Հոկտեմբերի 1-ին թուրքերը մեծ ուժերով գրոհեցին Հայերի դիրքերի վրա, գրավեցին հայ կաթոլիկների եկեղեցին, խուժեցին հայկական թաղ, բայց ետ չպրտվեցին: Թուրքերը Հայերի դեմ նետեցին վեց հազար զինվոր, որոնց միացավ 12 հազար հոգուց բաղկացած խաժամուժը: Նրանց հաջողվեց մտնել Հայոց թաղ, բայց հայերը վերստին դուրս չպրտեցին թշնամիներին: Առավել կատաղի մարտեր բռնկվեցին հոկտեմբերի 8-ին և 9-ին, երբ թուրքերին հաջողվեց շրջապատել հայկական թաղը: Հայերը քաջաբար դիմադրեցին թշնամու գերազանց ուժերին: Հաջորդ օրը հրետանային տեղատարափ կրակի տակ առնելով Հայերի դիրքերը, թշնամին ավերեց հայկական թաղը, սակայն այս անգամ ևս նա բխվեց Հայերի ամրակուռ պաշտպանությանը: Հոկտեմբերի 23-ին թուրքերին հաջողվեց գրավել հայկական թաղը և սրի քաշել նրա բնակիչների մեծ մասին: Մեծ զոհերի գնով թուրքերին (նրանք կորցրին 2000 սպանված և բազմաթիվ վիրավորներ) հաջողվեց ճնշել հերոս ուրֆացիների 25 օրյա դիմադրությունը:

## ՀԱՅԱՍՏԱՆԸ 1917 Թ. ՓԵՏՐՎԱՐԹԱՆ ԵՎ ՀՈԿՏԵՄԲԵՐԹԱՆ ՀԵՂԱՓՈԽՈՒԹՅՈՒՆՆԵՐԻՑ ՀԵՏՈ

1917 թ. փետրվարի 27-ին Ռուսաստանում հաղթանակեց բուրժուական-դեմոկրատական հեղափոխությունը, որը տապալեց ցարին և մարտի 2-ին ստեղծեց բուրժուական ժամանակավոր կառավարություն: Վերջինիս կառավարող մարմինը Անդրկովկասում 1917 թ. մարտի 9-ին ստեղծված Անդրկովկասյան հատուկ կոմիտեն էր (Օղակոմ)՝ Վ. Խառյամովի գլխավորությամբ: Այն կառավարում էր նաև ուսսական գործերի կողմից գրավված Արևմտյան Հայաստանը (գերագույն կոմիսարի միջոցով), որը դիտվում էր Ռուսաստանի բաղկացուցիչ մաս:

1917 թ. մայիսի 2-ից մինչև 11-ը Թիֆլիսում գումարվեց արևմտահայերի առաջին համագումարը, որտեղ քննարկվեցին Արևմտյան Հայաստանի տնտեսություն, մշակույթի զարգացման, եղեռնապուրծ հայերին հայրենիք վերադարձնելու հետ կապված խնդիրները: Ընտրվեց Արևմտահայ ազգային խորհուրդ (նախագահ՝ Վահան Փափազյան): Ծուլտով 140 հազար արևմտահայեր վերադարձան Հայրենիք: Նույն ժամանակ Արևմտյան Հայաստանը նրա գերագույն կոմիսար Պ. Ավերյանովի հրամանով բաժանվեց երեք վարչամիավորի՝ էրզրումի, Խնուսի և Վանի: Աշխատանքներ տարվեցին երկրի վերաշինություն ուղղությամբ:

1917 թ. սեպտեմբերի 29-ից մինչև հոկտեմբերի 13-ը Թիֆլիսում կայացած Հայոց ազգային համախորհրդակցություն մասնակիցները բացարձակ վստահություն հայտնեցին Ռուսաստանի ժամանակավոր կառավարությանը և որոշեցին օգնել նրան՝ պատերազմը հաղթական վախճանի հասցնելու համար: Ընտրվեցին Հայոց Ազգային ժողով (օրենսդրական իրավունքներով) և նրա գերագույն գործադիր մարմինը՝ Ազգային խորհուրդ՝ գրող Ավետիս Ահարոնյանի գլխավորությամբ: Ազգային խորհուրդը պետք է իրականացներ արևելահայությունն առնչվող քաղաքականությունը և լուծեր ընթացիկ զանազան խնդիրներ:

Ժամանակավոր կառավարությունը հռչակեց ազգերի ինքնորոշման իրավունքը: Ռուսական բանակում 1917 թ. հունիսից ստեղծվեցին ազգային զորամասեր (այդ թվում նաև հայկական): Հայ զինվորներին սկսեցին եվրոպական ճակատներից տեղափոխել կովկասյան ռազմաբեմ (այս գործընթացը կասեցվեց 1917 թ. հոկտեմբերին բոլշևիկների կողմից): Բոլշևիկները գերմանական գլխավոր շտաբի ֆինանսական լայն աջակցությամբ քայքայեցին ուսսական բանակը, քարոզելով թշնամի զինվորների «եղբայրացում», որը վերածեց դասալքություն:

1917 թ. հոկտեմբերի 25-ին տեղի ունեցած բոլշևիկյան հեղաշրջումը փրկեց ազետի եզրին կանգնած թուրքական բանակին: Անդրկովկասը

1917 թ. նոյեմբերի 15-ին անջատվեց բուլշևիկյան Ռուսաստանից և ստեղծեց նոր իշխանություն՝ Անդրկովկասի կոմիսարիատը՝ մենչևիկ Գեգեչկորու գլխավորութեամբ: Անջատման նախաձեռնողը վրացի մենչևիկներն էին: Այն չէր համապատասխանում Հայերի քաղաքական շահերին: Բայց Հայ ժողովուրդն ստիպված համակերպվեց դրան, որպեսզի այդ բախտորոշ պահին չմեկուսանա հարևաններից: Նոյեմբերի 15-ին թուրքերը զինադադար առաջարկեցին: Դեկտեմբերի 5-ին Երզնկայում զինադադար կնքվեց: Մեկ շաբաթ հետո Ռուսաստանի բուլշևիկյան կառավարութայունը Բրեստ-Լիտովսկում բանակցութայուններ սկսեց Գերմանիայի ու նրա դաշնակիցների հետ, որոնց պահանջով Արևմտյան Հայաստանից Հանվելու էր ռուսական զորքը՝ ծանր հարվածի տակ դնելով Հայերին: Բուլշևիկյան իշխանութայան կողմը Հայերի համակրանքը դրավելու նպատակով Լենինի կառավարութայունը (Ժողկոմսովետը) 1917 թ. դեկտեմբերի 31-ին ընդունեց «Թուրքահայաստանի մասին» դեկրետը (որոշումը), որով թղթի վրա ճանաչվում էին Հայ ժողովրդի օրինական իրավունքներն Արևմտյան Հայաստանում, արևմտահայերի ազատ ինքնորոշումը: Դեկրետը դրա կենսագործման երաշխիք էր համարում Արևմտյան Հայաստանից ռուսական զորքերի դուրս բերումը և նրան փոխարինող «Հայկական ժողովրդական միլիցիայի» ստեղծումը: Բայց, Արևմտյան Հայաստանից դուրս բերելով ռուսական զորքերը, բուլշևիկներն այն ընծայեցին թուրքերին: Ստեղծված պայմաններում Հայերը մնացին մենակ ընդդեմ թուրքերի, որոնց դիմակայեցին 1917 թ. նոյեմբերին ստեղծված Հայկական կորպուսը և Անդրանիկի երկրապահ զորամասը: Մեծ աշխատանք ծավալեց Երևանի ազգային խորհուրդը, որը վերածվեց պետական ամրակուռ իշխանութայան՝ Արամ Մանուկյանի գլխավորութեամբ:

1918 թ. մարտի 3-ին Բրեստ-Լիտովսկում ստորագրված պայմանագրով՝ ռուսական զորքերը դուրս էին բերվելու Արևմտյան Հայաստանից: Դեռևս 1917 թ. դեկտեմբերի վերջից, թուրքերը խախտելով զինադադարը, գրավեցին Արևմտյան Հայաստանի գավառները: 1918 թ. փետրվարի 10-ին Անդրկովկասյան կոմիսարիատին փոխարինած Սեյմը (պառլամենտը) մերժեց Բրեստ-Լիտովսկի պայմանագիրը և ձեռնամուխ եղավ թուրքերի հետ հաշտութայուն կնքելուն: 1918 թ. մարտի 12-ին թուրքերը գրավեցին Էրզրումը: Մարտի 18-ին Սեյմի պատվիրակութայունը բանակցութայուններ սկսեց թուրքերի հետ՝ Տրապիզոնում: Թուրքերը վերջնադրով պահանջեցին իրենց զիջել Կարսը, Արդահանը և Բաթումը՝ ելնելով Բրեստ-Լիտովսկի պայմանագրից: Սեյմը մերժեց վերջնագիրը, ապրիլի 1-ին ետ կանչեց իր պատվիրակութայունը և պատերազմ հայտարարեց թուրքիային: Բայց պատերազմի հենց հաջորդ օրը թուրքերը գրավեցին Բաթումը: Վրացիների համար թուրքերի դեմ կռվելը կորցրեց իր իմաստը: Նրանց

չէր հուզում Կարսի խնդիրը: Վրացիների հետ իրենց գործը վերջացրած համարելով, թուրքերը ամբողջ ուժով նետվեցին հայերի վրա: Ապրիլի 9-ին Սեյմը Անդրկովկասը հռչակեց Ռուսաստանից անկախ հանրապետութիւն, իսկ հաջորդ օրը կարգադրեց Կարսը զիջել թուրքերին, որոնց դա էլ չբավարարեց և շարունակեցին առաջ շարժվել: Մայիսի 15-ին Սեյմի կարգադրութեամբ թուրքերին հանձնվեց նաև Ալեքսանդրապոլը, որից հետո նրանց առջև բացվեց Երևան տանող ճանապարհը:

## ՍԱՐԴԱՐԱՊԱՏԻ, ԲԱՇ ԱՊԱՐԱՆԻ ԵՎ ՂԱՐԱՔԻԼԻՍԻԱՅԻ 1918 Թ. ՄԱՅԻՍՅԱՆ ՀԵՐՈՍԱՄԱՐՏԵՐԸ

Կարսի գրավումից հետո թուրքերը ձեռնամուխ եղան Անդրկովկասի, առաջին հերթին, Իհարկե, Արևելյան Հայաստանի նվաճմանը: Նրանք Սարգարապատի և Աշտարակի կողմերից կամենում էին հարձակվել Երևանի վրա և գրավել այն: Բնաջնջման սպառնալիքն այժմ կախվեց նաև արևելահայութեան վրա:

Մայիսի 21-ին թուրքական զորքը գրավեց Սարգարապատ գյուղը (այժմ՝ Արմավիրի մարզի Հոկտեմբեր գյուղ): Նրա նպատակն էր գրավել Երևանը: Ստեղծվեց տագնապալի վիճակ, բնակչութիւնը խուճապի մատնվեց: Հայկական բանակի հրամանատարութիւնը դիմեց եռանդուն միջոցների: Հայկական կորպուսի հրամանատար Նազարբեկյանը 2-րդ հրաձգային դիվիզիայի հրամանատար, գեներալ Սիլիկյանին հրամայեց մարտական ուժերը դասավորել էջմիածնի մոտ և թուրքերին թույլ չտալ Երևանին մոտենալու:

Սիլիկյանի տրամադրութեան տակ, բացի 2-րդ հրաձգային դիվիզիայից, դրվեցին ևս չորս գնդեր և այլ զորամասեր: Քանի որ թուրքերը կամենում էին Երևանի վրա հարձակվել նաև Սուրմալուից, ուստի Սիլիկյանը հրամայեց պայթեցնել Սուրմալուից դեպի Արաքսի ձախ ափ տանող Մարգարայի ու Ղարաղալայի կամուրջները (այժմյան Արմավիրի մարզում), դիրքավորվել դեպի ափին և թույլ չտալ թուրքերին Արաքսը գետանցել: Բայց Երևանին թուրքերն սպառնում էին նաև Նախիջևանի կողմից, ուստի Սիլիկյանը գնդապետ Բաղդասարովի հետևակային բրիգադին առաջադրանք տվեց կանխել թուրքերի առաջխաղացումն այդ ուղղութեամբ: Մայիսի 22-ին գնդապետ Դանիել Բեկ-Փիրումյանի գլխավորած զորամասերը, գնդապետ Պերեկրեստովի պարտիզանական հետևակային գունդը, Զեյթունի հեծյալ գունդը, Իզդիրի հետևակային գունդը և կամավորական աշխարհազորային խմբերը Ղուրղուղուլի (այժմ՝ Արմավիր) և

Քյորփալու (այժմ Արշալույս) գյուղերից գրոհեցին թուրք զորքի վրա, ջախջախեցին նրան Ղամշլուխի (այժմ՝ Ջարթոնք գյուղը Արմավիրի մարզում) մոտ, ապա առաջ շարժվելով, նույն օրվա վերջին գրավեցին Սարդարապատը: Թուրք զորքը, խուճապի մատնվելով, մայիսի 26-ին ետ քաշվեց, բայց քանի որ Հայկական զորախումբը Սարդարապատը գրավելուց հետո թուլացրեց ճնշումը թուրքերի վրա, ուստի վերջիններս ամրացան Արաքս կայարանի մոտակա բարձունքներում: Սակայն Հայկական զորամասերը մայիսի 27-ին խիզախ գրոհներով ջախջախեցին թուրքերին, որոնք մեծ կորուստներ կրելով նահանջեցին Ալեքսանդրապոլ: Այդպես կանխվեց Երևանը գրավելու նրանց փորձը:

Սարդարապատի Հերոսամարտը օրհասական գոյամարտ էր: Այն ցույց տվեց, որ անհնար է ծնկի բերել Հայ ժողովրդին, որը փոքրաթիվ ուժերով կենաց և մահու կռիվներ մղեց դարավոր սուխի մինչև ատամները զինված զորքերի դեմ, հաղթեց նրանց՝ նվաճելով որպես ազգ պետականորեն գոյատևելու իրավունքը:

Թուրքական հրամանատարութունը փորձեց Երևանին հարվածել նաև Բաշ Ապարանի կողմից, ուստի Սիլիկյանը զորամասեր կենտրոնացրեց նաև այդ ուղղության վրա: Դրոյի գլխավորած զորամասերը մայիսի 24-ին մտան Ալիքուչակի (այժմ՝ Քուչակ) գյուղը և ամրացան այնտեղ: Դրոն հետախույզների միջոցով պարզեց թշնամու նպատակը: Մայիսի 27-ին թե՛ մարտեր բորբոքվեցին Բաշ Ապարանի մոտ: Թշնամուն սկզբում հաջողվեց հրետանային կրակով ճնշում գործադրել հայերի վրա: Սակայն Հայկական զորամասերը, Դրոյի հմուտ ղեկավարությամբ երկու օր տևած կռիվներում, մայիսի 29-ին ծանր պարտության մատնեցին թշնամուն, որը տալով ավելի քան 200 սպանված, նահանջեց:

Մայիսի վերջերին Հայ ժողովուրդը Հերոսական կռիվներ մղեց նաև Ղարաքիլիսա (այժմ Վանաձոր) քաղաքի մոտ: Մայիսի 20-ին Ալեքսանդրապոլից թուրքերը ուղղվեցին դեպի Ղարաքիլիսա, գրավեցին Ջաջուռը և այլ բնակավայրեր, շարժվեցին Համամլու (այժմ՝ Սպիտակ), ապա՝ դեպի Ղարաքիլիսա, որտեղ մայիսի 24-ից Հայկական բանակի չորս զորագնդեր (վեց հազար զինվոր) գնդապետ Ն. Ղորղանյանի, պորուչիկ Գարեգին Նժդեհի և ուրիշ սպանների հրամանատարությամբ մարտի բռնվեցին: Նրանց օգնում էին Լոռու Հայ աշխարհազորայինները: Ուժեղ մարտեր ընթացան մայիսի 25-ին, երբ Ն. Ղորղանյանի գունդը ոչնչացրեց ավելի քան 200 թուրք զինվորի: Այդ օրը թուրքերը մեծ կորուստներ կրեցին նաև Հայկական մյուս զորամասերից: Քաջարար էին մարտնչում նաև շրջակա գյուղերի բնակիչները: Բայց թուրքերը, համալրելով իրենց ուժերը, մայիսի 27-ին հակահարձակման անցան և հասան որոշ հաջողության: Հայկական զորամասերը թեև ոչ մի համալրում չէին ստանում, սակայն կռվում



էին անօրինակ քաջությամբ: Մայիսի 28-ին թուրքերն ավելի ուժեղացրին ճնշումը և Հայկական զորքերին ստիպեցին նահանջել: Թուրքական բանակը կտրեց Դիլիջան տանող ճանապարհը և աքցանի մեջ առավ Ղարաքիլիսան, որի դրությունը խիստ ծանրացել էր նաև Համամլուն թուրքերի կողմից գրավելուց հետո: Մայիսի 30-ին թուրքական տասնազարանոց զորքը գրավեց Ղարաքիլիսան: Ղարաքիլիսայի ճակատամարտում Հայերը կորցրին 1500 սպանված ու վիրավոր, մոտ 1000 գերի: Թուրքերը ևս մեծ կորուստներ ունեցան: Թուրքական զորքերի հրամանատար Վեհիբ փաշան (ծագումով ալբանացի) ստիպված էր խոստովանել, որ «Ղարաքիլիսայի տակ Հայերը ցույց տվեցին, որ նրանք կարող են լինել աշխարհի լավագույն զինվորները»:

Ղարաքիլիսայից թուրքերը շարժվեցին դեպի Շուլավեր, նպատակ ունենալով գրավել Թիֆլիսը, որի քաղաքագլուխը կոչով դիմեց բնակչու-թյանը՝ պաշտպանել քաղաքը: Բայց վրաց մենչևիկները կարողացան համաձայնության մեջ մտնել գերմանացիների հետ, որոնք զորք մտցրին Վրաստան, կանխելով այնտեղ թուրքերի մուտքը: Հայերը նույնպես դիմեցին գերմանացիներին, որպեսզի Հայաստան զորք մտցնեն, սակայն Հայերի խնդրանքը անտես առնվեց: Գերմանացիները չկամեցան նեղացնել դաշնակից թուրքերին:

Թուրքական զորքերը հունիսի 4-ին Լոռիից տեղափոխվեցին Գյանջա՝ Բաքվի վրա գրոհելու համար: Ստ. Շահումյանի գլխավորած Բաքվի սովետական իշխանությունն այդ ժամանակ ուներ 18 հազար զինվոր, որի մոտ 70%-ը Հայեր էին (հիմնականում արևմտյան ռազմաճակատներից եկած): Ադրբեջանի մուսավաթական կառավարությունն իր զորքերը դրեց թուրքերի տրամադրության տակ: Հունիսի 17-ից սկսվեցին ընդհարումները Բաքվի կոմունայի և թուրք-թաթարական ուժերի միջև: Հուլիսի 31-ին Ստ. Շահումյանի կառավարությունը հրաժարվեց իր լիազորություններից: Բաքվի կուսակցությունները՝ էսեռները, մենչևիկները և դաշնակցությունը Բաքու հրավիրեցին Պարսկաստանում (էնզելի քաղաքում) գտնվող անգլիացիներին: Բաքվի կոմունային փոխարինած Ցենտրոկասպի կառավարությունը շարունակեց դիմադրությունը հարձակվող թուրքերին: Հայկական զորամասերը շարունակում էին արիաբար մարտնչել թշնամու դեմ: Մարտերից մեկում հերոսաբար զոհվեց նշանավոր ֆիդայի, սերաստացի Մուրադը: Օգոստոսի 5-ին Բաքվի պաշտպանները ջախջախեցին թուրքերին, որոնք մարտի դաշտում թողնելով 2000 դիակ, նահանջեցին: Հաջորդօրը Բաքու ժամանեց անգլիական ջոկատը (600 զինվոր): Համալրելով իրենց ուժերը, թուրքերը սեպտեմբերի 14-ից վճռական հարձակման անցան Բաքվի դեմ: Անգլիացիներն ստիպված հեռացան Բաքվից: Ցենտրոկասպի զորքերը և Հայկական զորամասերը նահանջեցին: Թուրքական

գերակշիռ ուժերը սեպտեմբերի 15-ին գրավեցին Բաքուն, երեք օր թուրք-թաթարական ամբոխին թույլ տվեցին Հայերին կոտորել, թալանել: Այդ օրերին նրանք Բաքվում կոտորեցին 30 հազար Հայերի:

## ՀԱՅԱՍՏԱՆԻ ԱՌԱՋԻՆ ՀԱՆՐԱՊԵՏՈՒԹՅՈՒՆԸ

1918 թ. ամռանը Անդրկովկասում տեր ու տնօրինություն էին անում գերմանացիներն ու թուրքերը: Վերջիններս Բաթումում 1918 թ. մայիսին հրավիրված կոնֆերանսում խիստ թշնամական դիրք բռնեցին Հայերի Հանգեպ: Էնվերը և Թալեաթը գտնում էին, որ Հայերին ոչ մի տարածք չպետք է զիջել, նրանց պետք է իսպառ բնաջնջել: Բայց, երբ թուրքերը լսեցին Սարդարապատում, Բաշ Ապարանում Հայերի տարած Հաղթանակների մասին, Համաձայնվեցին Հայկական Հանրապետության ստեղծմանը: Թուրքիան Բաթումի կոնֆերանսում առաջ քաշեց Անդրկովկասը երեք Հանրապետությունների բաժանելու նախագիծ, որն ընդունվեց Սեյմի կողմից: Հայերի մեծ մասը դեմ էր այդ ծանր պահին Հայաստանի անկախությանը, ինչը մեկուսացնում էր նրան Հարևաններից: Բայց մայիսի 26-ին Վրաստանը, 27-ին Ադրբեջանը, հռչակեցին իրենց անկախությունը, ուստի մայիսի 28-ին Թիֆլիսի Հայոց ազգային խորհուրդը ընդունեց հռչակագիր՝ Հայաստանի անկախ Հանրապետություն ստեղծելու մասին, որպեսզի տեր կանգնի Հայ ժողովրդին:

1918 թ. հունիսի 4-ին Բաթումի կոնֆերանսում կնքված թուրք-Հայկական Հաշտության պայմանագրով Հայաստանին էր մնում 12 հազար քառակուսի կմ. տարածք (Երևանի շրջակայքը և Սևանի ավազանի մի մասը): Բաթումի պայմանագրով Ախալքալաքի ու Ախալցխայի շրջաններն անցան Թուրքիային, Արցախը, Ջանգեզուրը՝ Ադրբեջանին: Նախիջևանի գավառը գրավեցին թուրքերը:

1918 թ. հուլիսի 19-ին Թիֆլիսից Երևան տեղափոխվեց Հայոց ազգային խորհուրդը, որը հուլիսի 24-ին հրապարակեց Հայաստանի կառավարության կազմը՝ Հ. Քաջազնունու գլխավորությամբ (ներքին գործերի նախարար՝ Արամ Մանուկյան, արտաքին գործերինը՝ Ալ. Խատիսյան և այլն): Օգոստոսի 1-ից սկսեց գործել Հայաստանի խորհրդարանը (պառլամենտը): Մինչև 1919 թ. հունիսը կառավարությունը կազմված էր դաշնակցություն և այլ (էսեռներ և այլն) կուսակցությունների անդամներից, ապա բացարձակ գերակշռություն ստացան դաշնակցականները: 1919 թ. օգոստոսի 7-ին վարչապետ ընտրվեց Ա. Խատիսյանը, 1920 թ. մայիսի 5-ին՝ Հ. Օհանջանյանը, նույն թվի նոյեմբերի 23-ին՝ Ս. Վրացյանը:

Դրոշը եռագույն էր՝ կարմիր, կապույտ և դեղին: Սահմանվեցին ազգա-

յին, պետական տոներ (Ծնունդ և Մկրտութիւն, Մեռելոց, Վարդանանց, Համբարձման, Թարգմանչաց և այլն):

Ծանր էր երկրի վիճակը: Հանրապետութեան փոքր տարածքը չէր կարող սնել այնտեղ փրկութիւն գտած բազմաՀազար Հայերին: 1918 թ. սովից ու Հիվանդութիւնից ամեն օր 2000-ից ավելի մարդ էր մահանում: Չկային միջոցներ: Միայն 1919 թ. կեսերից մթերքներ ուղարկեցին ԱՄՆ-ից ու Եվրոպայից: Հետզհետե երկրի վիճակը բարելավվեց: 1920 թ. Հայաստանը կարողացավ արտահանել որոշ ապրանքներ (աղ, փայտ, խմիչքներ, բուրդ, բամբակի մանվածք և այլն), գնել Հացահատիկ, վառելանյութ: Թողարկվեցին Հայկական դրամանիշեր («Ճախարակ» անվամբ), որոնք տպագրվում էին Լոնդոնում: Պետականացվեցին բոլոր մասնատիրական, վանքապատկան հողերը, որոնք բաժանվեցին հողագուրկներին:

1920 թ. մայիսի 10-ին Հայ բոլշևիկները փորձեցին զինված Հեղաշրջում կատարել: Բայց ոռւս բոլշևիկներից օգնութիւն չստանալու պատճառով ապստամբութիւնը մայիսի 14-ին ճնշվեց: Նույն ամսին, կատարված վարչատարածքային նոր բաժանմամբ, Հայաստանի Հանրապետութեան նախկին տասը գավառների փոխարեն ստեղծվեցին չորս նահանգապետութիւններ՝ Արարատյան (Երևանի), Վանանդի (Կարսի), Շիրակի (Ալեքսանդրապոլի) և Այուտիք-Ղարաբաղի, որոնք բաժանվում էին գավառների:

Հայաստանի պետութեան դեմ թշնամական դիրքավորում ունեին տեղացի թաթարները (այժմ՝ ադրբեջանցիներ), որոնք 1919 թ. Հունիսին ապստամբեցին: Նախիջևանում նրանք դուրս մղեցին Հայկական զորամասերին, բնաջնջելով Հայերին: Բայց Հայոց զորքը պատշաճ դասեր տվեց ապստամբներին:

Արտաքին Հարաբերութիւնների բնագավառում մեծ ջանքեր ներդրվեցին: 1918 թ. Հայաստանի կառավարութիւնը փորձեց բանակցութիւնների միջոցով նորմալ Հարաբերութիւններ Հաստատել Թուրքիայի և Գերմանիայի Հետ՝ Հուլիս ունենալով վերացնել Բաթումի պայմանագիրը, պահպանել գոնե Բրեստ-Լիտովսկի դաշնագրի պայմանները: Կովկասին, Բաքվի նավթին տիրանալու պատճառով Թուրք-գերմանական Հակասութիւնները Հայերին նման Հուլիս էին ներշնչում: 1918 թ. ապրիլին Հայոց ազգային խորհրդի պատվիրակութիւնը մեկնեց Գերմանիա, իսկ Հուլիսի 30-ին Հայաստան այցելեց գերմանական պատվիրակութիւնը: Բաքվի նավթին տիրանալու Համար գերմանացիները փորձում էին Հենվել Վրաստանի և Հայաստանի վրա: Նրանք Թուրքերից պահանջեցին ետ քաշվել Կովկասից, իրենց զորքերը թողնել միայն Կարսի մարզում: 1918 թ. մայիսին Հայաստանից մեկ այլ պատվիրակութիւն Ա. Ահարոնյանի գլխավորութեամբ մեկնեց Կ. Պոլիս: Պատվիրակութեանն ընդունեցին Թալեհաթը,

էնվերը, սուլթանը: Սակայն Հնարավոր չեղավ որևէ շոշափելի արդյունքի հասնել: 1918 թ. Հոկտեմբերի 5-ին թուրքերը, ապա գերմանացիները, որ պարտվել էին անգլո-ֆրանսիական և ամերիկյան ուժերից, Հեռացան Կովկասից: Նրանց փոխարինեցին անգլիացիներն ու ֆրանսիացիները, ապա նաև ամերիկացիները: Բաթումի և Բրեստ-Լիտովսկի պայմանագրերը չեղյալ համարվեցին: 1919 թ. մայիսին Հայաստանին միացվեցին Նախիջևանի գավառը, Կարսի մարզը: Հայաստանի Հանրապետութեան տարածքը հասավ 58 հազար քառակուսի կիլոմետրի: Սակայն Ախալքալաքի, Բորչալուի շրջանները թուրքերի Հեռանալուց Հետո գրավեց Վրաստանը: Դա Հանգեցրեց 1918 թ. դեկտեմբերի 13-ին բռնկված Հայ-վրացական պատերազմին: Դրոյի զորքը 17 օրվա ընթացքում գրավեց Լոռին, սակայն Ախալքալաքը մնաց Վրաստանի կազմում: 1919 թ. Հունվարին կայացած Հայ-վրացական կոնֆերանսը (անգլիացիների մասնակցութեամբ) որոշեց Լոռին դարձնել չեզոք գոտի՝ անգլիացի գեներալ-նահանգապետի գլխավորութեամբ:

Հայաստանն իր ներկայացուցիչները, Հյուպատոսութեաններն ունեցր ԱՄՆ-ում, Անգլիայում, Ֆրանսիայում, Իտալիայում, Բուլղարիայում, Շվեյցարիայում, Ֆինլանդիայում, Ռումինիայում, Բրազիլիայում, Հարեչստանում և այլ երկրներում:

1920 թ. Հունվարի 23-ին Անտանտի պետութեանները դե-ֆակտո (փաստորեն գոյութեան ունեցող) ճանաչեցին Հայաստանի Հանրապետութեանը: Նույն թվի ապրիլին Հայաստանի անկախութեանը ճանաչեց նաև ԱՄՆ-ը: Հայաստանի Հանրապետութեանը դեռ 1918 թ. կեսերից փորձեց Հարաբերութեաններ հաստատել Խորհրդային Ռուսաստանի Հետ: Բայց այդ փորձերը Հաջողութեան չունեցան, քանի որ Ռուսաստանը Անդրկովկասի անջատմանը դեմ էր:

## ԱՐՑԱԽԻ ԵՎ ԶԱՆԳԵԶՈՒՐԻ ՀԱՅՈՒԹՅԱՆ ԳՈՅԱՄԱՐՏԸ 1918-1920 ԹԹ.

Արցախի Հայ բնակչութեանը դեմ ելավ Բաթումի պայմանագրով Արցախը Ադրբեջանին հանձնելու վճռին: 1918 թ. Հուլիսին Շուշիում կայացավ արցախահայերի առաջին Համագումարը, որը որոշեց չընդունել Ադրբեջանի իշխանութեանը և քայլեր ձեռնարկել Հայաստանին միանալու համար: Ադրբեջանի խնդրանքով թուրքական զորքը Բաթում գրավելուց Հետո 1918 թ. սեպտեմբերի 15-ին շարժվեց Արցախի դեմ, բայց ետ շարտվեց: 1918 թ. Հոկտեմբերին, երբ թուրքերն ու գերմանացիները Հեռացան Կովկասից, նրանց փոխարինած անգլիացիները Բաքվի նավթին

տիրանալու նկատառումներով Արցախը Հանձնեցին Ադրբեջանին: Բայց 1919 թ. ապրիլին արցախահայերի համագումարը մերժեց այդ որոշումը: Անգլիացիների կողմից Արցախի նահանգապետ նշանակված Սուլթանովը զորքը շարժեց Արցախի վրա, բնաջնջելով նրա վեց դյուղերի բնակչութ-  
 յանը: Բայց դա չկտորեց արցախցիներին: 1920 թ. մարտի 23-ին Սուլթա-  
 նովը մեծ զորքով կրկին հարձակվեց Արցախի վրա, կտորեց Շուշիի Հայ  
 բնակչությանը, որի մի մասը հեռացավ Խանքենդ (մինչև 1847 թ. Վարա-  
 րակն, այժմ՝ Ստեփանակերտ) ավանը: Արցախցիները շարունակեցին դի-  
 մադրությունը, Հայաստանի Հանրապետությունից խնդրելով օգնել  
 իրենց: 1920 թ. ապրիլի 14-ին Դրոյի զորքը գրավեց Արցախը, որի բնակ-  
 չությունը ապրիլի 28-ին կայացած 9-րդ Համագումարում որոշեց Արցա-  
 խը միավորել Հայաստանի հետ: Բայց Հենց նույն օրը XI Կարմիր բանա-  
 կը մտավ Ադրբեջան և խորհրդայնացրեց այն: Մայիսին XI բանակի պատ-  
 վիրակությունը Դրոյից պահանջեց զորքը հանել Արցախից: Դրոն ստիպ-  
 ված տեղի տվեց: Արցախը բռնակցվեց Ադրբեջանին: 1921 թ. Հուլիսի 5-ին  
 Ռուսաստանի կոմկուսի կովկասյան բյուրոյի պլենումը որոշեց Լեռնային  
 Ղարաբաղը Հանձնել Ադրբեջանին՝ նրան ընձեռելով մարզային ինքնա-  
 վարություն: 1923 թ. Հուլիսին կազմվեց Լեռնային Ղարաբաղի Ինքնա-  
 վար Մարզը (ԼՂԻՄ): Արցախահայերը շարունակեցին պայքարը իրենց  
 ունահարված իրավունքների համար:

Ձանգեզուրի Հայ բնակչությունը ևս չհաշտվեց Բաթումի պայմանագ-  
 րով Ձանգեզուրը Ադրբեջանին զիջելու որոշման հետ և շարունակեց պայ-  
 քարը թուրք-թաթարական հրոսակախմբերի դեմ: Այդ պայքարը 1918 թ.  
 օգոստոսին 3-ից մինչև 1919 թ. ապրիլի 3-ը կազմակերպեց Անդրանիկը,  
 որը թուրքական ուժերի ճնշման տակ իր գրաված Նախիջևանի գավառից՝  
 հեռացավ Ձանգեզուր և Հուլիսի 26-ին ժամանեց Ղափան, իսկ օգոստոսի  
 2-ին՝ Գորիս: Նույն ամսին նա եղավ Սիսիանում, կազմակերպեց դիմադ-  
 րություն: Սեպտեմբերի 29-ին Անդրանիկը վերադարձավ Գորիս: Հոկ-  
 տեմբերի 6-ին, որպես Ձանգեզուրի բոլոր զինված ուժերի հրամանատար,  
 նա կարդադրություններ արեց պաշտպանությունը կազմակերպելու վե-  
 րաբերյալ: Գյանջալում նստող Նուրի փաշայի զորքի գրոհները ետ  
 չպրտվեցին զանգեզուրցիների կողմից: Նոյեմբերի վերջերին Անդրանիկը  
 Ջաբուղ գյուղի (Լաչինի շրջան) մերձակայքում ջախջախեց թուրք-թա-  
 թարական ուժերին: Ղարաբաղի պատվիրակների խնդրանքին ընդառաջե-  
 լով՝ նա որոշեց արշավել Շուշի և ազատագրել նաև Ղարաբաղը: Սակայն  
 նույն ժամանակ Անդրանիկի մոտ եկան անգլիացիները և հորդորեցին  
 չմեկնել Ղարաբաղ: Դաշնակիցների հետ հարաբերությունները չբարդաց-  
 նելու համար Անդրանիկը հրաժարվեց ոչ միայն Արցախ արշավելուց, այլև  
 1919 թ. ապրիլի 2-ին իր ջոկատով դուրս եկավ Ձանգեզուրից: Գարեգին



Նժդեհը (Տեր-Հարությունյան) 1919 թ. Հոկտեմբերի 15-ից դիտավորեց Ջանգեզուրի ինքնապաշտպանությունը:

1919 թ. սեպտեմբերի վերջին ադրբեջանցիները ուժեղ Հարձակման անցան Գորիսի ուղղությամբ, բայց Հանդիպեցին Համառ դիմադրության և ետ շարավեցին՝ կրելով ծանր կորուստներ: Նոյեմբերի սկզբին նրանք վերսկսեցին Հարձակումները: Սակայն այս անգամ ևս նրանք գլխովին ջախջախվեցին և խուճապահար փախան՝ Հայերին թողնելով շատ զենքեր և պարենամթերք: 1920 թ. ապրիլի սկզբին թշնամին Հարձակում ձեռնարկեց Ղափանի դեմ, բայց Որոտանի կիրճում ջախջախվեց Հայերի կողմից: Նույն ամսին Դրոյի և Նժդեհի գլխավորած զորքերը Ջանգեզուրի և Արցախի սահմանագլխին քանիցս ետ մղեցին թշնամիներին:

Սակայն Ադրբեջանը խորհրդայնացվելուց հետո ընդդեմ Հայաստանի ձեռք բերեց նոր և զորեղ դաշնակցի, Հանձին Խորհրդային Ռուսաստանի: Այնուհետև զանգեզուրցիները Հարկադրված եղան մարտնչել XI Կարմիր բանակի և թուրք-թաթարական զորքերի դեմ:

Կարմիր բանակի հրամանատարությունը 1920 թ. Հուլիսին Նժդեհից պահանջեց Մեղրիով Կարմիր բանակի զորքին ճանապարհ տալ՝ Նախիջևանի գավառ անցնելու համար: Նժդեհը կտրուկ մերժեց այդ առաջարկը և պահանջեց հեռանալ Ջանգեզուրից: Թուրք-թաթարական և բուլղերիկյան զորքերը Հարձակման անցան Ջանգեզուրի դեմ, որը ավելի քան երկու ամիս հերոսաբար պաշտպանվեց, սակայն ուժերը խիստ անհավասար էին, ուստի Նժդեհն ստիպված նահանջեց՝ դիրքեր գրավելով Խուստուկի լեռան ստորոտում: Հակառակորդին Հաջողվեց Նժդեհին հետ մղել դեպի Հարավ՝ Արաքսի ձախափնյակ: 1920 թ. աշնանը զանգեզուրցիները մանր մարտեր մղելով Կարմիր բանակի զորամասերի դեմ, տարան մի քանի Հաղթանակ: Մեղրին գրավելու համար բուլղերիկյան և թուրք-թաթարական զորքերի բոլոր Հարձակումները ետ մղվեցին: Հոկտեմբերի 10-ին զանգեզուրցիներն ազատագրեցին Ղափանի շրջանը: Հոկտեմբերի 16-ին Կարմիր բանակի հեծյալ մի դիվիզիա և թուրքական զորագունդը (կազմված 1915-1916 թթ. գերի ընկած թուրք զինվորներից) վերստին Հարձակման անցան Ջանգեզուրի դեմ: Նրանց հրամայված էր չխնայել ոչ ոքի, հիմնիվեր ավերել դիմադրող գյուղերը: Նոյեմբերի առաջին կեսին Նժդեհի զորականները սիսիանցի ազատամարտիկների հետ ջախջախեցին թշնամուն: Թուրք-բուլղերիկյան զորքը ստիպված հեռացավ Գորիս, որի բնակչությունը ապստամբեց և նոյեմբերի 21-ին քաղաքն ազատագրեց նրանցից: Հաջորդ օրը Գորիս Հասած Նժդեհի զորքը քաղաքից հեռու քշեց թշնամիներին: Այդպես Հաջողվեց Ջանգեզուրը լրիվ մաքրել բուլղերիկյան և թուրք-թաթարական ուժերից:

Հայաստանի խորհրդայնացումից հետո Հայաստանի Հեղկոմը Նժդեհից պահանջեց գադարեցնել դիմադրությունը (Կարմիր բանակի հրամա-

նատար դարձած Դրոյի և Ավիս Նուրիջանյանի անուններից) և ենթարկվել Հայաստանի Խորհրդային իշխանությանը: Սակայն Նժդեհին վստահություն չենբռնչեց այդ առաջարկը: Ուստի 1920 թ. դեկտեմբերի 25-ին Տաթևի վանքում գումարված զանգեզուրցիների 1-ին Համագումարը Հռչակեց Ինքնավար Սյունիքի Հանրապետություն (Գորիս կենտրոնով), որի սպարապետ նշանակվեց Նժդեհը: 1921 թ. ապրիլի 27-ին նույն վանքում հրավիրված զանգեզուրցիների 2-րդ Համագումարում Ինքնավար Սյունիքի Հանրապետությունը վերակոչվեց Լեռնահայաստանի Հանրապետություն: Ընտրվեց կառավարութայուն՝ Նժդեհի գլխավորութայամբ: 1921 թ. Հունիսի 1-ից Լեռնահայաստանի Հանրապետութայունը կոչվեց Հայաստանի Հանրապետութայուն, որի վարչապետ դարձավ 1921 թ. փետրվարյան ապստամբութայունից Հետո Սյունիք անցած Ս. Վրացյանը: Նժդեհը մնաց որպես զինվորական նախարար և սպարապետ:

Բուլշևիկները շարունակեցին Նժդեհից պահանջել Հեռանալ Ջանգեզուրից, որը պետք է միացվեր Հայաստանին: Այդպիսի առաջարկ եղավ 1921 թ. մայիսի 12-ին: Ս. Վրացյանը, որ այդ պահին Թավրիզում էր, Համաձայնվեց այդ առաջարկին: Հունիսի 3-ին բուլշևիկները որոշեցին վերսկսել Հարձակումները Ջանգեզուրի դեմ, որը պետք է բոլոր կողմերից առնվեր աքցանի մեջ: Հունիսի 13-ին Խորհրդային Հայաստանի Հեղկոմը դիմեց զանգեզուրցիներին՝ կոչ անելով դադարեցնել դիմադրութայունը, ճանաչել Խորհրդային Հայաստանի կառավարութայունը և խոստացավ բավարարել ապստամբների պահանջները: Այս անգամ Նժդեհը որոշեց դադարեցնել դիմադրութայունը, պայմանով, որ կշարունակի պայքարը, եթե Ջանգեզուրը տրվի Ադրբեջանին: Հուլիսի 7-ին իր 400 զինակիցներով նա Հեռացավ Ջանգեզուրից, որը միացվեց Խորհրդային Հայաստանին: Այդպիսով զանգեզուրցիների Հերոսական պայքարի շնորհիվ Ջանգեզուրը մնաց Հայաստանի կազմում:

## **ՀԱՅԿԱԿԱՆ ՀԱՐՑԸ ՓԱՐԻՋԻ ՀԱՇՏՈՒԹՅԱՆ ԿՈՆՖԵՐԱՆՍՈՒՄ: ՆՈՐԱՆՈՐ ԴԱՎԵՐ ՀԱՅԱՍՏԱՆԻ ԴԵՄ**

Առաջին Համաշխարհային պատերազմում պարտված Գերմանիայի, նրա դաշնակիցների և Հաղթող պետութայունների միջև Հաշտութայուն կնքելու Համար 1919 թ. Հունվարի 19-ին Փարիզում հրավիրվեց խաղաղութայան կոնֆերանս, որը տևեց մեկ տարի՝ մինչև 1920 թ. Հունվարի 21-ը: Թեև Հայաստանի Հանրապետութայունը, պաշտոնապես չհրավիրվեց կոնֆերանս, բայց նա պատվիրակութայուն ուղարկեց Փարիզ Ա. Ահարոնյանի

գլխավորութեամբ: Փարիզ էր ժամանել նաև Հայոց ազգային պատվիրակութիւնը՝ Պողոս Նուբարի գլխավորութեամբ: Այս երկու պատվիրակութիւնները միասին կազմեցին մի հուշագիր, որով առաջադրվում էր ստեղծել Հայկական անկախ պետութիւն՝ կազմված թուրքահայ յոթ վիլայեթներից, Կիլիկիայից և Արևելյան Հայաստանից: Դաշնակից պետութիւններից մեկը 20 տարով պետք է ստանձնէր Հայաստանի մանդատը (Հովանավորութիւնը): Բայց դաշնակիցները հուշագրին ընթացք չտվեցին: Ա. Ահարոնյանը և Պողոս Նուբարը բազմիցս դիմեցին դաշնակիցներին՝ օկուպացնելու Արևմտյան Հայաստանը, բայց նրանք հրաժարվեցին նման քայլից, քանի որ շահեր չունեին այնտեղ: 1920 թ. ապրիլին Իտալիայի Սան Ռեմո քաղաքում Անգլիայի, Ճրանսիայի և Իտալիայի ղեկավարները ԱՄՆ-ի ու Ճապոնիայի պատվիրակների հետ միասին պաշտպանեցին անկախ և միասնական Հայաստան ստեղծելու գաղափարը և որոշեցին Հայաստանի մանդատը պաշտոնապես հանձնել ԱՄՆ-ին: Ապրիլի 27-ին ԱՄՆ-ը դե ֆակտո ճանաչեց Հայաստանի անկախութիւնը: Բայց նույն թվականի հունիսի 1-ին ԱՄՆ-ի կոնգրեսը մերժեց Հայաստանի մանդատը ընդունելու վերաբերյալ պրեզիդենտ Վիլսոնի առաջարկը, նշելով, որ «այդ շրջանի ժողովուրդները հանձնվել են բոլշևիկներին»: Կոնգրեսմենները շեշտեցին, որ եթե Հայաստանում ամերիկյան զորք լինի, կընդհարվի բոլշևիկյան ուժերի հետ:

1920 թ. օգոստոսի 10-ին Փարիզի Հարավարևմտյան արվարձան Սերում ուշացումով Թուրքիայի հետ կնքվեց Հաշտութեան պայմանագիր, որի տակ ստորագրեց նաև Ա. Ահարոնյանը: Օսմանյան Թուրքիան այդ պայմանագրով ճանաչեց Հայաստանը «որպես ազատ և անկախ պետութիւն»: Կողմերը համաձայնվեցին նաև, որ Հայաստանի և Թուրքիայի միջև սահմաններն անցնելու են էրզրումի, Տրապիզոնի, Վանի և Բիթլիսի վիլայեթներով, որոնք տրվելու էին Հայաստանին: Վերջնական սահմանազատումը վերապահվում էր ԱՄՆ-ին: Ընդունվելու էին նաև վերջինիս «այն բոլոր միջոցառումները, որոնք նա կարող է առաջարկել Հայաստանին դեպի ծով ելք տալու և հիշյալ սահմանագծին հարող օսմանյան բոլոր տարածքների ապառազմականացման վերաբերյալ»: Տրապիզոնի շրջանում Հայաստանը ազատ ելք էր ունենալու Սև ծովում: Սերի պայմանագրով ստեղծվելու էր նաև անկախ Քրդստան: Սակայն Սերի պայմանագրի տակ ստորագրեց սուլթանի ներկայացուցիչը, մինչդեռ այդ ժամանակ փոքր Ասիայում ծավալվում էր քեմալական շարժումը, որն առաջին հերթին ուղղված էր փոքր ազգերի դեմ: Քեմալականները բուռն պայքար ծավալեցին Սերի պայմանագիրը ոչնչացնելու համար: Պարտված Թուրքիան բոլշևիկյան Ռուսաստանի աջակցութեամբ ոչնչացրեց Սերում իրեն պարտադրված պայմանները: Դեռևս 1920 թ. ապրիլի 26-ին Մուստաֆա

Քեմալը՝ թուրքական ազգայնական շարժման պարագլուխը, Լենինին ուղարկած նամակում նշեց, որ թուրքիան պատերազմ կսկսի «իմպերիալիստական Հայաստանի» դեմ:

1920 թ. մայիսին Հայաստանի և Ռուսաստանի միջև նույնպես բանակցություններ սկսվեցին, որոնց մեծապես խանգարում էր Ադրբեջանի Հեղկոմը: Բանակցություններն ընդհատվեցին: Որոշվեց դրանք շարունակել Երևանում: 1920 թ. հուլիսի 28-ին ռուսական Կարմիր բանակի զորամասերը ներխուժեցին Նախիջևանի շրջան և միացան թուրքական զորքերին: 1920 թ. օգոստոսի 10-ին (Սերի պայմանագրի կնքման օրը) թիֆլիսում Հայաստանի և Ռուսաստանի ներկայացուցիչները միջև ձեռք բերվեց Համաձայնություն ռազմական գործողությունները դադարեցնելու վերաբերյալ: Ռուսական զորքերը մնալու էին Ղարաբաղում, Զանգեզուրում և Նախիջևանում (վիճելի շրջաններ էին դիտվում), որպեսզի իբր թե պայմաններ ստեղծվեն Հայ-ադրբեջանական սահմանային վեճերը խաղաղությամբ լուծելու համար: Բայց ռուս բոլշևիկների իրական նպատակը այդ շրջանների վրայով թուրքիայի հետ միանալն էր:

Սերի պայմանագիրը ավելի մերձեցրեց բոլշևիկյան Ռուսաստանին ու թուրքիային:

Հակահայկական ուղղվածություն ունեւր 1920 թ. սեպտեմբերի 1-ից 7-ը Բաքվում կայացած Արևելքի ժողովուրդների 1-ին Համագումարը, որտեղ ելույթ ունեցավ նաև Հայ ժողովրդի դահիճ էնվեր փաշան: Համագումարում ստեղծվեց Արևելքում հեղափոխական դործը կազմակերպող խորհուրդ, որի նախագահության կազմած փաստաթղթերում նշվում էր, որ Արևելքում հեղափոխական շարժումը Հաջողությամբ ծավալելու համար անհրաժեշտ է առաջին հերթին հարձակվել Հայաստանի վրա: Հայաստանի ոչնչացման պարտականությունը դրվեց թուրքիայի վրա, որը մի քանի օր հետո հարձակվեց Հայաստանի վրա:

Ողբերգականորեն դասավորվեց նաև կիլիկիահայության ճակատագիրը: Առաջին Համաշխարհային պատերազմի ժամանակ անգլո-ֆրանսիական Համաձայնությամբ Կիլիկիան պետք է տրվեր Ֆրանսիային: 1915 թ. կիլիկիահայերը տեղահանվեցին: Նրանց մեծ մասը ոչնչացվեց: Պատերազմում թուրքիայի պարտությունից հետո նրանք վերադարձան Կիլիկիա և փորձեցին ֆրանսիացիների օգնությամբ ստեղծել Հայկական ինքնուրույն պետություն: Նրանք երկու տարի զինակցեցին քեմալական զորքերի դեմ պատերազմող ֆրանսիացիներին:

1920 թ. ամռանից քեմալականները ուժեղացրին իրենց հարձակումները Կիլիկիայի դեմ: Հայերը Համառորեն դիմադրում էին: Զուտ Հայաբնակ Հաճըն քաղաքը յոթ ամիս հերոսաբար դիմադրեց: Ֆրանսիացիները չկարողացան օգնել նրան: Հաճընը դրավվեց, նրա 10 հազար բնակչությունը

գրեթե գլխովին սրի քաշվեց (փրկվեցին միայն 480 մարդ): Բնաջնջվեցին նաև Մարաշի և այլ վայրերի հայերը: Ֆրանսիացիները Կիլիկիայում զորք քիչ ունեին, ուստի որոշեցին հաշտվել քեմալականների հետ, հեռանալ Կիլիկիայից: Նրանք ցրեցին նաև հայկական լեգեոնը: 1921 թ. Հոկտեմբերի 20-ին Ֆրանսիայի և քեմալական կառավարության միջև կնքված պայմանագրով Կիլիկիան թողնվեց թուրքիային: Կիլիկիայի հայ բնակչության մնացորդները հեռացան Մերձավոր Արևելքի երկրներ և այլուր:

## 1920 թ. ԹՈՒՐԹ-ՀԱՅԿԱԿԱՆ ՊԱՏԵՐԱԶՄԸ ԵՎ ԽՈՐՀՐԴԱՅԻՆ ԿԱՐԳԵՐԻ ՀԱՍՏԱՏՈՒՄԸ ՀԱՅԱՍՏԱՆՈՒՄ

1920 թ. աշնանը Հայաստանը գտնվում էր թուրքական հարձակման սպառնալիքի տակ: Մի կողմից դաշնակիցների (Անտանտի պետությունների) թողտվութունը, մյուս կողմից Ռուսաստանի և Հայաստանի Հանրապետության միջև պայմանագրի բացակայությունը և թուրք-բոլշևիկյան դաշինքը ազատ արձակեցին թուրքերի ձեռքերը: Անգլիան ևս չհագրագոված էր թուրք-հայկական պատերազմի բռնկմամբ: Նա կամենում էր քեմալական շարժումը ճնշել Հունաստանի միջոցով, ուստի կամենում էր պատերազմի մեջ ներքաշել նաև Հայաստանը:

Թուրքերն սպասում էին Փարիզի կոնֆերանսի ավարտին, որպեսզի հաղթող պետությունները Հայաստանի պատճառով թուրքիայի դեմ վճիռներ չընդունեին: Համաձայն կարմիր Ռուսաստանի և քեմալական թուրքիայի միջև կնքված գազտնի համաձայնության, թուրքերը պետք է հարձակվեին Հայաստանի վրա և դրավեին մինչև Սարիղամիշ և Շահթախթի գյուղ (Նախիջևանի գավառ) ընկած շրջանները:

1920 թ. սեպտեմբերի 23-ին թուրքիան հարձակվեց Հայաստանի վրա: Բոլշևիկյան կուսակցությունը թուրքական հարձակումը դիտում էր որպես լավագույն միջոց Հայաստանը խորհրդայնացնելու համար: Հոկտեմբերի 5-ին Բաքվից հայ բոլշևիկները հայ աշխատավորներին կոչ արեցին տապալել «իմպերիալիզմի դաշնակից դաշնակցականների լուծը»: Բոլշևիկ ազիտատորները հայ զինվորներին կոչ էին անում եղբայրանալ թուրք զինվորների հետ, ձախողում էին զենքի, զինամթերքի մատակարարումը կռվող հայ մարտիկներին: Հայ զինվորներին բարոյալքեց նաև այն, որ Ռուսաստանը դաշնակցում էր թուրքիային: Թուրքական զորքի թիվը հասնում էր 50 հազարի, հայոց բանակինը՝ 35 հազարի: Թուրքերն ունեին 306 հրանոթ, հայերը՝ 56: Սեպտեմբերի 29-ին թուրք զորքը գրավեց Սարիղամիշն ու Կաղզվանը: Հայկական զորքերի հրամանատարը թ.



Նազարբեկյանն էր: Հյուսիսարևմտյան ճակատի հրամանատարն էր Մ. Սիլիկյանը, Արևմտյանինը՝ Դրոն: Հոկտեմբերի 28-ին թուրքերը 25 հազարանոց զորք նետեցին Կարսի դեմ և փորձեցին կտրել հայկական զինվորների նահանջի ճանապարհը, բայց հայկական ուժերը զրահագնացքի միջոցով ետ շարտեցին թշնամուն: Հոկտեմբերի 29-ին հայկական զորքերը ստիպված քաշվեցին Կարսի ներքին ամրությունները՝ համառ դիմադրություն ցույց տալով: Հայաստանի կառավարությունը դաշնակիցներից խնդրեց դեսանտ իջեցնել և արագ օդնություն ցույց տալ Հայաստանին: Բայց Անգլիայի ներկայացուցիչը՝ գնդապետ Ստոքսը Հայաստանի վարչապետին հայտնեց, որ Անգլիան չի կարող օգնել Հայաստանին: Հոկտեմբերի 29-ին Ռուսաստանի լիազոր ներկայացուցիչ Բ. Լեգրանի և Հայաստանի ներկայացուցչի միջև թիֆլիսում ստորագրվեց արձանագրություն, որով Նախիջևանի և Զանգեզուրի գավառը թողնվելու էին Հայաստանին: Թուրքիան պետք է իր զորքերը հետ քաշեր մինչև 1914 թ. ուլս-թուրքական սահմանը, հրաժարվեր Բրեստ-Լիտովսկի և Բաթումի պայմանագրերից, ճանաչեր Հայաստանի անկախությունը: Բայց պայմանագրի այս նախագիծն ուժի մեջ չմտավ, քանի որ մինչև որ այն կհաստատվեր երկու կառավարությունների կողմից, թուրքերը առաջ շարժվեցին և հոկտեմբերի 31-ին դրավեցին Կարսը, ապա նետվեցին Ալեքսանդրապոլի վրա: Բոլշևիկյան Ռուսաստանը չէր շտապում զորք մտցնել Հայաստան, որպեսզի այն թուլացվեր և ընդուներ խորհրդային իշխանությունը: Բոլշևիկները Հայաստանը համարում էին Անտանտի պետությունների դաշնակիցն ու հենարանը Մերձավոր Արևելքում: Բայց դաշնակիցներն օդնության չհասան Հայաստանին, ամենածանր պահին լքեցին նրան: Բոլշևիկները աշխատեցին կանխել թուրքերի հետադա առաջխաղացումը: Նոյեմբերի 19-ին, Երևանում Հայաստանի վարչապետը և զինվորական նախարարը հանդիպեցին Բ. Լեգրանի հետ: Վերջինս այն միտքը հայտնեց, որ անհրաժեշտ է ուսական զորքը մտցնել Հայաստան, որպեսզի թուրքերի առաջխաղացումը դադարեցվի: Լեգրանը խոստացավ վերականգնել 1914 թ. սահմանները: Նոյեմբերի 7-ին թուրքերը գրավեցին Ալեքսանդրապոլը, ապա զորքը երկու ուղղությամբ շարժեցին դեպի Երևան: Հայաստանի Հանրապետությունը նոյեմբերի 18-ին ստիպված ընդունեց զինադադարի թուրքական պահանջները: Ադրբեջանում ստեղծված Հայաստանի Բազմազեղափոխական կոմիտեն 1920 թ. նոյեմբերի 29-ին Ս. Կասյանի ղեկավարությամբ 11-րդ Կարմիր բանակի հետ մտավ Իջևան և Հայաստանը հռչակեց խորհրդային Հանրապետություն: Դեկտեմբերի 2-ին Բ. Լեգրանի և Հայաստանի Հանրապետության ներկայացուցիչներ Դրոյի և Հ. Տերտերյանի միջև ստորագրված համաձայնությամբ Հայաստանի Հանրապետության կառավարությունը հրաժարվեց իշխանությունից: Դեկտեմբերի 2-ի լույս

3-ի գիշերը, երբ արդեն Հայաստանի կառավարութիւնը իշխանութիւնը զիջել էր բոլշևիկներին, Հայաստանի Հանրապետութեան պատվիրակութիւնը (նախագահ՝ Ա. Խատիսյան) Ալեքսանդրապոլում թուրքերի հետ կնքեց հաշտութեան պայմանագիր, որով փաստորեն որոշվեց Հայաստանի ու Թուրքիայի միջև այժմյան սահմանը (այն անցնում է Արաքս և Ախուրյան գետերով): Արևմտյան Հայաստանը ճանաչվեց որպես թուրքական տարածք: Թուրքիային հանձնվեցին նաև Կարսի մարզը, Արդահանի շրջանը և Սուրմալու: Նախիջևան և Եարուր գավառները ժամանակավորապես մնալու էին «Թուրքիայի պաշտպանութեան տակ»: Հայաստանը կարող էր ունենալ 1500 զինվորից կազմված բանակ՝ 8 թնդանոթով և 20 զնդացիքով: Հայաստանի կառավարութիւնը հրաժարվում էր Սևրի պայմանագրից: Սակայն Ալեքսանդրապոլի պայմանագիրը իրավական ուժ չէր կարող ունենալ, քանի որ այն կնքելուց առաջ արդեն Հայաստանում իշխանութիւնն անցել էր բոլշևիկներին:

Հայոց Առաջին Հանրապետութեանը փոխարինած խորհրդային Հայաստանի գերագույն իշխանութիւնը Ռազմահեղափոխական կոմիտեն էր (Հեղկոմը), որը 1920 թ. դեկտեմբերի 6-ին Բաքվից ժամանեց Երևան (Հայհեղկոմի նախագահն էր Ս. Կասյանը):

Հայաստանում հաստատվեց կոմունիստական բռնապետութիւն, մտցվեցին բոլշևիկյան Ռուսաստանի օրենքները:

1921 թ. փետրվարի 12-ին Խորհրդային Հայաստանին միացվեց Լոռին, որին տակավին 1920 թ. նոյեմբերի 13-ին տիրացել էր Վրաստանը՝ օգտվելով Հայաստանի վրա Թուրքիայի հարձակումից:

## 1921 թ. ՓԵՏՐՎԱՐՅԱՆ ԱՊՍԱՄԲՈՒԹՅՈՒՆԸ ՀԱՅԱՍՏԱՆՈՒՄ

Բռնութեամբ Հայաստանին պարտադրված խորհրդային իշխանութիւնը Հայ ժողովրդի մեջ չունեւ սոցիալական հենարան, ուստի պատժիչ մարմինների միջոցով նա սկսեց իրականացնել կոմունիստական կուսակցութեան դիկտատուրան: Սկսվեցին զանգվածային բռնարարքները: Բանտարկվեցին 1200 հայ սպաներ, գեներալներ Թ. Նազարբեկյանը, Մ. Սիլիկյանը, նշանավոր ֆիդայապետ Համազասպը, Հայաստանի նախկին հանրապետութեան վարչապետներ, նախարարներ և ուրիշներ: Զինվորական գործերի ժողկոմ Ա. Նուրիջանյանը, Գ. Աթարբեկովը հետամուտ էին դաժան բռնութիւնների: Հայ սպաներին աքսորեցին Ադրբեջան և Ռուսաստան: Նրանցից շատերը ճանապարհին ոչնչացվեցին: Սպաների մի զգալի մասը (այդ թվում նաև Համազասպը) սպանվեցին Երևանի բանտում:

Զանգվածային բռնությունները տարածվեցին Հայաստանով մեկ: Սկսեցին տնտեսության մեջ կիրառել ռազմական կոմունիզմ՝ բռնագրավելով գյուղացու ողջ ունեցվածքը, նրան թողնելով միայն սնվելու չափավոր մթերապաշար: Բռնագրավվեցին ու պետականացվեցին գյուղացիների հացահատիկը, անասունները, բնակարանները, հագուստեղենը և այլն: Բռնագրավումներն ուղեկցվում էին խուզարկութեամբ, երբեմն նաև գնդակահարություններով: Հայաստանի արտակարգ հանձնաժողովը (ԶԵ-ԿԱ) առանց խտրության ահաբեկման էր ենթարկում բնակչության բոլոր խավերին: Բռնությունները խորը դժգոհություն առաջացրին ժողովրդի ամենալայն խավերում: 1921 թ. փետրվարին երկրում բռնկվեց ապստամբության հրդեհը: Այն տարածվեց Կոտայքում, Բաշ Գյառնիում (Գառնի), Դարալագյազում (Վայոց ձոր), Բաշ Ապարանում (Ապարան), Էջմիածնի շրջանում և այլուր: Փետրվարի 17-ին Սմբատ զորավարը գրավեց Էջմիածնի ու Աշտարակի շրջանները: Հաջորդ օրը ապստամբ զորքը մտավ Երևան: Ապստամբներն ստեղծեցին Հայրենիքի փրկության կոմիտե՝ Ս. Վրացյանի գլխավորությամբ: Այն իր ձեռքը վերցրեց երկրի ամբողջ իշխանությունը: Հրաման արձակվեց ձերբակալել բոլոր կոմունիստներին, բանտերից ազատվեցին քաղաքական բանտարկյալները:

Հայաստանի Հեղկոմը, կոմկուսի Կենտկոմը Հայաստանի Կարմիր բանակի զորամասով, 2 զրահագնացքով ամրացան Ղամարլուի (Արտաշատ) և Վեդի-Բասարի (այժմ՝ Արարատ) շրջանում, Խորհրդային Նախիջևանի կողքին: Ապստամբների ղեկավարությունը հեռագրեց Մոսկվայի կառավարությանը և շեշտեց, որ ապստամբները, հայ ժողովուրդը դեմ են ոչ թե Ռուսաստանին, այլ պայքարում են կեղեքիչների, բռնադատողների դեմ: Նաև հույս էր հայտնում, որ Ռուսաստանը բարեկամական հարաբերություններ կստեղծի Հայաստանի հետ:

Ապստամբները զորակոչեցին 20-32 տարեկան տղամարդկանց: Ստեղծվեցին կամավորական ջոկատներ: Նրանք մարտեր էին մղում երեք ճակատում՝ Ղամարլուի, Ելենովկայի (Սևան) և Համամլուի (Սպիտակ): Վրաստանի խորհրդայնացումից հետո 11-րդ Կարմիր բանակի երեք դիվիզիաներ մտան Ղազախ-Դիլիջանի շրջան: Երևանի գրավման խնդիրը դրվեց հատուկ զորախմբի վրա, որը պետք է ճնշեր ապստամբությունը և ազատեր Ղամարլուի մոտ շրջապատված խորհրդային զորամասերին: Ապստամբները Քանաքեռի մոտ գլխովին ջախջախեցին կարմիրների զորամասը: Փետրվարի 24-28-ին թեժ մարտեր մղվեցին Ղամարլուի շրջանում:

Երևանի վրա հարձակվելու համար խորհրդային զորքերը կենտրոնացան Ելենովկայում և մարտի 27-ին Բաշ Ապարանի վրայով շարժվեցին դեպի Երևան: Դեռևս մարտի 21-ին Կովկասում բոլշևիկների ղեկավար Գ. Օրջոնիկիձեն Երևան ուղարկեց բանաստեղծ Հովհաննես Թումանյանին, որը կա-

մենում էր կանխել քաղաքացիական պատերազմը Հայաստանում: Նա Հասավ Երևան, տեսավ, որ ամբողջ ժողովուրդն է ոտքի ելել և ամեն կերպ աշխատեց վերջ դնել կռվին: Դեռևս մարտի 21-ին Օրջոնիկիձեին ուղարկած Հեռագրում Թումանյանը շեշտեց ապստամբության Համաժողովրդական բնույթը, նշելով նաև, որ Հակադիր կողմերը անիմաստ պատերազմ են մղում, խնդրեց միջամտել և արագ վերջ տալ արյունահեղությանը:

Մարտի 25-ին խորհրդային զորքերը վճռական Հարձակման անցան Երևանի վրա, մարտի վերջին Հասան էլար (Աբովյան), իսկ ապրիլի 2-ին մտան Երևան: Ապստամբները անիմաստ Համարեցին կարմիրների մեծաթիվ ուժերին դիմադրելը և Բաշ Գյառնիով անցան Զանգեզուր, միացան Նժդեհի ազատամարտիկներին:

Ապստամբության ճնշմամբ Հայաստանի մեծ մասում վերահաստատվեց խորհրդային իշխանությունը (քացառությամբ Զանգեզուրի):

## ՄՈՍԿՎԱՅԻ ԵՎ ԿԱՐՍԻ 1921 Թ. ՊԱՅՄԱՆԱԳՐԵՐԸ

Հայաստանում խորհրդային կարգեր Հաստատելուց Հետո Հայ կոմունիստները հույս ունեին բարելավել Հարաբերությունները Թուրքիայի Հետ և այդ հիման վրա չեղյալ Համարել Ալեքսանդրապոլի պայմանագիրը: 1920 թ. դեկտեմբերի 10-ին Թուրքական կառավարությանը Հայաստանի Հեղկոմի ուղարկած նոտայում հույս էր Հայտնվում, որ Թուրքիան չեղյալ կՀամարի Ալեքսանդրապոլի պայմանագիրը: Բայց Թուրքերը իրենց զորքերը չէին Հանում Ալեքսանդրապոլից: Նրանք հրաժարվեցին Հայաստանի Հեղկոմի Հետ բանակցելուց և պնդեցին, որպեսզի Հայաստանի և Թուրքիայի միջև սահմանների հարցը լուծվի Մոսկվայում ուղևորական կոնֆերանսում: Այդպիսի առաջարկով Թուրքերը դիմեցին Լենինին, որը տվեց իր Համաձայնությունը՝ Մոսկվայում ուղևորական կոնֆերանս գումարելու վերաբերյալ: Որպեսզի չվերանայվի Ալեքսանդրապոլի պայմանագիրը, Թուրքերի պահանջով արգելվեց Հայերի մասնակցությունը այդ կոնֆերանսին: Լենինի կառավարությունը ճանաչել էր դեռևս 1920 թ. հունվարին Ստամբուլում քեմալականների ընդունած «աղգային ուխտը», որը Արևմտյան Հայաստանը Համարում էր բնիկ Թուրքական տարածք (այն բուն Թուրքական հողեր էր Համարում նաև Կարսի, Արդահանի և Բաթումի շրջանները): Ուստի Մոսկվայի կոնֆերանսի որոշումները կանխավճռված էին: Ադրբեջանի Հեղափոխական կոմիտեի նախագահ Ն. Նարիմանովը կոնֆերանսի ժամանակ երկու նամակ ուղարկեց Լենինին՝ Համոզելով Վանը, Բիթլիսը, Մուշը չպահանջել Թուրքերից: Ստալինը և Օրջոնիկիձեին պաշտպանեցին Նարիմանովին: Ռուսաստանի արտաքին գործերի ժողկոմ

Գ. Չիչերինը փորձեց պաշտպանել Հայաստանի շահերը կոնֆերանսում, բայց Լենինի հրահանգով Ստալինը չեզոքացրեց Չիչերինին:

1921 թ. մարտի 16-ին Մոսկվայում Ռուսաստանի և Թուրքիայի միջև կնքվեց «բարեկամության և եղբայրության» պայմանագիր, որով Հայաստանին թողնվեց մոտ 30 հազար քառ. կմ տարածք: Այն Հաստատեց Թուրքիայի Հյուսիս-արևելյան սահմանը, որը ձգվում է Ախուրյան և Արաքս գետերով: Թուրքիային անցան Կարսի մարզը, Արդահանի օկրուգը, նաև Սուրմալուի գավառը, որը երբեք նրան չէր պատկանել: Պայմանագրի երրորդ հոդվածում ասվում էր, որ Նախիջևանի գավառը կազմում է «ինքնավար տարածք՝ Ադրբեջանի խնամակալության ներքո, պայմանով, որ Ադրբեջանը սույն խնամակալությունը չի զիջի մի երրորդ պետության», այսինքն՝ Հայաստանին: Պայմանագիրը ճանաչեց քեմալականների «ազգային ուխտը», վիժեցնելով Սևրի պայմանագիրը:

1921 թ. ապրիլի 22-ին Խորհրդային Ռուսաստանի պահանջով Թուրքերը Ալեքսանդրապոլից Հանեցին իրենց գործերը:

Մոսկվայի 1921 թ. մարտի 16-ի պայմանագիրը Անդրկովկասի երեք Հանրապետությունների վրա տարածելու նպատակով 1921 թ. սեպտեմբերի 26-ին Կարսում հրավիրվեց կոնֆերանս, որին բացի Հայաստանից, Վրաստանից և Ադրբեջանից, մասնակցում էր նաև Ռուսաստանի պատվիրակությունը: Կոնֆերանսն ավարտվեց 1921 թ. հոկտեմբերի 13-ին Թուրքիայի հետ կնքված պայմանագրով, որն ըստ էության Մոսկվայի պայմանագրի կրկնությունն էր:

## ՀԱՅԱՍՏԱՆԸ 1920-1930-ԱԿԱՆ ԹՎԱԿԱՆՆԵՐԻՆ

1921 թ. ապրիլից Հայաստանում մտցվեց նոր տնտեսական քաղաքականություն (նէպ), որը թույլատրում էր շուկայական հարաբերությունների զարգացում և գների ազատականացում: Զարգացում ապրեցին անհատական տնտեսությունները, որի շնորհիվ երկրում ստեղծվեց առատություն: 1928 թ. Հայաստանի տնտեսությունը հասավ 1913 թ. մակարդակին, վերականգնվեց արդյունաբերությունը: Բայց Ստալինը նէպը վերացրեց (1928 թ.) գտնելով, որ այն խոչընդոտում է սոցիալիզմի կառուցմանը, որի նյութատեխնիկական հիմքերն ստեղծելու համար դեռևս 1925թ. դեկտեմբերից որոշվեց ինդուստրացնել երկիրը, այսինքն՝ արագորեն զարգացնել նրա արդյունաբերությունը: Բայց դա հույս ծանր խնդիր էր տնտեսապես հետամնաց երկրի համար: Պետությունը դրա համար չունեց միջոցներ, ուստի սկսեց ժողովրդից բռնություններ խլել նրա ունեցվածքը, ծանրացնել հարկերը: Հազարավոր գործարանների կառուցումը քայ-



քայլում էր գյուղը, որից շատերը հեռացան քաղաքներ: Նվազեց գյուղում աշխատողների թիվը, խիստ պակասեց պարենի արտադրութունը:

Քանի որ ինդուստրացումը մեկ կամ երկու տարվա գործ էր, ուստի այն պլանավորեցին մի քանի տարիների համար, որով և ծնվեցին հնգամյա պլանները: Առաջին հնգամյակում (1928–1932) Հայաստանում կառուցվեցին 18 նոր գործարաններ (քիմիական, շինանյութերի և այլն), գործարկվեցին հիդրոէլեկտրակայաններ:

Հայաստանում միակողմանիորեն զարկ տրվեց քիմիական արդյունաբերությանը: Վերակառուցվեցին Ալավերդու և Ղափանի պղնձարդյունաբերական ձեռնարկությունները: 1933 թ. Երևանում սկսվեց արհեստական կաուչուկի գործարանի կառուցումը (ավարտվեց 1940 թ.): Հայաստանը դարձավ արդյունաբերական տեսակետից զարգացած երկիր:

Ջանգվածային ինդուստրացման հետևանքով խիստ սրվեց հաց մատակարարելու խնդիրը: Ուստի 1929 թ. սկսվեց գյուղատնտեսության համայնացումը, որը պետք է ավարտվեր 1933 թ.: Հողի համայնացման պատճառով երկրում սաստիկ սով սկսվեց: 1930 թ. հունվարից սկսեցին աշխատասեր գյուղացիներին կուլակի անվան տակ աքսորել: Միայն 1930 թ. երեք ամսում Հայաստանում կուլակաթափ արվեցին և աքսորվեցին 1000-ից ավելի ընտանիքներ: Որոշ շրջաններում (Տավուշ, Ջանգեզուր, Վեդի, Վայք, Թալին և այլուր) գյուղացիները զենքի դիմեցին, ցրեցին կոլխոզների մի մասը, քչեցին կոմունիստներին, բայց ճնշվեցին զորքի կողմից: Հայաստանի գյուղացիության մեծ մասը կոլտնտեսությունների մեջ ընդգրկվեց 1935–1937 թթ.: Հողի հանրայնացումն իրեն չարդարացրեց: Նվազեց գյուղատնտեսական արտադրանքը, անկում ապրեց անասնապահությունը: Գյուղացին օտարվեց մայր հողից:

Հայաստանը որպես հանրապետություն, հետզհետե կորցրեց իր ինքնուրույնության մնացորդները: 1922 թ. մարտին նա մտավ Անդրկովկասի դաշնակցային (Փեդերատիվ) միության (Անդրֆեդերացիայի) մեջ, որը գոյություն ունեցավ մինչև 1936 թ. վերջը: Հայաստանի ինքնիշխանության վերջին մնացորդները վերացան ԽՍՀՄ կազմավորումից հետո, որը կատարվեց 1922 թ. դեկտեմբերի 30-ին, ԽՍՀՄ սովետների առաջին համագումարում, Ռուսաստանի, Ուկրաինայի, Բելոռուսիայի և Անդրֆեդերացիայի ընդունած հռչակագրով: Հայաստանի կոմկուսը նույնիրավ էր մարզային կոմկուսների հետ, այն չունեցավ ինքնուրույն ծրագիր, բայց կոմկուսի բռնատիրության պայմաններում այն ևս դարձավ իշխող կուսակցություն և փոխարինեց իշխանություններին: Արգելվեցին մյուս կուսակցությունները:

Անլուր հալածանքներ սկսվեցին Հայոց եկեղեցու դեմ, որը մինչև 1926 թ. շարունակում էր նշել 1915 թ. Հայոց Մեծ եղեռնի զոհերի հիշա-

տակի օրը, ինչը պետականորեն արգելված էր: Եկեղեցուն ևս Հարկադրեցին մոռացության տալ այդ եղեռնագործությունը: 1930-ական թվերին աքսորվեցին 283 հոգևորականներ, որոնք գրեթե լրիվ ոչնչացվեցին: 1938 թ. ապրիլի 5-ին վախճանվեց Հայոց կաթողիկոս Խորեն Մուրադբեկյանը (1932-1938 թթ.), որից հետո ընդհուպ մինչև 1945 թ. էջմիածնի Մայր աթոռը գրկվեց իր հովվապետից: 1945-1954 թթ. գահակալեց Գևորգ VI Չորեքչյանը, ապա Վազգեն I Պալճյանը (1955-1994 թթ.):

1924 թ. ԽՍՀՄ կառավարության որոշմամբ «Հասարակության Համար վտանգավոր» Համարվող մարդկանց պետք է աքսորեին առանց դատ ու դատաստանի: Դաժան Հալածանքներ սկսվեցին կոմկուսի այն անդամների նկատմամբ, ում տեսակետները չէին համըկնում ստալինյան կենտկոմի որոշումներին: Ստալինի և նրա կողմնակիցների դեմ 1924 թվականից պայքար ծավալեց Հոկտեմբերյան հեղափոխության գործիչ Լ. Տրոցկին: Հայաստանում նրա հետևորդների թիվը մեծ չէր (238 հոգի), բայց շատ անմեղ մարդկանց «տրոցկիստի» պիտակ կպցրեցին և ոչնչացրին:

1929 թվականից ծնունդ առավ Ստալինի անձի պաշտամունքը, որը ծանր և անուղղելի վնասներ հասցրեց երկրին: Թեև կոմկուսի կանոնադրության մեջ գլխավոր սկզբունք էր դիտվում քննադատությունը, բայց մարդկանց առանց դատի ոչնչացնում էին մի խոսքի Համար: Տանում էին տանից, աշխատավայրից, թատրոնից, նույնիսկ Հարսանյաց Հանդեսից՝ միմյանցից բաժանելով պսակվողներին: Նացիոնալիզմի դեմ պայքարի պատրվակով Ստալինն ավելի սահմանափակեց հանրապետությունների իրավունքները: Անդրկովկասում մոլեգնում էր Լ. Բերիայի գլխավորած խմբավորումը:

1936 թ. հուլիսի 9-ին Թիֆլիսում Լ. Բերիան սպանեց Հայաստանի կոմկուսի ղեկավար Ա. ԽանՂյանին: Հաջորդ ամսից Հայաստանում սկսվեցին զանգվածային տեղորոշ, աքսորը, բանտարկություններն ու գնդակահարությունները, որոնց զոհ գնացին գրողներ Ե. Չարենցը, Ա. Բակունցը և շատ ուրիշներ: Միայն 1937 թ. Հայաստանում ձերբակալվեցին մոտ 5000 հոգի, որոնցից 3221-ը գնդակահարվեցին: Ստալինյան բռնապետության տարիներին Հայաստանում բռնադատվեցին մոտ քառասուն հազար մարդ, որոնց մեծ մասը ոչնչացվեց:

## ՀԱՅ ԺՈՂՈՎՈՒՐԴԸ 1941-1945 թթ. ՀԱՅՐԵՆԱԿԱՆ ՄԵԾ ՊԱՏԵՐԱԶՄԻ ԺԱՄԱՆԱԿ

1941 թ. հունիսի 22-ին Հիտլերյան Գերմանիան Հարձակվեց Խորհրդային Միության վրա: Հայրենական պատերազմում Գերմանիայի դեմ տա-

րած Հաղթանակում իր ներդրումը կատարեց նաև Հայ ժողովուրդը: 1941 թ. վերջից Հայաստանում սկսվեց Հայկական դիվիզիաների ստեղծումը: Դեռևս 1937 թվականին Երևանում կազմավորված 76-րդ դիվիզիան 1942 թ. մեկնեց Ստալինգրադյան ռազմաճակատ: 1941 թ. դեկտեմբերին կազմավորված Հայկական 89-րդ Հրաձգային դիվիզիան (1943-ից՝ Թամանյան կոչված) Հերոսական մարտեր մղելով Գրոզնիից Հասավ մինչև Բեռլին և մասնակցեց նրա գրավմանը (Հրամանատար՝ գեներալ-մայոր Ն. Սաֆարյան): 1942 թ. Հունվարին ձևավորված 390-րդ Հայկական դիվիզիան ապրիլին ափ Հանվեց Կերչ քաղաքի (Ղրիմ) մոտ և արյունահեղ մարտերում գրեթե լրիվ ոչնչացվեց: Զոհվեց նաև նրա Հրամանատար գնդապետ Ս. Զաքյանը: 1942 թ. Հայաստանում ստեղծվեց դարձյալ երեք դիվիզիա: Նույն թվի աշնանը Նովոռոսիյսկ և Տուլափսե քաղաքների մատույցներում մղված մարտերին մասնակցեց Հայկական 408-րդ դիվիզիան: Իսկ Հայկական 409-րդ դիվիզիան մարտերի մեջ մտավ 1942 թ. նոյեմբերի վերջին և անցավ փառավոր մարտական ուղի: Այն աչքի ընկավ Մոզդոկ քաղաքի (Հյուսիսային Կովկաս) Համար մղված պաշտպանական մարտերում, մասնակցեց Կուբանի, Ուկրաինայի ազատագրմանը, մարտերով Հասավ մինչև Չեխոսլովակիա: Ընդհանուր առմամբ Հայրենական պատերազմի ժամանակ կային Հայկական վեց դիվիզիաներ՝ 76-րդ, 89-րդ, 390-րդ, 408-րդ, 409-րդ և 261-րդ: Անդրկովկասյան ռազմաճակատի երեք դիվիզիաների կազմի կեսից ավելին նույնպես Հայեր էին: Հարյուր Հազարավոր Հայ մարտիկներ թշնամու դեմ մարտնչում էին ուրիշ զորամիավորումներում: Նրանցից մոտ 200 Հազարը զոհվեցին:

Հայրենական պատերազմում աչքի ընկան շատ Հայ զորապետներ, որոնցից 65-ը դարձան գեներալներ, ծովակալներ և մարշալներ: Փառաբանված զորավար, Խորհրդային Միության կրկնակի Հերոս, Խորհրդային Միության մարշալ Հ. Ք. Բաղրամյանն իր մարտական ուղին սկսեց 1941 թ. Կիևի պաշտպանական մարտերում, իսկ այնուհետև որպես Հարավարևմտյան ռազմաճակատի շտաբի պետ, մասնակցեց Ռոստովի ազատագրմանը, ապա Մոսկվայի Համար մղված մարտերին: 1943 թ. նա, որպես գվարդիական բանակի Հրամանատար, Կուբսկի ճակատամարտում Ջախջախեց թշնամու խմբավորումը Օրյոլ քաղաքի մոտ: 1943 թ. նոյեմբերից որպես Մերձբալթյան 1-ին ռազմաճակատի Հրամանատար, Հ. Բաղրամյանը այլ զորախմբերի հետ ազատագրեց Բելոռուսիան, Մերձբալթիկան, Ջախջախեց թշնամու խմբավորումը Արևելյան Պրուսիայում: Նավատորմի ծովակալ Հ. Իսակովը 1942 թ. ղեկավարում էր Սևծովյան նավատորմի մարտական գործողութունները՝ պաշտպանելով Կովկասյան ափամերձ գոտին: 1942 թ. Տուլափսեի մատույցներում նա ծանր վիրավորվեց՝ կորցնելով ոտքը: Հ. Բաբաջանյանը 1941 թ. մասնակցել է Սմոլենսկ, Վիտբոսկ

և Բրյանսկ քաղաքների Համար մղվող մարտերին, իսկ 1942 թ. սեպտեմբերից որպես տանկային բրիգադի, ապա կորպուսի հրամանատար՝ Բելոռուսիայի ազատագրմանը, նաև Բեռլինի գրավմանը: 1975 թ. նրան շնորհվեց զրահատանկային զորքերի գլխավոր մարշալի կոչում:

Ավիացիայի մարշալ Ա. Խանփերյանցը (Ս. Խուդյակով) մասնակցեց Մոսկվայի և այլ քաղաքների Համար մղված մարտերին, Բեռլինի գրոհին, Ճապոնիայի ջախջախմանը: Հայ նշանավոր զորապետներ էին գեներալներ Բ. Առուշանյանը, Ս. Մարտիրոսյանը, Հ. Մարտիրոսյանը, Ի. Գասպարյանը, Ա. Կարապետյանը և ուրիշներ: Հայ ժողովրդի 103 որդիներ արժանացան Խորհրդային Միության հերոսի կոչման: Հերոս օդաչու, փոխգնդապետ Նելսոն Ստեփանյանը դարձավ Խորհրդային Միության կրկնակի հերոս: Հայ ժողովրդի զավակները մասնակցեցին նաև Եվրոպայի դիմադրական շարժմանը և պարտիզանական մարտերին:

1942 թ. Գերմանիայում կազմակերպվեց Հայկական լեգեոն: Նրա ղեկավարներն էին Դ. Կանայանը (Դրո), Գարեգին Նժդեհը և ուրիշներ, որոնք կամենում էին լեգեոնի միջոցով ապահովել Հայ ժողովրդի պաշտպանութունը, եթե, իհարկե, Գերմանիան Հաղթանակ տաներ: Ցաշխատները չէին վստահում հայերին: Դեռևս մինչև պատերազմը Հիտլերը մի առիթով ասել է, որ «գերմանական արյունը ապականող կարող են լինել ոչ միայն հրեաները, այլև հայերը»: Հայկական լեգեոնը դեռ մարտի մեջ չմտած՝ զինաթափվեց:

Հայրենական պատերազմն ավարտվեց 1945 թ. մայիսի 9-ին: Այդ օրը ամեն տարի նախկին ԽՍՀՄ ժողովուրդները նշում են որպես Հաղթանակի տոն: Բայց Երկրորդ համաշխարհային պատերազմն ավարտվեց 1945 թ. սեպտեմբերի 2-ին, Ճապոնիայի անձնատրուկյամբ:

## ՀԱՅԱՍՏԱՆԸ 1946–1985 ԹՎԱԿԱՆՆԵՐԻՆ

1946 թ. հուլիսին Հայաստանի Գերագույն խորհրդի ընդունած 4-րդ հնգամյա պլանով նախատեսվեց վերականգնել երկրի քայքայված տնտեսութունը: 1950 թ. գործարկվեց Երևանի ալյումինի գործարանը («Կանազ»), 1951 թ.՝ Քաջարանի պղնձամոլիբդենային կոմբինատը: Հնգամյակի ընթացքում Հայաստանում կառուցվեցին 50 նոր գործարան ու ֆաբրիկա: 1950–60-ական թվականներին զարգացան էլեկտրատեխնիկական, ռադիոէլեկտրոնային արդյունաբերութունը, գունավոր մետալուրգիան, հանքարդյունաբերութունը: Միակողմանիորեն զարկ տրվեց քիմիական արդյունաբերությանը: Այդ նպատակով 1950-ական թթ. Հայաստանում հիմնվեցին 11 գիտահետազոտական կենտրոններ: Արդյունաբերութունը

խիստ ետ էր մնում որակական ցուցանիշներով: Արտադրութեան մեքենայացման և ավտոմատացման ցածր մակարդակը հանգեցրեց արդյունաբերութեան լճացմանը: 1959 թ. ընդունված յոթնամյա պլանով (1959-65) Հայաստանի տնտեսութեան մեջ պետք է ներդրվեր 12 մլրդ ռուբլի: Յոթնամյակում Հայաստանում կառուցվեցին 300 արդյունաբերական նոր ձեռնարկություններ, ստեղծվեցին էլեկտրոնային, գործիքաշինական, սարքաշինական, հաշվիչ և հաշվիչ-մաթեմատիկական մեքենաների, արհեստական սինթետիկ թելերի, սինթետիկ և պլաստիկ առարկաների նոր արտադրաճյուղեր: Այդ գործում որոշակի ավանդ ներդրեցին Հայաստանի կոմկուսի ղեկավարներ Յա. Զարոբյանը և Ա. Քոչինյանը:

1961 թ. սկսվեց Արփա-Սևան ստորգետնյա ջրատարի կառուցումը (48 կմ երկարությամբ), որն ավարտվեց 1981 թ. և նպաստեց Սևանա լճի ջրի մակարդակի պահպանմանը: 1976 թ. գործարկվեց Մեծամորի ատոմակայանի առաջին էներգաբլոկը, իսկ երկրորդը՝ 1979 թ. վերջին: 1981 թ. գործարկվեց Երևանի մետրոպոլիտենը:

Սակայն արդյունաբերությունը որակական չափանիշներով շարունակում էր ետ մնալ: Քիմիական արդյունաբերության զարգացումը խտաբնակ Հայաստանում խիստ բացասաբար անդրադարձավ նրա բնապահպանության վրա: Արդյունաբերական հումքը հիմնականում ներմուծվում էր:

Խիստ ցածր էր գյուղատնտեսության զարգացման մակարդակը: Թեև 1950-ական թթ. գյուղն էլեկտրիֆիկացվեց, ընդլայնվեց ոռոգման ցանցը, բայց պետությունը կամայականորեն, առանց հաշվի առնելու գյուղացիների իրական շահերն ու հնարավորությունները, սահմանում էր մթերվող ապրանքների գները, որոնք խիստ ցածր էին: Ի. Ստալինի մահվանից (1953 թ.) հետո դրանք բարձրացվեցին, թեթևացվեցին հարկերը, գյուղում մտցվեց ամենամսյա վարձատրություն: Բայց դա էլ չփրկեց դրությունը: Ճիշտ է, կոմունիստական կուսակցություն ղեկավար Ն. Խրուշչովը (1954-1964) անցկացրեց տնտեսական որոշ բարեփոխություններ, սակայն նրան փոխարինած Լ. Բրեժնևի օրոք (1964-1982) կասեցվեց տնտեսության աճը, որը հանգեցրեց լճացման, սոցիալական ճգնաժամի: Արմատավորվեցին կաշառակերությունը, հավելագրումները: Հայաստանում ձևավորված մաֆիան վայելում էր կուսակցական ղեկավարության հովանավորությունը:

## ՍՓՅՈՒՌԱՀԱՅՈՒԹՅՈՒՆԸ ԵՎ ՀԱՅԱՍՏԱՆԸ

1915 թ. հայոց ցեղասպանությունից հետևանքով Արևմտյան Հայաստանի եղեռնապուրծ հայությունը սփռվեց աշխարհի տարբեր երկրներում, որի հետևանքով ձևավորվեց Հայկական սփյուռքը: 1920-ական թթ. սփյուռք-



քահայության թիվը շուրջ 920 հազար էր: Նրանք հիմնականում բնակվում էին քաղաքներում: Նրանց աշխատանքով ապահովելու, կրթամշակութային գործերը կազմակերպելու տեսակետից կարևոր դեր խաղացին հայ հայրենակցական ու բարեգործական միությունները, կուսակցությունները: Մեծ էր Հայկական բարեգործական ընդհանուր միության դերը (այն ստեղծվել էր 1900 թ. Կահիրեում, Պողոս Նուբարի կողմից: 1922 թ. միության կենտրոնը տեղափոխվեց Փարիզ, 1942 թ.՝ Նյու Յորք):

Սփյուռքի հայությունը հույս ուներ, որ մեծ տերությունները կօգնեն հայերին հայրենիք (Արևմտյան Հայաստան) վերադառնալու, և գործունեություն ծավալեց այդ ուղղությամբ: Սակայն Լոզանի (Շվեյցարիա) միջազգային կոնֆերանսում (1922 թ. նոյեմբերի 20–1923 թ. հուլիսի 24) թեև քննարկվեց արևմտահայերին ազգային օջախ տրամադրելու հարցը, բայց թուրքերը կտրուկ մերժեցին այն: Ապա Հայկական հարցը դարձավ սոսկ հայ գաղթականության հարց և դրվեց միջազգային կազմակերպության՝ Ազգերի լիգայի տնօրինության տակ: Վերջինս որոշեց սփյուռքի առավել ծանր վիճակում գտնվող հայերին տեղափոխել Խորհրդային Հայաստան: Այդ գործը հանձնարարվեց Նորվեգացի հայտնի բեռախույզ Ֆ. Նանսենին, որը 1925 թ. հունիսին ժամանեց Երևան՝ գաղթականների տեղափոխության հարցն ուսումնասիրելու համար: Նա օգնեց 7000 հայերի հայրենադարձությանը, իսկ 320 հազար սփյուռքահայերի տվեց անձնագրին փոխարինող վկայականներ («Նանսենյան անձնագրեր»):

Սփյուռքահայության հետ Խորհրդային Հայաստանի կապերը ընդլայնելու նպատակով 1921 թ. Երևանում ստեղծվեց Հայաստանի օգնության կոմիտե (ՀՕԿ), որի առաջին նախագահը դարձավ բանաստեղծ Հ. Թումանյանը: ՀՕԿ-ը մեծ ներդրում ունեցավ Հայաստանի տնտեսության վերականգնման, սփյուռքահայերին մայր հայրենիքի հետ կապելու, նրանց հայրենադարձությունը կազմակերպելու գործում: 1921 թ. դեկտեմբերից սկսվեց հայ գաղթականների հայրենադարձությունը: Սփյուռքահայ 300 հայրենակցական միություններ օգնում էին՝ նրանց համար Հայաստանում բնակավայրեր կառուցելու գործին:

Երկրորդ Համաշխարհային պատերազմի տարիներին՝ 1943–1944 թթ., սփյուռքահայերի հանգանակած միջոցներով ստեղծվեց «Սասունցի Դավիթ» տանկային շարասյունը: 1945 թ. Երևանում հիմնվեց արտասահմանի հետ մշակութային կապերի հայկական ընկերությունը, որը նպաստեց հայրենիք-սփյուռք կապերի զարգացմանը: Հայաստանի կառավարության միջնորդությամբ ԽՍՀՄ կառավարությունը 1945 թ. նոյեմբերի 21-ին որոշում կայացրեց սփյուռքահայերի ներգաղթ կատարելու մասին: 1946 թ. Իրանից, Սիրիայից, Հունաստանից, Լիբանանից, Բուլղարիայից, Ռումինիայից Հայաստան ներգաղթեցին 51 հազար հայեր, 1947 թ.

ԱՄՆ-ից Ֆրանսիայից և այլ երկրներից Հայաստան եկան 35401, 1948 թ.՝ 10000 հայեր: Հայկական հարցը արժարժող միակ ազդեցիկ ուժը սփյուռքահայությունն էր, որը մեծ ջանքեր ներդրեց հայերի 1915 թ. ցեղասպանությունը ճանաչել տալու ուղղությամբ: 1987 թ. միջազգային հեղինակավոր կազմակերպությունը՝ եվրոպական պառլամենտը դատապարտեց հայերի ցեղասպանությունը և թուրք կառավարությունը կոչ արեց ճանաչել այն:

1964 թ. Հայաստանում հիմնվեց Սփյուռքահայության հետ մշակութային կապի կոմիտե, որը սփյուռք ուղարկեց դասագրքեր, գրականություն: 1958 թ-ից Հայաստանի բուհերում սովորում են սփյուռքահայ ուսանողներ: Հայաստանում հրատարակվեցին սփյուռքահայ գրողների երկերը: Հայաստանի գիտությունների ազգային ակադեմիան սերտ կապերի մեջ է սփյուռքահայ գիտնականների հետ: Սփյուռքահայությունը նյութական ու բարոյական մեծ աջակցություն է ցույց տալիս Հայաստանին, մշտապես ուղարկելով սննդամթերք, դրամ, դեղորայք և այլն: Գործարար կապեր են ստեղծվում թե արտաքին և թե ներքին (ԽՍՀՄ նախկին Հանրապետություններում) սփյուռքի և մայր Հայաստանի միջև:

Սփյուռքահայերի թիվն այժմ (առանց ներքին սփյուռքի) հասնում է 2 մլն 200 հազարի, որից մոտ 1 մլնը բնակվում է ԱՄՆ-ում, 400 հազարը՝ Ֆրանսիայում, 150 հազարը՝ Իրանում, 130 հազարը՝ Լիբանանում, 70 հազարը՝ Սիրիայում, 100 հազարը՝ Արգենտինայում, 45 հազարը՝ Կանադայում, 40 հազարը՝ Ավստրալիայում, 10 հազարը՝ Հունաստանում և այլն:

## ՀԱՅԿԱԿԱՆ ՄՇԱԿՈՒՑԹՆ 1920–1980–ԱԿԱՆ ԹՎԱԿԱՆՆԵՐԻՆ

Խորհրդային իշխանության տարիներին խախտվեցին Հայ մշակույթի ավանդական հիմքերը, մերժվեց անցյալի մշակութային ժառանգությունը, վերջ տրվեց խոսքի, մամուլի ազատությանը, փակվեցին բոլոր թերթերը, և սկսեցին հրատարակվել կոմունիստական սնամեջ գաղափարախոսության շեփորահար պարբերականները: Անլուր հալածանքների ենթարկվեց Հայ մտավորականությունը: Դպրոցներում ևս արմատավորվեց կոմունիստական գաղափարախոսությունը: 1933 թ. Հայաստանում կային 1096 դպրոցներ (782 տարրական, 302 յոթնամյա և 12 միջնակարգ): 1932 թ. սկսվեց յոթնամյա, իսկ 1966 թ. պարտադիր միջնակարգ կրթության իրականացումը, ինչը խիստ զցեց ուսուցման որակը: Դպրոցը կտրված էր կյանքից: Երևանի վերափոխման ենթարկված համալսարանի ֆակուլտետների հիման վրա 1930 թ. բացվեցին առանձին ինստիտուտներ:

Գիտահետազոտական աշխատանքներին ուղղված յուրև տալու նպատակով 1921 թ. էջմիածնում Հիմնվեց կուլտուր-պատմական ինստիտուտը, իսկ 1925 թ. Հունվարից Երևանում սկսեց գործել Հայաստանի առաջին խոշոր գիտական կենտրոնը՝ Գիտության և արվեստի ինստիտուտը: Գիտական բեզուն գործունեությունը շարունակեցին Հայագետներ Հ. Մանանդյանը, Հ. Աճառյանը, Լեոն, Մ. Արեղյանը, Գ. Ղափանցյանը, ճարտարագետներ Թ. Թորամանյանը, Ա. Թամանյանը և ուրիշներ: 1935 թ. Հունիսի 19-ին Երևանում բացվեց Հայաստանի պետական պատմական թանգարանը: Նույն թվին Հիմնվեց ԽՍՀՄ գիտությունների ակադեմիայի Հայկական մասնաճյուղը (Արմֆան): 1930-ական թթ. վերջերին Հայաստանում սկզբնավորվեցին գիտական նոր ճյուղեր՝ մաթեմատիկան, ֆիզիկան, աստղագիտությունը, ընդլայնվեցին քիմիական, կենսաբանական, Հայագիտական Հետազոտությունների շրջանակները: 1943 թ. նոյեմբերի 29-ին բացվեց Հայաստանի գիտությունների ակադեմիան, որի առաջին նախագահ ընտրվեց Հ. Օրբելին, 1947 թ. նրան փոխարինեց Վ. Հ. Համբարձումյանը (1908-1996), այդ պաշտոնը վարելով մինչև 1993 թ. ապրիլի 8-ը: Համաշխարհային գիտության մեջ մեծ ավանդ ներդրեցին Բյուրականի աստղագիտարանի (Հիմնվեց 1946 թ.) աշխատողները՝ Վ. Համբարձումյանի ղեկավարությամբ: Ակադեմիկոս-ֆիզիկոսներ Ա. Ի. Ալիխանով և Ա. Ի. Ալիխանյան եղբայրները 1942 թ. Արագածի վրա իրենց ստեղծած՝ տիեզերական ճառագայթների Հետազոտման կայանում կատարեցին արժեքավոր Հայտնագործություններ: Քիմիական և կենսաբանական գիտությունների բնագավառում կարևոր ներդրում կատարեցին ակադեմիկոսներ Ա. Մնջոյանը, Ա. Թախտաղյանը, լեզվագիտության բնագավառում Հր. Աճառյանը, Մ. Արեղյանը, Գ. Ջահուկյանը և ուրիշներ:

Գրական մեծարժեք երկեր ստեղծեցին Ավ. Իսահակյանը, Ե. Չարենցը, Դ. Դեմիրճյանը, Ստ. Զորյանը, Ա. Բակունցը, Հ. Շիրազը, Պ. Սևակը և ուրիշներ: 1932 թ. ստեղծվեց Հայաստանի գրողների միությունը:

Կերպարվեստի բնագավառում մնայուն գործեր ստեղծեցին Մ. Սարյանը, Ս. Առաքելյանը, Հ. Կոչոյանը, Ե. Թադևոսյանը, քանդակագործներ Գ. Գյուրջյանը, Ե. Քոչարը և ուրիշներ: Բարձր զարգացման Հասավ երաժշտական արվեստը, ի դեմս երգահաններ Ա. Սպենդիարյանի, Ա. Տիգրանյանի, Ա. Խաչատրյանի, Ա. Բաբաջանյանի և ուրիշների:

1932 թ. Հունվարին Երևանում Հիմնվեց Հայաստանի առաջին մշտական պետական դրամատիկական թատրոնը (1937 թվականից՝ Գ. Սունդուկյանի անվան), որտեղ աշխատանքի անցան Հայ բեմարվեստի ականավոր ներկայացուցիչներ Հ. Աբելյանը, Հասմիկը, Վ. Փափազյանը, Հ. Ներսիսյանը և ուրիշներ: 1933 թ. իր գործունեությունն սկսեց Երևանի օպերայի և բալետի պետական ակադեմիական թատրոնը: 1924 թվականից սկսած՝ Հայաս-

տանում նկարահանվեցին կինոնկարներ (սկզբում Համր): 1935 թ. մայիսին ստեղծվեց Հայկական առաջին Հնչուն կինոնկարը՝ «Պեպոն»:

Զարգացավ նաև Հայ ճարտարապետությունը: Ա. Թամանյանը 1924 թ. ստեղծեց Երևանի կառուցապատման գլխավոր Հատակագիծը: 1930-ական թթ. վերջերից Հանդես եկան ականավոր ճարտարապետներ՝ Մ. Գրիգորյանը, Կ. Հալաբյանը, Ռ. Իսրայելյանը և ուրիշներ:

Հայաստանն այժմ իր Համեստ նպաստն է բերում Համաշխարհային գիտություն, գրականության և արվեստի զանազարանին:

## ՀԱՅԱՍՏԱՆԸ 1985–1990–ԱԿԱՆ ԹԹ. ԱՐՑԱԽՅԱՆ ՇԱՐԺՈՒՄԸ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՌԱՋԱՑՈՒՄԸ

Ներքին ճգնաժամ ապրող ԽՍՀՄ-ի վիճակը բարելավելու Համար կոմկուսի ղեկավար Մ. Գորբաչովը 1985 թ. ապրիլին առաջ քաշեց վերակառուցման քաղաքականությունը, որը մի անարդյունավետ փորձ էր և ավելի խորացրեց երկրի տնտեսական անկումը, Հանգեցրեց ազգամիջյան Հարաբերությունների սրմանը և ԽՍՀՄ-ի քայքայմանը: Այն ցույց տվեց կոմունիստական վերնախավի ղեկավարություն վերակառուցման անհնարնությունը: Այս պայմաններում վերստին սրվեց Արցախի խնդիրը: 1988 թ. փետրվարի 20-ին Լեռնային Ղարաբաղի Ինքնավար Մարզի (ԼՂԻՄ) մարզային խորհրդի նստաշրջանը որոշում ընդունեց դիմել Ադրբեջանի, Հայաստանի և ԽՍՀՄ Գերագույն խորհուրդներին՝ ԼՂԻՄ-ը Հայաստանի Հետ միավորելու Համար: Մեկ շաբաթ Հետո Բաքվից ոչ Հեռու, Սումգաիթ քաղաքում երեք օր տեղի ունեցավ Հայերի ջարդ:

Հայերի ջարդեր եղան նաև Կիրովաբադում (Գյանջա), Շամխորում, Բաքվում (1990 թ. Հունվար) և այլուր: ԽՍՀՄ կոմկուսի ղեկավարությունը վարում էր հակահայկական քաղաքականություն: Ժողովրդի ճնշման ներքո 1988 թ. Հունիսի 15-ին Հայաստանի Գերագույն խորհուրդը որոշում ընդունեց Արցախը Հայաստանի կազմի մեջ ընդունելու վերաբերյալ և դիմեց ԽՍՀՄ Գերագույն խորհրդին՝ դրական լուծում տալու այդ խնդրին: Սակայն վերջինս 1988 թ. Հուլիսի 18-ի որոշմամբ մերժեց այդ դիմումը: Այդուհանդերձ Հայ ժողովուրդը շարունակեց պայքարը Արցախի ազատագրման Համար: Ղարաբաղյան շարժման Հայաստանի կոմիտեն (ստեղծվեց 1988 թ. մայիսին) և Արցախում գործող «Կոունկ» կոմիտեն (ստեղծվել էր 1988 թ. մարտին) լայն աշխատանքներ տարան ժողովրդի մեջ:

1988 թ. սեպտեմբերին ԽՍՀՄ պաշտպանության մինիստրի Հրամանով

Հատուկ դրուժյուն և պարետային ժամ մտցվեց Արցախում, իսկ նոյեմբերին՝ Երևանում: 1988 թ. վերջին Ադրբեջանի կառավարութունը սկսեց տեղահանել Հայերին: Նույն թվին Ադրբեջանից հեռացան մոտ 400 հազար Հայեր, իսկ Հայաստանից՝ 150 հազար ազերիներ:

1988 թ. դեկտեմբերի 7-ին Հայաստանում տեղի ունեցած երկրաշարժից ավերվեցին Գյումրին, Սպիտակը, մասամբ նաև Վանաձորը, Ստեփանավանը և հարյուրավոր այլ բնակավայրեր, զոհվեց մոտ 25 հազար բնակիչ: Հայաստանի տնտեսութունը կրեց 13 մլրդ ռուբլու վնաս: Երկրի դրուժյունը էլ ավելի ծանրացավ: Աշխարհի շատ երկրներ օգնության ձեռք մեկնեցին աղետի մատնված Հայաստանին: Մեծ օգնություն ցույց տվեց նաև սփյուռքահայությունը:

1989 թ. նոյեմբերին ստեղծվեց Հայոց Համազգային շարժում (ՀՀՇ) Հասարակական կազմակերպությունը, որն անցավ ժողովրդական շարժման գլուխ և ձեռնամուխ եղավ խորհրդային իշխանության տապալմանը և անկախ պետության ստեղծմանը: Անհետատես տնտեսական քաղաքականության հետևանքով փակվեցին Հայաստանի համար կենսականորեն կարևոր «Նաիրիտ» արտադրական միավորումը, Ալավերդու լեռնամետալուրգիական կոմբինատը, Մեծամորի ատոմակայանը (1988 թ. մարտ), բազմաթիվ գործարաններ ու ֆաբրիկաներ: Հայաստանի վիճակը ավելի վատթարացավ 1989 թ. հուլիսի 21-ից, երբ այն տնտեսական շրջափակման ենթարկվեց Ադրբեջանի կողմից, որի տարածքով էին բերվում Հայաստան առաքվող բեռների 85%-ը:

1990 թ. սկզբներին ՀՀՇ-ն դարձավ Հայաստանի կոմկուսի մրցակիցը իշխանության համար մղվող պայքարում: Թեև 1990 թ. մայիսի 20-ին Հայաստանի նորընտիր Գերագույն խորհրդում մեծամասնություն էին կազմում կոմունիստները, սակայն նրանք միասնաբար հանդես չեկան և կամովին իշխանությունը զիջեցին ՀՀՇ-ին: Եվ 1990 թ. օգոստոսի 4-ին Գերագույն խորհրդի նախագահ ընտրվեց ՀՀՇ վարչության նախագահ Լ. Տեր-Պետրոսյանը: Իսկ նույն թվի օգոստոսի 23-ին Հայաստանի Գերագույն խորհուրդը ընդունեց «Հռչակագիր Հայաստանի անկախության մասին», որով սկիզբ դրվեց Հայոց անկախ պետականությանը, ստեղծվեց Հայաստանի Հանրապետություն: Անցկացվեցին բարեփոխումներ, որոնց նպատակն էր առողջացնել երկրի տնտեսությունը, բարձրացնել ժողովրդի կենսամակարդակը: 1991 թ. հունվարի 29-ին անկանխահոգ Հապշտապությամբ ընդունվեց Հողի մասնավոր սեփականության մասին. օրենքը, որով փլուզվեց կոլտնտեսային համակարգը: 1991 թ. փետրվարի 26-ին ընդունվեց «Հասարակական-քաղաքական կազմակերպությունների մասին» օրենքը, որով Հայաստանում հիմք դրվեց բազմակուսակցականությանը:



Հայաստանը շարունակեց օգնութիւնը Արցախի մարտնչող ժողովրդին: Ադրբեջանի Հետ ձեռք ձեռքի տված՝ ԽՍՀՄ ներքին զորքերը 1990 թ. ոչնչացրին Արցախի ավելի քան 20 գյուղեր: 1991 թ. գարնանը Ադրբեջանի զորքերը խորհրդային զորամասերի օգնութիւնով Հարձակվեցին Գետաշենի և Շահումյանի վրա, որի Հետևանքով ավերվեցին Խանլարի շրջանի Գետաշեն և Մարտունաշեն Հայաբնակ գյուղերը: Այդ Հաղթանակից արբեցած ադրբեջանցիները 1991 թ. մայիսից Հարձակվեցին Արցախի վրա, կամենալով ոչնչացնել նրա Հայ բնակչութիւնը: Այդ պայմաններում 1991 թ. սեպտեմբերի 2-ին ստեղծվեց Լեռնային Ղարաբաղի Հանրապետութիւնը: Արցախցիները շարունակեցին ետ շարտել Ադրբեջանի և նրան օգնող խորհրդային բանակի զորամասերի Հարձակումները:

1991 թ. դեկտեմբերի 8-ին Մինսկ քաղաքի մոտ՝ Բելովեժսկ ավանում Ռուսաստանը, Ուկրաինան և Բելոռուսիան ստորագրեցին Համաձայնագիր՝ ԽՍՀՄ-ի, որպէս պետութիւն վերացման և անկախ պետութիւնների Համագործակցութիւն (ԱՊՀ) ստեղծման մասին, որին միացան նաև մյուս Հանրապետութիւնները: 1992 թ. մարտի 2-ին Հայաստանը դարձավ Միավորված ազգերի կազմակերպութիւն (ՄԱԿ) անդամ: Բայց Հետզհետե տնտեսապէս մեկուսացված Հայաստանի դրութիւնը խիստ վատացավ: Երկրի արդյունաբերութիւնը կաթվածահար եղավ: Փակվեցին դպրոցները, բուհերը, դադարեցվեց շենքերի ջեռուցումը, լուսավորութիւնը: Մինչդեռ Ադրբեջանը շարունակում էր Հարձակումները ոչ միայն Արցախի, այլև Հայաստանի Հանրապետութիւն վրա: Օրհասական էր Արցախի վիճակը: Շուշիում, Խոջալուում ամրացած ադրբեջանական զորքերը թուրք Հրահանգիչների օգնութիւնով զօր ու գիշեր ուժակոծում էին Ստեփանակերտը՝ պատճառելով մեծ ավերածութիւն և մարդկային կորուստներ: Դրան վերջ տալու Համար արցախցիները 1992 թ. փետրվարին ազատագրեցին Խոջալու, իսկ մայիսի 9-ին՝ Շուշին: Մի քանի օր Հետո Արցախի զորքը գրավեց Լաչին շրջանային կենտրոնը և Հասավ Հայաստանի սահմաններին, որով վերջ տրվեց Արցախի 5-ամյա շրջափակմանը: Բայց մեկ ամիս Հետո ադրբեջանի զորքը Թուրքիայի աջակցութիւնով գրավեց Շահումյանի շրջանն ու Մարտակերտի շրջանի մեծ մասը: Արցախում մտցվեց ռազմական դրութիւն: 1992 թ. Հունիսին ստեղծվեց Արցախի պաշտպանութիւն պետական կոմիտե: 1993 թ. գարնանը արցախցիները ազատագրեցին Մարտակերտի շրջանի մեծ մասը: Այդ մարտերում Հերոսի մահով ընկան Մոնթե Մելքոնյանը, Շահեն Մեղրյանը, Աշոտ Ղուկասյանը և ուրիշներ:

Ադրբեջանը շարունակում էր Արցախի խնդիրը միայն պատերազմով լուծելու քաղաքականութիւնը: Նա չընդունեց 1993 թ. դեկտեմբերի 18-ին Ռուսաստանի առաջարկը՝ պատերազմը դադարեցնելու վերաբերյալ և ամ-

բողջ ճակատով Հարձակման անցավ Արցախի դեմ, բայց 200 կմ ձգվող ռազմաճակատում Հանդիպեց արցախցիների Հերոսական դիմադրությանը և ոչ մի քայլ չկարողացավ առաջ խաղալ: Ադրբեջանը շարունակում էր Հարձակումները նաև Հայաստանի վրա: 1992 թ. օգոստոսին նա գրավեց Կրասնոսելսկի շրջանի Արծվաշեն Հայկական գյուղը, որը գտնվում էր Ադրբեջանի սահմաններում, ուստի մեկուսացված էր: Նրա երեք Հազարից ավելի բնակչութունը ստիպված Հեռացավ Հայրենի Հողից:

Հայաստանի վիճակը գնալով ավելի էր ծանրանում: Ադրբեջանի դաշնակից Թուրքիան փակել էր Հայաստանի Հետ իր սահմանները և արգելել ամեն տեսակ (այդ թվում նաև մարդասիրական) ուղեբեռների ներկրումը Հայաստան: Վրաստանում տիրող խառնաշփոթության պատճառով անապահով էին նաև այնտեղով Հայաստանից ԱՊՀ և այլ երկրներ տանող ճանապարհները: Պարբերաբար (միայն 1994 թ. 37 անգամ) պայթեցվում էր Վրաստանի Մառնեուլի շրջանի Թուրքաբնակ գյուղերով Հայաստան ձգվող գաղատարը: Էներգետիկ ճգնաժամի Հետևանքով 1993 թ. Հայաստանի արդյունաբերութունը 1987 թ. Համեմատ վեց անգամ պակաս արտադրանք տվեց: Գների ազատ արձակման պայմաններում տեղի ունեցավ կենսամթերքների և մյուս ապրանքների Հարածուն թանկացում, որի պայմաններում բնակչությանը տրվող աշխատավարձը, կենսաթոշակները խիստ արժեզրկվեցին: Աճում էր գործազրկութունը: 1994 թ. Հայաստանում պաշտոնապես գրանցված գործազուրկների թիվն անցավ 170 Հազարից: Տեղի էր ունենում բնակչության արտահոսք: Չնայած կառավարության ներդրած ջանքերին, Հնարավոր չեղավ Հայաստանը մտցնել ռուսական ռուբլու գոտու մեջ, ուստի 1993 թ. նոյեմբերին Հայաստանի կառավարութունը թողարկեց Հայկական ազգային գրամանիչ՝ Դրամը: Բայց գա էլ չփրկեց գրութունը: 1994 թ. դեկտեմբերից 11 անգամ թանկացան Հացի գները, և էլ ավելի անկում ապրեց բնակչության կենսամակարդակը:

Սակայն, չնայած անցման ժամանակաշրջանի ծանր պայմաններին, Հայ ժողովուրդը Հերոսական ճիգերով շարունակեց գոյատևել: Հայաստանը Հետզհետե ձեռք բերեց իր սոցիալ-տնտեսական զարգացման ուրույն կորագիծը: 1994 թ. մայիսի 12-ին Ռուսաստանի միջնորդությամբ Հրադար Հաստատվեց Արցախի և Ադրբեջանի միջև: 1994 թ. Հոկտեմբերին ստորագրվեց Հայ-ռուսական ռազմական Համագործակցության Համաձայնագիր: Ընդլայնվեցին կապերը արտասահմանյան երկրների Հետ: Իրանը Հայաստանին տրամադրեց իր ճանապարհները: Դրանցով ԱՊՀ երկրներից բեռներ են տեղափոխում Հայաստան, որը կարող է նաև դուրս գալ Պարսից ծոց, Միջին ու Հեռավոր Արևելքի երկրներ:

1995 թ. Հուլիսի 5-ին կայացան Հայաստանի Հանրապետության Ազգային ժողովի պատգամավորների ընտրությունները և սահմանադրու-

թյան նախագծի Հանրաքվեն, որի ժամանակ ժողովուրդը կողմ քվեարկեց սահմանադրութեանը: Հայաստանի էներգետիկ ճգնաժամի վերացմանն էր նպատակառուղիված 1995 թ. դեկտեմբերին Հայկական ատոմակայանի վերագործարկումը: 1996 թ. փետրվարի 19-ին Հայաստանը բաժանվեց տասը մարզի (Շիրակի, Կոտայքի, Արագածոտնի, Արարատի, Սյունիքի, Վայոց ձորի, Տավուշի, Լոռիի, Արմավիրի և Գեղարքունիքի)՝ մարզպետների ղեկավարութեամբ: Նպատակն էր ավելի ճկուն ու արդյունավետ վարչակառույցների ստեղծումը, երկրի տնտեսութեան զարգացումը:

1997 թ. օգոստոսի 29-ին Հայաստանի Հանրապետութեան և Ռուսաստանի դաշնութեան միջև ստորագրած՝ «Բարեկամութեան, Համագործակցութեան և փոխադարձ օգնութեան մասին» պայմանագիրը էապես նպաստեց երկու երկրների միջև տնտեսական, քաղաքական և մշակութային հարաբերութեւոյնների զարգացմանը:

1998 թ. ապրիլի 30-ին կայացան նախագահական արտահերթ ընտրութեւոյններ, որի ժամանակ ժողովուրդը արտահայտեց իր քաղաքական դիրքորոշումը՝ Հայաստանի Հանրապետութեան նախագահ ընտրելով Ռ. Քոչարյանին:

## ԲՈՎԱՆ ԴԱԿՈՒԹՅՈՒՆ

Հայաստանի բնաշխարհը .....	3
Հայկական լեռնաշխարհը նախնադարյան ժամանակաշրջանում .....	4

### ԱՌԱՋԻՆ ԲԱԺԻՆ

#### ՀԱՅԱՍՏԱՆԸ ՀԻՆ ԵՎ ՄԻՋԻՆ ԴԱՐԵՐՈՒՄ

Հայ ժողովրդի կաղամավորումը: Հայկական Հնադուլյն պետական միավորումները .....	5
Երվանդունիների թագավորությունը Մեծ Հայքում .....	9
Հայաստանի միասնական թագավորության ստեղծումը Արտաշես I-ի կողմից ...	11
Հայաստանի Հզորացումը Տիգրան Մեծի ժամանակ .....	12
Հայաստանը Արտավազդ II-ի և նրա Հաջորդների օրոք .....	15
Հայաստանի Հասարակական-տնտեսական և պետական կարգերը մ. թ. ա. VI-I դդ. ...	16
Արշակունիների թագավորության Հաստատումը Հայաստանում .....	18
Հայաստանի Հին մշակույթը (մ. թ. ա. VI- մ. թ. IV դդ.) .....	20
Փետրալական Հարաբերությունների զարգացումը Հայաստանում (III-IV դդ.) ...	21
Պայքար անկախ պետականության պահպանման համար .....	23
Արշակունյաց թագավորության անկումը .....	26
450-451 թվականների ժողովրդական ապստամբությունը Սասանյան Պարսկաստանի դեմ .....	28
Հայերի 481-484 թթ. ապստամբությունը .....	30
Հայերի 539-548 թթ. ապստամբությունները բյուզանդական տիրապետության դեմ .	31
571-572 թթ. ապստամբությունը Սասանյան Պարսկաստանի դեմ .....	32
Հայաստանը արաբական տիրապետության ժամանակ .....	33
Ժողովրդական ապստամբություններն արաբական տիրապետության դեմ .....	34
Հայկական մշակույթը V-VIII դարերում .....	35
Բաղրատունիների Հայոց թագավորությունը .....	38
Հայաստանի սոցիալ-տնտեսական կյանքը և պետական կարգերը IX-XI դարերում ..	41
Սելջուկ-թուրքական տիրապետությունը Հայաստանում .....	43
Զաքարյանների Հայկական իշխանությունը .....	45
Կիլիկիայի Հայոց պետությունը .....	45
Հայկական մշակույթը IX-XIV դարերում .....	49
Հայաստանը մոնղոլների և թուրքմենական ցեղախմբերի տիրապետության տակ ...	50
Հայաստանը թուրք-պարսկական պատերազմների ասպարեզ .....	52
Հայ ազատազրական շարժումները XVII-XVIII դարերում .....	54
Հովսեփ Էմին: Հայ ազատազրական շարժման Հնդկահայ կենտրոնը .....	58
Հայկական գաղթավայրերը .....	59
Հայկական մշակույթը XV-XVIII դարերում .....	62

**ԵՐԿՐՈՐԴ ԲԱԺԻՆ**

**ՀԱՅԱՍՏԱՆԸ XIX ԴԱՐՈՒՄ**

Արևելյան Հայաստանի միացումը Ռուսաստանին . . . . . 64  
Հայաստանը 1830–1850–ական թվականներին . . . . . 67  
Արևմտահայերի ազդային սահմանադրությունը . . . . . 68  
Զեյթունի 1862 թ. ապստամբությունը . . . . . 69  
Հայ Հասարակական–քաղաքական Հոսանքները 1850–1860–ական թթ. . . . . 69  
1870 թ. գյուղացիական ռեֆորմն Անդրկովկասում . . . . . 71  
Հայկական մշակույթը XIX դ. առաջին կեսին . . . . . 71  
1877–78 թթ. ռուս–թուրքական պատերազմը և Հայկական Հարցը . . . . . 72  
Հայ ազգային–ազատագրական շարժումները 1870–1890–ական թթ.:  
Ազգային–ազատագրական խմբակները: Ֆիդայական շարժման սկզբնավորումը . 73  
Հայ քաղաքական կուսակցությունների ստեղծումը . . . . . 76  
1894–1896 թթ. Հայկական կոտորածները . . . . . 78  
Հայկական մշակույթը XIX դ. 2–րդ կեսին և XX դ. սկզբին . . . . . 79

**ԵՐԿՐՈՐԴ ԲԱԺԻՆ**

**ՀԱՅԱՍՏԱՆԸ XX ԴԱՐՈՒՄ**

Արևելյան Հայաստանը XX դ. սկզբին . . . . . 81  
Արևմտյան Հայաստանը XX դ. շեմին . . . . . 82  
Հայկական Հարցը 1912–1914 թվականներին . . . . . 84  
Հայ ժողովուրդը առաջին Համաշխարհային պատերազմի տարիներին  
(1914–1918 թթ.) . . . . . 85  
Հայերի ցեղասպանությունը (դեմոցիդը) Առաջին Համաշխարհային  
պատերազմի ժամանակ . . . . . 88  
Արևմտահայերի ինքնապաշտպանական կոիվները թուրքական ջարդարարների դեմ . 90  
Հայաստանը 1917 թ. փետրվարյան և Հոկտեմբերյան Հեղափոխություններից հետո . 94  
Սարդարապատի, Բաշ Ապարանի և Ղարաքիլիսայի 1918 թ. մայիսյան  
հերոսամարտերը . . . . . 96  
Հայաստանի Առաջին Հանրապետությունը . . . . . 99  
Արցախի և Զանգեզուրի Հայության գոյամարտը (1918–1920 թթ.) . . . . . 101  
Հայկական Հարցը Փարիզի Հաշտության կոնֆերանսում: Նորանոր դավեր  
Հայաստանի դեմ . . . . . 104  
1920 թ. Թուրք–Հայկական պատերազմը և խորհրդային կարգերի  
Հաստատումը Հայաստանում . . . . . 107  
1921 թ. փետրվարյան ապստամբությունը Հայաստանում . . . . . 109  
Մոսկվայի և Կարսի 1921 թ. պայմանագրերը . . . . . 111  
Հայաստանը 1920–1930–ական թվականներին . . . . . 112  
Հայ ժողովուրդը 1941–1945 թթ. Հայրենական մեծ պատերազմի ժամանակ . . . . . 114  
Հայաստանը 1946–1985 թվականներին . . . . . 116  
Սփյուռքահայությունը և Հայաստանը . . . . . 117  
Հայկական մշակույթը 1920–1980–ական թվականներին . . . . . 119  
Հայաստանը 1985–1990–ական թվականներին: Արցախյան շարժումը և  
Հայաստանի Հանրապետության առաջացումը . . . . . 121



Վ. Մ. ՎԱՐԴԱՆՅԱՆ, Ա. Պ. ԹԱԴԵՎՈՍՅԱՆ

**ՀԱՅՈՑ ՊԱՏՄՈՒԹՅՈՒՆ (սկզբից մինչև մեր օրերը)**

**Հ Ա Մ Ա Ռ Ո Տ Ձ Ե Ռ Ն Ա Ր Կ**

Հրատարակչության գլխավոր տնօրեն՝ ՍՈԿՐԱՏ ՄԿՐՏՉՅԱՆ  
Տնօրեն՝ ՍԱՇԱ ՄԼԱՅԱԿԱՆՅԱՆ

Գեղարվեստական խմբագիր՝ ԱՐԱ ԲԱՂԴՍՍԱՐՅԱՆ  
Համակարգչային ծնավորումը՝ ԳՄՐԵԳԻՆ ՍՍՐԳՍՅԱՆԻ  
Համակարգչային շարվածքը՝ ՄԱՐԻԱ ՅՈՒՋԲՍԵՅԱՆ  
Կազմի ծնավորումը՝ ԵՓՐԵՄ ՍԱԿԱՅԱՆԻ  
Սրբագրիչ՝ ՍԵՐՇ ՄԵԼՔՈՒՍՅԱՆ

Տպագրությունը՝ օֆսեթ  
Չափսը՝ 60x84 1/16  
Թուղթը՝ օֆսեթ  
Ծավալը՝ 8 տպ. մամուլ  
Տպաքանակը՝ 400 օրինակ  
Գինը՝ պայմանագրային

«Չանգակ-97» հրատարակչություն  
375010, Երևան, Վարդանանց փակուղի 8  
Դեռ. 54-89-32, 54-05-17: E-mail: zangak@arminco.com  
Տպագրվել է «Չանգակ-97» հրատարակչության տպարանում

